

C<sup>o</sup> 6

28



*Col. XIX. Tav. 3. ff. 10.*






*Col. XIX. Tav. 3. n.º 10.*







DE  
CONTROVERSIIS  
CHRISTIANÆ FIDEI

Adversus nostrorum temporum Hæreticos

AUCTORE

JOSEPHO MARIA CALISTI GONSALEZ

D. C.

*Eminentiss. & Reverendiss. Domino*

ALBARO CIENFUEGOS

S. R. E. TIT. S. BARTHOLOMÆI IN INSULA

PRESBYTERO CARDINALI,

Civitatis Montis-Regalis Archiepiscopo, & Domino,  
Comprotectori Germaniæ, Sacræ Cæsareæ, ac  
Catholicæ Majestatis intimo Consiliario,  
& Ministro Plenipotentiario apud  
Sanctam Sedem Apostolicam.

TOMUS PRIMUS

De Cultu Sanctarum Reliquiarum.

*Letines ad Conventum S. Bonavent. de Urbe*



ROMÆ, ex Typographia Rochi Bernabò, MDCCXXX.

*SUPERIORUM PERMISSO.*

THE OCEAN

17

THE OCEAN

THE OCEAN

THE OCEAN

THE OCEAN

THE OCEAN

THE OCEAN

Eminentissime  
PRINCEPS



*Ogitanti lucubra-  
tiunculam hanc  
in defensionem Cultus, qui ritè  
Sanctorum Reliquiis defertur,  
publicum facere: non contem-  
nendum, ut arbitror, mihi oc-*

*currit consilium , ut te , EMI-  
NENTISSIME PRINCEPS , in Patro-  
num assumerem . Inter Servos  
adscriptus tuos , & Servi Ope-  
ra tibi tanquam Domino de-  
beri profiteor . Sub tuis auspi-  
ciis , meæ tenuitatis labor , non  
tam lucem , quam augumen-  
tum recipiet . Opus , quod ex  
nudo Authoris nomine vilesce-  
ret , sub tanti Protectoris omi-  
ne , grande sibi auspiciatur emo-  
lumentum . Cui autem dicari  
deberet , nisi tibi Sacrarum Ar-  
tium , non fautori dumtaxat ,  
sed veterano Magistro ? Perce-  
lebrem Salmantinam Accade-  
miam*

*miam Judicem appello, quæ  
 te per tot lustra edocentem com-  
 plexata fuit, & avidè retinuit.  
 Sed augustior Christiani Orbis  
 Pars, tui celebritati Nominis,  
 angustus locus evasit. Egressus  
 de Cognatione tua, non sat tibi  
 fuit gloriam Gentis tuæ adipi-  
 sci, ac in Patria floruisse, sed  
 ubique gentium Liberalitatis  
 signa reliquisti, Sapientiæ mo-  
 numenta aperuisti, Æquitatis,  
 ac Prudentiæ semitam docui-  
 sti. Appositè, quod de Nanzian-  
 zeno retulit Macrina Soror, de  
 te, EMINENTISSIME PRINCEPS, dici  
 potest: Tu Civitatibus, Popu-  
 lis,*

*Apud Chri-  
 stianum Lu-  
 pum tom. 6.  
 Epist. Dedi-  
 cat.*

lis, Nationibus celebris es: te ad  
ferendum auxilium, te ad res  
constituendas, Ecclesiæ vocant,  
& mittunt. *Germaniæ Regio-  
nes penetraſti, ut Sapientiæ  
tuæ radios undequaque diffun-  
deres, Principibus admirationi  
esses, & qui Clavum tenet  
Imperii, te in arduis Consilia-  
rium, ac fidelissimum Executo-  
rem haberet. Quæ apud exte-  
ras sparserat fama Nationes,  
in te vera esse Roma compro-  
bavit, & major apparuit Sa-  
pientia, quam rumor, quem  
audivit. Præeunte merito, Pur-  
puratorum amplissimum Sena-  
rum*



*tum ingressus, illicò ostendisti,  
quod advertit Boetius: Si quan-  
do Probis honores deferantur,  
quid in eis aliud, quam probi-  
tas utentium placet? Ita fit, ut  
non Virtutibus ex dignitate, sed  
ex Virtute dignitatibus honor  
accedat. Accessit Dignitas ad  
Virtutem, quæ nihil imminuta  
est per Dignitatem, sed Di-  
gnitas eminentior inventa fuit  
per tuam Virtutem. Honoris  
gradus videris ascendisse, non  
ut præesses, sed ut omnibus  
prodesse. Auctus externis bo-  
nis, quæ olim reliqueras, ut  
Deo liberius viveres in Inclita*

*De consolat.  
Philos. lib. 3.  
p. 6.*

*Boet. de con-  
solat. Philo-  
soph. lib. 2.  
prosa 5.*

*Societate Jesu, eadem apud  
te non sinis remanere, sed in  
alios largiter effundis: Divitiæ  
enim, ut dixit quidam, effun-  
dendo magis, quam coacervan-  
do melius nitent: siquidem avaritia  
semper odiosos, claros largitas  
facit. Hujus Christianæ  
largitatis splendore adeò cele-  
braris, ut meritò Pater Paupe-  
rum nomineris, & sis. Quis  
inopia pressus, apud te, EMI-  
NENTISSIME PRINCEPS, solamen  
quæsit, & non invenit? Au-  
rum, quod tibi ex Ecclesiasticis  
proventibus redditur, pretio-  
sius est, quia translatum in  
Pau-*

*Pauperes , largiendi usu , desinit possideri , immò nobilius possidetur , quia , nè te possideat , egenorum efficit Patrimonium . Evangelicæ admonitionis non immemor , ut thesaurizemus nobis Thesauros in Cælo , non abscondis pecuniam Domini tui , sed reddis quodam sacro fœnore auctam , dum largiter distribuis ; caducas rerum mundanarum facultates in sempiternas Cœlestium possessionum opes conferre , non tam didicisti , quam alios docuisti , factò indicans quid sit peragendum ab his , qui aliis*

Salvian. de  
Goverit. lib. 2.

*antistant Dignitate, quos, Salviano teste, tantum excellere oportet merito, quantum gradu. Nullus satis tuam commendare poterit integritatem, Justitiæ zelum, Pietatis viscera. Facultates non auxisti, sed lubenti animo minuisti, nè Christi Pauperibus subsidia defint, & ut cuncti ex te habeant non habentes. Modestissimi Animi indignationem incurrare calamus pertimescit, vel leviter subsignando Opera, quæ te clariorem prædicant, cum ea præstantissimi hominis indoles sit; ora hominum con-*  
temne-

temnere, ut illum habeat probantem, qui abundè donavit. Verumtamen libenter calammum à tuis laudibus cobibeo, ut majori laude dignus appareas, quando refugis laudari. Nè cobibeas quæso, EMINENTISSIME PRINCEPS, tuæ Protectionis suffragium erga hujus Operis Scriptorem, qui minimus, maximum, quod tibi debetur, contestatur obsequium. Scripta hæc, quæ minora sunt per nomen Auctoris, magna erunt Protectoris beneficio.

E. V.

*Humillimus, Adiectiss. & Obsequiosiss. Servus*  
Joseph Maria Calisti Gonzalez.

IMPRIMATUR,

Si videbitur Reverendissimo Patri  
Sac. Palatii Apost. Magistro.

*N. Baccarius Episcopus Bojanen.  
Vicesgerens.*

---

## APPROBATIONES

**E**X commissione Rm̃i Patris Fr. Jo. Benedicti Zuanelli Apostolici Palatii Magistri, vidi, & accuratè legi tractatum, cujus titulus est: *De Controversiis Christiana Fidei adversus nostrorum temporum Hæreticos &c. Tomus Primus; de Cultu Sanctarum Reliquiarum.* Opus, reverà suo Auctore Illm̃o D. Josepho Calisti Gonfalez dignum, pium laborem laudo, exactum ordinem miror, usu verò Sacrarum Scripturarum, & Sanctorum antiquorum Patrum, maximè delector. Omnes hujus tractatus lineæ sunt vetustate nobiles, & novitate felices, ad profectum, Hæreticorum cuncta tendunt, & ad bonam mentem non quæritur plausus; licet etenim Heterodoxos de mendacio, & audacia contra Sanctos Patres, & universam antiquitatem  
fæ-

ſæpiſſimè convincant , rationibus , & non diſteriis vicem Hæreticis reddit, quia modèſtia Chriſtiani Catholici Scriptoris vincere ſcit , hoſtis eſſe nescit , nec vincitur à malo , ſed vincit in bono malum . Nihil denique Fidei , aut bonis moribus contrarium in hoc Tractatu inveni , imò omnia ad reductionem Hæreticorum viam regiam ſternunt : ideoque Typis mandari poſſe cenſeo .

Datum Romæ è Conventu Sanctæ Mariæ ſupra Minervam Ordinis Prædicatorum de Urbe die 20. Maii 1729.

*F. Bernardinus Membrive Ord. Prædicatorum, Magiſter Provincialis Scotiæ , Prædicator Regis Catholici , Inquiſitionis Generalis Hiſpan. Cenſor , Jacobi III. Magnæ Britaniæ Regis Theologus , & Sac. Rituum Congregationis Conſultor .*

---

**J**Uſſu Reverendiſſimi Patris Jo: Benedicti Zuanelli Sac. Apoſtolici Palatii Magiſtri, Opus cui titulus : *De Controverſiis Chriſtianæ Fidei adverſus noſtrorum temporum Hæreticos &c. Tomus Primus: de Cultu Sanctarum Reliquiarum* attentè perlegi : Auctore Illuſtriſſ. D. Joſepho Califti Gonſalez. Votum Auctoris, qui Heterodoxos ad Unitatem Fidei Catholiciæ ſuaviter revocare conatur, ſine fructu, ac irri-

irritum non crederem , dum Majorum nostrorum semitam, eis abundè demonstrat , & quam longè ab illa declinaverint, apertè manifestat . Publici ergo Juris fieri censeo , nihil enim Fidei , aut bonis moribus dissonum inveni , immò multa , quæ laudem promerentur , sed cum Auctor pluries me dignatus est docentem audire , & inter meos voluerit adscribi Discipulos , ab alienis laudari potius desidero , quod futurum spero dum opus lucem aspexerit .

Datum Romæ è Seminario S. Pancratii Carmelitarum Excalceatorum die 13. Julii 1729.

*F. Maurus ab Annunciatione Carmelita Excalceatus Controversiarum Praeceptor .*

---

**IMPRIMATUR.**

**Fr. Jo: Benedictus Zuanelli Ordinis  
Prædicatorum Sac. Palatii Apostolici Magistro .**



# INDEX CAPITULUM.

## PARS PRIMA.

CAPUT PRIMUM. pag.12

### CAPUT II.

*Majorum nostrorum exempla, qui piè, & religiose  
Sanctorum Exuvias, & Cineres coluerunt, propo-  
nuntur.* pag.17

### CAPUT III.

*Miracula ex Reliquiis Sanctorum operata, referun-  
tur.* 25

## PARS ALTERA.

### CAPUT PRIMUM.

*Quæ antiqui Heretici contra Cultum dixere, refel-  
luntur.* 39

### CAPUT II.

*Quæ proponuntur à Wicleph contra Martyrum Re-  
liquias, rejectuntur.* 47

### CAPUT III.

*Ex occultatione Corporis, ac Sepulture Moyfis, non  
infertur, Sanctorum Reliquias non esse honoran-  
das.* 58  
CA.

#### CAPUT IV.

*Dalci discursus confutatur.*

68

#### CAPUT V.

*Quinam Adoratores Sepulchrorum sint, & rejiciantur ab Augustino, & an Reliquias Martyrum venerantes, tanti Doctoris censura inurantur?*

87

#### CAPUT VI.

*Nullum subesse periculum in veneratione Sanctorum Reliquiarum, ut quod Deo debetur subtrahatur, & Sanctis reddatur.*

96

#### CAPUT VII.

*Quæ Certitudo requiratur ad hoc, ut possimus venerari Sanctorum Reliquias.*

115

#### CAPUT VIII.

*Jacobi Piccinini audacia reprimitur.*

124

#### CAPUT IX.

*Sanctos nostras preces audire demonstratur.*

150





# PRÆFATIO

## AD LECTOREM CATHOLICUM.



OCTISSIMI, qui sunt inter nos, cum plura ediderint Volumina in defensionem Fidei Catholicæ contra vigentes temporum nostrorum hæreses, superfluum tibi videri poterit, amice Lector, præsens tibi Opusculum offerre ad perlegendum, selectiora habens, quibus abundè delecteris. Hoc diù me deterruit, nè publici juris facerem quales quales labores meos; sed cum adhuc qui ex adverso stant contra nos errandi finem non imponant, novaque in dies moliantur, obsequii debitum judicavi erga Sanctos nostros, qui eam, quam, Deo miserente, Fidem tenemus, proprio sanguine contestati sunt, eorum Reliquias religioso Cultu à nobis servatas, à calumniis vindicare: Ab innumeris ferè periculis Animæ, Corporisque, Sanctorum intercessionibus liberatus, grati animi est, reddere pro viribus totum quod potest, etsi non omne quod debet.

*Tom. I.*

A.

Me-

Methodum Theologis nostris consuetam non servavi, provocando primò Adversarios per Scripturarum testimonia, sed per eos sermones, quos Scholaſtici appellant Congruentias, Patrum quidem autoritate firmatas, & supernis signis, vel ex Sacris Litteris desumptis, aliisque monumentis munitas. Si quis prætermiſſæ methodi (non defuerunt etenim, qui me amicè reprehenderent) causam ſciſcitetur, eam, quam ex Tertullianicis præſcriptionibus didici, reddere non erubescam: *Iſta hæreſis (Luthero-Calviniana, quæ Sanctorum detrahit Reliquiis) non recipit quasdam Scripturas: & ſi quas recipit, non recipit integras: adjectionibus, & detractionibus ad diſpoſitionem Inſtituti ſui intervertit: & ſi aliquatenus integras præſtat, nihilominus diverſas expoſitiones commentata convertit; Tantùm veritati obſtrepit adulter ſenſus, quantum & corruptor ſtylus. Variæ præſumptiones neceſſariò nolunt cognoscere ea, per quæ revincuntur. His nituntur, quæ ex falſo compoſuerunt, & quæ de ambiguitate caperunt. Quid promovebis exercitatiſſime Scripturarum, cum ſi quid defenderis negetur: ex diverſo ſi quid negaveris defendatur? Et tu quidem nihil perdes, niſi vocem in contentione: nihil conſequeris niſi bilem de blaſphematione. Juxta ergo Tertulliani conſilium, totum ne perderem, & aliquod conſequi poſſem, primò paulatim perſtringo heterodoxos ex illa conjunctione, quæ Corpus inter, & Animam reperitur, quamve fatentur omnes, quos contrarios ſuſtinemus. Quid quid honoris Corpori redditur propter Animam deberi non inſiciantur: quod abſque ambiguitate conceditur aſſumpſi ad ulteriora probanda, nè ſubitò haberem hoſtes negantes, vel affirmantes cum adjectionibus,*

*De Præſcrip.  
Cap. 18.*

bus, & subtractionibus. Hoc si tibi non arriserit arguendi genus, Catholice Lector, adverte cum modernis Novatoribus, quos pinxit Tertullianus, mihi ineundum esse certamen. Prætergressus sum ordinem, quia illi absque ordine affirmant, negant, adjiciunt, detrahunt ad propositum Instituti sui. Itaque si ad extrema me declinasse displiceat, hoc me fecisse fateor, ut errantes reducerem ad medium. Fortassis in altera parte Operis ultra, quam par erat me permisisse heterodoxis causaberis. At quæ, salvo Fidei Sacramento, ac Catholicæ Ecclesiæ regulis permitti possunt, non renuo, dummodo nobis veritas adjudicetur, & ab illa recessisse cognoscant hæretici, etiam ex propriis, quæ affirmant, & intelligant uti monebat Tertullianus: sine Scripturis ad Scripturas non pertinere. Si quæ autem alia sint quæ tuos offendant oculos in nimio usu argumenti, quod ad hominem vocant, vel in remisso stylo, aut in calamo in hostes Ecclesiæ non acuto, humanitatis tuæ sensum expecto ad veniam, & sequens pagina indicabit unice me desiderare, ut in spiritu lenitatis, quos patimur Inimicos, habeamus Amicos, & qui exierunt à nobis, iterum credentes ad nos revertantur. Vale.

*De Prescrip.  
Cap. 37.*



# ADMONITIO

## AD HETERODOXOS

*Qua ipsius Authoris intentio manifestatur.*



ORE Majorum nostrorum, qui in conscribendis Voluminibus suum aperuerunt sensum, ac intentionem propalarunt, qui finis, quæve intentio mea sit vobis aperiendum censeo à heterodoxis. Sacratiora Fidei nostræ Mysteria, quæ impugnavistis, defendere opus non assumpsi, id quod primò erat fortassis amplectendum, ordine inverso servans in fine, ac in principio differens de his, quæ laborum metam pertingere deberent. Ea tamen prætermitti ordinis inspectio fuit, ut vobis consulerem. Rei læsæ Majestatis Divinæ ob tot hæreses jam olim sepultas; quas renovavistis, nè omnis spes veniæ vobis interclusa maneret, proposui primum pacem cum Amicis Dei, ut submota Justorum persecutione Intercessores apud Tro- num Clementiæ habeatis. Qui Terreni Regis indignationem timet, quæritat Amicos, reconcilia- tionis grâtiâ impetraturos. Immortalis Regis qui offenderit Majestatem, congruum est, ut adhibeat eos, qui consumato agone Deo finaliter placue- runt. Sic stetit Moyses pro Populo, qui gravissimè deliquerat, sic Abraham, sic Jeremias. Peccavistis, impiè Unitatem Ecclesiæ scidistis, Deum blasphemavistis, susdeque omnia vertistis, indecora de In- car-

carnationis Myſterio obloquuti , homines ad omne vitiorum genus provocatiſtis , fatalem neceſſitatem inducentes, Deum ipſum Authorem peccati dixiſtis, bonis operibus de medio ſublatis , ac quæ Divini erga nos Amoris pignus ſunt, nonnullis Sacramentis proſcriptis , ſervitutem peccati , libertatem Filiorum Dei prædicare non timuiſtis , inde acuentes linguas veſtras cætui Presbyterorum , Monachorum , Virginum detraxiſtis , ac detrudere quotidie non ceſſatiſtis, Eccleſiaſticam Hierarchiam totam conculcaſtis , Eccleſiam Purgantem negaſtis , Triumphanti invidiſtis , reprobato quocumque Cultu , qui Civibus illius à nobis religioſè impenditur . Hanc errorum veſtrorum abyſſum conſiderans , qui veſtræ Converſionis amantiſſimus ſum , cogitavi prius oſtendere qualiter Sanctos veneremur , eorumque Cineres , ac pretioſas Reliquias exiſtime-  
mus , ut hac veritate à vobis inſpecta deſiſtatis bellum inferre Sanctis noſtris ; Arbitror enim vos facile aliis erroribus ceſſuros , ſi huic uni contra Sanctorum Cultum vale dixeritis . Cohors enim Divorum , quæ modo contra vos eſt pro vobis erit, reddet vobis Dominus , Sanctis intercedentibus , illud lumen , quo juſtiſſimè privati eſtis , ut cognoſcatis , quæ ſit ſemita veritatis : *Hæc dicit Dominus Jerem. 6.*  
*ſtate ſuper vias , & videte , & interrogate de ſemitis antiquis , quæ ſit via bona , & ambulate in ea , & invenietis refrigerium Animabus veſtris .* Refrigerium hoc vobis ex corde optans , nè diù erretis in invio , Semitam Antiquorum manifeſtavi , acquieſcere veritati admonui unico propoſito diſſenſionis capite inter nos , & vos de Reliquiis Sanctorum venerandis . Hæc ſcribendi intentio fuit , ut cognoſcentes in hoc uno vos erraſſe , & in aliis à  
ve-

veritate recessisse demonstrem . Absit à me in scribendo, vel plausum hominum quærere, vel honoris fastigium, vel inter Doctos adnumerari : hæc quærerent alii, ego autem quæro vos, ut reddam Deo, & veritati ex qua excidistis . Vilis, & contemptus sim apud omnes homines, despiciar à vobis in hoc opusculo, dummodò vel unus cognita veritate redeat ad Unitatem satis habeo . Si quis alio fine hæc me typis mandasse dixerit, Apostolicæ mansuetudinis non oblitus, tacebo lubenti animo, si contestatus fuerit me veritati adhæsisse, & ille adhærere non recusaverit . Hoc volo, hoc cupio, hoc me impellit ad scribendum, ut discatis acquiescere veritati, nec amplius quærentes mendacium diligatis vanitatem . Dura necessitas est nescire cor alterius, dixit olim Augustinus; Fortassis, quia cordis mei sensum penetrare nequitis amplecti veritatem detrectatis? Cor meum patet ad vos ò Calviniani, iterum clamo, Deum testem invocans in Animam meam, volo vos, quæro vos, non vestra, non hominum plausum, non honores, non divitias, iterum regnet in corde vestro Catholica Fides, & dicam

*Ad Philip. 4.* vobis cum Apostolo : *Gaudium meum, & corona mea vos estis in Domino* : addam honor meus, divitiæ meæ . Si illud vas electionis Paulus continuò angebatur, & cupiebat anathema esse pro Filiis Israel, ut pervenirent ad Legem Evangelii, quis seridò considerans miserrimum Animarum vestrarum discrimen, non clamabit ex corde, ut fugiatis à superventura ira? Quis sine dolore poterit sustinere, ut Calvino è Cœlo cadente, ferè tertia pars Stellarum in profundum Abyssi pertrahatur? Consignati per Lavacrum Regenerationis Membra Christi, quis ferat, ut portetis characterem Bestiæ Inferorum,



rum, & bibatis Calicem Dæmoniorum, qui bibistis per Baptismum Calicem Domini? Sit una Fides, sicuti unum est Baptisma. Sit finis meus in scribendo adducere vos ad veritatem, avertere vos à vanitate. Sit intentio vestra in legendo converti ad veritatem; Hanc vos amare, si gloriamini, quare nobis conjungi retardatis? Satis admirari non possum vos semper jactitare amorem veritatis, nihilque vobis illa molestius esse. Omnia comprobari vultis per Dei verbum scriptum, tradito amando: Si autem insurrexerimus per testimonia Scripturarum, illicò ad interpretationes à Spiritu Veritatis omnino alienas, communi Patrum sensui contrarias confugitis, nescientes quod olim dixit Augustinus: *Omnia Divina Eloquentia salubria sunt intelligentibus, periculosa verò his, qui ea volunt ad sui cordis perversitatem detorquere potius, quam suum cor ad eorum rectitudinem corrigere: hæc est in hominibus magna, & usitata perversitas, quia cum debeant vivere ipsi secundum voluntatem Dei, Deum volunt vivere secundum voluntatem suam, & cum ipsi nolunt corrigi, illum volunt depravari, rectum non arbitrantur, quod ille vult, sed quod ipsi volunt.* Ecclesia Catholica Clavem Scripturarum possidet, illa vos edoceat, quomodo intelligendæ sint Scripturæ, quid amplectendum, & si scriptis non mandatum, auribus tamen Apostolorum traditum ab omnium Redemptore Christo. Filii hominum usquequo gravi corde, ut quid diligitis vanitatem, & queritis mendacium? Sistite jam satis est, per duo integra Sæcula errastis, in tertio revertimini, mendacium deserentes, veritatem amplectentes. Unus ex vestris Matthæus Prætorius Mamela Prussus suavit in tuba Pacis unionem, responsum dedit Wenceslaus à San-

*August. Enarrat. in Psalm. 48.*

*Vide Wenceslaum à S. Elia Carmelita Excalceat. in Echo Salutis.*

*Apud Augustin. de Fide ad Petrum.*

à Sancto Elia in Echo Salutis æternæ, sinum Ecclesiæ Matris vobis apertum demonstrans, ut iterum recipiat, dummodo captivetur intellectum vestrum in obsequium Fidei. Iterum ergo rogo vos, ut deponatis magnam illam perveritatem ab Augustino indicatam, qua vultis vivere secundum voluntatem vestram. Vos Ecclesiæ subjici debetis, non ipsa vobis. Quæ dixerit vobis servate, & facite, & Pax facta est, totumque dissensionis caput submotum; In corde vestro custodiatur, quod Fulgentius Ruspensis admonuit: *Firmissimè tene, & nullatenus dubites, quemlibet Hæreticum, sive Schismaticum in nomine Patris, & Filii, & Spiritus Sancti baptizatum, si Ecclesiæ Catholicæ non fuerit aggregatus quantascunque Eleemosynas fecerit, & si pro Christi nomine etiam sanguinem fuderit, nullatenus posse salvari.* Extra Ecclesiæ fines per hæresim facti certa est perditio, nisi reversi fueritis; Quos sequuti estis impii Hæresiarchæ jam pœnas sustinent in igne inextinguibili, quia divulsi ab Ecclesiâ, quæ una est, nec patitur divisionem. Propter modicum corruptibilis vitæ, quæ quotidie sicut aqua non revertens elabitur, æternæ salutis negotium exponere summa fatuitas est. Si velitis vera narrare, injustam divisionis vestræ causam, & vos ipsi cognoscitis: hoc lumen, quod in vobis esse non ambigo, tandem operetur, ut redeatis ad Matrem, quæ vos exoptat, quæ clamat, ut iterum pariat. Quanta erit exultatio Filiorum, si viderint numerum Fratrum augeri, & quos hucusque adversos sustinuerunt, recipiant Amicos eodem glutino charitatis denuò conjunctos in veritate Fidei certantes in Terris, ut coronemur in Cœlis. Quale gaudium cordi meo, si hanc Lucubratiunculam  
le-

legentes inceperint novissima providere, propria salutis consulere, & veterem hominem deponere. Utinam votum hoc meum impleatur. Non vobis displiceat homo, qui ex hac Urbe nostra Romana vestra salutis amore unice ducitur ad scribendum; Sint vobis in contemptum Mænia, ac Edificia Civitatis, non irascor, sed Romanæ Ecclesiæ Fides sit in ore, sit in corde. Mementote quid de ea scripserit Tertullianus: *Habes Romanam, ubi nobis quoque*

*Tertullian. de præst. Cap. 36.*

*Authoritas præsto est. Ista quam felix Ecclesia, cui totam Doctrinam Apostoli cum Sanguine suo profuderunt, ubi Petrus Passionis Dominicæ adequatur, ubi Paulus Joannis exitu coronatur, ubi Apostolus Joannes postea quam in oleum igneum demersus nihil passus est, in Insulam relegatur. Videamus quid dixerit, quid docuerit. Quod Tertullianus antiquis hæreticis, hoc vobis suadeo, ut quid Romana Ecclesia dicat, quid doceat attendatis, cum Doctrinæ pignus sibi ab Apostolis traditum illibate custodierit. Quotquot illi adhærent ut Filii recensentur, qui repugnant ut alieni judicantur. Ipsa potest in spiritu, & veritate cum eodem Tertulliano clamare: *Mea est**

*Idem Cap. 37.*

*Posseßio, olim possideo, prior possideo, habeo origines firmas ab ipsis Authoribus quorum fuit res. Ego sum hæres Apostolorum. Sicut caverunt Testamento suo, sicut Fidei commiserunt, sicut adjuraverunt, ita teneo. Vos certe exhæredaverunt semper, & abdicaverunt ut extraneos, ut inimicos. Unde autem, extranei, & inimici Apostolis hæretici, nisi ex diversitate Doctrinæ, quam unusquisque de suo arbitrio adversus Apostolos, aut protulit, aut recepit? Abjicite itaque quod ex vestro arbitrio adversus Romanam Catholicam Ecclesiam protulistis hucusque, & recepistis, & una necum infallibili ejus*

*Tom. I.*

**B**

**Ju-**

Judicio vos submittere non renuatis, ut veniens Jesus Christus Dominus noster inter Filios Ecclesiæ Romanæ, Sponsæ suæ, Matris nostræ adnumerans, reddat Patri in perpetuum regnatos.

Et quia vobis molestum esse intellexi in Scriptis Catholicorum verborum aculeum invenire, calammum cohibui quantum sat fuit: veruntamen si linguæ lapsum offenderitis, cordis nè credideritis. Aliquando vestræ salutis zelo permotus extra mansuetudinis limites videor efferri, sed si verba ad trutinam intentionis revocaveritis, vobis displicere non poterunt, cum eò directæ sint, ut removeatur error, non ut persona lædatur. Adhuc tamen excusandi sunt Scriptores nostri, si aliquo acumine usi vestras refellentes hæreses. Obsecrandi quidem sunt delinquentes, sed etiam increpandi, ut cognoscant deliquisse. Majorum exempla non profero, Tertulliani, videlicet, Athanasii, Hilarii, ac Hieronymi, quæ hæreses profligantes, sicuti in rebus, ita in verbis fortes apparuerunt. Duriuscula verba cessabunt, si ab erroribus cessare inceperitis, & cum vos antiquæ hæresi vale dicturos sperem, duriores, si fortè in hoc opere inveniatur, retracto sermonem, mitiorem amplector, quo moveamini probare vera, falsa devitare.





# CULTUS SANCTARUM RELIQUIARUM

*A Modernorum Hereticorum Calumniis*

VINDICATUS.



SITATISSIMUM fuit Majoribus nostris, Sanctorum Cineres venerari. Optimè noverant dignos obsequio illos, qui decertassent usque ad sanguinis effusionem pro Domino Deo Exercituum, vel in Sanctitate, & Justitia perseverassent in semel accepta Justificationis gratia, vel si deliquissent aliquando, per lamenta poenitentiae resurrexissent majora repetentes certamina per multiplicia virtutum opera. Et quia ad consolationem nostram relicta sunt instrumenta passionis Martyrum, vel Corpora ipsa Sanctorum, olim intimè conjuncta Animæ, quæ finaliter extitit habitaculum Spiritus Sancti: in honore haberi, & ipsa Corpora specialique Cultu venerari absque Idololatriæ labe profitemur.

B 2

Assum-

Assumptum ostendam in prima Parte Operis ex conjunctione illa, quæ reperitur inter Animam, & Corpus, ex Majorum nostrorum iteratis exemplis, ac demum ex Miraculis, quæ ex prædicta veneratione facta perleguntur.

## PARS PRIMA.

### CAPUT PRIMUM.



**I**NFICIARI nequeunt Adversarii nostri Corpus dignum obsequio, vel vituperio ex conjunctione ad Animam, quæ vel laudabiliter, vel malè in Corpore, & per Corpus operata est. Corpus ad Hominis naturam pertinere omnibus notum arbitror, nec aliquid extrinsecum adveniens esse, sed intrinsicum, maximèque ad illam spectans, quare in bonis particeps, vel in malis juxta mensuram operum Animæ quisque cordatus judicabit. Ex hac partium communione vera edocet Fides, quod gloria Animæ in Coelis redundabit in Corpus, & ille ignis, qui mirabiliter cruciat spiritus, pertransiet statuto tempore ad torquendum Corpora. In qualibet benè instituta Republica conspiciuntur ob perpetrata scelera cruciari Corpora usque ad exitum Animæ, & post mortem ipsam juxta qualitatem delictorum, mortuorum cadavera magis, minusve, opprobriorum notis consignari. Si verò laudabiliter vixerit Homo, & pro Republica strenuè laboraverit, honores indicuntur, ac pensatis meritis decernitur, qualiter honorari debeat. Hinc non ea-

eadem pompa funeris est Militis, ac Ducis, Ducis, & Regis, quia non eadem utrorumque conditio fuit dum viverent: & quamvis demortui Militis, & Regis cadaver exanime sit, tamen, quia inspicitur Regis cadaver, ut extitit aliquando sub dignitate, plus confertur honoris mortuo Regi, quam Militi. Hæc, quæ in mortuorum corporibus civiliter impleri videmus, cur transferri ritu sacro ad Sanctorum Corpora prohibemur? Libet cum Augustino reponere: *Nec ideo tamen contemnenda sunt corpora defunctorum, maxime Justorum, atque Fidelium, quibus tanquam organis, & vasibus ad omnia opera Sanctus est usus Spiritus. Si enim paterna vestis, & annulus, ac si quid huiusmodi tanto carius est posteris, quanto erga Parentes major extitit affectus, nullo modo ipsa spernenda sunt corpora, quæ utique multo familiarius, atque conjunctius, quam quælibet indumenta gestamus; hæc enim non ad ornamentum, vel adjutorium, quod exhibetur extrinsecus, sed ad ipsam naturam hominis pertinent: unde, & antiquorum Justorum funera officiosa pietate curata sunt, & exequiæ celebratæ, & sepultura provisa, ipsique dum viverent de sepeliendis, vel transferendis suis corporibus Filiis mandaverunt. Vide unde oriatur cultus, qui jure ex Augustino defertur Sanctorum Reliquiis, & Corporibus, quia aliquando tanquam organis eis Sanctus est usus Spiritus, eò ferè modo, quo Respublica civibus utendo suis, civili arbitratur dignos honore, sic supernæ Hierusalem, adscriptos Sacro veneramur obsequio.*

*Lib. 1. de Civit. Dei Cap. 13.*

Tetigit hoc mirabiliter Apostolus quando dixit: *An nescitis quoniam membra vestra Templum sunt Spiritus Sancti, qui in vobis est, quem habetis à Deo? Et iterum: Nescitis quoniam Corpora vestra membra sunt Christi; & cap. 3. Nescitis, quia Templum Dei estis,*

*Prima ad Corinthios. 6. 19. 15.*

*estis, & Spiritus Dei habitat in vobis? Si quis autem Templum Dei violaverit disperdet illum Deus: Templum enim Dei Sanctum est, quod estis vos. Proprie S. Spiritus in Justorum Animabus dicitur habitare, sed ex vi necessitudinis, ac conjunctionis cum Anima, & Corpora ipsa habitaculum sunt Spiritus Sancti.*

Apud barbaras gentes, quali in veneratione forent Tempia falsis Numinibus dicata, vel levissimæ litteraturæ Homo noverit: si titulum quæramus, non alius profectò erit, quàm quia putaverint ibi adfuisse Jovem, Martem, aliosque, quos sibi fingebat inanes Deos cæca gentilitas. Hinc vero Numini extructo Templo per Salomonem, qui refulserit cultus apertè demonstratur ex libris Regum, & Paralipomenon. Si in manufactis Templis non damnatur Cultus, non est cur reprobetur in Corporibus Sanctorum propter inhabitantem Spiritum in illis.

Scio oblatrare Adversarios: *Mortua sunt Corpora, nec ullus adest sensus; separata sunt ab Anima, quæ fuit sedes Dei, & supernis Charismatibus abundavit: nullo ergo honore digna sunt Corpora, neque enim de presenti aliquid plus habet cinis Pauli, ac cinis Jude.*

Insaniunt dum hæc proferunt non intelligentes, quod scriptum est: *Visi sunt oculis insipientium mori, vivunt Sancti Deo, & hoc satis est, ut eorum exuvias & Reliquias veneremur. Deus Abraham, Deus Isaac, & Deus Jacob; Non est Deus mortuorum, sed viventium. Fatemur mortua Corpora Sanctorum in se, sed vivit Anima, & vivit Deo; mortua sunt, sed subsignata in spe melioris resurrectionis. Non est tale pondus argumenti, ut opprimat nos ad deferendam veritatem: quando ipsi deferunt honorem Cadaveri strenuissimi Ducis, vel Regis, verè sciunt nullum superesse vitæ gradum in Corpore, at cum vivant apud illos fortiter gesta,*

*Sapient. 3.*

*Mattb. 22.*



sta, honorant mortuum Corpus, & quamvis separatum ab Anima lugeatur, sibi tamen promeruisse unitum obsequia judicant, quæ deferuntur separato; Annulus, Paterna vestis separata sunt, nec vivunt, nec aliquando vixerunt, ut supra ostendimus ex Augustino, chara tamen posteris sunt ob affectum superstitem erga Parentes. David saltabat totis viribus ante Arcam, nec Michol reprehendentem audivit, sed dixit: *Ante Dominum, qui elegit me potius, quam Patrem tuum, & quam omnem Domum ejus, & præcepit mihi, ut essem Dux super populum Domini in Israel, & Juda, & vilior fiam plusquam factus sum.* Constat Domini Arcam, nec tabulas inde latentes, non manna, nec urnam vitam habuisse, nec indè tamen sacris privata honoribus, & David contempta uxore humiliter reddidit. Separationem Corporis ab Anima ab Ecclesia separata membra nobis objiciunt, nescientes separationem, quæ fit morte interveniente necessitatis esse, poenam culpæ, non actuale culpam. Timeant ipsi illam separationem ab Ecclesia, quæ illos æterna hereditate expoliabit. Corpora verò Sanctorum, & si ad modicum tempus separata inveniantur, interim, quæ passa sunt, & fortiter sustinuerunt pro Dei gloria, non oblivioni data sunt, idèd à nobis religiosè honorantur, & coluntur. Absit, ut dicamus eosdem omnino Cineres Pauli, ac Judæ; Non iidem reputantur Cineres Latronis occisi, & mortui Regis; Primi vel in aera, vel in flumen projiciuntur, alterius unguentis condiuntur, ut servantur: Satis est, ut moraliter differant, ut dehonorentur unus, honorentur alterius cineres. Attenditur in his prudentum estimatio, quæ discernit, ac pensat merita, ut distin-

2. Reg. 6.

stinguat honores . Futuræ resurrectionis recordentur decretum opposcentes , & unde distinguantur Pauli , & Judæ proditoris cineres intelligant .

- Expectat Anima Pauli diem adventus Domini : timet Anima Judæ illam diem , prima gaudet in spe resurrectionis , quia glorificabitur Corpus , & quod fuit in tribulatione erit particeps consolationis , altera tristatur , quia quantum glorificavit se , ac in deliciis fuit , tantum habebit Corpus tormentum , & luctum . *Omnes quidem resurgemus , sed non omnes immutabimur* , clamat Apostolus . Vide habitudinem Animæ Pauli ad suos Cineres , sive Corpus , vel materiem . Distributa enim per manus Creatoris massa nostrorum Corporum in varias portiones , portio Pauli respicit Animam Pauli , & non Judæ , quod paucis expressit verbis patientissimus cum dixit : *Et in carne mea videbo Deum Salvatorem meum* . Attende *ly mea* , & invenies quid substantiale distinctum in una portione , quod non reperitur in altera . Ex quibus jam summatim dictis evidens fit Sanctorum Corpora justissimè nos venerari ex intima conjunctione , quam habuerunt ad Animam , quæ Divinis Charismatibus fuit locupletata : *Meretur* , inquit Origenes , *rationalis Animæ domicellium , non projici temerè , sicuti brutorum cadavera , præsertim quod fuit Animæ benè , ac sanctè instrumento suo in certaminibus usæ receptaculum* . Quali in existimatione fuerit gladius , quo fuit usus David ad præcidendum caput Goliath manifestum redditur ex libro secundo Regum , quare idem Rex volens assumere gladium dixit : *Da mihi hunc , quia non est alter similis huic* . Benè , & sanctè Justorum Animæ usæ fuere corporibus , ut instrumentis ad superandos Dæmonis astus , non absre ergo
1. ad Corinth. 15.
- Job 19. 26.
- Lib. 8. contra Celsum.
1. Reg. 21. 9.

ergo erit , & honorem deferre talibus instrumentis .

Sed nè videamur terminos brevitatis transgredi , quid nos docuerint faciendum Majores nostri inspiciamus , etenim Majorum vestigia sectari , qui nobis dati sunt ad imitationem , gloriamur , & si illos invenerimus Cultores Sanctorum Corporum , clamabimus contra adversarios nostros : Vos qui estis , & unde venistis ? Olim possideo , prior possideo , mea est possessio , sicuti tradiderunt ita faciamus . Avitam Patrum nostrorum Fidem retinemus , fidulam vestram unius diei rejicimus , Deo , qui mirabilis est in Sanctis suis exosam , mundo ignotam , & ab omni specie pietatis alienam .

## C A P U T II.

*Majorum nostrorum exempla , qui pie , & religiosè  
Sanctorum Exuvias , & Cineres coluerunt  
proponuntur .*

**N**ON omnia , quæ à Patribus nostris , vel dicta , vel facta sunt in venerationem Sanctorum Reliquiarum hic referre decrevi , nè gravissimè prolixitate legentibus , selectiora adducam , alia satis erit indicare .

Et incipiendo à sexu infirmiori , sed devotiori , manifestum est , quod Marci ultimo de Sanctis Mulieribus dicitur : *Et cum transisset Sabbatum Maria Magdalena , & Maria Jacobi , & Salome emerunt aromata , ut venientes ungerent Jesum .* Factum hoc contemnunt , si velint , Adversarii , attamen ubicumque prædicatum fuerit Evangelium , hoc commendabitur uti debitum obsequium Sacratissimo

Tom. I.

C

Cor-

## 13 CULTUS SANCTARUM RELIQUIARUM

Lib. 1. de Ci-  
vit. Dei Cap.  
13.

Corpori Redemptoris nostri Jesu; Testis sit Augustinus: Ipse quoque Dominus die tertio resurrexurus religiosæ Mulieris bonum opus prædicat, prædicandumque commendat, quod unguentum pretiosum super membra ejus effudcrit, atque hoc ad eum sepeliendum fecerit, & laudabiliter commemorantur in Evangelio, qui Corpus ejus de Cruce acceptum diligenter, atque honorificè tegendum, sepeliendumque curarunt . . . . . Sunt quidem, & alia, quæ Sancti Patriarchæ de Corporibus suis, vel condendis, vel transferendis prophetico spiritu dicta intelligi voluerunt. His postremis verbis loquitur Augustinus de

Genes. 50. 10.

Exod. 23. 29.

Corpore Jacob Patriarchæ translato à Filiis cum religioso honore ab Ægypto in Terram Chanaan, & de ossibus Joseph, quæ secum tulit Moyses; Et quamvis idem Sanctus Doctor Quæst. 161. in Genesim reddat mysticam rationem inquires: *Sepultura Mortuorum significat remissionem peccatorum, eo pertinens quod dictum est, Beati quorum remissæ sunt iniquitates, & quorum testæ sunt peccata, ubi ergo sepelienda erant hoc significantia Cadavera Patriarcharum, nisi in ea terra, ubi ille crucifixus est, cujus sanguine facta est remissio peccatorum? Mortibus enim Patriarcharum peccata significata sunt hominum.* Hæc licet acutè protulerit Augustinus, non sequitur, quin cum honore religioso, & Cadaver Jacob, & Ossa Joseph fuerint translata, cum in laudato superius Capite de Civitate Dei ostendat ex facto Joseph, & Moyses, quod non sint contemnenda Corpora Defunctorum, maximè Justorum, quibus tanquam organis, & valis ad omnia opera bona Sanctus est usus Spiritus.

Vide Caput  
Primum.

Smirnenfis Ecclesia tanti fecit ossa Polycarpi Martyris, ut in comparatione illorum aurum, quasi  
exi-

exiguam arenam, & argentum quasi lutum reputaverit; Sic enim scribens ad Ponti Ecclesias suam contestatur venerationem: *Nos Divi Polycarpi Ossa potiora lapillis pretiosis, auroque puriora ex Cineribus sublata eo loco reposuimus, qui illi erat decorus, consentaneusque.* Nec mirandum, si tanti æstimarunt Smirneneses ossa Polycarpi, cum legamus apud Eusebium Jacobi Apostoli Cathedram apud Hierosolymitanos in veneratione fuisse: *Jacobi Apostoli Cathedram*, inquit, *ad istud tempus servatam, Episcopi, qui illic ordine successerunt, permagnò æstimant: unde declarant perspicuè, quemadmodum veteres Patres ad nostram usque ætatem sanctis Viris ob eorum veram erga Deum pietatem, debitam venerationem, & tribuerint, & adhuc tribuere non cessent.* Consulant Adversarii Joannem Chrysostomum homilia 32. in Epist. ad Rom. ubi totus effunditur in laudibus Romanæ Urbis; considerent in quo laudis materiem reponat: *Celebro hanc Urbem, non propter copiam auri, non propter Columnas, neque propter aliam Phantasiam, sed propter illas Columnas Ecclesiæ. Quis mihi nunc dabit circumfundi Corpori Pauli, affici Sepulcro, videre pulverem Corporis illius, quæ adhuc in Christo deerant adimplentis, stigmata illius gestantis, prædicationem Evangelii ubique disseminantis. . . . . Vellem videre Sepulcrum, quo recondita sunt arma illa Justitiæ. . . . . hoc Corpus Urbem hanc munit, quod quavis turri, innumerisque manibus, ac vallis est tutius, & cum isto Corpus etiam Petri.* Oh quam distat Fides Chrysostomi à perfidia Calvinistarum; ille Sacras Exuvias Apostolorum Petri, & Pauli videre, & venerari cupiebat, isti Piæstavi Sancti Hilarii, Lugduni Sancti Irenæi, Thuronibus S. Martini Reliquias exusserunt. Ille

*Apud Euseb.  
lib. 4. Hist.  
Ecc. Cap. 15.*

*Hist. lib. 7.  
Cap. 14.*

Divinam commendat bonitatem, quia novam salutis occasionem nobis tribuit in Sanctorum Reliquiis, isti tanquam ethnicae superstitionis signa detestantur, non erubescens Calvinus ore sacrilego dicere:

*Apud Cocceii  
Toni. 1. tit. de  
Sanctis.*

*Reliquiarum desiderium nunquam superstitione caret, imò quod deterius, est mater Idololatriæ. Longe sint, si velint, ab ista Idololatria conficta. Nos verò, quia semitam Patrum nostrorum non sequi, dictis non acquiescere, ut scelus idololatræ arbitramur: Omnes, ut inquit Eusebius, qui præclare vi-*

*De præpara-  
tione Evang.  
lib. 13. cap. 7.*

*xerunt quoquomodo mortui sunt venerabimur. Hæc nos quotidie facitamus, qui veræ pietatis Milites, ut Dei Amicos venerantes, ad monumenta quoque illorum accedimus, vota quoque eis facimus tanquam veris Sanctis, quorum intercessione non parum juvari profitemur. Displiceat eis devotio nostra, uti supersticiosam contemnant, Basilium defensorem habemus, qui clamat: Pro Legis Judaicæ ritu, si qui moriebantur, horum morticina habebantur abominationi: Contra mors si cuiquam irrogatur pro Christi nomine, pretiosæ censentur Reliquiæ Sanctorum ejus. In priori Lege dicebatur Sacerdotibus: Non contaminabitur super ullo mortuo. Nunc è diverso Martyris ossa, quisquis attigerit ob gratiam Corpori insidentem, fit quodammodo sanctificationis particeps.*

*Homil. in  
Psalm. 135.*

*Objectet ergo Calvinus abominationem, nos ei sanctificationem ex Basilio subijciemus, quæ non dumtaxat in solis Corporibus Sanctorum sistit, sed ipsi loculi, & monumenta spiritali gratia conferta sunt, ut inquit Chrysostomus. Si mater est Idololatriæ Cultus Reliquiarum, recensiti Patres dijudicandi sunt rei læsæ Majestatis Divinæ, vel si adhuc, eoque non pervenit malitia Calvinistarum, ut hoc asserant, audiant saltem Isidorum Pelusiotam meliora con-*

*Chrys. Laud.  
in Mart. Ignatium.*

*con-*

consulentem: *Si te offenderit, quod Martyram Corporum Cinerem propter eorum erga Deum charitatem, atque constantiam honore afficiamus; eos, qui ab ipsis medicinam accipiunt interroga, atque quot morbis remedium afferant intellige, sic fiet, ut non modo id, quod nobis sit non irrideas, verum etiam quod recte, & cum laude sit imiteris. Timent Idololatriæ crimen, si nobiscum jungantur, quasi ritus gentium introducamus in Ecclesia, Christi Sanguine fundata: Sed illic trepidaverunt timore, ubi non erat timor.*

*Isidorus Pelusota lib. 1. Epist. 55.*

*Psal. 13.*

Talia olim Vigilantius timebat, sed excussit timorem illius Hieronymus: *Honoramus, inquit, Reliquias Martyrum, ut cum cujus sunt Martyres adoremus; honoramus Servos, ut honor Servorum reddet ad Dominum, qui ait, qui vos suscipit me suscipit; si non honorandæ sunt Reliquiæ Martyrum, quomodo legimus: Pretiosa in conspectu Domini mors Sanctorum ejus? Satis expressit Hieronymus longè nos abesse ab ethniciæ superstitionis erroribus, non enim illum Cultum, qui unicè soli Deo debetur Sanctorum Corporibus reddimus, nec servire potius Creaturæ, quam Creatori oblectamur, sed quos Dei Servos, & Amicos novimus, quosve ipse Deus honorat honoramus; Nullum crimen, nullumque defectum recognoscimus, & si fortassis reperiatur à Calvinianis, inferamus cum eodem Hieronymo: Ergo sacrilegi sumus, quando Apostolorum ingredimur Basilicas; Sacrilegus fuit Constantinus Imperator, qui Sanctas Reliquias Andræ, Lucæ, & Timothei transtulit Constantinopolim, apud quas Demones rugiunt, & inhabitatores Vigilantii illorum se sentire præsentiam consentunt? Sacrilegus, & nunc dicendus est Augustus Arcadius, qui ossa Beati*

*Epist. ad Ripparium.*

*Adversus Julian. Cap. 2.*

*Sa-*

*Samuelis longo post tempore de Judæa transtulit Traciam? Omnes Episcopi, non solum sacrilegi, sed & fatui judicandi, qui rem vilissimam, & cineres dissolutos in serico, & vase aureo portaverunt? Stulti omnium Ecclesiarum Populi, qui occurrerunt Sanctis Reliquiis, & tanta letitia, quasi præsentem, viventemque Prophetam cernerent, susceperunt, ut de Palestina, usque ad Calcedonem jungerentur Populorum examina, & in Christi laudem una voce resonarent...*

*Idem Cap. 9.*

*Quod si Reliquiæ Sanctorum venerandæ non sunt, male fecit Romanus Episcopus, qui super mortuorum Hominum Petri, & Pauli, secundum nos ossa veneranda, secundum te vilem pulvisculum, offert Domino Sacrificia, & Tumulos eorum Christi arbitratu Altaria, & non solum unius Urbis, sed totius Orbis errant Episcopi, qui Cauponem Vigilantium contemnentes, ingrediuntur Basilicas Mortuorum. En qualis Fides Christianorum omnium in quarto Sæculo, qualisque Cultus ex Hieronymo, qui ostendit etiam in retroactis Sæculis eundem semper viguisse, & Vigilantium Eunomio adhæsisse declarat: O portentum, inquit, in terras ultimas deportandum, rides de Reliquiis Martyrum, & cum auctore hujus hæreseos Eunomio Ecclesiis Christi calumniam struis.*

*Idem eodem loco.*

Sanè si sententia Hieronymi non fuisset sensus omnium Catholicorum, Ruffinus Aquilejensis, qui, ut norunt omnes eruditi, in dictis, & operibus Hieronymi aliquid reprehendendum quæsit, non utique siluisset, sed Mundo illum ostendisset tantum magni criminis reum. Tantum abfuit, ut Hieronymum accusaret Ruffinus circa Cultum Sanctarum Reliquiarum, ut apertè Catholicam Hieronymi sententiam, & ipse sequatur, & damnet Paganos, qui, temporibus Apostatæ Juliani, Præcurforis

Joan-



Joannis ossa comburere cogitarant : *Juliani*, inquit, *temporibus*, *Pagani* apud *Sebasten* Sepulcro *Joannis Baptiste* mente rabida, & funestis manibus invadebant, ossa dispersebant, & ea rursus collecta igne cremabant, & Sanctos Cineres pulveri mixtos per agros, & rura dispersebant. Sed Dei providentia, factum quosdam de Hierosolymis ex Monasterio Philippi Homini Dei orationis illuc causa per idem tempus venisse. Qui cum tantum nefas, humanis quidem manibus, sed ferina mente fieri viderent, mori gratius habentes, quam hujusmodi piaculo funestari, inter eos, qui ossa ad comburendum legebant mixti, diligentius in quantum res patiebatur, ac religiosius congregantes furtim se, vel stupentibus, vel insipientibus subtraxere, & ad religiosum Patrem Philip-pum venerandas Reliquias pertulere.

*Ruffinus Eccl. Hist. lib. 2. cap. 28.*

Certè monstratur apertè ex Ruffino nihil alienum à vera Catholica Religione fuisse amplexatum Hieronymum; si vel minimum novitatis contrarium praxi, ac usui Ecclesiæ apparuisset in doctrina Hieronymi, in apologetico Ruffini non defuisset. Sed quid immoramur in Ruffino, cum eodem Sæculo habeamus validum testimonium Concilii Carthaginensis quinti cap. 14. ubi Patres prohibent Altaria erecta ad memorias Martyrum recolenda, ni fuerint ibi Corpus, aut Martyrum Reliquiæ? Placuit, ut Altaria, quæ passim per Agros, aut Vias tanquam memorie Martyrum constituuntur, in quibus nullum Corpus, aut Reliquiæ Martyrum condita probantur, ab Episcopis, qui eisdem locis præsunt, si fieri potest evertantur. Si tantorum Hominum testimonium, contemnitur, illicò cum Gennadio Massiliensi proferimus: Si quis contra hanc sententiam venerit, non Christianus, sed Eunomianus, & Vigilantianus cre-di-

*Cap. 73. de Eccl. Dogmat.*

*ditur*. Quod si fortasse auctoritatem Carthaginen-  
sis Concilii non multi faciendam judicaverint Ad-  
versarii, quia Provinciale fuit, quid dicent de  
Nycæna secunda Synodo, in qua Can. 7. hæc ha-  
bentur? *Quæcumque Templâ consecrata sunt absque  
Reliquiis Martyrum, in his fieri statuimus Reliquia-  
rum depositionem cum consuetis precibus. Qui enim  
Templum consecrat sine Sanctis Reliquiis deponatur,  
ut qui Ecclesiasticas Traditiones transgressus sit.*

Non me latet respuere hanc Synodum moder-  
nos heterodoxos, quia contraria eorum erroribus  
reperitur, non attendentes pari passu posse rejici  
ab Arianis Nycænam primam; à Nestorianis Ephe-  
sinam; ab Eutychianis Chalcedonensem. Invenien-  
dæ veritatis modus nunquam præscribetur, si illicò  
quidquid nostræ opinioni contrarium proponitur,  
tanquam falsum reprobatur. Ostendant quare fal-  
sitis nota inuri debeat? Non quia Calvinus, aut  
Lutherus dixit. Si contentio sit de veritate affir-  
mantium Cultum, aut negantium eundem, appen-  
datur in statera pondus Calvini, Lutheri, Vigilan-  
tii, Eunomii, & invenietur minus habens si conse-  
ratur cum Justino Martyre, Athanasio, Basilio,  
Chrysostomo, Gregorio Nazianzeno, Hieronymo,  
Augustino, Ambrosio, Patribus Carthaginensibus,  
& Nycenis, aliisque, qui à quarto Sæculo usque  
nunc floruerunt, quos brevitatis gratia omittimus,  
& pro Cultu Sacrarum Reliquiarum stetitisse, nec  
Adversarii negant.

Quis vellet potius despicere testimonium ho-  
rum Doctorum, ut adhereret uni, aut alteri ho-  
muncioni? Non esset querere Fidem, sed perfu-  
diam, non sequi veritatem, sed vanitatem; quod  
si adhuc post tantam nubem testium velint pertinaces

ces esse, nos cum Ambrosio clamabimus: *Conclant alii aurum, & argentum, ac de latentibus eruant venis, legant pretiosa monilium fersa: temporalis ille thesaurus est sepe habentibus perniciosus: nos legimus Martyrum Clavos, & multos quidem . . . . Munera itaque salutis accipite.*

*Ambrosius  
Exort. ad  
Virgines.*

Accipite quæso munera salutis, ò Novatores, in veneratione Sanctarum Reliquiarum: accipite, non vobis proponimus, nisi avitam Fidem Patrum, accipite, vel si eorum dictis acquiescere detrectatis, saltem operibus credite, & Miraculis, quæ Deus in Cultu Sanctarum Reliquiarum est operatus aures vestras inclinate.

### C A P U T I I I.

*Miracula ex Reliquiis Sanctorum operata  
referuntur.*

**Q**UOT Patres dedimus superiori Capite, tot præcones sunt veritatis, tot testes omni exceptione majores ad confirmandum Cultum debitum Sanctorum Reliquiis. Satis quidem esse deberet benè dispositæ menti, sed quia adhuc cecutiunt Eunomiani, seu novi Vigilantiani, excitamus illos per signa, & portenta, ut vel coacti credant veritati.

Solum Deum Principem Authorem Miraculorum recognoscimus: *Tu es Deus, qui facis mirabilia magna solus.* Miracula autem Deus operatur in confirmationem veritatis Fidei nostræ: *Signa autem, quæ crediderint hæc sequentur: linguis loquentur novis, serpentes tollent, si mortiferum quid biberint non eis nocebit, super ægros manus imponent, &*

*Psal. 135.*

*Marci 16. 17.*

Tom. I.

D

bend

*benè habebunt : Illi autem profecti prædicaverunt  
 ubique Deo sermonem confirmante sequentibus si-  
 gnis ; & rursum : Si opera non fecissem in eis , quæ  
 nemo alius fecit peccatum non haberent .* Testes ergo  
 veritatis signa sunt , ut illam amplectamur , nun-  
 quam verò adhibentur à Deo ad comprobendam  
 falsitatem , nè refundatur in illum , qui solus est  
 Author Miraculorum ; Et quamvis referatur Ve-  
 spasianum Imperatorem cæcum illuminasse , novi-  
 mus , narrante Tacito , cæcum illa infirmitate ad  
 tempus laborasse ob solam obstructionem meatuum ,  
 quare naturales causas non fugiebat asserita infirmi-  
 tas . Objeçtent , si velint , aquam Baptismi evanuisse  
 dum quidam Hebræus vellet iterùm baptizari per  
 manus Pauli Novatiani ; Signum dabimus , non pro  
 Novatianæ hæresis confirmatione , sed pro veritate  
 Sacramenti Baptismi non repetendi . Nec jactent  
 prodigia facienda per filium perditionis Antichri-  
 stum , illa enim erunt illusoria , fictitia , apparentia ,  
 non vera Miracula , ut ex Apostolo comprobatur ,  
 Faciet quidem de Cœlo descendere ignem , at de-  
 scensus iste omninò naturalis erit , naturalem Dæ-  
 monum virtutem non superans , quare eodem tem-  
 pore suscitabit Dominus servos suos Enoch , & Eliam ,  
 qui per verà , & supernaturalia Miracula , præsti-  
 gias , & fictitia Antichristi signa destruent , & osten-  
 dent reliquiis salvandis Israel , ubi sit verà Fides ,  
 & Ecclesia . Si quid autem in Historiis Ethnicorum  
 perlegatur ordinis superioris operatum , non longè  
 sumus in concedendo , hoc quidem factum fuisse à  
 Deo ad ostendendam innocentiam eorum , qui in-  
 justè reputabantur rei , ad comprobendam virgini-  
 tatem , aliasque virtutes morales , ut præclare docet  
 Augustinus in libris de Civitate Dei . Scimus in  
 Evan-

Evangelio nonnullos in nomine Jesu Dæmonia ejicitse, qui tamen non erant ex Discipulis Christi, ut manifestaretur etiam per inimicos virtus sacratissimi Nominis; Patens itaque redditur vera Miracula ad solam ostensionem veritatis fieri, & cum hoc ita sit, cur nos Cinerarios appellare non cessant, & Idololatras, qui Mortuorum ossa veneramur? Si in ossibus istis non suscitasset Deus prodigia, adhuc sustineremus calumniam, si nos tantumquam reos clamarent in nostro Cultu, at cum signa, & prodigia viderimus, cur redarguunt sequentes illam veritatem, quam palam nobis fecit Dominus per signa? Nonne tetigit Cadaver ossa Elisei, & revixit Homo, & stetit super pedes suos? Quomobrem in laudem Prophetæ dicitur: *In vita sua fecit monstra, & in morte mirabilia operatus est.* Quale crimen reputas in Cultu, si colentes exaudiuntur, & ad contactum, per vos nefandum, ð heterodoxi, mortui resurgunt? Nunquid iniquitas est apud Deum, aut illudit nobis operando Miracula, ut persistentes simus in malo?

Lucæ 11. 14.

4. Reg. 13. 21.

Ecclesiastic. 48. 15.

Cum Præcursor Domini Joannes mitteret duos ex Discipulis suis, respondens Jesus ait illis: *Euntes renuntiate Joanni, quæ audistis, & quæ vidistis, cæci vident, claudi ambulant, leprosi mundantur, surdi audiunt, mortui resurgunt.* Renuntiamus vobis portenta, & signa, quæ audivimus, & vidimus, & adhuc hæsitatis, & non captivatis intellectum vestrum, ut credatis Deum mirabilem in Sanctis suis, & velle honorari in Reliquiis Servorum suorum? Non solius Elisei tantum suscitatione mortui gloriosum factum est sepulcrum.

Matth. 11.

Narrat Hieronymus in Epitaphio Paulæ cap. 6. quod pia Matrona iavisit duodecim Patriarcharum

sepulcra, & Samariam. Ibi siti sunt Elifeus, & Abdias Prophetæ, & Joannes Baptista, ubi multis intremuit consternata mirabilibus, nanque cernebat variis Dæmones rugire cruciatibus, & ante sepulcra Sanctorum ululare homines more luporum, vocibus latrare canum, fremere leonum, sibilare serpentum, mugire taurorum. Fœmineas illusiones hæc dicent, sed cum referantur à Hieronymo de sapientissima Muliere, effrontis animi est levitatem suspicari.

Quid ulteriùs dicent de sudariis, & semicinctiis Pauli, & de umbra Petri? Actorum librum proferamus: *Magis autem augebatur Credentium in Domino multitudo Virorum, ac Mulierum, itaut in plateis ejicerent infirmos, & ponerent in lectulis, & grabatis, ut veniente Petro, saltem umbra illius obumbraret quemquam illorum, & liberarentur ab infirmitatibus suis. Virtutesque non quaslibet faciebat Deus per manum Pauli, itaut etiam super languidos deferrentur à Corpore ejus sudaria, & semicinctia, & recedebant ab eis languores, & spiritus nequam egrediebantur.*

Actior. Cap 5.  
& 19.  
  
Cap. 19.

Nec est immorandum, quod hæc fiebant ex Reliquiis Virorum non mortuorum, etenim Deo acceptior erat, & est Anima Petri, vel Pauli post consumationem, quam ante. Cumulus meritorum impletus, Martyrium consummatum, & Charitas perfecta aliquid plus valere apud Deum arbitramur. Mors non tollit meritum Sanctorum, sed coronat, & cum sit pretiosa in conspectu Domini, si in vita sic honorati sunt in Reliquiis Amici Dei, in morte augeri, non minui necesse est debitus honor. Si umbra Petri honorabilis, quanto magis Corpus? Si semicinctia, & sudaria Pauli languores curabant, quid ossa facient?

Ite-

Iterum recurrit similitudo annuli, & vestis, quam attulimus ex Augustino cap. 1. Afferamus tamen non ex necessitate, sed ex abundantia alia signa, & portenta, quæ quovis tempore in commendationem Cultus Servorum suorum operatus est Deus per eorum sacros Cineres. Omnia hic consignare solus ille potest, qui fecit; selectiora ex probatissimis Authoribus proponamus, ut appareat quam longè sint à veritate negantes. Si Justinum consulamus Quæst. 28. Corporibus, ac Sepulcris Sanctorum Deum concessisse virtutem sanandi proficitur: *Sanctorum Corpora*, inquit, & *Sepulcra Martyrum*, & *Dæmonum amoliantur insidias*, & *morborem ab arte medica comploratorum conferunt sanationes*.

Descendamus ad particularia prodigia. Basilio narrante sciunt per Julittæ Martyris Corpus talia signa ostendisse Deum, ut mutarit falsas in dulces aquas, adedut, inquit Sanctus Doctor: *Martyr hæc Imaginem piensissimæ referat Matris, dum nutricis in morem totius incolas Urbis alit suaviter, perinde, ac lacte quopiam in communes usus affutim scaturiente. Hanc ipsam in nos benignè contulit Martyr gratiam, quam olim suis Hyerecuntinis Eliseus impertivit, dum salsuginem naturæ communis aquarum loci istius circumquaque finitimi, benedictione permutavit in saporem dulcem, planè delitiosum, & perquam suavem.* De Cœmeterio Eunuchi Candacis Reginae Aethiopum refert Dorotheus Tyrius in Synopsi, quod barbaros scelestes fugat, morbos pellit, & sanationem operatur usque ad præsentem diem. Et quoniam Adversarii magni faciunt auctoritatem Augustini perlegant illum lib. 22. de Civitate Dei, ubi diffusè tractat de cæco illuminato

*Orat. in S. Julittam.*

Me.

Mediolani cum reperta fuerint Corpora Sanctorum Martyrum Protasii, & Gervasii: *Miraculum*, ait, *quod Mediolani factum est cum illic essemus, quando illuminatus est cæcus, ad multorum notitiam potuit pervenire, quia, & grandis est Civitas, & ibi erat tunc Imperator, & immenso Populo res gesta est concurrente ad Corpora Martyrum Gervasii, & Prothasii.* Modum sanationis explicat lib. 9. Confess. cap. 7. *Imperavit admitti, ut sudario tangeret feretrum pretiosè in conspectu tuo mortis Sanctorum tuorum, Quod ubi fecit, atque admovit, oculi confestim aperti sunt.*

Taceo de aliis Miraculis, quæ ad contactum Reliquiarum gloriosissimi Protomartyris Stephani perleguntur operata eodem Augustino auctore in laudato libro de Civitate Dei, uti de Lucillo Episcopo, qui piæ Sarcinæ vestigatione liberatus fuit à fistula, cujus molestia jam diù laboraverat. De Sanctimoniali quadam, cujus cadaver cum fuisset operum tunica Sancti Levitæ, iterum recepto spiritu revixit, & de Filio cujusdam Irenzi collectarii, qui agritudine extinctus, peruncto Corpore oleo Martyris iterum inter viventes adnumeratus est.

Hæc quidem taceo, cum perlegi possint apud Augustinum fusiori, & sanctiori calamo tractantem, nec in uno, vel altero commoratur, sed plura, & plura signa refert ipso spectante patrata, ut possimus exclamare: *Testimonia tua credibilia facta sunt nimis;* nec valeat quisquam, si sanæ mentis fuerit, denegare Cultum, & non venerari Majestatem Domini fulgentem in Sanctis suis. Si quæ autem contra hæc signa oblatrare velint, certè non poterunt dicere à nobis conficta, sed à Patribus nostris visa, & nuntiata retulisse. Et Vigilantius opposuit,  
& Hic-



& Hieronymus abundè respondet Cap. 4. inquires : *Argumentatur Vigilantius contra signa , atque virtutes , quæ in Basilicis Martyrum fiunt , & dicit eas incredulis prodesse , non credentibus , quasi nunc hoc queratur , quibus fiant , & non qua virtute fiant . Etsi signa sint infidelium , qui quoniam sermoni , & doctrinæ credere noluerunt , signis adducantur ad Fidem . Et Dominus incredulis signa faciebat , & tamen non idcirco Domini sugillanda sunt signa , quia illi infideles erant : sed majori admirationi erunt , quia fuere tantæ potentie , ut etiam mentes durissimas edomarent , & ad Fidem cogerent . Itaque nolo mihi dicas : Signa infidelium sunt , sed responde , quomodo in vilissimo pulvere & favilla nescio qua , tanta sit signorum , virtutumque præsentia ?*

Erubescant Calviniani moderni videntes unde arma desumant , ut insurgant contra nos . Non Ecclesiæ Doctores proferunt , sed Vigilantium adhibent , & ea , quæ dormitando deliravit contra Sanctos Dei iterum proponunt . Tali Magistro digni Discipuli . Dicant non vera signa nos ostendere , Hieronymus illis irridebit : *Nisi forte in morem Gentilium , impiorumque Porphyrii , & Eumenii , has præstigias Dæmonum esse confingas , & non verè clamare Dæmones , sed sua simulare tormenta .* Cap. 4.

Ethnicorum mos fuit nostris insultare Miraculis , ea tribuentes , vel Magicæ arti , vel arcanis naturæ , uti docet Augustinus citato libro de Civitate Dei , vel quid simile eorum Deos fecisse , unde subridens idem Doctor addit Cap. 10. *Hic forte dicturi sunt etiam Deos suos aliqua mira fecisse : bene , si jam incipiunt Deos suos nostris mortuis hominibus comparare .* Aut ergo Calviniani dant per nostros mortuos homines Deum mirabilia fuisse ope-

ratum, aut negant, si negant; instat super illos sententia Augustini, & Hieronymi, & Ethnici jam facti sunt; si verò Miracula affirmant, cur detrahunt Cultui, & non potius dicunt: Sic honorabitur, quem Rex Cœlestis voluerit honorari? Mira profectò rerum conversio, matrem Idololatriæ dicunt Cultum Sanctorum, & ipsi Idololatræ facti sunt, mira credentes, & Cultum non reddentes. Assentimur, inquiunt, prodigia fuisse facta, non ut Reliquias Sanctorum veneremur, sed ut Deum honoremus, ut cognoscamus veram fuisse Fidem illorum Sanctorum, per quos signa fieri videmus. At nonne Servus honoratur propter Dominum? Et si prodigia admittitis, ut vera, nè sitis ethnici, quare eos dehonoralis, quos Deus honorat? Venerando Sanctos adoramus Deum, qui illos coronavit, & mirabiles nobis ostendit; & si vobis ultra concedentibus; idè facta creduntur Miracula, ut vera illorum ostendatur Fides; quare nostra evacuabitur, cum videamus signa fieri per eos, qui Sanctorum pariter Cineres nobiscum coluerunt? Si Deo exosus Cultus noster, recurrit quod dicebat quidam: *Domine si error est, à te decepti sumus; nam ista in nobis tantis signis, & prodigiis confirmata sunt, & talibus, quæ nonnisi per te fieri possunt;* quando unquam colentes Romulum, Herculem, Isidem, Jovem, viderunt mortuos suscitari, leprosos mundari, cæcos illuminari, infirmos sanari? Testis falsitatis extitisset Deus, & confirmasset Idololatriæ scelus, exhibendo signa in talibus circumstantiis. Videntes ergò in obsequio reddito Sanctis nostris prodigia, ritè judicamus placere Deo obsequium, & cum non spernat preces humilium, sed exaudiat, velle quem exhibemus Cultum recognosci-

*Richardus à  
S. ViBore lib.  
de Trinit. cap.  
2.*

ſcimus. Satis certi ſumus de reſta , quam habuerunt Fidem Sancti , ad Tumbas illorum properamus pro ſpiritualibus Animæ , vel Corporis neceſſitatibus , quod petimus obtinemus . Si Deus gravifſimo Idololatriæ crimine offenditur , quare per Miraculorum ſigna dicit ſe placatum ? Injuria afficeremus , & Sanctos ipſos accedendo ad Sepulcra , oſculando Oſſa , venerando Reliquias , ergo & ipſi clamarent adverſum nos , nec impetrarent quidquam pro nobis . Et cum è contra res ſe habeat , portenta , quæ narrantur à Patribus , etiam eo titulo fieri credendum ob Cultum debitum , vel ſi non eo titulo , facite vos ſimilia , & majora ſigna ; nullum ſignum facitis damnantes Cultum Reliquiarum ut ſuperſtitioſum , & idololatricum , & vobis credemus ? Audite nunc quid de vobis dicat Erasmus , quem inter inimicos non computatis : *Apoſtoli quoniam excutiebant viperas , ſanabant egrotos , excitabant mortuos impoſita manu , dabant dona linguarum , ita demum creditum eſt ; & vix creditum eſt illis paradoxa docentibus . Nunc , cum juxta communem opinionem adſerant paradoxotera , nullus adhuc illorum extitit , qui vel claudum equum ſanare potuerit . Nova ergo cum tradatis oſtendite ſigna , ſicuti & nos ex Tumulis Sanctorum antiqua ſequendo Patrum veſtigia . Novimus ex Hieronymo Boſſeco Calvinum velle , quemdam Brulleum fictitiè mortuum oſtendere vivum , & verè fecit mortuum : negent hoc quantum velint , inquit Boſſecus , mancipia Calvini ; exploratum , & ſatis fuit , veritasque rei ſatis probata . Lutherus tentavit Vitembergæ dæmoniacam quamdam Puellam liberare , & vix ſe potuit fugiendo à Dæmone liberare ; Teſtis oculatus Fridericus Sta-philus narrat .*

*Erasmus in  
Diatriba de  
libero Arbi-  
trio .*

Tom. I.

E

Hæc

*Lib. 13. contra Faustum.*

Hæc portenta vestra, quæ non se ostendunt ad claudum Asinum sublevandum. Miracula, repetito cum Augustino, non facitis; quæ si faceretur, etiam ipsa in vobis caveremus, perinstruentem nos Dominum, & dicentem: exurgent multi pseudo-Christi, & facient signa, & prodigia. Audeat subungere: Textum Evangelicum sugillare nos, qui prodigia, & signa jactamus. Et cur non potius Novatores hæreticos, qui præsumpserunt ostendere signa, & defecerunt? Loquitur Christus, non de veris, sed de falsis, & apparentibus prodigiis, uti de confecto mortuo Calvini, & similibus, quæ per Prodromos Antichristi fient. Nunquid Martyres Domini, qui sanguine proprio Catholicam Fidem, contestati sunt, Antichristos clamabunt? Ossa ergo Elisei sub anathemate erunt? Sed quid immoror in his, semel descripta à Patribus nostris prosequamur prodigia, ut obstruantur ora loquentium iniqua.

*Lib. 10. ep. 85. de Inventione SS. Gervasii, & Protasii.*

Non ea omnia, quæ narrat Ambrosius in mirabili inventione Sanctorum Gervasii, & Protasii hic referre possumus, pauca subjiciemus: *Cognovistis*, inquit, *imò vidistis ipsi multos à Dæmoniis purgatos*, plurimos etiam ubi vestem Sanctorum manibus contigerunt, his, quibus laborabant infirmitatibus absolutos. *Reparata vetusti Corporis Miracula*, quo se per adventum Domini Jesu gratia terris major insuderat, umbra quadam Sanctorum, plerosque sanatos cernitis. *Quanta oraria jactitantur*, quanta indumenta super Reliquias Sacratissimas, ut actu ipso medicabilia reposcantur? *Gaudent omnes extrema lina contingere*, & qui contigerit *salvus erit*. Poterat ne melius Ambrosius insaniam hæreticorum notare, nostrum Cultum approbare, & Deus ipse per signa in con-

contactu Sacrarum Reliquiarum suscitata testificari? Sed audiamus illum sermone 19. ubi retundit objecta Ariatorum, quæ hodie sunt modernorum hæreticorum. *Celebritati vestra, qui solent invident, & quia celebritatem vestram invidis animis ferre non possunt, causam celebritatis odere, atque amentie in tantum prodeunt, ut negent Martyrum merita, quorum opera etiam Dæmones consententur: sed hoc non mirum, siquidem tanta est incredulorum perfidia, ut tolerabilior sit Diaboli confessio. Dicebat enim Diabolus: Jesu Fili Dei vivi, quid venisti ante tempus torquere nos, & cum hæc audirent Judæi ipsi, tamen Dei Filium denegabant. Et nunc audistis clamantes Dæmones, & consententes Martyribus, quod pœnas ferre non possint, & dicentes, quid venistis, ut ante tempus nos tam graviter torqueatis? Et Ariani dicunt: Non sunt isti Martyres, nec torquere Diabolum possunt, nec aliquem liberare; cum tormenta Dæmonum, ipsorum voce probentur, & beneficia Martyrum remediis cæcorum, & absolutorum judicii declarentur. Negant cæcum illuminatum, sed ille non negat se sanatum; ille dicit video, qui non videbam, ille dicit cæcus esse desivi, & probat factum, isti beneficium negant, qui factum negare non possunt. Notus homo est publicis cum valeret mancipatus obsequiis, Severus nomine, lanius ministerio. Deposuerat officium postquam inciderat impedimentum. Vocat ad testimonium homines, quorum ante sustentabatur obsequiis, eos Judices suæ visitationis accersit, quos habebat testes, & arbitros suæ cecitatis. Clamat, quia ut contigit fibriam de veste Martyrum, qua Sacra Reliquiæ vestiuntur, redditum lumen sibi sit; nonne simile illud est, atque illud quod in Evangelio legimus? Unius etenim potentiam laudamus Authoris, nec interest,*

*utrum opus sit, an munus, cum & muneretur in opere, & operetur in munere.*

Hæc Ambrosius mirè describens in persona Arianorum Lutheranos, Calvinianos, aliosque modernos heterodoxos, qui invident Celebritatibus Sanctorum, sicuti Ariani, quando & Dæmones ipsi confitentur merita Martyrum, & hi Dæmonibus deteriores facti negant, ut tolerabilior sit Diaboli confessio, quam eorum perfidia. Miracula exhibemus operata in Cultu Sanctorum Reliquiarum. Clamatis Novatores voce Arianorum: Non possunt hæc præstare Sancti. Qui non videbat videt, & dicit: cæcus esse desivi, & probat facto. Vos negatis beneficium, qui factum negare non potestis, huc illucque divertitis torti evidentia facti, & Miracula illusiones vocatis, aut aliquid profertis, quod ipsi nescitis, omnia demum probatis, dummodo quod bonum est non teneatis. Eo vos perduxit perfidia, ut ausus fuit unus ex vestris dicere: Beatum Ambrosium diabolica visione fascinaturn, & Cacodæmonis voce delusum, dum Reliquias Sanctorum Martyrum Gervasii, & Protasii sibi divinitus patefactas honestiori sepultura donavit, simulque Miracula tum peracta, subtilitates, & diabolicas illusiones pronuntiat.

*Causam Calvinista apud Coccium.*

*Lucæ 11. 14.*

Quid insultius, & procacius dici potest? Ariani conjuncti pejores apparetis, totum reponitis in calumniis, & diatribis. In Belsèbù Principe Dæmoniorum ejecisse Dæmonia Jesum blasphemabant Judæi, idem asseritis vos, & Ecclesiæ Christi reformatores appellari concupiscitis? Patrum testimonia proferimus, & sapientiores illis vos jactitare non erubescitis, adeo ut in Colloquiis convivalibus Cap. 1. de Patribus Ecclesiæ Lutherus non unum tan-

tantum, sed omnes Patres carpere ore putido delectetur inquis: *Hieronymum legere licet propter historiam, nam de Fide, & vera Religione, & Doctrina, nec verbum quidem in ipsius scriptis est; Origenem jam dudum diris devovi; Chrysostomum nullo loco habeo, non est nisi loquaculus; Basiliius nihil valet, totus est Monachus, nec pilo quidem illum redimerem; Apologia Philippi omnes Ecclesiæ Doctores exasperat, etiam Augustinum . . . . . Tertullianus merus inter Ecclesiæ Doctores, est Carolostadius; Cyprianus Martyr infirmus est Theologus. Hæc impudentissimus homo.*

*Apud Coc-  
ciam.*

Volunt tenebras esse in Patribus Ecclesiæ, de quibus dixit Christus: *Vos estis lux Mundi*. Doctores fatentur esse Ecclesiæ Basilium, Augustinum, cæterosque, & renuunt apprehendere disciplinam, & quod pejus est irrident, contemnunt, & blasphemant. Quare illis Sanctis donatum est Magisterium, nisi ut nos proficiamus discipuli, & ex ore Magistrorum pendentes, quæ nos docuerunt circa Cultum, & Miracula Sanctarum Reliquiarum teneamus? Cum Doctrinæ adjuncta fuerit Sanctitas, illorum testimonium amplectendum est, non rejiciendum. Testes idonei omninò sunt omni exceptione majores: obstinatissimi cordis est Fidem non adhibere. Et si saltem quantum ad historiam legendus est Hieronymus; ergo verum protulit: ea etenim prima Historici conditio censetur, ut vera narret. Vel si non audiendi sunt, quare appellantur Patres? Nova hæc doctrina est, ut Filii non audiant vocem Patrum. Vos quidem dicetis ex illis non descendere, & dō vobis, quia ex Patre Diabolo estis, & cum illis pluries comedissee testatur Lutherus. Quid mirum, si contempserit omnes Do-

### 38 CULTUS SANCTARUM RELIQUIARUM.

Doctores Ecclesiæ, contra quam semper insurrexit adversarius noster Diabolus? Sed protegente Deo, protegente Jesu Christo Sponso ejus, victrix remansit Ecclesia coruscans signis, abundas Miraculis ad confirmationem veritatis, ad ostensionem Sanctitatis, ad approbationem religiosi Cultus, qui Sanctorum Reliquiis redditur ab his, qui Christiana Professione censentur, qui Doctorum Ecclesiæ Doctrinam sequuntur, qui Patrum vocem auscultare gloriantur.



*PARS*





## PARS ALTERA. CAPUT PRIMUM.

*Quæ antiqui Hæretici contra Cultum dixere  
refelluntur.*



**I**N priori parte firmare curavi-  
mus nostra, nunc verò quam  
infrma sint, quæ Adversarii  
nobis opponunt ostendere  
incipiamus: libuit percur-  
rere, quæ antiqui hæretici  
Eunomius, & Vigilantius de-  
clamarunt contra Cultum  
Sanctarum Reliquiarum, nihilque inveni respon-  
sione dignum, contemnenda sunt quæ dicunt, non  
timenda, adeo à veritate longè sunt, ut potius  
ferula, quam calamo sint admonendi. Superius  
cum Hieronymo retulimus, quòd ille Vigilantius,  
seu Dormitantius deliraverit nil adducens, quo  
vel apparenter suum muniat errorem. Surrexit in  
defensionem Vigilantii Lutherus asserens, quod si  
nihil fortassis ex Vigilantio remanet ad exploden-  
das, & exsibillandas Reliquias Sanctorum, quia  
scri-

scripta Vigilantii perierunt : *Quod si adhuc*, inquit, *Vigilantii monumenta superessent, quemadmodum Hieronymi etiamnum extant, facile crediderim eum multò Christianius super hoc scripsisse, quam ipsum Hieronymum; vellem terra omnes istas Reliquias contestas esse.*

Perierint scripta Vigilantii una cum ipso, vel non, hoc non quæritur modo; sed solum, quæ reliquerit pro defensione sui erroris perscrutamur ex illis supparibus Authoribus, qui Vigilantium impugnarunt. Habes aliquid, ò Luthere, quod proferas ex Vigilantio, noli metuere, palam loquere, nè mussites, dic apertè, nè recurras ad scripta, quæ non sunt, alias confutaberis ab his, quæ contra ipsum scripta sunt. Exeat nunc nescio quis Nestorianus, perlegat Anathematismum Cyrilli, dicat non extant scripta Nestorii, quæ si extarent sicuti Cyrilli, multò Christianius scripsisset; Finge Arianum similia proferentem de suo Ario: Pelagianum de Pelagio; alias fæces hæreticorum de suis hæresiarchis; ex hoc dicto putasne satis defendisse hæreses, suosque authores? Et tu ipse parvipendes novum ratiocinandi genus absque ratiocinio. Quare Christianius scripsisset Jovinianus, quam Hieronymus? Causa latet in vesana mente Lutheri, & discipulorum ejus nunquam manifestanda, quia non extat, sicuti monumenta Vigilantii. Ille Christianius scribere judicandus est, qui profert ex Dei verbo scripto, vel tradito, ex consensu Patrum, ex oraculis Antistitum Romanorum, & Œcumenicorum Conciliorum, at cum ex his capitibus Christianius scripsisse non demonstretur, verè cum Vigilantio obdormisti ò Luthere, qui scrutando talia defecisti. Reposuit tamen Vigilantius

tius textum Scripturæ, ut indicat Hieronymus, quo dicitur : *Dominum Deum tuum adorabis, & illi soli servies*, quasi hoc textu proscribatur Cultus, qui à nobis Sanctorum Reliquiis jure defertur : sed evanescit puerilis objectio, si advertatur nos supremum illum Cultum, qui unicè soli Deo ob supremum Dominium supra Creaturas debetur, non transferre in Sanctos ejus, ut prima parte ex Hieronymo relatum est, sed solum honoramus, quos & ipse, Deus honorat. Soli Deo inservire dicimur, quia Catholicè profiteamur, quod unus sit Dominus, eique ex corde subjicimus : *Non est alius præter te Domine*. Sanctos non ut Dominos, sed ut servos Domini veneramus. Hispani, Galli, Angli unum in Regni Solio recognoscunt, non sic tamen uni Regi obsequium reddunt, ut despiciant propinquos, affines, & quos Regi charos esse intellexerint; testes volo heterodoxos, an sic honorent unum in Regno, ut cæteros Regios Ministros dijudicent dehonorandos; in tota Republica humana usus talis adhuc non apparuit, nec qui in Orbe dicuntur Principes sibi aliquid detractum putant, ex eo quod Conjunctos, Aulicos Ministros, & Servos illorum honoremus. Rex ergo Regum, & Dominus Dominantium à quo, si quæ est recta forma Regiminis, descendit, non irascitur, si aliquid obsequii deferamus his, qui computati sunt inter Filios Dei, & inter Sanctos fors illorum est. Quis unquam Pater indignatus est ex eo, quod servos viderit honorantes filios suos. Si Patre omisso soli honorarentur filii, justa esset causa indignationis, at si quod Patri debetur non negligitur, & quod filiis convenit exhibetur obsequium, delectari oportet, quia unicuique quod suum est reddere non detre-

Matth. 4. 10.

stant. Divina quidem præcipit Scriptura, ut solum Deum adoremus Cultu supremo, & absoluto, qui dicitur Patriæ: Cultu tamen inferiori Dulæ, aut Hyperdulæ Sanctos venerari nullibi prohibemur. In assumpto aereo Corpore Angelos sacra obsequia recepisse ab hominibus, patet legentibus scripturam, quod si idem obsequium reddere volens Joannes Angelo sibi apparenti prohibitus fuerit, ideo factum scimus ex Gregorio, nè sub se naturam nostram prostratam cerneret, quam super se exaltatam in Cœlorum Rege venerantur. Indicium fuit sublimitatis nobis per Christum donatæ, non Cultus indebiti Angelis in Cœlo cum Deo regnantibus.

Causantur moderni hæretici, quod nomina Dulæ, & Hyperdulæ in Scripturis non habeantur. Similem quærimoniam protulere Ariani, quod vox consubstantialis non reperiretur; Contempsere Patres Nycæni debile Arianorum telum, & semel assumptum verbum explicativum Divinitatis Filii retinuerunt, & addiderunt Apostolorum Symbolo, nihil timentes clamores hæreticorum, dummodo salva consisteret Fides Catholicorum. Damus modernis hæreticis expressè non inveniri recensitas voces, cum tamen ex superius dictis non desint quantum ad substantiam, illas adhibemus sequentes vestigia Patrum nostrorum, qui contra perfidiam Arianorum protulerunt. Non illicitum reputamus contra novos errores novas statuere voces, contra nova venena nova antidota, & novis morbis nova adhibere medicamina. Nolunt verba dici, quæ scripta non sunt: hoc clamabat Constantius impius Imperator, hoc & Afflectæ illius, hoc & vos hodie repetitis, sed quid contra hos clamores scripserit Hi-

Hilarius audite: *Utitur autem etiam nunc (Constantius scilicet) artis suae consuetudine, ut per recti speciem prava confirmet, & per rationis nomen insana constituat. Nolo, inquit, verba, quae non scripta sunt dici. Hoc tantum rogo, quis Episcopis jubeat? Aut quis Apostolicae Prædicationis vitet formam? Dic prius, si recte dici putas: nolo adversus nova venena novas medicamentorum comparationes: Nolo adversus novos hostes nova bella: Nolo adversus novas insidias confilia recentia. . . . Novitates vocum, sed prophanas devitari jubet Apostolus, tu cur pias excludis? Innascibilem scriptum nunquam legis, nunquid, & hoc negandum erit, quia novum est? Decernis similem Patri Filium, Evangelia non prædicant. Quid est quod non refugis hanc vocem? In uno novitas eligitur, in alio submovetur. Ubi impietatis occasio patet, novitas admittitur, ubi autem Religionis maxima, & sola cautela est excluditur. Hæc Hilarius. Videant ergo Calviniani omnia nomina desiderantes expressæ in Scripturis, quibus assimilentur, & unde proveniant. Vocem novam duliam reformidant, ut novum tueantur errorem de abrogando Sanctorum Cultu, sicuti negantes Divinitatem Filii Dei vocem hominum rejiciebant: O Homo, loquor cum Nazianzæno, qui hoc prohibes, quæro utrum ideo nominari non debeat, quia scriptum non est, aut quia credi non licet? Quod si ita credendum est, cur non ita profitendum? Aut si ideo ita nominandum non est, quia non ita credendum, obtinuit Arianae labis assertio. . . . Frustra times, ô homo, profiteri quod credis, aut frustra credis, si ita non profiteris, & meritis hæreticus denotar. Si ergo ex Sacris Litteris excludere nequeunt Cultum Reliquiarum Sanctorum, cur redarguere nos volunt in una vocula,*

F 2

qua

Hilar. lib.  
contra Cou-  
stantium.

S. Greg. Na-  
zianz. orat.  
49.

quæ indicativa est, qualiter Deum adoremus, qualiter Sanctos honoremus? Iterum textum adducunt: *Deum adorabis, & illi soli servies*; & pariter Ariani dicebant: *Pater major me est*. Non terruit Patres Nycænos Primos, & totum Catholicum Cætum textus ab Arianis adductus, sed communi sensu interpretabatur de majoritate Patris supra humanam, quam assumpsit Filius naturam: Ita textus, qui à Vigilantianis exhibetur de Latriæ Cultu absoluto, de Dulix intelligitur: *Quod si* rursus (libet cum Athanasio concludere) *quia voces istæ in Scripturis solemnes non sint obmurmurationes faciant, æquum profectò est, ut ea de causa ipsi potissimum rejiciantur, utpotè locodedali novarum vocabulorum, & quod magis, & sanis sententiis non utentes, seque ipsi in hoc negotio incusant, quod primi hujus rei occasionem præbuerunt, dum ex non scriptis vocibus Deo bellum comparant, sed tamen cognoscet quisquis est studiosioris animi has voces tamen, & si in Scripturis non reperiuntur, habere tamen eas eam sententiam, quam Scripturæ volunt, & ob ipsam eas sonare apud illos, quibus aures ad pietatem sunt integræ, & minime vitiatæ.*

Alia, quæ Vigilantius, Hieronymo referente, ac confutante in Epistola ad Riparium, objecit, nullius ponderis sunt: Separata à Corpore Anima, vilis, inquit, pulvisculus remanet omnibus communis, & contemnendus, sed cum superiori parte fuerit ostensum pulverem istum auro, gemmisque pretiosiores, ac quid quid intercedat discrimen inter Cineres Pauli Doctoris Gentium, & Judæ Proditoris Christi, nunc tantum addere juvat: *Custodit Dominus omnia ossa eorum, unum ex his non conteretur*. Desertus sit ad tempus ab Anima pulvis Sancto-

*S. Athanas.  
lib. de Nicæna  
Synod.*

*Psal. 33.*

etorum, adhuc honorandus est, quia sub custodia Domini manet glorificandus, intromittet iterum in ossa spiritum, & vivent, expectant donec impleatur numerus Justorum, quo impleto vindicabit Dominus Sanguinem Sanctorum suorum, qui effusus est, reddet retributionem superbis, qui humiliari ante sacros Cineres noluerunt, & mutuata voce ab impiis dixerunt: *Unus est interitus hominum, & jumentorum, æqua utriusque conditio*. Videbunt tunc insensati Vigilantiani, qui reputant modo Cineres sine honore, quæ erit gloria illorum, & qui redditur à nobis Cultus initium illius gloriæ esse, quam & nos Catholici, Deo miserante, Corporibus nostris non defuturam speramus post finale Judicium. Utinam qui remanent heterodoxi Vigilantio adherentes convertantur, & nobiscum venerentur Sanctorum Reliquias, ut cum mortale hoc induerit immortalitatem, corruptibile incorruptionem, possint una cum Deo, & Sanctis congaudere in Cœlestibus.

*Eccl. 3. 19.*

Dolet insuper Vigilantius apud Hieronymum, quod lucente Sole carei accendantur ad Martyrum Sepulcra, quasi emendicemus lumen splendente in Orbe Sole, sed abundè respondet Hieronymus, & nos defendentes ritus sacros plura dicemus, Interim sileat Lutherus non extare ea, quæ Vigilantius scripsit adversus Sanctarum Cultum Reliquiarum. Nihil Hieronymus omisit, & retulit, quæ Caupo ille Calaguritanus eructavit, imò cum nuntiatum esset Hieronymo, quod bellum tentasset adversum Sanctos Dei, illicò se paravit, ut Sanctorum causam defenderet, at cum Riparius non particularia scripsisset, quæ blasphemabat hæresiarca, subdit Hieronymus: *Plura dictare volueram, si non epistolæ*

*Epist. ad Riparium.*

*læris*

*laris brevis pudorem nobis tacendi imponeret, & si librorum ipsius ad nos voluisses mittere cantilenas, ut scire possemus ad quæ rescribere deberemus: Nunc autem aerem verberamus, & non tam illius infidelitatem, quæ omnibus patet, quam nostram Fidem aperuimus. Cæterum si volueris longiores nos adversus eum librum scribere, mitte nœnias illius, & ineptias. Cum demum rescivisset ex Ripario Sanctus Doctor particulares nœnias, seu cantilenas, vel fatui hominis somnia, munus suum implevit, & imperiti Vigilantii hæresim omnem jugulavit inquit: Sed jam tempus est, ut ipsius verba ponentes ad singula respondere nitamur, fieri enim potest, ut rursum malignus interpres dicat fictam à me materiam, cui rethorica declamatione respondeam, sicut illam quam scripsi ad Gallias Matri, & Filie inter se discordantibus. Authores sunt hujus dictatiunculæ meæ Sancti Presbyteri Riparius, & Desiderius, qui Parochias suas vicinia istius scribunt esse maculatas, miseruntque libros per Fratrem Sifinium, quos inter crapulas stertens coomuit. En qualiter extant deliramenta Vigilantii, sed quia optimè elusâ vidit Lutherus per Hieronymum, dixit non superesse monumenta Vigilantii. Videamus modo, an meliora scripserint alii ex Dormitatio descendentes hæretici.*

*Hieron. Epist.  
54. cap. 2.*





## CAPUT II.

*Quæ proponuntur à Witcleph contra Martyrum  
Reliquias rejiciuntur.*

**V**itcleph natione Anglus Lutheranorum, & Calvinistarum prodromus junxit se antiquorum hæreticorum turmis, indixitque bellum Sanctorum Reliquiis repetens, quæ de Deo adorando protulerunt Eunomiani, seu Vigilantiani addens: *Solus Deus est orandus, ergo solus Deus adorandus. Cum orandi modum ex Magistro Cōristoposcerent Apostoli, sub his verbis formam habuere præscriptam: Pater noster, qui es in Cælis &c. nulla mentio fit in prædicta oratione Christi, aut Sanctorum ejus, nullus ergo Cultus exhibendus, si nullæ preces, aut orationes ad illos sunt dirigendæ. Denum pessimus Cavillator sic ratiocinatur, seu potius sic insanit: Quæ poterit esse ratio sic adorandi Creaturam? Non enim propter se Creaturam, quia tunc omnis Creatura esset adorabilis: si propter quia in ea gratia, & magnificentia Conditoris elucet, adhuc modulus straminis esset colendus Latria, quia in eo elucet eximiæ gratia, & omnipotentia Conditoris. Ex his deinde transit ad reprobandum ornatum Sepulcrorum Martyrum dicens libro 2. de Serm. Domini in Monte Cap. 17. Quid rogo valet ornare Sepulcra Hominum mortuorum, & in ista hypocrisis laborare? Nam nec Anima, nec Corpora sunt nunc in istis Sepulcris, quæ incolunt, collocata, & tamen ex Fide patet, quod Christus est essentialiter in qualibet Creatura, & virtualiter secundum humanitatem per omnem partem Ecclesie Militantis: quare ergo non honoramus istud*  
Ca-

*Apud Thom.  
Valdensum.  
Carm. To. 2.  
Tit. 13. Cap.  
128.*

*Caput Ecclesie, & hypocrisim Sepulcrorum dimittimus?* Hæc Witcleph blasphemavit in Sanctos Dei, referente præstantissimo Theologo Valdensi Thoma Carmelita. Nunc singula perscrutemur, ut appareat spiritu mendacii illum fuisse ductum, ac gloriæ Sanctorum invidisse, & cum ob reprobos mores, Asini Sepultura se tumulandum timeret, displicuit ei Esaiæ vaticinium de Christo, & Sanctis ejus: *Et erit Sepulcrum ejus gloriosum.*

*Isaia 11. 10.*

*Aug. Tom. 6.  
cont. Maxim.*

*Genes. 22.*

Concludendi leges addiscat Witcleph, & deinde sermonem proferat, ut audiat: nulla in verbis istis connexio elucet: *Solus Deus orandus ergo solus adorandus. Aliud, inquit Augustinus, est interpellare, vel orare, aliud adorare. Omnis qui rogat orat, non omnis qui rogat adorat. Recole consuetudinem Regum, qui plerumque adorantur, & non rogantur, aliquando rogantur, & non adorantur.* Adoravit Abraham plebem Filiorum Het, non oravit tamen: David adoravit Arcam, non oravit illam: Crucem Domini adoravit Helena: Paula Romana Præsepe Domini: Hieronymus loca sancta invisit, & adoravit, & nos instrumenta Domini: Passiōis adoramus, Cineres Sanctorum omnium veneramus, & non adeo habetes sumus, & dijudicemus orandum esse Crucem, Clavos, Lanceam, Præsepe, Vestes, Cineres: non adeo necuntur ad invicem adorare, & orare, ut si unum assumatur, aliud constringatur. Quando regnabimus cum Christo post finale Judicium non cessabimus Deum collaudare, & adorare, sed expulsa omnium rerum indigentia, nihil postulabimus à Domino; adorare alterius excellentiam respicit: hæc est vel suprema & absoluta, uti in Deo uno in substantia, & in Personis trino, & tunc Cultus noster est supremus, & ab-

& absolutus, & nulli puræ Creaturæ debetur. Cæterum cum ineffabilis illa Bonitas Divina communicaverit excellentiam suam rationalibus Creaturis, ideo Cultus aliquis redditur juxta majorem, vel minorem participationem. Deiparæ Virgini ob Divinorum Charismatum abundantiam Cultus hyperdulæ deberi profitemur, & gloriamur, Sanctis Dulæ adscribimus Cultum. Summus igitur, qui Latriæ dicitur soli Deo debetur, medius Virgini, minor Sanctis.

Sed cum honor, qui jure debetur personis, exposcat, ut ea, quæ ad illam pertinent pariter veneremur, hinc quæ ad Christum spectant, cujus Persona Divina est, latriæ Cultu honoramur, uti patet in Cruce ob contactum, vel quia Imago est Crucifixi, sicque protrahendo sermonem ad alia, quæ vel Virginem, vel Sanctos afficere possunt intrinsecè, aut extrinsecè, eodem Cultu, quo Virginem ipsam, & Sanctos honoramus. Deridendo nobis proponunt heterodoxi adoranda labia Judæ, Asellum, & impiorum manus, quæ habuere contactum ad membra Christi. At Religio Christianorum nunquam metuit chachinnos Paganorum, Judæorum, & Hæreticorum. Regiam Purpuram venerantur homines propter Regem, at non alia, quæ aliquod indecens redolent, aut Regem offendere possunt. Esto nonnulla. habuerint contactum ad Christum, tamen ratione scandali, aut alterius indecentiæ, non adorantur, uti de Asello, cui infedit Dominus. Si quæ autem rationales Creaturæ habuere contactum, aut fuit offensivus Christi, ut osculum Judæ, & manus Crucifigentium, & ex actione culpabili honor non comparatur, sed vituperium: aut contactus fuit reverentialis, & adhuc

Tom. I.

G

pro-

*D. Thom. 3.  
par. quest. 25.  
art. 3.*

propter illum non adoramus Creaturam rationalem, quia Cultus debitus Christi Reliquiis, latriæ oportet esse, hunc autem nulli rationali Creaturæ exhibemus, nè aliqua Creatura latria propter se adorari videatur. Lubet hic transcribere verba Angelici Thomæ sic loquentis: *Creatura rationali debetur reverentia propter se ipsam, & ideo, si Creatura rationali, in qua est Imago Dei, exhiberetur adoratio latriæ, posset esse erroris occasio, ut scilicet motus adorantis sisteret in homine in quantum est res quædam, & non ferretur in Deum cujus est Imago. Quod non potest contingere de Imagine sculpta, vel picta in materia sensibili.* Habes ex hac doctrina, verè Angelica, quare adoremus instrumenta Passionis Christi latriæ Cultu, & purissimæ Dei Matri, quæ Filium suum Jesum novem Mensibus gestavit in utero, ubere de Cælo pleno lactavit, toties accipit in ulnas, toties reverenter fuit osculata, latriæ Cultum non reddimus: immò cum quidam offerre placentam Mariæ tanquam Deæ ausi fuissent, inter hæreticos computati sunt, & Colliridiani dicti sunt, ut edocuit nos Epiphanius in suo quod conscripsit adversus hæreses volumine. Quid impii Novatores nobis objiciunt labia Judæ proditoris, cum virginea, & sanctissima labia Mariæ, quæ sola interemit cunctas hæreses in universo Mundo, dignam Cultu latriæ non judicemus? Ecclesia Catholica, quæ spiritu Dei ducitur, sicuti damnavit excessivum Cultum Colliridianorum, ita defectum reprobatur Lutheranorum, & Calvinistarum. Semper extrema amplectuntur hæretici, & sub fucato Religionis prætextu veram subvertere Religionem nituntur, sed portæ Inferi non prævalebunt.

*Epiph. hæres.  
79. lib. 3. fo. 2.*

Revertamur modo ad Orationem, tanquam  
me-

medium assumptum ab hæreticis ad probandum soli Deo Cultum essetribuendum. Putasne verum est quod dicunt: *Solus Deus orandus*? Quomodo ergo dicitur: *Voca si es qui tibi respondeat, & ad aliquem Sanctorum convertere*; & rursum: *Et ascendis fumus incensorum de orationibus Sanctorum de manu Angeli coram Deo*; brevis esse cupio plura dicturus ubi de invocatione tractabimus, attamen obvia est legentibus oratio, quam ad Job direxit Origenes: *O beate Job vivens in perpetuum apud Deum, & victor permanens in conspectu Regis Domini ora pro nobis miseris, ut etiam nos terribilis Dei misericordia protegat in omnibus tribulationibus, & eripiat ab omnibus oppressionibus maligni, & connumeret nos cum Justis, & conscribat nos cum his, qui salvi sunt*. Perlegant antiquas lyturgias Witclephiistæ moderni, & inspicient repositam ibi Sanctorum invocationem. Consulant Cyrillum Alexandrinum homilia die Joannis Evangelistæ coram Patribus Ephesinis habita, & dilectum Christi Discipulum exoratum intelligent, ut aperiret Mysterium Dominicæ Incarnationis contra Nestorianam perfidiam: *Mysterium hoc aperi d Evangelista: Effare nobis d Beate Joannes magnum quippiam, & eximium. . . . Ecce hic tantorum Pastorum cætus ad te venit, remove nobis lapidem, sicuti Beatus Jacob pastoribus Haran: Resera nobis puteum vitæ, da ut nunc quoque de fontibus bauriamus, immo verò tuum nobis fontem appone*. Similia habent Patres Chalcedonenfes actione undecima: *Flaviano æterna memoria: Ecce ultio, ecce veritas: Flavianus post mortem vivit, Martyr pro nobis oret*. ObscRANDI sunt, clamat Ambrosius, *Angeli pro nobis, qui nobis ad præsidium dati sunt: Martyres obscRANDI, quorum videmur nobis quodam Corporis pignore patrocini-um*

Job 5.

Apoclyps. 8.

Origen. lib. 2.  
ad Job.Ambros. lib.  
de Viduis.

propter illum non adoramus Creaturam rationalem, quia Cultus debitus Christi Reliquiis, latriæ oportet esse, hunc autem nulli rationali Creaturæ exhibemus, nè aliqua Creatura latria propter se adorari videatur. Lubet hic transcribere verba Angelici Thomæ sic loquentis: *Creatura rationali debetur reverentia propter se ipsam, & ideo, si Creatura rationali, in qua est Imago Dei, exhiberetur adoratio latriæ, posset esse erroris occasio, ut scilicet motus adorantis fieret in homine in quantum est res quædam, & non ferretur in Deum cujus est Imago. Quod non potest contingere de Imagine sculpta, vel picta in materia sensibili.* Habes ex hac doctrina, verè Angelica, quare adoremus instrumenta Passionis Christi latriæ Cultu, & purissimæ Dei Matri, quæ Filium suum Jesum novem Mensibus gestavit in utero, ubere de Cœlo pleno lactavit, toties accepit in ulnas, toties reverenter fuit osculata, latriæ Cultum non reddimus: immò cum quidam offerre placentam Mariæ tanquam Deæ ausi fuissent, inter hæreticos computati sunt, & Colliridiani dicti sunt, ut edocuit nos Epiphanius in suo quod conscripsit adversus hæreses volumine. Quid impii Novatores nobis objiciunt labia Judæ proditoris, cum virginea, & sanctissima labia Mariæ, quæ sola interemit cunctas hæreses in universo Mundo, dignam Cultu latriæ non judicemus? Ecclesia Catholica, quæ spiritu Dei ducitur, sicuti damnavit excessivum Cultum Colliridianorum, ita defectum reprobavit Lutheranorum, & Calvinistarum. Semper extrema amplectuntur hæretici, & sub fucato Religionis prætextu veram subvertere Religionem nituntur, sed portæ Inferi non prævalebunt.

Revertamur modo ad Orationem, tanquam  
me-

*D. Thom. 3.  
par. quest. 25.  
art. 3.*

*Epiph. hæres.  
79. lib. 3. to. 2.*

medium assumptum ab hæreticis ad probandum soli Deo Cultum essetribuendum. Putasne verum est quod dicunt: *Solus Deus orandus*? Quomodo ergo dicitur: *Voca si est qui tibi respondeat, & ad aliquem Sanctorum convertere*; & rursum: *Et ascendit fumus incensorum de orationibus Sanctorum de manu Angeli coram Deo*; brevis esse cupio plura dicturus ubi de invocatione tractabimus, attamen obvia est legentibus oratio, quam ad Job direxit Origenes: O beate Job vivens in perpetuum apud Deum, & victor permanens in conspectu Regis Domini ora pro nobis miseris, ut etiam nos terribilis Dei misericordia protegat in omnibus tribulationibus, & eripiat ab omnibus oppressionibus maligni, & connumeret nos cum Justis, & conscribat nos cum his, qui salvi sunt. Perlegant antiquas lyurgias Witclephistæ moderni, & inspicient repositam ibi Sanctorum invocationem. Consulant Cyrillum Alexandrinum homilia die Joannis Evangelistæ coram Patribus Ephesinis habita, & dilectum Christi Discipulum exoratum intelligent, ut aperiret Mysterium Dominicæ Incarnationis contra Nestorianam perfidiam: *Mysterium hoc aperi d Evangelista: Effare nobis d Beate Joannes magnum quippiam, & eximium. . . . Ecce hic tantorum Pastorum cætus ad te venit, remove nobis lapidem, sicuti Beatus Jacob pastoribus Haran: Resera nobis puteum vitæ, da ut nunc quoque de fontibus hauriamus, immò verò tuum nobis fontem appone. Similia habent Patres Chalcedonenses actione undecima: Flaviano æterna memoria: Ecce ultio, ecce veritas: Flavianus post mortem vivit, Martyr pro nobis oret. Obsecrandi sunt, clamat Ambrosius, Angeli pro nobis, qui nobis ad præsidium dati sunt: Martyres obsecrandi, quorum videmur nobis quodam Corporis pignore patrocini-*

Job 5.

Apocalypf. 8.

Origen. lib. 2.  
ad Job.Ambros. lib.  
de Viduis.

*vindicare: Possunt pro peccatis rogare nostris, qui proprio sanguine, etiam si quæ habuerunt peccata, laverunt . . . Non erubescamus eos intercessores nostræ infirmitatis adhibere, quia ipsi infirmitates Corporis, etiam cum vincerent, cognoverunt. Quapropter sanctè decreverunt Arelianenses Patres Rogationes, seu Lætánias ante Ascensionem Domini celebrari concurrentibus in eandem sententiam Patribus Toletanis in Concilio quinto, Gangrensisibus, & Bracharensisibus, ac demum tota universali Ecclesia approbante, ac sequente illum piissimum morem orandi, & obsecrandi Sanctos; Etenim: Oratio alicui dupliciter porrigitur, uno modo quasi per ipsum implenda, alio modo, sicut per ipsum impetranda. Primo quidem modo soli Deo Orationes porrigimus, quia omnes Orationes nostræ ordinari debent ad gratiam, & gloriam consequendam, quam solus Deus dat juxta illud Psalmi 83. Gratiam, & Gloriam dabit Dominus, sed secundo modo Orationem porrigimus Sanctis Angelis, & hominibus, non ut per eos Deus nostras petitiones cognoscat, sed ut eorum precibus, & meritis Orationes nostræ sortiantur effectum; Itaque si Adversarii velint, quod solus Deus sit adorandus, tanquam supremus Dominus, & largitor Gratiae, & Gloriæ, nullum jurgium erit inter nos. Sic enim solum Deum oramus, & adoramus, sed sicuti alius superest modus orandi Sanctos, ut Intercessores apud Deum, ita, & odorandi eosdem Sanctos ut Amicos Christi; & hæredes, & Filios Dei: Quotquot enim receperunt eum, dedit eis potestatem filios Dei fieri; & honor, qui ad fideles confervos, devotos filios refertur, demonstrationem habet bonæ voluntatis, quæ est ad communem Dominatorem. Repetat hæreticus; Solus Deus est*  
*oran-*

*D. Thom. 2. 2.  
 quæst. 83. ar-  
 tic. 4.*

*Joann. 1.*



*prandus, ergo solus adorandus.* Clamabit Catholicus solus Deus adorandus ut Dominus, solus adorandus ut Largitor bonorum, Sanctos oramus ut Intercessores apud Dominum, Sanctos colimus ut Amicos Dei, non ut Deos. Nunquid Paulum Jo-  
vem, aut Barnabam Mercurium dicimus, uti Ethnici faciebant? Absit hoc à nobis, non ita desipimus: Scimus quid intersit inter summum angularem lapidem Jesum, & Apostolos ejus Barnabam, & Paulum, superædificati tamen super fundamentum Apostolorum, & Prophetarum, & eos veneramur ut dilectos Dei, eosque oramus, ut bona ipsis intercedentibus, Deus nobis largiatur. Sed satis jam sit de primo, quem contra nos direxit Witcleph sermonem; videamus quid in altero dicat: *Elucet*, inquit, *in omni Creatura Gratia, & Omnipotentia Conditoris, omnis itaque Creatura adoretur adoratione latriæ, & modulus straminis adoretur.* Verè stramineus discursus. O insanum caput quis te cogit adorare omnia? Si elucet Majestas Dei, & Omnipotentia in omnibus, adora Deum in omnibus, non adores omnia: Vides ornatum Cœli lauda Deum Cœli: Inspicis Terram, adora eum qui fundavit Terram super stabilitatem suam: Vides pulchra, dic Domino tuo pulchrior est, qui fecit illa: Vides bona, melior est qui fecit ea; & si Deus per quem facta sunt omnia, & sine quo factum est nihil debeat honorari in omnibus, non tamen omnia adoranda sunt. Nescis quid edocuërit nos Apostolus: *O homo tu quis es ut respondeas Deo? Nunquid dicit figmentum ei, qui se finxit; quid me fecisti sic? At non habet potestatem figulus lutì ex eadem massa facere aliud quidem vas ad honorem, aliud verò ad contumeliam?* Disce ergo ex Paulo in eadem domo  
vasa

Ad Roman. 9.

vasa alia esse aurea, alia argentea, alia ænea, alia fictilia: Vis pro eodem reputare vas aureum, & fictile, argenteum, & æneum? Qui ornant mensam pro Rege, nunquid omnia vasa, quæ Regis sunt apponunt? Defer vas in contumeliam efformatum, placebit Regi talis ornatus mensæ? Tene ergo Apostoli sententiam. Condito rem omnium nonnullas Creaturas efformasse ex eadem massa, ut essent in honorem, aliquas voluisse, ut venerentur, non omnes, ut sic operando ostenderet divitiarum gloriæ suæ in vasa misericordiæ, quæ præparavit in gloriam. Esto eluceat aliquid de Creatore in qualibet Creatura, sat est hoc quidem, ut adoretur Creator, non ut colatur Creatura; divitiarum gloriæ exigit, ut Creatura sit in honorem: *Non enim omnes, qui ex Israel sunt, hi sunt Israelitæ. Non qui Filii carnis hi Filii Dei, sed qui Filii sunt promissionis æstimantur in semine.* Non est motivum Cultus Sacri aliquod, quod commune inveniatur in omnibus, sed quod peculiare est donatum à Deo eminentia sanctitatis, & virtutis, desideratur ad reverentiam exhibendam, quam cum inspicianus in Sanctis, meritò reveremur, & colimus, & extendimus ad eorum Cineres, aliasque Reliquias, quia ut quid unum moraliter cum illis reputantur, vel ipsorum sunt tamquam partes intrinsecè olim reuniriendæ, ut Prima Parte Cap. I. explicare conati sumus, vel contactum specialem habuerunt, vel demum ut Imagines, quæ per ordinem ad prototypum honorantur. Modulus ergo straminis comburatur cum hæreticis proponentibus.

Quod tertio loco adducit de hypocrisis removenda ab Ecclesia circa ornatum sepulcrorum hominum mortuorum, quia ibi non resident, nec Anima,

*Ad Rom. 9.*

ma, nec Corpus: Zelum quidem ostendit, quem, & imitatus fuit Lutherus ad Evangelium primæ Dominicæ Adventus, inquiens: *Hic Petro, hic Paulo Sedes erecta est, ut omnes ferè anguli Divorum Phanis pleni sint, at cui usui ipsis illa? His sumptibus indotatis virginibus consuli poterat, & alia majoris momenti opera patrari.* Sed zelus iste zelus est Judæ proditoris, qui redarguit factum Mariæ Magdalena ungentis pedes Jesu. Dò textum: *Maria ergo accepit libram unguenti nardi pistici pretiosi, & unxit pedes Jesu, & extersit pedes Jesu capillis suis, & Domus impleta est ex odore unguenti; dixit ergo unus ex Discipulis ejus Judas Iscariotas, qui erat cum traditurus, quare hoc unguentum non venit trecentis denariis, & datum est ægenis? .... Dixit ergo Jesus, finite illam, ut in diem sepulturae meae servet illud.* Audi Luthere, audi Witcleph, audite omnes Sanctorum persequutores. Sinite quod Ecclesia aliquid infumat in ornatu Templorum pro Sepultura Sanctorum, ne sitis Discipuli Judæ Iscariotes clamantis: *Quare hoc unguentum non venit, & datum est ægenis? His sumptibus consuli poterat indotatis virginibus.* Evangelista Joannes respondebit vobis: *Dixit autem hoc, non quia de ægenis pertinebat ad eam, sed quia fur erat.* Commendanda sunt pietatis viscera erga Pauperes, at non detrahendum cum Juda, si eroget quis de substantia sua in ornatum Templorum: oportet unum facere, & aliud non omittere. Quot talenta auri David præparavit pro Templi structura, quot addidit Salomon demum per Gentes destructum, iterumque ædificatum, quis valeat computare sumptus auri, argentique pondus? Concessa pace ad tempus Machabæis, primum quod excogitarunt fuit ascendere Jerosolymam, mun-

Joan. 12.

Joann. citato  
loco 12. 6.

1. Machab. 4.

mundare Sancta, & renovare, & ornaverunt faciem Templi coronis aureis, & Scutulis, & dedicaverunt Portas, & Pastophoria, & imposuerunt januas. Dixisset Judas proditor: *Ut quid perditio hac? Repeteret Lutherus: His sumptibus indotatis virginibus consuli poterat, & alia majoris momenti opera patrari.* Approbavit tamen Dominus, quod Judas, & Lutherus condemnarunt. Dolent, quod passim ædificantur Deo Tempia in honorem Petri, Joannis, Pauli, ut ferè omnes anguli pleni sint. Utinam verum, quod nobis opponunt, ex augmento laboris hæreticorum, leniretur dolor noster: Cessaret gemitus Catholicorum elevantium voces suas: Deus venerunt gentes in hæreditatem tuam; venit Maumetus, venit Lutherus, venit Calvinus polluerunt Templum Sanctum tuum, posuerunt Hierusalem in pomorum custodiam. Quot Tempia destructa per Saracenos in Asia, & in Africa. Quot eversa per Zuinglianos, Calvinistas, & Lutheranos in Helvetia, Anglia, Dania, Olandia, aliisque Germaniæ Provinciis? Si nos in omni angulo, in quo viget Cultus Summi Dei, veri Dei ædificamus, in quo vobis molesti sumus, aut in quo Deum offendimus? Fortassis Tempia vos destruendo, expoliando Monasteria, diripiendo vota Fidelium, patrimonium Pauperum, dotastis Virgines, aut alia majoris momenti opera perpetrastis? Si de Luthero sermo sit defloravit, non dotavit. Pudet dicere, quæ facta referuntur à Calvino, & si vera fateri voluerint qui sunt heterodoxi, ex tot divitiis acceptis ditiores, sed non meliores facti sunt. Reponat ergo Lutherus de Templis nostris, & cui usui ipsis illa? Si velint scire usum ingrediantur, & Sacerdotes Deo psallentes invenient, alios inspicient absolventes, alios

alios abluentes Infantes per Sacramentum Regenerationis , alios soli Deo sacrificantes , eique gratias agentes , quia coronavit Sanctos suos . En cui usui sint nobis Tempia ; quod si aliquando non ea , quam deceat , devotio splendeat : uti abusus reprehenditur , nec deficiunt Sacerdotes diligentes decorem Domus Dei , & locum habitationis gloriæ ejus , adeoque , qui totis viribus annuntient illud : *Domus mea Domus orationis vocabitur* ; & quod ibi adesse debeant Fideles , ut dimittantur , non ut committant peccata . Si quem alium usum desiderat , ille erit , ut reparetur honor Dei per ædificationem Templorum , qui fuit sublatus ab hæreticis per destructionem .

*Matth. 21. 13.*

Quid est , quod demum clamat Witcleph : *Honoremus Caput Ecclesiæ Christum , & dimittamus hypocrisim Sepulcrorum* . Putas non honoramus Christum , quoties Altaria erigimus , & ibi offerimus Sacrificium ? Audivit nè unquam nos dicentes : Offerimus tibi Petre , offerimus tibi Paule , offerimus tibi Cypriane ? Domino offerimus , non Servis Sacrificium reddimus . Recolimus per Sacrosancta Mysteria Passionem Capitis nostri quotidie , & per incruentum Sacrificium Dominum laudamus in Sanctis ejus . Quæ hypocrisis ista ? Et si non adsit Anima præsens in loco , illorum Sanctorum , quorum memoriam celebramus , ideo non erit Deo acceptum Sacrificium expiativum nostrorum delictorum , & gratiarum actionis pro victoria collata Sanctis ex meritis Jesu Christi Servatoris nostri Dei ? Insigne autem mendacium est , quod in Ecclesiis nostris non sint Reliquiæ Sanctorum . A Patribus nostris cautum est , nè sint Altaria absque Reliquiis Martyrum . Patres Charthaginenses su-

*Tom. I.*

H

pe-

perius dedimus, plura hic repetere non est necesse. Quod si Tempia adhuc extarent omni prorsus Sanctorum Reliquia destituta, adhuc non inutilia essent, nec illorum erectio contemnenda, cum princeps motivum sit Deum ibi specialiter adorare; deinde Sanctos honorare, qui cum eodem Deo in Cœlesti mansione regnant sine fine permanfuri. Concludat demum hoc Caput celebris autoritas Augustini libro ultimo de Civit. Dei Cap. x. *Nos autem Martyribus nostris non Tempia, sicut Diis, sed memorias sicut hominibus mortuis, quorum apud Deum vivunt spiritus, fabricamus: nec ibi erigimus Altaria, in quibus sacrificemus Martyribus, sed uni Deo, & Martyrum, & nostro Sacrificium immolamus, ad quod Sacrificium, sicut homines Dei, qui mundum in ejus confessione vicerunt, suo loco, & ordine nominantur, non tamen à Sacerdote, qui sacrificat, invocantur. Deo quippè, non ipsi sacrificat, quamvis in memoriam sacrificet eorum, quia Dei Sacerdos est, non illorum. Ipsum verò Sacrificium Corpus est Christi, quod non offertur ipsis, quia hoc sunt & ipsi.*

### C A P U T III.

*Ex occultatione Corporis, ac Sepulturæ Moysis  
non infertur Sanctorum Reliquiis  
non esse honorandis.*

**C**Alvinistæ tanquam invincibile argumentum nobis proferunt Scripturæ testimonium Deuter. 34. *Mortuus est ibi Moyses Servus Domini in Terra Moab jubente Domino: & sepelivit eum in valle Terræ Moab contra Phogor: & non cognovit homo sepulcrum ejus usque ad præsentem diem.* Ideo sepultum,

tum, inquit, per manus Domini Moyſis Caderet, nè Populus ille duræ cervicis ſupremos exhiberet honores mortuo homini, ſicuti nos Papiſtæ facimus; nè idololatrandi foret occaſio, Sepulcrum Legislatoris cautum eſt, ut homines ignorarent; hinc Diabolus cum deſideret idololatriam in Mundo, revolare voluit locum ſepulturæ Moyſis Servi Dei, & altercatio magna ſubſeuta cum Michaelle Archangelo prohibente, nè palam faceret id, quod occultum cuſtodivit Deus, nè Populus electus contaminaretur ſuper mortuo, deferens Cultum Domini Dei ſui, iterumque currens ad Idola Gentium. De hac altercatione ſermo nobis eſt in Canonica Epistoſa Judæ ſub his verbis: *Cum Michael Archangelus cum Diabolo diſputans altercaretur de Moyſis Corpore, non eſt auſus judicium inferre blaſphemiæ, ſed dixit: Imperet tibi Dominus.* Interpretes doctiores utrumque laudatum textum communiter explicant: ideo Deum abſcondiſſe Corpus Moyſis, ut ſubtraheretur Hebræis idololatrandi incitamentum, quod intelligens Dæmon, locum, & Corpus oſtendere nitebatur, ut ruerent homines in graviffimum Idololatriæ crimen: Compescuit tamen audaciam Michael, dicendo: *Imperet tibi Deus.* Ad hæc addi poſſet, quod ſi licitus redderetur Cultus aliquis exhibendus Cadaveribus, ſive Cineribus, aut Sanctorum Reliquiis abſque macula peccati, & periculo Idololatriæ, deberi Moyſi, qui vidit Deum facie ad faciem, privilegium adeo eximium, ut per Angelicum Magiſtrum nulli alteri legatur præter Paulum in Scripturis conſeſſum, itemque gratitudo Iſraelitici Populi erga Liberatorem, Conductorem, & Legislatorem ſuum hoc exigere videbatur, & quamvis ille Populus propus eſſet ad

idololatrando, præmissa admonitione Dominica, ac distinctione Cultus supremi, & non supremi, poterat longè esse periculum, & reddi Moyſi, quod ei jure debitum apparebat: at cum oppositum factum perlegatur, datur intelligi non posse absque ethnica superstitione Sanctorum Cadavera, vel Reliquias Cultu Sacro honorari, & distinctio illa Cultus à nobis excogitata exorta dubitatur ex prophanis Gentilium libris, qui cum plures admitterent Deos, non æquales omnibus tribuebant honores, unumque Jovem supremum fatebantur, aliosque inferiores non negabant.

Prolixiores fuimus in proponendo, non timentes addere etiam ea, quæ dici possunt ab Adversariis, quo notum fiat nos haud fugere quid difficultatis sit in Cultu Sanctorum Reliquiarum, sed pro viribus solvere, ut inspecta veritate, redeant ad unitatem, qui nos conturbant. Adductum modo testimonium Scripturæ considerare libet, ut quid nos edoceat intelligamus. Jubente Domino Moysem legimus mortuum, ac per manus illius sepultum. Felix mors, quæ jubente Domino advenit, & per manum ejus suscepta est à mitissimo Legislatore. Incomparabilis honor Cadaveris Moyſis, ad quod sepeliendum adjutrices manus Domini concurrerunt. Cui unquam mortalium tantum delatum est honoris, quantum Corpusculo Moyſis? Poterat Corpus illud à fulmine absumi, sicuti factum dicitur de Simone Stylita: poterat terra aperiri, & recludere: poterat ignis descendere, & in pulverem resolvere: poterat demum aliis infinitis modis celare Corpus illud Omnipotens Deus: non fecit tamen, sed illud sepelivit. Si ex hoc vos judicatis nullum deferendum honorem Cadaveribus San-



Sanctorum, cur spiritus veritatis testatus fuit in  
 Scripturis : *Mortuus est Moyses servus Domini in  
 Terra Moab jubente Domino : & sepelivit eum in  
 valle Terræ Moab contra Phogor* ? Si servus Regis  
 mortuus humaretur per manus Regis, quis adeo  
 demens esset, ut concluderet Regem judicare ser-  
 vum indignum honore ? Duo velim, ut notent  
 Calvinistæ, unum delatum Moyſi, alterum subtra-  
 ctum Hebræis. Primum, ut Corpus Moyſis sepe-  
 lretur à Domino, seu ministerio Angelorum terræ  
 traderetur, & hoc est indicativum honoris. Se-  
 cundum, ut locus sepulturæ ejus ignotus esset He-  
 bræis, & hoc fuit, ut subtraeretur honor supremus,  
 & indebitus, qui redderetur ab illo Populo. In fa-  
 cto ergo Moyſis, quod tanti faciunt heterodoxi,  
 advertant quomodo suaviter, & fortiter disposuit  
 omnia ineffabilis Providentia Divina, ut honoraretur  
 Servus à Domino, & tolleretur occasio servili  
 Populo honorandi Moysem ut Dominum. Non  
 recedimus à plurium Doctorum sensu, non cognov-  
 isse hominem sepulcrum ejus, nè Idololatriæ cri-  
 mine contaminaretur Hebræorum gens, sed hoc  
 ideo fuit, ob ruditatem Populi, ob propensionem  
 ad Idololatriam, sed illucescente veritate Evange-  
 lii, Apostolorum prædicatione subsequente, Idola  
 Gentium destructa sunt, & periculum submotum  
 est; quotquot Christiani sumus scimus quod scrip-  
 tum est: *Unus Dominus, una Fides, unum Baptisma,* *Ad Ephes. 4.*  
 nec ad muta Simulacra currimus; & si quilibet agre-  
 stis homo interrogetur an Sanctos colat, ut Deos,  
 illico respondebit: Unus est Deus: Sancti Amici  
 Dei. At facile coluissent ad instar Numinis Moy-  
 sem Hebræi, & quamvis ipsi non ignorarent supre-  
 mo Cultu puram Creaturam non esse adorandam;  
 occa-

Num. 21. 5.

Exodi 32. 1.

Ibidem.

occasione tamen accepta ad Idola Gentium convertebantur. Tot prodigiis ab Ægyptiorum servitute liberatus Populus ille, nonne illicò in Ægyptum revertere optabat? Cœli deliciis pastus dixit: *Anima nostra jam nauscat super cibo isto levissimo*; & cum Moyſes Legem de manu Domini recepturus, per aliquot dies in monte moram traxerit, congregatus Populos adversus Aaron dixit: *Surge fac nobis Deos, qui nos præcedant: Moyſi enim huic viro, qui nos eduxit de Terra Ægypti ignoramus quid acciderit?* Et cum Aaron nimium indulgens, fecisset opere fusorio ex inauribus vitulum constabilem dixerunt: *Hi sunt Dii tui Israël, qui te eduxerunt de Terra Ægypti.* Vide dementiam, ac cecitatem Populi: fatetur se eductum ab Ægypto per Moysem, vult Deos qui præcedant: efformato unico vitulo, clamant: *Hi sunt Dii tui, qui te eduxerunt*, & qui paulò ante confitebantur beneficium acceptum per Moysem, modo totum denegant Moyſi, ut totum donent vitulo. Si ergo remanſſet Corpus Moyſis totum illi tribuiſſent, totum Deo denegaſſent. Similem reddimus nos Papiſtę Cultum Sanctis nostris, eorumque Reliquiis? Abiit à nobis hæc Judaica perſidia, hæc in nos putida calumnia Calvinistarum. Eſto deberetur aliquis ſacer honor Conductori, ac Legislatori Moyſi, aut nullum reddidiſſent, uti faciunt quos impugnamus hæretici, aut Divinum impendiſſent, ſicuti vitulo fecere: quare acutiſſimè de more reſſeſcit Chryſoſtomus Homilia quinta in Matth., Deum diſpoſuiſſe, nè Iſraeliticus Populus per Myſem in Promiſſionis Terram non introduceretur, nè omnia beneficia in illum referret cum oblivione Domini Dei ſui, ſicut pluries accidiſſe ſacrum teſtatur Eloquentium: ut igitur omnis huiusmo-

modi amputaretur occasio, ipsum quoque ejus est occultatum sepulcrum. Plura referte ad ostendendum motivum hoc non urgere in aliorum Sanctorum Corporibus, omnino superfluum existimo. Immo, & si subesset periculum in sepulcro Moylis manifestato, extendere ad alia monumenta Sanctorum Patriarcharum, contra sensum Scripturæ apparet. Notum enim erat sepulcrum Abraham, Isaac, & Jacob, Lia, & Rachelis, & Joseph; notum Elisei, ad quod revixit homo, & stetit supra pedes suos, quare Matth. 23. habemus Judæos usque ad ea tempora ædificasse sepulcra Prophetarum, & ornasse monumenta Justorum. Et quamvis Calvinistæ putent ex laudato textu reprobari Cultus Sacrarum Reliquiarum, quia præmittitur comminatio sub illis verbis: *Væ vobis Scribæ, & Pharisei hypocritæ, qui ædificatis sepulcra Prophetarum, & ornatis monumenta Justorum*: Attamen, nec ullum verbum est, quo demonstretur quod vellent hæretici. Non enim Christus redarguit Scribas, & Phariseos dicendo, *væ vobis Idololatræ, qui ædificatis*, sed *væ vobis hypocritæ*. Ornare monumenta Justorum ad Cultum, ut Idololatriæ crimen reputant Adversarii; Christus objecit hypocrisim, distinctum planè flagitium ab Idololatria. Novi interpretes hæretici pro eodem reputant. Enarrent aliquem ex Ecclesiæ Patribus sic exponentem. Expectavimus à mille, & trecentum annis, & non apparuit nisi Lutherus, Calvinus, Dallæus, Witteph omnes hæretici, omnes ab Ecclesiâ proscripti, omnes ad tartara missi. Ædificare, & ornare monumenta Justorum, & Prophetarum, pium, & religiosum est, sed quia Pharisei hoc ex æmulatione, & vana ostentatione faciebant, ut hypocritæ redarguantur à Do-

Matth. 23. 29.

*Ambros. su-  
per Lucam.  
Cap. 6.*

*Beda in Lu-  
cam lib. 4.  
cap. 4.*

*Rabanus  
Matth. 23.*

*Matth. 23. 29.  
30.*

Domino . Ambrosium profero : *Etenim prophetico-  
rum ædificatione Tumulorum sceleris eos , qui occide-  
rant arguebant , & similium æmulatione factorum ,  
se esse quoque declarabant paternæ iniquitatis hære-  
des , non igitur ædificatio , sed æmulatio , loco criminis  
æstimatur . Non Monumenta , inquit Venerabilis Be-  
da , Prophetarum ornare , sed interfectores Prophetarum  
imitari sceleris est . Cui consentit Rabanus :  
Simulabant quidem se ob favorem vulgi captandum  
Patrum suorum horrere perfidiam , memorias Prophe-  
tarum , qui ab eis occisi sunt magnificè ornando : Sed in  
ipso opere testificantur , quantum paternæ nequitie  
consentiant , Dominum , qui ab eisdem Prophetis est  
prænuntiatus , injuriis agendo . Hæc communis in-  
terpretatio Patrum , quæ quantum distet ab errore  
hæreticorum eosdem Judices appello ; & certè si  
totus integer textus perlegatur apparet , quod illa  
comminatio : *Væ vobis Scribæ* , non sistit in *ly ædifi-  
catis* , sed conjungitur cum sequentibus : *Væ vobis  
Scribæ , & Pharisei , qui ædificatis sepulcra Prophe-  
tarum , & ornatis monumenta Justorum , & dicitis .  
Si fuissetis in diebus Patrum nostrorum , non essemus  
socii eorum in sanguine Prophetarum .* En objectum  
redargutionis integrum , qui legit intelligat , &  
caveat ab insana interpretatione Novatorum . *Væ*  
vobis Calvinistæ , qui sub speciei pietatis destruitis  
Monumenta Sanctorum , & dicitis Deum esse colen-  
dum , & interim dehonoris illum in Sanctis suis ,  
& putatis obsequium præstare Deo persequendo  
quos dixit , & fecit amicos , filios adoptavit , & con-  
stituit hæredes . Octo comminationes , sive *væ* , hæc  
scribens , numeravi in citato Capite Matth. contra  
Phariseos , & Scribas , & solam hypocrisim repre-  
hendunt . Nullus sermo est de abrogando Cultu  
San-*

Sanctorum . Nec jactent saltem hypocrisim esse honorare Cineres Justorum , & Prophetarum . In Phariseis , & Scribis quidem dabimus hypocrisim fuisse , quia ex prava intentione procedebant , ut Plebis auram captarent , interimque dum se honorare fingebant Prophetas , à Prophetis pronunciatum Christum occidere cogitabant , umbratilem , & fictitium Cultum Servis reddebant , & Dominum vitæ interficere incipiebant . At Christiana , & vera Religio docet honorare Dominum in se , Servos , Amicos , Justos , Sanctos Domini propter Dominum : sed satis quantum ad hoc superius loquuti sumus . Textum deindè Canonica Epistolæ Judæ quomodo faveat hæreticis haud facilè intelligo . In Canone Sacrorum Librorum non accipiunt , ex illa ergo desumi argumentum non debet . Nos quidem à Spiritu Sancto dictatam veneramus , quia Catholica Ecclesia , quæ columna est , & fundamentum veritatis ita nos edocuit , & eadem Ecclesia admonet nullum extare Caput in Sacris Litteris , quo prohibeatur Cultus Sanctarum Reliquiarum . Spiritus Matris nostræ est spiritus Unitatis , & Pacis , non vertiginis , repugnantia reprobatur : statuens itaque , quod Epistola sit Canonica , affirmat aliter interpretandum textum , quam facitis vos . Quamvis si Patres consulamus circa motivum recensitæ altercationis inter Michaellem , & Dæmonem , Græci sentiunt concertationem fuisse , quod Diabolus Moysis Corpus expeteret propter homicidium in Ægypto commissum , & Michael ipsum defensaret . Alii relati à Beda judicant textum esse intelligendum , non de Cadavere Moysis , sed de Corpore mystico , scilicet de Judæorum Populo , quem à Diaboli insidiis Michael protegebat . Alij demum ,

*Beda in hunc locum .*

*Tom. I.*

*I*

*Am-*

Ambrosio narrante ( si Sancti Doctoris sunt Commentaria in Epistola ad Titum ) volunt per Incantatorum prastigias tentasse Dæmonem Moyſis Corpus ſuſcitari, ut idololatrandi foret occaſio, ſed reſtitit ei Sanctus Michael: quod inter fabulas computat ille Doctor. Sivè unam, ſivè alteram amplectantur Calviniani interpretationem, nihil eſt detractum honori, quem religioſè reddimus Cineribus Sanctorum. Demum ſi concedamus eo pari modo intelligendum eſſe textum Epistolæ Judæ Apoſtoli, ac Exodi 34. eadem adhibenda erit reſponſio, quæ ſuperius explicata eſt. A gentibus autem incepiſſe ritum noſtrum colendi Corpora Sanctorum à veritate omninò alienum eſt. Habuerint varietatem in reddendo honorem Diis ſuis Ethnici: coluerint cum diverſitate Deos terreſtres, vel marinos, montium, ac vallium, relinquimus perſcrutandum quibus familiare eſt in his libris verſari, & otium ſuppetit commorandi in vanis, certè mihi vacuum non eſt, totus præoccupatus ſum in heterodoxorum erroribus conſutandis. Crediderim demonſtraſſe ſufficienter in priori parte unde ad nos deſluxeſcit modus honorandi Corpora Sanctorum. Non oblivioni tradant, quod geſtum fuerit à Sanctis Mulieribus erga Corpus Dominicum: recolant quod Joſeph ab Arimathæa introivit audacter ad Pilatum, & petiit Corpus Jeſu; meminerint quomodo Angeli deſcenderint ad Sepulcrum Chriſti viſitandum poſtquam reſurrexiſſet, occurrerint illuc ſolando anxias Mulieres, revolverint cum omni veneratione veſtes, terruerint hoſtes, lapidem depoſuerint; mortem Ozzæ non recordantur, qui auſus fuit tangere Arcam? David humiliatum repoſuimus: Sepulcrum Eliſei indicavimus: Sanctorum

Pa-

Patrum testimonia dedimus : Miracula descripsimus. En unde ortum habeat Cultus noster , & devotio nostra , non à prophetis Gentilium libris. Errarunt quidem Gentes reddendo supremum Cultum Jovi tanquam Supremo Numini , qui erat vel spurcissimus homo , ut iidem Ethnici testantur , aut Idolum , & scimus , quia Idolum nihil est in mundo ; errarunt in divisione Cultus , quia Deos multiplicabant , vel saltem quibus opprobria debebantur , honores reddebantur : *Omnes Dii Gentium Dæmonia , Dominus autem Cælos fecit* . Vix calamum cohibere possum quin exclamem , ò insensati Calvinistæ : vidistis in Ecclesia Catholica sacros adscribi honores Dæmonibus ? Antequam judicet Ecclesia , an aliquis sit inter Martyres , & Sanctos adnumerandus , quæ , & qualia requirit ? Nonne expectat signum voluntatis Divinæ , quæ se manifestat per Miracula ? Vidistis Creaturas coli ut Numen , & Deos reputari ? Cur autem Deus voluerit potius donare nobis , quam illi Populo plenior cognitionem , nisi sciremus abundè , quæ Deo tribuenda sunt , quæ & Sanctis ejus ? Noli velle investigare , si non vis errare : gratias age Deo , quia cum oleaster esses , insertus es in bonam olivam . At non oliva eritis in Domo Domini , nisi desinatis detrahere Amicis Domini , & revertamini ad Ecclesiam Matrem vestram , quæ pro vobis lacrymas fundit , iterumque expectat , ut redeatis ad sinum suum , & dicat : Filioli mei , quos iterum parturio donec efformetur in vobis Christus . Utinam antequam moriar videam vos in unitate Ecclesiæ , & si vobis ignotus , non cesso quotidie supplices manus porrigere ad Thronum Clementiæ , ut auferat à cordibus vestris velamen , & cæcitatem , quæ ferè similis est cum

*Psal. 95.*

Judaica ruditate : Intercessores apud Deum deprecor Sanctos , ut pro modico labore ad honorem illorum assumpto , Patrem Misericordiæ vobis placatum reddant per Jesum Christum omnium Redemptorem .

## CAPUT IV.

*Dallæi discursus confutantur .*

**D**Allæus Calvinianæ Confessionis Minister in libro contra Latinorum Traditionem de Religiosi Cultus objecto multa congerit , ut ostendat Sanctarum Reliquiarum honorem nuperum inventum esse : incognitum priscis Patribus Christiani nominis trium Sæculorum : nulla extare argumenta , quibus probetur vetustissimos illos Christianos , nè dum Reliquias , sed Divos ipsos coluisse : exprobatum quidem à Paganis Cultum Sanctorum , sed post tertium Sæculum , nec antea legimus usitatum fuisse apud Patres nostros ad unius , vel plurium Martyrum Sepulcrum propriè , & seorsim ab aliorum Fidelium Sepulcris orare , velut aliqua major sit hujusmodi loci Sanctitas , & Religio : hæc enim omnia in quarto Sæculo initium cognoverunt . Ultimo insurgit , nullum ritum condendarum sub omni Altari Reliquiarum intra trecentos annos à Christo nato fuisse , neque Majores nostros illis tribus Christianissimis Sæculis gestasse legimus in publicis Processionibus Reliquias , vel solemnes Translationes fecisse , vel ad collum appensas in præsidium , & defensionem habuisse : hæc autem omnia incæpisse sub quarti Sæculi initio . Sic Calvinista Dallæus discurrit , & magnum apud suos sibi com-

*Dallæus esp.  
10. 11. 12. 13.  
&c.*



comparavit nomen, ut nemo tantæ eruditionis, & scientiæ judicetur. Veruntamen nimium miseri facti estis à Calvinistæ, si alios eruditos Magistros, & Doctores non profertis, circuitis Mare, & Aridam, ut faciatis unum Profelitum, & cum fuerit factus, facitis eum filium gehennæ duplo quam vos. Nescio qualis eruditio appareat in homine isto, quæ scientia resplendeat, & quod rationis lumen effulgeat. Fateor Christianissimæ priora tria Sæcula recensita, at nos defecisse à Fide, unde probas à Dilectæ? In publicis Processionibus, inquis, non erat mos Patribus nostris deferre Reliquias ad Divinum implorandum auxilium, in quarto Sæculo hæc actitari cœperunt. Gratias tibi ago propter erudita mendacia. Scis quare usus non fuerit in tribus Sæculis, quia Ecclesiæ erat sub Regibus persequentibus, in quarto Sæculo facta est sub Regibus obsequentibus. Quid excogitas publicas Processiones, quando publica aderat persecutio nominis Christiani? Nunquid poterant fieri solemnes Translationes temporibus Neronis, Aureliani, Trajani, Decii, Diocletiani? Quod fieri non potuit primis illis in Sæculis, fieri non debuit in subsequentibus? Vide eruditionem, & subtilitatem inferendi! Omnia tempus habent, & tempus belli, & tempus Pacis. Primis temporibus bellum inferebatur Christum annuntiantibus, & sequentibus: vix in speluncis, & cavernis Terræ poterant inhabitare Patres nostri: clam uni Deo Sacrificium offerebatur: necessaria ad salutem Sacramenta ministrabantur: inungebantur Athletæ ad pugnam: reficiebantur Eucharistico Cibo Fideles, nè deficerent in via: lapsis dabatur venia, at hæc omnia peregebantur secretò, nec à furentibus Gentilibus Tempora nostris

Reg. 3. 5.

stris permittebantur, in quibus Fidei instituta Majores nostri traderent. Inane ergo est argumentum ex non usu illorum Sæculorum inferre abusum in subsequentibus. Quando in Lege veteri ædificatum est Templum, & ritu solemniter dedicatum, nisi cum pacem donavit Deus Salomoni ab omnibus inimicis suis? Unde dixit: *Nunc non est Satan, nec occursum malum, quoniam cogito ædificare Domum nomini Dei mei.* Si quis sapientissimi Salomonis opus reprehendere vellet sic discurrendo. Templum non fuit constructum à David Rege sanctissimo, à Samuel Judice rectissimo, à forti Sampson, à mirabili Josue, à religioso Moyse, ergo nec constructum debet à Salomone: nonne fatuus meritis censeretur? Et tamen pro pudor similiter ratiocinatur Dallæus, & sapiens reputatur. Sicuti itaque Salomon reprobatus non est, quia Templum consecravit Altissimo Deo, quod recensiti Majores nostri non fecerunt ob bella ingruentia contra finitimos Populos idololatrias, ita si in quarto Sæculo publicæ dedicationes Templorum cum Reliquiis Sanctorum, ac solemnes Translationes à Patribus nostris institutæ sunt, non obiurgandi, quasi defecerint, quia hæc omnia non perfecta fuere à prioribus Patribus trium Sæculorum. Primi in bello, alteri in pace constituti edocuerunt nos quomodo in utroque tempore Deo sit inserviendum. Requievit Ecclesia sub Principibus obsequentibus, & quod perfici non potuit sub tyrannica potestate, Deo miserente absolutum fuit sub legitima. Lacrymantibus oculis inspicimus Orientis faciem commutatam, & ubi Deo publicè sacrificabatur, Dæmonibus, ac spurcissimis hominibus immolatur, non tamen condemnamus residuum Christianorum ibidem.

com-

commorantium, si solemnes Processiones cum Reliquiis non celebrent, aut alia non perficiant juxta consuetudinem Majorum. Alia est ratio Fidei, alia Disciplinæ: Fides omnino invariabilis, una, immutabilis: Disciplina aliquam subire potest variationem, quia temporum, locorum, personarum conditionem considerat, & si à Fide nos defecisse putat Dallæus ob nonnulla, quæ usum obtinuerunt apud nos, & non apud primos Patres nostros, pariter & Calvinistas defecisse comprobatur, quia multa sanctè à Patribus primis instituta, non negligunt tantum, sed contemnunt, irrident, & prædicant non facienda: Viget nè ille rigor Disciplinæ in imponendis salutaribus poenitentiis apud Calvinistas? Omnis satisfactio odiosa est illis, & tamen primi Patres nostri plures Canones efformarunt, uti quisque eruditus novit. Vitam communem servant, ut submotum sit inter illos meum, ac tuum? Et ita vixisse primos Christianos legimus in Actibus Apostolorum. Defecerunt itaque una nobiscum. Ubi est ergo nunc Ecclesia? Non apud nos, ut vos impiè clamatis, non apud vos, ut nos certè judicamus, en ergo Christus in promissis mendax, qui dixit: *Ecce ego vobiscum sum usque ad consumationem Seculi*? Blasphemiam, si horreant, desinant cum Dallæo nobis impropere, quod in pace nobis donata per Christum multa faciamus, quæ in bello Patres nostri adimplere non potuerunt. Demum si, Dallæo consentiente, in quarto Sæculo incœperunt Deo dedicari Altaria cum Reliquiis Sanctorum: publicas Translationes fieri, tunc defecisse Ecclesiam concludendum est, cum hæc omnia idololatriam sonent apud vos, à temporibus ergo Constantini usque ad prædicationem Calvinianam omnes

*Matth. 28. 20.*

nes declinaverunt , simul inutiles facti sunt , & ad idololatriam prolapsi sunt ; In tam subita Fidei mutatione , nec unus ex tot Sanctissimis Patribus fuit , qui admoneret Populum sibi commissum , & diceret , quod ad Idola revertissent ? Eruditus , qui dicitur Dallæus ignorare non debuit quinam Episcopi componerent Nycænani Synodum primam . Multi sapientissimi erant , plures , qui pro Fide Christi decertarunt , & vulnerum cicatrices portabant , nonnulli , qui in tertio Sæculo florere , & optimè noverunt quænam Fides esset priorum Sæculorum : pejus errassent Patres Nycæni rursus idololatriam foventes , quam Arius Verbum Divinum asserens Creaturam . Omnes Scriptores , tam Catholici , quam Ethnici nobis notum faciunt in quarto Sæculo Idola Gentium destructa fuisse , solus Dallæus revixisse affirmat , testes nullos profert , & sibi Fidem adhiberi desiderat : negantia argumenta exhibet de publicis dedicationibus Templorum , & solemnibus Translationibus Corporum Sanctorum Martyrum , quæ tribus Sæculis non fiebant , & conclusum esse positivè contendit contra Fidem Catholicorum . Quid diceret si Benedictum XIII. feliciter Regnantem inspiceret in ætate senili tot sacris laboribus serè attritum , quotidie Altaria solemni ritu cum Sanctorum Reliquiis consecrantem , lassos humeros ad Urnas Cinerum Sanctorum publicè deferendas supponentem ? Exclamaret profecto hæc non fiebant in primo , secundo , tertio Sæculo à Benedicti Prædecessoribus ; sed cui datum est divinitus illis succedere , repeteret Benedictus : quod Patres nostri facere non potuerunt ob sevitiam Paganorum , nunc fieri debet ob pietatem Christianorum in honorem Sanctorum , qui fortes facti

facti sunt in bello, & nobis sanguine suo pacifica tempora impetrarunt ab illo, qui dedit eis victoriam per Jesum Christum Dominum nostrum, in cujus gloriam primariò cedunt, & Consecrationes, & solemnes Translationes. Sed revertamur ad alia, quæ nobis objicit Dallæus. Secretò, asserit, in primis Sæculis tumultata fuisse Corpora Sanctorum Martyrum, & omninò occultare curasse Fideles, nec reposuisse sub Altaribus. Romanæ Mulieres, quæ facultates suas erogarunt in alendis Pauperibus, humanis, condiendisque Cadaveribus Martyrum eruditum hominem edocebunt, illorum temporum angustias, impedimento quidem fuisse, nè religiosi obsequii plura signa darent, dedisse tamen etiam cum aperto discrimine, vel in Prædiis suis sepeliendo cum notis certis, quibus secernerentur futuris temporibus, qui usque ad sanguinem restitissent, & peculiari dignos honore Athletas demonstrasse per distinctos lapides, in quibus Martyrium indicabatur per vitreas ampullas cruore tinctas Militum Christi, & per alia Symbola, quæ adhuc nostris temporibus patent. A rabie furentium Gentilium absconsa remanebant Corpora Martyrum: attamen sic occultare quædam pietatis, & observantiæ species erat, & honor non parvus, dum tale exercebant officium, ut posteris aliquid de Sanctis Martyribus remaneret, & Cineres Justorum, non confunderentur cum Cineribus impiorum. Quando verò Deo placuit aperire Tumulos Martyrum, & antiquorum apparuit veneratio in Martyres, & noster Cultus Martyrum publicus factus est. Utinam majori circumspèctione Patres nostri occultassent Corpora nonnullorum Sanctorum in Anglia, & Gallia, modo exuvix remanerent ad nostram

consolationem : sed excusanda illorum simplicitas est . Quis unquam talem malitiam excogitasset in Calvinianis , ut etiam in mortuos deservirent ? Occultatio itaque , quæ à Dallæo fingitur , nè Cineres Sanctorum in honore essent apud primos Christiani nominis Patres , potius oppositum demonstrat , & ut debitæ reverentiæ signum est accipienda . Si ea primorum Sæculorum Fides fuisset , ut omnis Reliquiarum Cultus esset abdicandus , quare separarunt pretiosum à vili , & Corpuscula Martyrum sepelierunt , ut dignosci , & distingui ab illis possent ? Quare absque confusione recondita ? Quid vitreæ ampullæ , quid lapides distincti cum palmis , quid ly *Pro Christo* indicant , nisi religiosum honorem ? Poterant æquè facilius cum aliis Cadaveribus confundi , uti Julianum Apostatam fecisse refertur in odium Christianæ Religionis : poterant nullum signum apponere : omnia symbola auferre , quæ cum non fecerint , Divina stat firma Traditio , etiam in primis Sæculis , de religioso Cultu Sanctorum Cineribus reddendo .

Latinorum vocat hanc Traditionem Dallæus , quare autem non Græcorum ? Fortassis Græci manus Calvinistis dederunt denegando honorem Reliquiis Sanctorum ? Supra testimonium retulimus Jo. Chrysostomi , Basilii , & aliorum . Nycæna secunda Synodus ferè tota ex Patribus Græcis composita , quid in ea statutum fuerit non ignorat Dallæus . Immo cum pax reddita est Ecclesiæ per piissimum Imperatorem Constantinum , in Oriente publicæ Translationes apparuerunt . Narrat Ambrosius oratione de exitu à vita , & virtutibus Theodosii , quomodo Helena Constantini Mater invenerit juxta pium votum Dominicam Crucem , & honoraverit :

He-

*Helena, inquit, Magna Famina, quæ multò amplius invenit, quod Imperatori conferret, quam quod ab Imperatore acciperet: Anxia Mater pro Filio, cui Regnum Orbis Romani cesserat, festinavit Hierosolymam, & scrutata est locum Dominicæ Passionis. Stabulariam banc primò fuisse asserunt, sic cognitam Constantio Seniori, qui postea Regnum adeptus est. Bona stabularia, quæ tam diligenter Præsepe Domini requisivit. Bona stabularia, quæ stabularium non ignoravit illum, qui vulnera curavit à latronibus vulnerati. Bona stabularia, quæ maluit æstimari stercora, ut Christum lucrificeret. Idè illam Christus de stercore levavit ad Regnum, secundum quod scriptum est Psalm. 112. 7. Quia suscitavit de terra inopem, & de stercore erigit pauperem. Venit ergo Helena, cæpit revisere Loca Sancta, infudit ei spiritus, ut lignum Crucis requireret, accessit Golgotham, & ait: Ecce locus pugne, ubi est victoria? Quæro Vexillum salutis, & non invenio: Ego, inquit, in Regnis, & Crux Domini in pulvere? Ego in aureis, & in ruinis Christi Triumphus? Ille adhuc latet, & latet palma vite æternæ? Quomodo me redemptam arbitror, si redemptio ipsa non cernitur?*

Eo igitur tempore, quo Christianæ Militiæ adscribi Imperatores cœperunt, honestiori loco, & Sanctorum Reliquiæ repositæ fuere, & solemniter transferri, excogitatum fuit etiam apud Græcos. Constantinum Imperatorem Reliquias Andreæ, Lucæ, & Timothei Constantinopolim transtulisse testis est Hieronymus: idem refert eo tempore factam fuisse jussu Augusti Arcadii celeberrimam Translationem Ossium Beati Samuelis de Judæa in Traciam, & tanta lætitia, ut de Palæstina usque Chalcedonem jungerentur Populum examina, & in

*Epist. ad Riparium.*

Christi laudem una voce resonarent. Sed nè exurgere contra nos possint moderni Dallæistæ, sive Calvinistæ dicentes testimonia Ambrosii, & Hieronymi Latinorum esse, non Græcorum, consulamus Græcos Historicos præter datos in prima parte, an fuerit solum mos Latinorum, seu Græcorum simul transferre solemniter Sanctorum Reliquias ad venerationem. Non repeto testimonium Dorothei Tirii in Synopsi: non enim me latet censura doctissimi Cardinalis Bellarmini, quem ut Magistrum prosequor, aliisque proponere condelector: fateor me in Controversiis Fidei contra modernos Hæreticos nunquam recedere à sententia Venerabilis Viri: tam acutè Adversariorum objectis responderet, tam solidè nostra tueretur, ut qui erudiri desiderat contra vigentes hæreses adeat Robertum Bellarminum: hic enim de Scriptoribus Ecclesiasticis Synopsim Dorothei plenam fabulis describit, quod si nos supra retulimus testimonium prædicti Authoris, cum eodem Bellarmino reponimus: *Non meminisssem libri tam fabulosi, nisi vidissem à multis citari, & non minimi fieri.* Hoc ergo Authore Synopsi omisso, Nazianzenum Gregorium proferamus de inventione Corporis S. Cypriani sic loquentem: *Quamquam Cypriani nomen apud omnes, non modo Christianos, verum etiam eos, qui adversæ Classis erant (virtus enim omnibus similiter venerationi est) clarissimum, & celeberrimum esset, Corpus tamen obscurum erat, atque hic Thesaurus apud Mulierem quamdam pietate fervidam occultabatur: idque diuturno tempore, sive quod Deus hac oratione piam Matronam honore affici vellet, ac propterea illa Martyrem amplexu suo teneret, sive etiam, ut desiderium nostrum exerceret, num scilicet hoc damno*  
*an-*

Gregor. Naz.  
orat. 18. in  
S. Cyprian.



angeremur, acerbèque ferremus nos Sanctis Reliquiis privari. At verò postquam ille Martyrum Deus commune omnium bonum alicui privatim concedere, & singulari erga illam gratia, publicis commodis detrimentum adferre minimè sustinuit, per revelationem in apertum Corpus profert. Subindè recenset eloquentissimus Doctor Miracula: Dæmonum nimirum oppressionem, morborum depulsionem, futurorum prænotionem: *Quæ omnia, inquit, vel Cineres ipsi Cypriani, modo Fides adfit, efficiunt.* In longum abirem, si omnes Translationes in Græcia factas hic referre vellem. Sozomenus refert Pulcheriam Imperatricem inventis Sacris Quadraginta Martyrum Reliquiis, Deo gratulatorias preces fudisse, quod Sacram Reliquiarum inventionem fuisset assecuta, & post hæc pretiosissima Thæca Martyres honoratos, juxta venerabilem Thyrsum composuit, publica Festivitas cum debito honore, ac pompa, ac psalmodiis celebrata, cui interfuisse, & ipse Sozomenus testatur, concludens: *Hoc Imperio Deus multorum Sanctorum Corpora manifestavit: cujusmodi illud est, quod accidit in Zaccaria vestro Propheta.* Theodoretus narrat, Apollinem Daphnæum impio Juliano responsa non dedisse ob invictissimi Martyris Babilæ Reliquias, quæ non longè repositæ fuerant, quod ægrè ferens Apostata Imperator, jussit ex eo loco transferri, & profecti Christiani ad lucum lubentibus animis loculum in bigis collocant, omnesque ad unum accedentes, saltare, Psalmosque Davidicos cantare cœperunt, & inter singula versuum membra interponere: *Confundantur omnes, qui adorant sculptilia.* Theodorus Lector lib. 2. quatuor enumerat sub Constantino Magno, Theodosio, Arcadio, & juniore Theodosio.

Sozomen. lib.  
4. cap. 2.

Idem cap. 16.

Theodoret.  
Ecel. Hist.  
lib. 3. cap. 9.

Psalms. 96. 7.

*Evagr. lib. 1.  
cap. 13. 16.  
lib. 2. cap. 3.  
lib. 4. cap. 29.  
34.*

dosis . Evagrius ad longum describit Translationem Sanctissimi Corporis Simeonis, Leone Augusto Imperium gerente , & Martyrio Antiochiæ Episcopatum administrante . Antiochiani deportatum , à Militibus fuit custoditum, nè vicinæ Urbes illud furriperent , & cum Sacrum Pignus ab Antiochenis postulasset Imperator , dixerunt Cives : quoniam Civitas menibus caret Sanctissimum Simeonis Corpus huc apportavimus , ut nobis muri , & muni-menti loco sit , quibus verbis persuasus Imperator venerandum Corpus illis concessit . Martyris Eupheniæ inde recenset , Levitæ Ignatii , Sergii Martyris , Thomæ Monachi festivas Translationes . Perlegat Dallæus Georgium Alexandrinum , & quid Theodosius junior fecerit erga Corpus Sancti Doctoris Joannis Chrysostomi de humilibus litteris conscriptis , quali honore receptum Sacrum Cadaver , quomodo repositum in propria Sede , ac si vivens foret Populo benedixerit , claudum sanaverit . Oblatret Dallæus fabulis hæc similia esse ; Modo contentio non est , an vera sint Miracula , quæ à Græcis referuntur operata per Sanctorum Reliquias . De veritate horum Miraculorum satis me dixisse puto priori Parte Capite III. Nunc juvat respondere cum Jeremia Constantinopolitano , Schismatico quidem homine , & nobis adverso , qui non potuit tamen adduci , ut Calvinianis erroribus subscriberet : *Si è præduro saxo aqua in solitudine effluxit : si ex Asini mandibula Sampson sitiienti aqua erupit , cur Martyrum Reliquiis idem fieri incredibile sit ?* Testimonium hoc , quod ab inimica voce profertur , libentius audiri judico ab hæreticis . Revertantur ergo prævaricatores ad cor , & cognoscant quod durissimo saxo concedunt , quod Asini man-

*Apud Cocceii  
tit. de Sancti.*

mandibulæ, perperam negari Dominicæ Cruci, Vestibus Deiparæ, Ossibus Pauli. Sed, ut dixi, contentionis caput illud est, an Cultus Sanctarum Reliquiarum sit dumtaxat Traditio Latinorum, ut Dallæus vult, & cum omnes Græci Historici meminerint recensiti Cultus, nec ullum dissidium inter Latinos, Græcosque fuisse, sed omnes unanimi consensu dignos honore Sacras Reliquias reputasse, mendax de more Dallæus, homo neuter demonstratur. Non enim solum relati Historici mentionem faciunt de Sacris Translationibus, sed & alii idem tradere compertum est legentibus. Cedrenus siquidem in Constantino Copronymo, ex quo descendunt quos patimur Adversarii, scelus sordidi Imperatoris detestatur, qui Reliquias Sanctæ Euphemie cum cista in mare abjecit, quæ Dei gratia incolumis demum appulit, ac deinde Constantino, & Iræne imperantibus, digna veneratione suum est reducta Templum. Refert Joannes Zonaras in Leone Magno Imperatore, pretiosam Sanctissimæ Deiparæ Vestem è Palæstina Romam novam fuisse translata, & à Leone in argenteo loculo in Æde, quam ipse in Blanchermis struxerat, repositam, quæ Ædes ex eo sacer locus appellatur, & sub Imperio Constantini Leonis filii venerandam Præcursoris Joannis manum Antiochia Bixantium deportatam fuisse à quodam Jobo Diacono, ac demum Imperio Romani Pueri Nicephorum Phocam ab Imperatrice evocatum, secum partem Vestis, ac Capillorum Sanguine concretam ejusdem Sancti Præcursoris Constantinopolim transtulisse. Omitto Suidam in Copronymo, Nicetam Choniatem in Andronico Comneno, Michaellem Glycam parte quarta Annalium, Nicephorum Callistum lib. 2. cap. 41., Joannem

nem Cantacuzenum Apologia tertia, alios Græcos Scriptores, qui omnes uno ore testantur de solemnibus, ac festivis Translationibus, deque honore Sanctorum Reliquiis reddito in Imperio Græcorum. Qua fronte dicat ergo Dallæus Traditionem esse Latinorum, fateor me ignorare, cum Græcorum, Latinorumque mens apertissima videatur. Repetit tamen, altissimum silentium fuisse in Authoribus trium sæculorum; ex silentio inferre ruinam putat causæ nostræ: sed si Patres siluerunt, bellum non indixerunt Sanctis nostris, quomodo ergo probat respuisse, & damnassee honorem, quem Sanctis reddimus; si Dallæo teste nihil dixerunt? Dixissent inquit, si esset licitus: dixissent repeto si esset illicitus; Proferat primos Patres, qui reprobent ut illicitam Sacrarum Reliquiarum venerationem, quod cum facere nequeat, ex silentio Patrum inferat, nec pro Cultu, nec contra aliquid probari posse, quamvis rectius dici debeat, quod adhuc non clamantibus hæreticis Patres tacuerunt: quare Patres in quarto Sæculo tanta scripserunt? Quia Progenitores vestri Eunomius, Vigilantius, Julianus Apostata, Constantinus Copronymus multa blasphemantes dixerunt, vobis tacentibus, aut securius loquebantur, aut utilius tacebant. Sed rem altius perscrutemur, & Dallæum ex Dallæo, & Calvinistas cum Calvinistis impugnemus. Ab illis scire cupinus quos Scriptores admittant præter Canonicos in primo Sæculo? Qui circumferuntur sunt Author libri Pastorum, Sanctus Linus Papa, S. Clemens, Procorus unus ex septem Diaconibus, Sanctus Dionysius Areopagita, Sanctus Ignatius Martyr, Abdias Babilonicus, Sanctus Polycarpus Martyr, Sanctus Martialis Lemovicensis Antistes; nunc

nunc vestrum proferte iudicium : aut scripta horum  
 Patrum legitima sunt , aut pseudicrafa , si primum  
 asseritis , en testimonium Clementis : Eorum , qui  
 apud Deum vivunt , nec Reliquiæ quidem Corporum  
 sunt inbonorate : siquidem Eliseus Propheta postquam  
 defunctus , mortuum suscitavit à pyratæ Syriæ occi-  
 sum : attigit enim Corpus Elisei , & excitatus re-  
 xit : quod quidem nunquam accidisset , nisi Corpus Eli-  
 sei Sanctum esset : & castus Joseph Jacob Patrem  
 jam defunctum in lecto jacentem amplexatus est : item  
 Moyses , & Jesus filius Nave Reliquias Corporis Jo-  
 seph ferebant , neque se tamen Cadavere contaminari  
 putaverunt . Quocirca , & vos Episcopi , ac reliqui ,  
 non existimate pollui , si mortuos contingere , & tra-  
 ctare non caveatis , neque eorum Reliquias accersemi-  
 ni , ejectis hujusmodi observationibus stultis . Quid  
 clarius dici poterat ? En silentium submotum in  
 primo Sæculo ; nonnè Dionysius Areopagita lib. de  
 Divinis Nominibus cap. 3. scribit convenisse Apo-  
 stolos ad contuendum Corpus illud , quod Autho-  
 rem vitæ , Deumque receperat ? Primos Autores  
 fugillant Calvinistæ cum suo Dallæo , & sub veneran-  
 dis nominibus supposita esse Opera , quæ referuntur :  
 hinc septem Ignatianas , quas recenset Hieronymus  
 Epistolas rejiciunt . Dionysium Authorem sexti  
 Sæculi prædicant , Abdiæ Babylonici , Lini , Cle-  
 mentis Opuscula , Decreto Gelasiano ut apocrifa  
 inuri . Non meum est in præsentī loco vindicare  
 Epistolas Sancti Martyris Ignatii , Areopagitæ  
 Opera , quod nostri eruditissimi præstaurunt : in-  
 terim si sanum proferre quis cupit de his Operi-  
 bus iudicium , Venerabilem consulat Bellarminum  
 de Scriptoris Ecclesiasticis : ego verò alteram  
 argumenti partem reassumam contra Dallæum ,

Constat. A-  
 postol. lib. 6.  
 cap. 29.

& Dallæum à Dallæo convictum clamabo.

Nihil scripserunt Patres primi Sæculi, aut si scripserunt nuda nomina ad nos pervenerunt, ut asseris, & ea quæ leſtitantur ſuppoſititia eſſe, non genuina illorum Patrum Opera. Unde ergo reprehendis noſtrum Cultum, quaſi contrarium primis Patribus, ſi de ipsis nihil omninò ſcitur? Unde noviftis Calviniani Sanctorum Reliquiis non fuiſſe adhibitum in primis Sæculis religioſum Cultum, ſi nulla extant Scripta Patrum? Revoca nos Dallæ ad Fidem, & diſciplinam Patrum Chriſtianiffimi Sæculi, & ignotam Fidem, & diſciplinam illorum profiteris; initium, dicis, ſumpſiſſe obſequium, quod reddimus Sanctis noſtris in quarto Sæculo, in quo, & publicæ Translationes inſtitutæ, Proceſſiones indiſtæ, & repetis ſimul nihil ſcripſiſſe Patres. Qui aſſerit rem aliquam hoc tempore incœpiſſe, novit in priori tempore non fuiſſe. Qui ergo das ignotum eſſe quid ageretur primis temporibus, nè accuſes tanquam novum, quod in ſubſequentibus peragi intellexiſti, alias te ſcientiam, & ignorantiam componere judicaberis; novum, & inauditum monſtrum in primis, mediis, & futuris Sæculis. Placet referre, quæ dixit in duobus libris de uſu Patrum. In primo libro per undecim Capita totus eſt, ut ſuadeat egrè poſſe conſtare, quid circa noſtras de Religionem Controverſias ſenſerint Patres, cum pauca extent ab iis ſcripta tribus præſertim antiquiſſimis Sæculis, quorum potiſſima ratio eſſe debeat. Porro primis tribus Sæculis pauci Doctores libris conſcribendis operam dederunt, ſed neque ea ipſa, quæ tum ediderunt Chriſtiani, tamen & ſi pauca, ad nos omnia pervenere. Pars major intercidit, vel temporis injuria, vel hominum in  
abo-

*Apud Nata-  
lem ab Ale-  
xan. Sæcul. 5.  
Diſſert. 25.*

abolendis, quæ ad palatum non sapiebant, auda-  
cium fraude, ut Papiæ quinque libri, Quadrati  
Atheniensis, & Aristidis Apologiæ, Libri Egesip-  
pi, Melitonis, Dionysii Corinthii, Apollinaris,  
Philippi, Modesti, Hippolyti, Julii Africani, Dio-  
nyssi Alexandrini, & aliorum monumenta, quorum  
nobis nuda nomina, & tituli apud Eusebium, &  
Hieronymum supersunt. Capite secundo subdit:  
Difficile esse certò scire, quæ fuerit veterum Pa-  
trum hodiernis de Controversiis Fides, quia quæ  
supersunt è tribus prioribus Sæculis scripta, maxi-  
mam partem agunt de rebus alienissimis ab iis, quæ  
hodie circa Religionem in controversiam vocantur:  
hi enim pro suorum temporum ratione, vel Chri-  
stianismum criminationibus, quibus per calumniam  
gravabatur, purgant, vel insulsa, & impia Ethni-  
corum Sacra exagitant, vel obduratam Judæorum  
pervicaciam coarguunt, vel portentosa hæretico-  
rum sui temporis deliria confutant, vel Fideles ad  
patientiam, & Fidem Christi fortiter profitendam  
hortantur, vel quosquam denique Scripturæ textus  
interpretantur: quæ omnia perperam ad Contro-  
versias nostras faciunt. Hæc Dallæus de recto usu  
Patrum; omitto plura, quæ in sequentibus Cap-  
itibus narrat parum devotus in Patres, quos omnes  
demum dat errasse, & si eorum scripta remaneant  
nihil ex illis evinci posse, quia homines fuerunt, &  
Fidem humanam solum præstant, quæ fallibilitati  
obnoxia est.

Veritas una est mi Dallæe, nec contraria pa-  
tetur: aut verum est, quod in volumine de vero  
usu Patrum conscripsisti, & non provocare debue-  
ras nos ad Patres primorum Sæculorum, cum nihil  
de hac Controversia fuerint loquuti. Versipellis

homo, cum se viderit agitatam in suis erroribus à sententiis Patrum, totus est, ut nēvos confingat in Patribus, subjectos erroribus clamat, eorum Scripta injuria temporum periisse, hominum fraude ad nos vitiata pervenisse, aut demum de nostris Controversiis nihil egisse. Cum verò in alio volumine Sanctorum Cultum suscipit impugnandum, immemor sui, totum se convertit ad Patres trium Sæculorum, & quod firmat in uno, destruit in altero, in utroque falsus: si nihil dixerint, pro se dixisse contendit, si dixerint, flocci faciendum, quod dixerint. Ad infirmanda ergo ea, quæ de religiosi Cultus objecto conscripsit, ipse Dallæus sufficeret in volumine de vero Patrum usu, quos rejicit nunc Judices Controversiarum, & modo statuit, varius, anceps, non sibi constans, vult scripsisse, & non scripsisse, fortes in Fide, lapsos in eadem, sequendos, & persequendos. Sed diversum cum sit mendacium destruere, & veritatem firmare, multa scripta Patrum periisse fatemur, & hæreticorum pruriginem vitiandi, quæ bona sunt, sensisse: attamen quæ superfuerunt fragmenta trium Sæculorum satis demonstrant, quæ fuerit Religio Patrum. Celebre testimonium Smyrnenſis Ecclesiæ in Epistola Encyclica superius dedimus, & iterum reproduci-  
*mus: Nos Divi Polycarpi ossa potiora lapillis pretio-*  
*sis, atque puriora ex cineribus sublata, eo loco*  
*reposuimus, qui illi erat decorus, consentaneusque,*  
*quo etiam in loco, nobis, si fieri poterit, convenienti-*  
*tibus, concedat Deus natalem ejus Martyris diem*  
*cum hilaritate, & gaudio celebrare, tum in memo-*  
*riam eorum, qui glorioso certamine perfuncti sunt,*  
*tum ad posteros ejusmodi exemplo erudiendos, & con-*  
*firmandos. Singula pensentur verba, ut appareat*  
*quam*

*Apud Euseb.  
 lib. 4 Histor.  
 Eccl. cap. 15.*



quam falsè procefferit Dallæus. Monumentum hoc est ex priscis Sæculis Christianissimis, & Fideles illi fuere Charitate ferventissimi, & Fide purissimi etiam concedente Dallæo, & tamen Ossa Polycarpi digna veneratione judicarunt: solemnem memoriam quotannis celebrare promittunt, si fieri poterit, quo ostendatur, si Solemnitates, Translationes, Processiones, & si quæ hujusmodi fuerint omissa, ex supervenienti impedimento, quod desiderabant non implevere: denuin natalem Martyris diem recolere se velle affirmant, & in memoriam eorum, qui glorioso certamine perfuncti sunt, & ad posteros erudiendos, & confirmandos. Qui dicitur eruditus Dallæus perdiscat quid sit faciendum, quid docuerint, & quare honoraverint Corpora Sanctorum Patres nostri, ut posteri imitarentur. Qui ex illis descendunt, imitari non detrectant. Videant modo originem suam heterodoxi, nostra qualis sit ex trium Sæculorum testimonio, ad quod nos deduxit Calvinianæ sectæ Magistellus comprobatur. Martyrem Justinum Apologia 2. non refero, nec Cyprianum Ep. 37. qui adnotari diem passionis Martyrum præcepit: *Denique & dies eorum*, inquit, *quibus excedunt annotate, ut commemorationes eorum inter memorias Martyrum celebrare possimus*. Arbitror enim ex hucusque dictis manifestam fieri veritatem sincero corde inquirentibus, & diligentibus adesse testimonium Fidei nostræ in primis Christiani nominis Sæculis, quod etsi pauca scripserint circa Cultum Sanctarum Reliquiarum Majores nostri, ea temporum conditio erat, ut nonnulla, Ethnicis insultantibus, occultarentur, nè occasionem inde sumerent Christianam Religionem calumniandi. Composuisse Apologeticos

ticos libros pro defensione Fidei oblato Imperatoribus scimus, ut objecta crimina diluerent, puritatem nostrorum Sacrificiorum aperuerunt, nè spurcitiis Gnosticorum Legem crederent Christianorum: subticuerunt tantillum honores, quos ritè deferimus Sanctis nostris, quia cum cæca Gentilitas nesciens distinguere inter dexteram, & sinistram, reprehensa quod Numina, quæ colebat, non essent nisi homines, aut opera manum hominum, idem ex ignorantia assereret de nostra Religione, at cum Fideles aperirent sensum suum aliis Fidelibus, seu Credentibus, uti Ecclesia Smyrnen-sis Ponti Ecclesiæ, apertè Cineres Martyrum colendos esse judicavit, festos dies instituendos, & in obsequium Sanctorum, & ad exemplum posterorum, nè erubescerent eorum vestigia sequi honorando Deum in Sanctis. En quomodo ex paucis, quæ scripserunt habeamus nos non recessisse à semita Majorum, qui tribus primis Sæculis floruerunt, ac multum aberrasse à veritatis scopo Dallæum, dum ausus est proferre Cultum Sanctorum incoepisse in quarto Sæculo. Cœtera, quæ scripsit Patribus nostris injuriosa, si vita comes fuerit, suo loco confutabo: interim, si quid ab uno, vel altero ex Patribus minus aptè dictum, debiti officii erat, vel ad sanum sensum trahere, vel reverenter occultare, aut quod Filiorum est modestè excusare, nec præsumere se doctiorem, aut sanctiorem, ut solus Dallæus fuerit veritatem assecutus: & quot quot Patres, quos Ecclesiæ à quarto Sæculo usque modo donaverit Deus, spiritu vertiginis obreptos circa religiosi Cultus objectum. Comparare se uni, vel alteri summa audacia est, omnibus se majorem ostendere extrema stultitia est, quæ in solo Dallæo reperitur.

CA-

## CAPUT V.

*Quinam Adoratores Sepulcrorum sint, & rejiciantur  
ab Augustino, & an Reliquias Martyrum  
venerantes tanti Doctoris cen-  
sura inurantur?*

**F**Ulgentissimum Ecclesiæ lumen Augustinus Manichæorum hæresi ejurata, & ad meliora conversus per Sanctum Ambrosium, postquam per lavacrum regenerationis Christianæ Militiæ Mediolani adscriptus fuit, Romam rediit, indixitque bellum Manichæis: *Jam baptizatus, inquit, cum Romæ essem, nec ferre tacitus possem Manichæorum jactantiam de falsa, & fallaci continentia, vel abstinentia, qua se ad imperitos decipiendos, veris Christianis, quibus comparandi non sunt, insuper præferunt, scripsi duos libros, unum de Moribus Ecclesiæ Catholicæ, alterum de Moribus Manichæorum.* In primo itaque libro mores Monachorum, ac Foeminarum Deo in Claustris sollicitè, castèque viventium cum laude recenset, & commemorat se cognovisse multos Episcopos optimos, viros sanctissimos, plures Presbyteros, Diaconos, & Ministros Divinorum Sacramentorum, quorum virtus, eo illi mirabilior, & majori Prædicatione dignior videbatur, quo difficilius est eam in tam multiplici hominum genere, & in ista vita turbulentiore servare. Deindè aliud vitæ genus, quod Mediolani, & Romæ vidit, describit, eorum scilicet, qui in Civitatibus degunt à vulgari vita remotissimi. Demum cap. 34. Manichæos objurgans loquitur: *Istis Manichæi, si potestis obssistite, istos intuemini, istos sine men-*

*S. Augustin.  
2. Retrañ. 7.*

*Cap. 31. 32. 33.  
34.*

*mendacio, si audetis, & cum contumelia nominare: Istorum jejuniis vestra jejunia, castitati castitatem, vestimentum vestitui, epulis epulas, modestiam modestiam, charitatem charitati, & quod res maxime postulat, præceptis præcepta conferte. Nolite mihi colligere professores nominis Christiani, nec professionis suæ vim, aut scientes, aut exhibentes, nolite consecrari turbas imperitorum, qui vel in ipsa Religione superstitiosi sunt, vel ita libidinibus dediti, ut obliti sint quid quid promiserint Deo: Novi multos esse Sepulcrorum, & Picturarum adoratores. His postrennis verbis putant heterodoxi Augustinum favere illis, ac nos impugnare, qui in Cultu Sanctarum Reliquiarum facti simus adoratores Sepulcrorum; Augustini ergo mens indaganda, & quos reprehenderit exponendum.*

*Bellarminus  
lib. 2. de Reli-  
quiis Sanctor.  
cap. 4.*

*Doctissimus Bellarminus videns, quod paulò post susceptum Baptismum hos libros ediderit Augustinus, putat temperasse sententiam in aliis libris: Sed hæc, inquit, scripsit Augustinus initio Conversionis suæ. Postmodum autem reprehendit quidem illam consuetudinem, sed non tanquam idololatriam. Pace tamen tanti Magistri dixerim, non aliquid est in Augustini sententia, quod moderari debeat, & si quid fuisset, cum libro Retractionum cap. 7., quæ emendanda sibi videbantur, in libro de Moribus Ecclesiæ proposuerit, indicasset: & quamvis negativum argumentum infirmum sit, attamen consideratione dignum apparet Augustinum omnibus notum fuisse, quæ voluit correctæ in libro de Moribus Ecclesiæ. Junior quidem scripsit laudatum librum, at non primus illius perspicacissimi ingenii extitit foetus cum cap. 1. dicat: In aliis libris satis opinor egisse nos, quemadmodum Manichæorum in-  
vestio-*

vestitionibus, quibus in legem, quod vetus Testamentum vocatur, imperitè, ac impiè feruntur. Alia itaque præciserant contra Manichæorum impietatem antequam Sanctus Doctor de Moribus Catholica Ecclesiæ opus conscriberet, & se jam observasse testatur in quolibet ordine, seu vivendi modo, quæ laudem promerentur, quæ vituperari deberent. Junior conscripsit, sed senior factus revocavit ad trutinam opus, multa corrigendo, multa explicando, multa retractando, nullum verbum reperies, quo explicet, retractet, corrigat id quod semel dixit: *Novi Sepulcrorum adoratores*. Quæ ergo asseruit de Sepulcrorum adoratoribus junior, senior retinuit: quare ut innotescat Augustini mens, mores Fidelium Ecclesiæ, & in primis, & subsequenteribus sæculis sub brevitate sunt referendi. In Ecclesiæ nascentis exordio, qui convenerant Fideles ad Sacrosanctum Eucharisticum Cibus suscipiendum, alio deinde cibo corporali reficiebantur per Cœnam, quæ dicebatur Charitatis, hæc impensis divitum fiebat, & simul in unum pauperes, & divites, quasi Fratres vescebantur. Describit hanc Cœnam Tertullianus inquit: *Cœna nostra de nomine rationem sui ostendit: vocatur enim ἀγάπη id quod est panes Græcos dilectio . . . . Nihil vilitatis, nihil immodestiae admittit, non prius discumbitur, quam oratio ad Deum prægustetur. Editur quantum esurientes cupiunt, bibitur quantum pudicis est utile, ita saturantur, ut qui meminerint, etiam per noctem adorandum Deum sibi esse; Ita fabulantur, ut qui sciunt Dominum audire, oratio convivium dirimit.* Hæc Cœna, sive Agapæ in subsequenteribus sæculis, etiam cum adessent Fideles in Templis ad memorias Martyrum celebrandas, instituebantur:

*Tertullian.  
Apologet.  
cap. 39.*

Tom. I.

— M

non-

*Prima ad Co-  
rinthios 11.*

*Loco citato.*

nonnulli tamen irrepperunt abusus in primo Sæculo, quos reprehendit Paulus, ut qui sumptus præbebant divites, pauperes non expectarent, temperantiæ etiam legibus non custoditis, unde iussit cum convenirent ad manducandum invicem expectarent, & non confundere eos qui non habent. Apostolica admonitio servata est usque ad Tertulliani tempora, ut ipse fatetur: *Quantiscumque sumptibus constet, lucrum est Pietatis nomine facere sumptum, siquidem inopes quoque refrigerio isto juvamus.* Verum iterum graviores apparuerunt abusus, ut inebriarentur aliqui ad Sepulcra Martyrum, & aliter exaudiri posse non crederent, ut docet Ambrosius de Elia, & Jejunio cap. 17. *Quid autem, inquit, obsecrationes potantium loquar? quid memorem Sacramenta, quæ violare nefas arbitrantur? Bibamus, inquit, pro salute Imperatorum, & qui non biberis sit reus indevotionis: videtur enim non amare Imperatorem, qui pro ejus salute non biberit. O pie devotionis obsequium! Bibamus pro salute Exercituum, pro Comitum virtute, pro Filiorum sanitate, & hæc vota ad Deum pervenire judicant, sicut illi, qui Calices ad Sepulcra Martyrum deferunt, atque illic in vesperam bibunt, & aliter se exaudiri posse non credunt. O scultitiam hominum, qui ebrietatem Sacrificium putant: qui æstimant illos ebrietate placare, qui jejunio passiones sustinere didicerunt. Cæna itaque dilectionis, & in subsidium Pauperum instituta paulatim in Convivium potantium, & sese inebriantium transivit, quare Laodicensis Synodus Canone 28. edixit: *non oportet in Dominicis locis, seu Ecclesiis Agapen facere, & intus manducare, vel accubitus sternere;* hoc idem Mediolani fieri vetuerat Ambrosius, ut testatur Augustinus libro sexto Confessionum*

sionum cap. 2. In Africa tamen tempore ejusdem Sancti Doctoris non erat sublatus mos deferendi cibos ad Martyrum memorias. Describens enim de Civitate Dei modum honoris, qui Sanctis Martyribus reddebatur, adhuc vigentem apud plures consuetudinem commemorat: *Quicumque*, ait, *epulas suas eo deferunt, quod quidem à Christianis melioribus non fit, & in plerisque terrarum nulla talis est consuetudo: tamen quicumque id faciunt, quas cum apposuerint, orant, & auferunt, ut vescantur, vel ex eis etiam indigentibus largiantur, sanctificari ibi eas volunt per merita Martyrum in nomine Domini Martyrum. Non autem ista esse sacrificia Martyrum novit, qui novit unum quod Deo illic offertur Sacrificium Christianorum.* Præter hanc Cœnam Charitatis, quæ in se commendabilis esset, si in sua simplicitate perstitisset, quam Paulus indicavit, & Tertullianus dixit suo tempore custodiri, à qua recedens, meritò fuit à supervenientibus Patribus interdicta: alius apud nonnullos irrepserat error ex Ethnica superstitione descendens, ut ad Sepulcra Parentum, & aliorum deferrent cibos, & vina, putantes Animas aliquod solamen ex his accipere, quamvis eis sese ingurgitarent offerentes, omnis temperantiæ, & sobrietatis modo posthabito. Mentionem habet asserti erroris Augustinus: *Cum solemnitatem hanc Ecclesiis, meritò Religiosa observantia, introduxerit, miror cur apud quosdam Infideles hodie tam perniciosus error increverit, ut super Tumulos defunctorum cibos, & vina conferant, quasi egressi de Corporibus Animæ carnales cibos requirant. Epulas enim, & refectioes caro tantum requirit, spiritus autem, & anima his non indigent: Parare aliquis suis caris dicit, quod ipse devorat, quod præstat ventri imputat*

Lib. 8. cap. 27.

Inter Opera  
August. serm.  
15. de Sanctis.

*pietati. Cessate ergo Fratres ab hoc Gentili infidelitatis errore: Usibus, abusibus, atque erroribus, qui apud nonnullos vigeant, breviter recenseatis, Augustini mens aperitur absque ulla contrarietate tanto Doctore indigna, absque ulla retractione ab humili Sancto non indicata. Quando ergo reprehendit adoratores Sepulcrorum, non loquitur de illis, qui ad memorias Martyrum cibos deferabant, & vina, ut per Martyrum merita quandam sanctificationem, vel benedictionem perciperent, vel in honorem Martyrum inopia pauperum solamen sentiret, cum in relato capite de Civitate Dei dicat nullam adesse culpam in tali consuetudine, licet non ubique esset: & libro sexto Confessionum cap. 2. laudat Monicam piissimam Matrem, quæ Mediolani accessit ad memorias Martyrum cum canistro cibis repleto juxta morem Africæ, & retulerit uti hoc Episcopum vetuisse cognovit: *Pietatem ibi*, inquit Sanctus Doctor, *querebat non voluptatem . . . . . abstinuit se libentissimè, ac pro canistro pleno terrenis fructibus, plenum purgationibus votis pectus, ad memorias Martyrum asferre didicerat.* Nec item redarguit eos, qui ad Tempia accedebant in Solemnitatibus Sanctorum, oblatisque cibis vescerantur, & bibebant cum hilaritate vinum usque ad ebrietatem, quamvis enim reprehensione digni essent, & alibi fecerit, tamen isti, adoratores Sepulcrorum dici non poterant, cum solum rei dicerentur ob temperantiæ limites non servatos. Isti itaque adoratores Sepulcrorum, non ad Martyrum memorias properabant, sed ad Sepulcra Parentum, & Carorum, qui luxoriosissimè super mortuos bibebant, epulas cadaveribus exhibentes, putantes Animas his cibis oblectari, & illis ali-*



aliquod solatium adferre. Ista perpetrantes poterant, & debebant notari, ut adoratores Sepulcrorum. Error enim erat à malitia non denudabilis admixtus cum superstitione, & à Gentili Populo desumptus: quare sicuti Sermone 15. de Sanctis, vocavit Infideles, qui super Tumulos defunctorum cibos, & vina conferebant, ita in libro de Moribus Ecclesiæ, ut adoratores Sepulcrorum renuntiavit. Tantum abest, ut censuram cohibuerit Augustinus, ut acrius reprehenderit in Sermone citato, quem post librum de Moribus Ecclesiæ conscripsit. Nec mirum est, si Sanctus Doctor contra hos homines insurrexerit, & tanquam idololatrias proscripserit, illa enim omnia, quæ ibi peragebantur, Gentilium Cultum redolebant. Qui novit funebres ludos adhibitos ab Ethnicis erga Sepulcra Parentum, illicò intelliget, quare Augustinus objurgaverit se se ingurgitantes supra Sepulcra Parentum, & inter Ethnicæ superstitionis professores adscripserit. Tertullianus in libro de Spectaculis Gentium, ludos dividit in sacros, & funebres, utrosque vocat idololatricos: *Una*, inquit, *conditio partis utriusque est; una Idololatria, una renunciatio nostra adversus Idololatriam.* Qui ergo luxoriosissimè super mortuos bibebant epulas illis offerentes, vetitos in Christiana Religione funebres ludos revocabant, quibus mortui, ut dicit Varro apud Augustinum, Dii existimabantur, quod non soleant ludi, nisi Numinibus celebrari. Qui plura voluerit de ludis funebribus, Livium perlegat lib. 41., Alexandrum ab Alexandro lib. 3. cap. 7., & addiscent quos carpit Augustinus, & de Moribus Ecclesiæ, & Sermone 15. de Sanctis nihil omninò distare in facto ab Ethnicis superstitionis.

Cap. 6.

Hæc

Hæc dixerim, non ut iudicium contemnam Bel-  
larmini, sed ut manifestem quid mihi probabilius  
apparuit circa mentem Augustini. Nunc iterum  
Heterodoxos perstringamus; Fortassis Augustinus,  
nè effemus adoratores Sepulcrorum, iussit, nè ullus  
redderetur honor Sacris Cineribus Martyrum?  
Quos dicitis reprehendisse Augustinum in citato  
capite de Moribus Ecclesiæ? At certè non corrigit  
eos, qui accedentes devotè ad Martyrum Sepulcra,  
ibi Deum adorabant, Sanctos honorabant, cum do-  
ceat modum adorandi Martyres longè distare à  
prophano Deorum Cultu insanæ Gentilitatis, &  
gratiora vota Martyribus offerendi, Matrem suam  
ab Ambrosio didicisse testatur. Nullum nobis esse  
commercium cum Gentilibus per honorem exhibi-  
tum Martyrum Cineribus, & si epulas deferamus  
ad eorum Tumulos, constanter affirmat. Consulant  
cap. 27. de Civitate Dei, ubi acutè quid Martyri-  
bus debeatur, quid Ethnici Diis suis redderent  
exponit. Nisi cæcutiant in meridie Calvinistæ,  
crediderim non sentire eorum erroribus adhæsisse  
Augustinum. Quot mirabilia enarrat, quæ opera-  
tus est Deus per Cineres Sanctorum, quæ summa-  
tim retulimus ex lib. 22. de Civit. Dei? Si autem  
velint, Augustinum reprobare consuetudinem illam  
deferendi cibos, & vina ad Sepulcra Martyrum,  
cum jam sublata fuerit illa consuetudo, quid eis  
displicet? Si quædam similitudo inerat cum paren-  
talibus Gentium, veniant nobiscum, ingrediantur  
Templa, manibus quidem vacuis, sed Fide pleni,  
nihil timeant, non invenient, nisi panem, qui  
verbis consecratoriis in Corpus, vinum, quod in  
Sanguinem vertitur Christi, at ista non offerimus  
Martyribus teste eodem Augustino: *Nec tamen*,  
in-

inquit, nos eisdem Martyribus Tempia, Sacerdotia  
 Sacra, & Sacrificia constituimus: quoniam non ipsi,  
 sed Deus eorum nobis est Deus. Honoramus sane me-  
 morias eorum tanquam Sanctorum Hominum Dei, qui  
 usque ad mortem suorum Corporum pro veritate cer-  
 tarunt, ut innotesceret vera Religio, falsis Religioni-  
 bus, fictisque convictis: quod etiam si qui ante sen-  
 tiebant timendo reprimebant: quis autem audit  
 aliquando Fidelium stantem Sacerdotem ad Altare,  
 etiam super Sanctum Corpus Martyris ad Dei hono-  
 rem, Cultumque constructum, dicere in precibus,  
 offero tibi Sacrificium Petre, vel Paule, vel Cypria-  
 ne, cum apud eorum memorias offeratur Deo, qui eos  
 & homines, & Martyres fecit, & Sanctis suis An-  
 gelis Caelesti honore sociavit? Hæc Augustinus. Fi-  
 deles verò antiqui si quid ciborum, & vini attu-  
 lissent, non ea Sacrificia Martyrum credebant, sed  
 vel ut comederent una cum aliis, vel ut distribue-  
 rent Pauperibus, ut dictum est. Si talis mos è me-  
 dio sublatus, non proscriptus ideo fuit Cultus Sa-  
 crarum Reliquiarum, vel conventus Christianorum  
 ad Martyrum tumbas, sed intemperantiæ vitium  
 cum quodam loci sacri contemptu, interdictum: non  
 enim per ebrietatem Deus adoratur, vel Sancti ho-  
 norantur: & si aliqui pietatem quærebant, plures  
 indebitam voluptatem in illis cibis capiebant. Si  
 demum Adoratores sepulcrorum illi intelligantur,  
 qui super mortuos Parentes luxuriosissime bibebant:  
 quæso quæ affinitas est cum devotè orantibus, & je-  
 junantibus ad memorias Martyrum? In Ecclesia  
 Dei illud genus hominum semper sub detestatione  
 fuit: perniciosissimus error est sic epulari super  
 mortuos, nec ebrietas vivorum mortuis prodesse  
 potest; An nos hæc peragere quis dicat? Quam  
 simi-

*De Civit. Dei  
lib. 8. cap. 26.*

similitudinem exhibeat inter illam superstitionem , & Cultum nostrum ? Si qui essent Adoratores sepulcrorum eo modo , quo retulit Augustinus , Sectatores non haberent apud nos , sed Iudices severè punientes sentirent . Illa itaque objurgatio Augustini innoxiam devotionem nostram minimè offendit , & quamvis clamitent Adversarii , nos eadem perpetrare , quæ illi Adoratores , putida calumnia contemnenda est . Ethnici olim apud Augustinum dolebant , quod memoriæ Martyrum nostrorum , Templis , eorum delubrisque succederent , ut videlicet qui hæc legunt animo à nobis averso , atque perverso , putent à Paganis Deos cultos fuisse in Templis , à nobis autem coli mortuos in sepulcris . Dolor illorum vester factus est , & nos orare ad Sepulcra Martyrum non finitis , sed cum in Domino mortui sint , cum Christo vivunt : qui vos sequuntur Sepulcrorum Adoratores dici promerentur .

## C A P U T VI.

*Nullum subesse periculum in veneratione Sanctarum Reliquiarum , ut quod Deo debetur subtrahatur , & Sanctis reddatur .*

*Hieron. adversus Vigilantes.*

**C**ohibere linguam suam nesciunt moderni Calvinistæ , & sub specie pietatis timent , nè taliter augeatur Cultus Sanctorum , ut inde quod unicè Domino debetur in servos transferatur ; Hujusce timoris causam indicant , quia eò deveniunt signa venerationis nostræ , ut quod olim Patres nostri reprobarunt , nos amplectamur ; objiciebat Vigilantius cereos ad Martyrum Tumulos accendi lucente Sole : hæc fieri à Mulieribus reponebat Hie-

Hieronymus, zelum habentibus, sed non secundum scientiam: hodie verò passim collucent lampades, accenduntur cerei ad Sepulcra Sanctorum, ut major horum apparatus inspiciatur ubi Cineres alicujus Martyris requiescunt, quam ubi verum Christi Corpus sub Eucharisticis speciebus asservatur; Templum nostrum, quæ soli Deo dicari innuit Augustinus citato superius lib. 8. de Civit. Dei cap. 27. jam nomen; & omen mutarunt, nomen Domini perdere, ut dicantur Divi Petri, Pauli, Francisci, Domini, Agatæ, Lucie. Rudem Plebem plus confidere in particula Ossis alicujus Sancti, quam in dextera Domini: unde illud verificatur: *Maledictus homo, qui confidit in homine*. Innumeras fraudes fieri, approbando falsas pro veris, emptiones, & venditiones cum periculo immutationis objecti veræ Religionis: quæ mala, nè sequantur, sat est, ut unus adoretur Deus, omni, & quocumque alio Cultu inferiori abdicato, nè in Idololatriam degeneremus cum Gentibus.

Calvinistas falso pietatis zelo succensos aliquatim solari curabimus, monentes primum sibi timere, sibi que cavere. Nos qui intra sinum Catholicæ Ecclesiæ, quæ columna est, & firmamentum veritatis, commoramur, edocti sumus illic non trepidare, ubi nullus adest timor: augeri Cultum Sanctorum non pertimescimus cum subtractione honoris Dei, quia Sanctos honoramus propter Deum, nec Deum subjicimus Sanctis, sed eos veneratione dignos censemus ex illa subjectione, quam ad Deum finaliter habuere. Majestatem Domini adoramus, fidelitatem Servorum commendamus. Servos exaltari supra Dominum tunc dicitur, quando quod soli Domino debetur, ab eo aufertur, & donatur servis;

Tom. I.

N

Re-

Referant Calviniani, an viderint hoc factum fuisse in Ecclesia Dei? Quicumque reddatur honor Sanctorum Corporibus, seu Reliquiis, à vobis ut idololatrius judicatur: quem ergo excessum redarguitis in modo, qui substantiam ipsam condemnatis sine modo? Sanctos, eorumque Reliquias posse religiosè coli absque peccati macula probavimus: honorem, qui ipsis impenditur descripsimus, non esse supremum: Ecclesiam Catholicam nunquam docuisse, ut Numina, Sanctos esse colendos, nusquam hoc factum fuisse, nec fieri potuisse. Perterrefacere nos vultis per futura tempora, quæ in vestra potestate non sunt, quasi in posterum simus exaltaturi Sanctorum Reliquias usque ad solium Divinitatis; sed non dormitabit, neque dormiet, qui custodit Israel. Quæ non fecistis in Sanctos Dei? quæ non scripsistis ut tolleretur de medio Cultus? Et tamen obtinere non potuistis, quia fortis armatus Christus, Ecclesiæ Sponsus, custodit Atrium suum, & custodiet, donec militans in terris Ecclesia adjungatur illi, quæ in Coelis regnat. Sicuti ergo Deo protegente, vobis contradicentibus, Sanctorum, eorumque, quæ ad ipsos spectant, honor servatus est, ita modus honoris, seu religiosi Cultus, absque Divinæ Majestatis læsione servabitur. Sed causas timoris vestri videamus. Accenduntur nunc cerei, dicitis, ad Sanctorum sepulcra, qui mos apud Hieronymum non probatur. Contemnitis vos Sanctorum Reliquias, qui mos, ut execrabilis à Hieronymo reprobat, quare vos non timetis? Primus mos disciplinam tangit, quæ aliquantulum variari potest ab Ecclesia, quæ condit legem, temporum, & personarum conditionibus inspectis. Alter verò Fidem evertere conatur. Fidei dogma est, an possint absque labe

Ido-

Idololatriæ Sancti invocari, eorumque Reliquiæ honorari: vos qui oppositum blasphematis, Fidei unitatem scinditis, & meritò hæretici denotamini. Nos qui cereos accendimus, dumtaxat reprehendere potestis, quod Antiquorum disciplinam in aliquo immutavimus; causa itaque timoris vestri sit super vos. Temporibus Apostolorum Agapæ fiebant, in solemnitatibus Martyrum cibi deferiebantur, ut supra relatum est: hæc disciplina sanctè instituta, quia in perniciem, ex hominum malitia, vertebatur Animarum, sanctè etiam submota fuit: *Præceptum esse ista non fieri*, inquit Augustinus, *nec ab eis, qui sobriè facerent, nec ulla occasio se ingurgitandi daretur ebriosis*. In sacris Cœmeteriis noctem insomnem ducebant orando utriusque Sexus Fideles, attamen ad auferendos impiorum hominum prætextus, Illiberitani Patres ita decreverunt Can. 19. *Placuit prohiberi ne Famina in Cœmeteriis pervigilent, eo quod sæpe, sub obtentu orationis, scelera latenter committant*: Quamvis itaque, tempore Hieronymi, lampades non collucere, modo talis consuetudo sit, ut ante memorias Sanctorum ardeant, Fides nullum experitur detrimentum, nec eo augetur honor servorum, ut decrescat Domini; Repetam cum Hieronymo, quem nobis proponunt: *Quicumque accendunt cereos, secundum Fidem suam habent mercedem, dicente Apostolo: unusquisque in suo sensu abundet*. Idololatrias appelles hujusmodi Homines? Audiant Paulinum Hieronymo cœvum sic canentem.

Div. August.  
6. Confess. 2.

Hieronym.  
Epist. ad Riparium.

*Aurea nunc niveis ornantur limina velis,  
Clara coronantur densis Altaria lychnis,  
Limina ceratis adolentur odora papyris,  
Nocte, dieque micant: sic nox splendore diei,*  
N 2 Ful-

*Fulget, & ipsa dies, cælesti illustris honore,  
Plus micat innumeris lucens gemmata lucernis.*

*Adversus  
Vigilantium  
cap. 3.*

Hæc cecinit Paulinus de Cultu Sancti Felicis Nolani, sed in Judæa morabatur, quando volumen edidit contra Vigilantium Hieronymus, quare consuetudinem accendendi cereos apud omnes, ibi non videri crediderim, sed solum apud nonnullas Religiosas Fœminas; Ait enim: *Cereos, autem, non clara luce accendimus, sicut frustra calumniaris, sed ut nobis tenebras hoc solatio temperemus, nè cæci tecum dormiamus in tenebris; Quod si aliqui propter impetiam, & simplicitatem Sæcularium hominum, vel certè Religiosarum Fœminarum, de quibus verè possumus dicere; Confiteor, zelum Dei habent, sed non secundum scientiam: hoc pro honore Martyrum faciunt, quid inde perdis?* Non improbat absolutè Sanctus Doctor pium morem, cum dicat: facientes à Domino mercedem recepturos; sed quia signa exterioris honoris sacri, non ad libitum Sæcularium Hominum, vel Fœminarum instituenda sunt, ideo placitum eorum, quibus cura Animarum demandata est, expectandum erat; Postmodum ubique gentium religiosa consuetudo vim obtinuit; & Bracharenses Patres secundi Concilii, tertiam proventuum partem Ecclesiæ, assignant pro luminaribus ejusdem Ecclesiæ. In Africana Synodo quarta Can. 6. statuitur, ut Acolytus accipiat ab Archidiacono ceroferarium cum cereo: *ut sciat se ad accendenda Ecclesiæ lumina mancipari.* Dolent plura lumina extare ante Tumulos Sanctorum, quam ante Sacratissimum Christi Corpus: libidine contradicendi, non veritatis amore hæc proferunt. Acerbè blasphemarunt contra augustissimum Eucharistiæ Sacramentum, in quo Redemptor noster divitias Amoris sui nobis exhibuit



buit . Non adesse Corpus Christi , sed figuram , deliravit Calvinus ; Corpus esse , sed una cum pane effuitit Lutherus : Sacramentum asseruit solum in usu non permanens , aliaque horrenda dixere renovantes mortuam hæresim Berengarianam . Nunc verò causantur ob paucitatem luminarium coram Christo , quem non adorant . Equidem fatemur in aliquibus Templis plures lampades ardere ante memorias Sanctorum , quam coram Christo , quem catholicè profitemur adesse realiter in Sacramento : at quis indicavit Calvinianis modernis plus honoris conferri ex hoc servis , quam Domino ? Ille luminarium apparatus , nonnè cedit etiam in honorem Domini , qui coronavit servos ? Si quis reddat Regi nummum aureum , ut contestetur dominium Regis supra Servorum bona , donet Servis decem , ut intercedant apud Regem , affirmabitur in majori estimatione esse servum , quam Regem , quia servo dantur decem , Regi verò unus redditur nummus ? Absit hæc vilis excogitatio . Decem luminaria , si accendantur ad Sepulcrum Divi Petri , unum ante Altare Domini , decem ordinantur , ut Sancti orent apud illum , qui unus est Deus . Ille exterior Cultus ab interiori formam sumit . Nullus est , qui Catholica Professione censetur , qui nesciat plus honoris exhibendum esse Creatori , quam Creaturæ . Quamvis obsequii signa sint , non crescit ex numero luminum honor , ut ubi plures inspexerimus ardere lampades , ibi judicemus majorem Cultum esse reddendum . Solum Sacrificium est , quod soli Deo debetur , hoc Sanctis offerre grande piaculum esset : illicitum est , enim , æquare Creaturam Creatori . Si opponerent Calvinistæ , quod Sanctis Sacrificia redderentur , tunc , quidem , ostenderent periculum , im-

immò re ipsa cultum Sanctorum augmentum sumere usque ad contemptum Dei : at cum nusquam hoc viderint , fictitium periculum oritur ex eorum perfidia , non ex nostra pietate . Habemus aliquid quo contestamur , & veneremur Omnipotentis Dei dominium , hoc nunquam Sanctis exhibetur : *Quis autem* , iterum loquor cum Augustino , *audivit aliquando Fidelium , stantem Sacerdotem ad Altare , etiam super Sanctum Corpus Martyris ad Dei honorem cultumque constructum , dicere in precibus : offero tibi Sacrificium Petre , vel Paule ?* Habemus , & alia signa Deo , Virgini , Sanctisque communia , hæc si multiplicentur in Sanctorum honorem , nunquam pervenient ad supremum Cultum demonstrandum , cum signa communia sint , determinationem , si acceperint , vel ex persona Sancti , & hæc creata est , vel reddentis , & hæc Christiana est : Clarius expressit Augustinus : *Non autem ista esse Sacrificia Martyrum novit , qui novit unum , quod Deo illic offertur Sacrificium Christianorum .* Vos qui ignoratis Sacrificium Christianorum , illud , inquam , Sacrificium incruentum , contra quod acuisitis linguas vestras , putatis quot luminaria ardent apud Sanctorum memorias , tot esse Sacrificia : at qui Catholici sumus novimus unum superesse Sacrificium in nova lege expiativum peccatorum , rememorativum Christi Passionis , & Gratiarum actionis : hæc oblatio munda Corporis , & Sanguinis Domini Deo offertur : alia , quæ communia appellantur signa pensanda sunt juxta communem Fidelium mentem , ac personarum merita , quibus sacrantur . Aperimus caput Principi , Civibus , Servis , non tamen æquales arbitramur in civili honore , quamvis omnibus hoc commune signum exhibeamus . Hactenus de

næ-

*August. lib. 8.  
de Civit. Dei  
cap. 27.*

naniis puerilibus, quas proponere non erubescunt. Tempia nostra nomen, & omen immutasse, unde no-  
 verint, fateor me ignorare: Deo non esse dicata as-  
 serunt; Adhuc in Catholica Ecclesia talia non vi-  
 dimus Tempia; cum dolore scimus plura ab Hete-  
 rodoxis destructa, & si quæ apud illos remanserint,  
 ibi non invocatur, sed blasphematur nomen Domi-  
 ni: periit Sacrificium, & amplius non sunt, qui ve-  
 niant ad solemnitatem: Quod Jeremias flevit su-  
 per Hierusalem, esset hodie in Civitatibus, ubi  
 lues Lutheranorum, & Calvinistarum grassatur,  
 repetendum; sed cohibendæ sunt lacrymæ in Civi-  
 tatibus nostris, ubique, enim, illud impletur: *Domine dilexi decorem Domus tuæ, & locum habitationis  
 Gloriæ tuæ.* More Manichæorum, & Donatistarum  
 invidia contabescunt, si viderint in Christi pace læ-  
 titias, frequentias, alacritates ad hymnos audien-  
 dos, & canendos, & ad verbum Dei percipiendum,  
 celebres, hilaresque Conventus, & ut in omnibus  
 morem nobis adversum gerant, clamitant: Nomen,  
 & omen mutarunt Tempia Catholicorum: unde  
 omen amiserunt? fortassis ibi Diis, seu falsis Numi-  
 nibus immolatur? Quia sortiuntur nomen ab aliquo  
 ex Martyribus, Domini non sunt? Cujus Martyres  
 sunt, nisi Domini, cujus ergo erunt Tempia, nisi il-  
 lius, qui coronavit Martyres? Fatemur Augusti-  
 num sensitse soli Deo dedicari Tempia: amplectimur  
 quod catholicè docet illuminatissimus Doctor, sed  
 si unum Templum construitur sub titulo Deiparæ  
 Virginis, aliud sub Petri, vel Pauli, vel Joannis  
 nomine, Deo non erigitur? Abût hoc excogitare:  
*Nonne, inquit Augustinus, si alicui Sancti Angelo  
 excellentissimo, de lignis, & lapidibus faceremus  
 Templum, anathematizaremur à veritate Christi,* &  
 ab

*Psal. 25. 6. 8.*

*August. lib. 1.  
 contra Maxi-  
 mum arg. 11.*

*August. de Ci-  
vit. Dei lib.  
22. cap. 10.*

*ab Ecclesia Dei, quoniam Creatura exhiberemus eam  
servitutem, quæ uni tantum debetur Deo? Supremi,  
itaque, Cultus indicium est Templorum constructio,  
quoties ergo ædificantur, universorum Domino  
consecrantur: illa nominum diversitas, quam præ-  
ferunt Tempia nostra, multipliciter gratia-  
rum, ac Beneficiorum, quæ à Deo Sancti accepe-  
runt, indicant: Nos, repetit Augustinus, Martyri-  
bus nostris, non Tempia sicut Diis, sed memoria sicut  
hominibus mortuis, quorum apud Deum vivunt Spiri-  
tus, fabricamus: nec ibi erigimus Altaria, in quibus  
sacrificemus Martyribus, sed uni Deo, & Martyrum,  
& nostro sacrificium immolamus. Quamvis Templum  
dicatur divi Petri, Domini tamen est ob memoriam  
victoriæ, quam fuit largitus eidem Petro, ut rectè  
suadet Augustinus: in eo gratias Deo agimus ob no-  
bis concessa, intercedente Apostolorum Principe;  
illuc properamus, ut quæ nobis necessaria sunt Apo-  
stolico interveniente suffragio, consequi possimus.  
Nomina multa Templorum, quia Beneficia multa, sed  
unus est Deus, à quo bona cuncta procedunt, in cu-  
jus Templis, Orationibus Sanctorum, & deprecationibus,  
suscipiuntur preces nostras, ut monet  
Cyrillus Hierosolymitanus Cathachesi quinta. Ad-  
vertendum quod dixit Augustinus loco superius ci-  
tato de Civitate Dei: quamvis erigantur Deo Tem-  
pla in memoriam Martyrum, Ministros tamen, qui  
ad sacrosancta Mysteria recolenda deputantur, Sa-  
cerdotes Dei vocamus, non Francisci, non Anto-  
nii, aut Agnetis: Deo quippè, ait, non ipsis sacrifi-  
cat, quamvis in memoriam sacrificet eorum: quia Dei  
Sacerdos est, non illorum. Nomen sortiuntur sacræ  
Ædes à memoria hujus, vel illius Sancti, Dei enim  
semper recensentur, quia Sacerdotes Dei sunt, non  
San-*

Sanctorum. Qui divinis honoribus coli desiderarunt sibi Sacerdotes instituerunt; Svetonium, adeant Novatores cap. 22., & intelligent Caligulam inter Deos adnumerari cupientem sibi Sacerdotes instituisse. Ethnici, qui in pluralitate Deorum erravere, alios habuere Sacerdotes Isis, alios Jovis, alios Apollinis. Nos, qui in unius Fide constituti, ac complantati sumus, plures Sacerdotes, sed unius, & solius Dei possidemus. Templata plura sunt, diversis Nominibus indicantur, sed sicut Sacerdotes, ita Templata unius sunt; illa Nominum multitudine instituta est, ut sciat unusquisque quam multa Sancti, & nos precibus eorum, ab eo, qui unus est, acceperimus. Plura hæc Nomina, pluribus Intercessoribus apud Deum nos indigere manifestant: non quod magis in particula Ossis alicujus Sancti, quam in Deo confidamus, ut mentiuntur Hæretici. Nullus est, qui oret Cineres Sanctorum, sed apud Cineres. Novimus Sanctos, Amicos Dei esse, inopiam nostram orando aperimus, ut quod ob indignitatem nostram obtinere non possumus, eorum meritis à Deo nobis donetur. Patrociniis Sanctorum coadjuvare posse credimus, at objectum spei nostræ non sunt Sancti; Fiducia nostra, quæ firma, & roborata spes nominatur, in eo sistit, ut æterna bona, & temporalia in ordine ad Beatitudinem à Deo expectemus, precibus Sanctorum adjuvantibus, ut redantur: hoc non est magis confidere in homine, quam in Domino: *Duo respicit Spes, scilicet bonum, quod obtinere intendit, & auxilium, per quod illud bonum obtinetur. Bonum, quod aliquis sperat obtinendum, habet rationem causæ finalis: auxilium, per quod aliquis sperat illud bonum obtinere, habet rationem causæ efficientis. In genere autem utriusque causæ*

*Div. Thomas  
2.2. quæst. 17.  
artic. 4.*

invenitur principale, & secundarium. Principalis finis est finis ultimus, secundarius finis est bonum, quod est ad finem. Similiter principalis causa agens est primum agens: Secundaria efficiens est agens secundarium instrumentale. Spes autem respicit Beatitudinem eternam, sicut finem ultimum. Divinum autem auxilium sicut primam causam inducentem ad Beatitudinem: sicut ergo non licet sperare aliquod bonum præter Beatitudinem, sicut ultimum finem, sed solum sicut id quod est ad finem Beatitudinis ordinatum, ita etiam non licet sperare de aliquo homine, vel de aliqua Creatura, sicut de prima causa movente in Beatitudinem: licet autem sperare de aliquo homine, vel de aliqua Creatura, sicut de Agente secundario instrumentali, per quod aliquis adjuvatur ad quæcumque bona consequenda in Beatitudinem ordinata, & hoc modo ad Sanctos convertimur, & ab hominibus etiam aliqua petimus, & vituperantur illi, de quibus aliquis confidere non potest ad auxilium ferendum. En qualiter spei nostræ fundamentum elucidet Angelicus Thomas Aquinas; Modus quo ad Sanctos convertimur, vel etiam rudis Populus, & infimæ Mulierculæ, non est talis, ut dijudicemus Sanctos daturos auxilium ad assequendam Beatitudinem, quam in Coelis speramus, sed impetraturos esse ab illo, cui dicitur: *Auxilium meum à Domino, qui fecit Cælum, & Terram*. Sed pro aliquo intercedere apud Deum, cum quædam sit species auxilii, hinc fiducia nostra se extendit ad Sanctos, tanquam ad causas secundas, & etiam ad ossa, si velint, quibus aliquando utitur pientissimus Dominus, ut instrumentis, ad mirabiles sanationes conferendas, uti de Cadavere Elisei factum est ad suscitandum mortuum. Sic confidere in homine non cadit sub maledicto prænuntiato per Prophet-

*Psal. 120. 2.*

phetas Jeremiam, & Esaiam: *Maledictus homo, qui confidit in homine: Confidis super baculum arundineum confractum..... cui si innixus fuerit homo intrabit in manum ejus, & perforabit eam.* Similes comminationes, quæ passim in sacris litteris reperiuntur, illos afficiunt, qui contempto Deo, hominibus adhærent, ut hæc terrena finaliter possideant: hi quidem sub maledicto sunt: *Quid enim prodest homini, si Mundum universum lucretur, Anima verò suæ detrimentum patiat?* Sic ponentes spem suam in filiis hominum, confidunt in baculo arundineo confracto: *Exhibet Spiritus ejus, & revertetur in Terram suam, in illa die peribunt omnes cogitationes eorum:* forabit manum illorum, quia nihil invenient viri divitiarum in manibus suis. At confidere in Domino, quod precibus Sanctorum sit elargiturus æterna ad fruitionem, ac retributionem, temporalia ad usum, adeo licitum existimavit Paulus, ut dixerit: *Confido in vobis in Domino, quia nihil aliud sapietis: Confidimus autem de vobis in Domino, quoniam quæ præcipimus, & facitis, & facietis.* Mirè hic expressit Catholicorum fiduciam, ut obstruantur ora calumniantium nos in Sanctorum Cultu: dixit, *in Domino*, tanquam in primario Motore, & fine ultimo: *in vobis*, tanquam in secundario Agente. Exemplo è Sacris Paginis desumpto hoc lubet declarare. Iratus erat Dominus onerosis Amicis Job, quia rectus sermo de ore illorum non processerat: respondit tamen Deus se veniam daturum, si offerrent holocausta, & Job pro illis oraret; *Fecerunt, sicut locutus fuerat Dominus ad eos, & suscepit Dominus faciem Job. Dominus quoque conversus est ad pœnitentiam Job, cum ille oraret pro Amicis suis.* Quis neget delinquentes Amicos, à Domino veniam

Jerem. 17. 5.  
Isaia 36. 6.

Matth. 16. 26.

Psal. 145. 4.

Secunda ad  
Thessalonie.  
3. 4.

Job 42. 9. 10.

peccatorum sperasse, cui dubium inesse poterit fiduciam in labiis Job orantis pro Amicis, habuisse? Fortassis rei facti sunt plus confidentes in homine, quam in Domino? Novum alienorum delictorum Scrutatores Calvinistæ, invenerunt peccatum, quod Deus non cognovit; Si stetisset coram Amicis Job aliquis ex modernis Cavillatoribus, illicò reposuisset: plus confiditis Amici in ulceroso Jobo, quam in munificentissimo Domino, dabit Deus veniam, quid intermiserunt labia hominis? Gratiam, & gloriam dabit Dominus, quid Martyris ossa, quid pulvis Sanctorum juvant? Ut notam tamen faceret innocentiam Servi sui Job, voluit Deus veniam Amicis ejus largiri. Negent Job orationes non conduxisse ad veniam impetrandam, & tunc delebitur illud: *Dominus quoque conversus est ad penitentiam Job: cum ille oraret pro Amicis suis.* Et si eò adhuc eorum audacia non pertingit, addiscant quid pulvis, quid ossa Martyrum præstent. Ar ossa, inquires, pulvis, vestis orare non possunt, sicuti Job, qui vivens erat. Sancti, quorum sunt ossa, pulvis, vestes, possunt orare, hoc credere necesse est: *Paulus Apostolus*, inquit Hieronymus, *ducentas septuaginta sex sibi dicit in navi Animas condonatas, & postquam resolutus esse ceperit cum Christo, tunc ora clausurus est, & pro iis, qui in toto Orbe ad Evangelium suum crediderunt mutire non poterit?* Habent ossa, habent cineres vocem suam, qua clamant ad Dominum: timeant hanc vocem Hæretici, nec dicant in contemptum Sanctorum, nos reposuisse totam spem nostram in ossibus, fingentes emptiones, venditiones, quas nusquam excogitavimus. Et si aliquando illicitæ venditiones, & emptiones subsecutæ fuerint, non ideo Religionis objectum fuit immutatum: non illi-

*Hieronym. ad.  
versus Vigil.  
cap. 3.*



cò destruitur Fides, aut Religio, ac aliqua committitur culpa, etiam in subiecto peccante. Vera edocet Religio, non furandum, non mæchandum, si quis rem proximi sui usurpet, reus constituitur, non Infidelis, aut Hæreticus proclamatur. Fides est argumentum non apparentium, sperandarum substantia rerum, quoadusque revelatis assensum præbimus ex motivo superiori, primæ Veritati, quæ nec fallere, aut falli potest, innixi, Fidem servamus in corde. Si quis viderit Mulierem proximi sui ad concupiscendam eam, jam mæchus est in corde suo: si alter, nec viderit, nec concupierit uxorem proximi, dicat tamen cum pertinacia, licitum esse concupiscere, & retinere alienam Mulierem, mæchus non est, tamen Hæreticus judicatur: uterque exul erit à Cœlesti Regno, si in illo statu diem clausêrit extremum: unus malè operans, & si crederet: alter quia, & si recensita mala non fecerit, dixit tamen esse facienda. Catholica Ecclesia nunquam ut licitam simoniæ labem approbavit: si in illis, quæ jure humano interdicuntur, fuerit interdum dispensatio subséquuta, penès Ecclesiæ Principem potestas est, nec mihi, nec opponentibus rationem reddere tenetur de æquitate in dispensando. Si verò aliquis violaverit legem divinitus datam, ne de spiritualibus mercaturam exerceamus, peccatum unius, Ecclesiæ Sponsæ Christi innocentiam non maculat. Peccatum Proditoris Judæ Apostolorum cœtum non coinquinavit, nec quia unus in veritate non stetit, cœteri Apostoli, & Successores sunt persequendi, & Ecclesiastica Hierarchia de medio tollenda. Cultus itaque Sacrarum Reliquiarum retinendus est, & commendandus, quamvis unus, vel alter ob damnabile lucrum dissipet, vendat, emat Sacratissimos Cineres, alia-

aliaque execranda committat . Ex Christi latere aperto Ecclesiæ manavere Sacramenta , sine quibus ad vitam , quæ verè vita est , non pervenitur . Vitæ ostium mortis janua dicent , quia multi blasphemantes contra Sacramenta insurrexerunt ? Et eo nequitia aliquorum processit , ut pro fortilegiis , incantationibus , aliisque nefandis sceleribus abuterentur ? Ergonè accedendum non est ad Sacramenta , vel auferenda , quia aliqui iniqui sunt , & peiores fiunt sacrilega participatione Sacramentorum ? Sancta sunt , & Sanctitatem communicant Sacramenta , si quis dignè accedat , percipiat , utatur : Sanctitatem non amittunt , licet non conferant indignè sumentibus . Laudabilis est Reliquiarum Cultus , Deo gratus , nobisque proficiuus , nihil in se continens mali , multa habens , ut proficiamus in bono , non culpandus , nec removendus Cultus , si alterius vitio id , quod ad bonum est institutum , vertitur in malum . Piissima Mater Ecclesia Filiis suis consulens Sanctorum Cineres publicè exponit , ut honorentur , non ut vendantur , & emanant : hæc iniqua mercimonia proscripita sunt inter Catholicos . Hæc dixerim dummodo Sacræ Reliquiæ sint inter eos , qui Christiana professione censentur . Si enim in manus impiorum devenerint , Turcharum , & Hæreticorum , laudabile esset summam auri offerre , ut redimerentur à vexatione , ab injuriis , sacratissima pignora Sanctorum . Quare inclyta Venetorum Respublica semper defensabitur à Deo contra impetum Inimicorum suorum , quia nihil existimavit argentum , & aurum , ut à manibus Turcharum Corpora Sanctorum eriperet : Smirnenis Ecclesiæ exemplum secuta , potiora lapillis pretiosis , ossa Prophetarum , Patriarcharum , & Martyrum judicavit ;  
hoc

hoc recto iudicio Civitas Venetiarum habitabitur confidenter: Salvator cum Sanctis suis ponetur in ea murus, & antemurale, fortitudinem Orientalium Nationum abstulit, quia Sanctorum Corpora dato pretio redemit, ut ei loco muri, & munimenti sint. Urbem nostram, ex qua hæc scribo, commendavit Chrysostomus, non ex copia auri, argenti, ædificiorum, columnarum, sed quia in ea Sanctorum Apostolorum Petri, & Pauli Corpora requiescerent. Non deesset mihi laudis materies, si te jure, ò Civitas Venetiarum collaudare voluero: omitto in bello fortiter gesta, in pace optimè instituta, urbanitatem in externos, æquitatem in tuos, satis te prædicant Sancti, quia donasti sacris eorum Cineribus habitaculum, à Saracenorum opprobriis vindicasti, & supremæ Hierusalem Cives, tuos habitatores fecisti; detrahant tibi heterodoxi, te laudabunt Fratres tui, Sancti tui, pro quibus Terra, Marique decertasti, ut possideres ad Cultum, haberes ad munimen, æternum retineres ad Regnum. Contemnant ergo Calviniani has negotiationes, approbat illas Deus, nec ullum imminet periculum immutationis objecti Religionis. Plura mala timent futura, nos plura speramus obventura bona.

Demum quod extremo loco superius dixerunt: ut adoretur Deus, omni inferiori Cultu abdicato, nè revertamur ad Idololatriam cum Gentibus, pietatis quidem speciem videtur habere, sed astutia ad decipiendos simplices absconditur. Vellent enim paulatim Ecclesiam Custodibus, & Protectoribus expoliare, ut esset in captivitatem, & prædam inimicorum suorum; Fideles inter tot Dæmonum insidias oppressos optarent, ne ullus esset, qui adju-trices porrigeret manus Deum orando, ut conterat  
sa-

Genes. 48.

satanam sub pedibus nostris. Adoretur, inquit, Deus: & quis negavit Deum non esse adorandum, & orandum? Invocabat Dominum, qui dicebat, Deus Abraham, Deus Isaac, & Jacob; sed Amicos exprimebat, ut misericordiam facilius inveniret. Jacob moriturus Filiis Joseph benedixit, & ait: *Deus, in cujus conspectu ambulaverunt Patres mei Abraham, & Isaac: Deus, qui pascit me ab adolescentia mea usque in presentem diem: Angelus, qui eruit me de cunctis malis, benedicat pueris istis, & invocetur super eos nomen meum, nomina quoque Patrum meorum Abraham, & Isaac, & crescant in multitudinem super terram. Quamvis felicia deprecaretur à Domino Filiis Joseph Sanctissimus Patriarcha Jacob, ut tamen crescerent in multitudinem super terram, Angelos, & homines, tam viventes, quam mortuos Divini Nominis invocationi adjunxit. Solus Deus erat daturus bona Ephraim, & Manassi, sed Angelus, Abraham, & Isaac à Jacob invocati, impetraturi erant, quæ pueris Deus largiri decreverat: non indigebat quidem adjutorio Patriarcharum Altissimus, ut redderet juxta vota Israel duobus Filiis Joseph: petiit tamen Jacob, ut ostenderet plurimi valere apud Deum Sanctorum patrocinium, non ex necessitate, quæ in Deo sit, sed ex dignatione, & benignitate. Nimium præsumptuosi inveniuntur Hæretici, ut recurrant ad Dominum nullo Amicorum Dei patrocinio suffulti. Quis dignis laudibus Sanctitatem Jacob celebrare poterit? Et tamen supplex invocavit Angelum, qui illum à malis eriperet, & quasi in se non haberet, unde exaudiretur à Domino, obtulit merita Parentum pro Nepotibus. Si Justii facere non erubuerunt, quid detrectant peccatores? puta indignabitur Deus, si inter*

ter hujus vitæ pericula, plurium delictorum conscii, imploremus subsidium illorum, qui illi placuerunt?

*Incipiam*; inquit Origenes, *me genibus prosternere, & deprecari universos Sanctos, ut mihi non audenti petere Deum propter nimietatem peccati, succurrant.*

Origen. in lamentationibus

*Illum, igitur, repetit Ephrem Syrus, d beatissimi viri, d gloriosissimi Martyres Dei, me miserum vestris precibus juvate, ut in illa hora misericordiam consequar, quando manifesta erunt occulta hominum.*

Serm. de Sanctis Martyribus.

*Tu verò, addit Nanzianzenus in laudem Basilii, d Sacrum, & Divinum Caput, d Cælo nos, queso, inspicere, Carnisque stimulum a Deo nobis ad disciplinam datum, aut precibus tuis siste, aut certè, ut cum forti animo perferamus, persuade, atque omnem nostram vitam ad id, quod maximè conducibile est, dirige, nosque postquam ex hac vita migraverimus, illic quoque tabernaculis tuis excipe.*

Orat. 20.

*Quid memorem Gregorium Nissenum, aliosque Patres, si hæc una vox semper Justorum fuit, qui Deum adorarunt, & Sanctos honorarunt? Non timuerunt ad Gentium Idololatriam revertere, ante Sacras Reliquias se prosternendo, lacrymas profundendo, exorando Sanctos, ut omnium Judicem Deum illis placatum redderent: hæc fecerunt Sancti, hæc docuerunt posse fieri absque injuria Creatoris. Hisce autem miserabilibus temporibus, quando homines bibunt, sicut aquam, iniquitatem, si quid conferatur honoris Amicis Dei regnantibus cum Christo in Cælis, uti grande piaculum reputatur, & interim, nec Deum, nec hominem reverentur Hæretici. Quomodo Deum adorant, quem persequuntur in Amicis suis? Dixit olim Paulus Sacerdoti imperanti, ut percuteretur: Percutiet te Deus paries dealbate, & illicò poenituit in-*

Actuum 23. 3. 5.

*quiens: Nesciebam Fratres, quia Princeps es Sacer-*

Tom. I.

P

do-

*dotum : Scriptum est enim : Principem Populi tui non maledices .* Verbulum unum dehonorativum Sacerdotis illius Legis, quæ jam cessaverat, si tantum displicuit Paulo, poterit nè placere Deo, quod purissima Mater, cui ipse Deus tantum contulit honoris, contemnatur? Illa Corpora abjiciantur, ac si jumentorum essent, quæ pro Christi nomine non horruerunt vincula, carceres, & tormenta dirissima? Quare abdicandus Cultus inferior, dum bene comparitur cum Catholicorum Religione? Non sat est dicere, ut solus adoretur Deus, proscribendus quicumque alter Cultus. Cur potius uni, vel alteri Hæretico acquiescere debemus, qui sola autoritate personali suadet Cultum Sanctorum esse destruendum, & non potius tot Sanctissimis Patribus, Ecclesiæ Matri, & Deo, Cultum commendantibus?

Innumeras fraudes audent nobis reponere, quia sæpe falsæ pro veris Reliquiis approbantur. Permittamus in uno, vel altero eventu aliquam posse fraudem reperiri, innumeræ ergo erunt? Quod rarè contingit, quomodo dicitur sæpe evenire? Nunquid subtrahendus honor Sacris Reliquiis, quia inculpabiliter decipimur ab alterius malitia? Nulli honesto homini esset caput aperiendum, falli enim possumus aperiendo viro immorigero, & inhonesto; Nulli esset credendum, seu Fides adhibenda, cum aliquando contingat aliorum perfidiam augeri. Nè ergo decipiamur à proximo, quæ illi debentur, vel civili conversatione, vel ex humano convictu, omittamus, negligamus, non impleamus? Paulatim Mundus belluarum saltus esset, non rationabilium Creaturarum domicilium, sed de hoc fusiori calamo capite sequenti.

## CAPUT VII.

*Quæ Certitudo requiratur ad hoc, ut possint  
venerari Sanctorum Reliquiæ.*

**A**Ntiquus humani Generis hostis Diabolus, qui Animabus nostris insidiatur, ut pereant, primum Hæreticos suscitavit, ut bellum gererent adversum Sanctorum Reliquias; stetit tamen de more victrix Ecclesia, commendans Filiis suis, ut honorarent Dei Amicos, nec contemnerent Corpora, aut alia, quæ ad ipsos Sanctos spectarent. Alterum ergo excogitavit modum, quo impugnaret Cultum, suadens sciolis, ac parum devotis hominibus, non esse quidem detrahendum illis, qui sacras venerantur Reliquias, verum unumquemque teneri certificari, an quod veneramur, & colimus, sit tale, ut possimus absque peccati macula reddere, quod Sanctis, & Amicis Dei jure deberi profiteamur. Non exiguum, inquiunt, errandi periculum subesse dignoscitur, si illicò properemus ad Cultum, nescientes, an cineres sint occisi Militis in bello, vel Martyris Christi. Refert Augustinus quosdam pseudo-Monachos solitos suo tempore cursitare per vias cum Martyrum Reliquiis, ut illi affirmabant, ad auram Populi captandam, attamen meritò hæsitavit Sanctus Doctor, an Martyrum essent; Hinc in ore omnium est ejusdem Augustini sententia. *Multa Corpora sunt, quæ veneramur in Altari, quorum Anima torquentur in igne.* Novimus ex Severo Sulpitio Sanctum Martinum Turonensem Antistitem cohibuisse Populum à Cultu, quia ignarus sacros reddebat honores corpori cujusdam facinorosi,

*August. lib.  
de Moribus  
Ecclesiæ.*

& ebriosi hominis ; multa denique ex historicis monumentis referri possent ; quæ comprobant præviam certitudinem necessariam ad Cultum .

Latet anguis in herba , ut mordeat occultè , & interficiat securè . Scioli exquirunt certitudinem , ut retrahant à Cultu : si enim illos interrogemus , quæ sufficiens sit , ut sacro veneremur obsequio Crucem Domini, Vestes Deiparæ, Cineres Sanctorum ? Summam reponunt , quæ nulli , vel materiali errori possit esse obnoxia . Verum hæc certitudo cum ferè impossibilis sit , subtrahendus esset omnis Cultus Reliquiarum . Non multum ab hæreticis in facto distare arbitror hos indevotos homines : hoc unum interesse discrimen agnosco , ut primi dicant : non honorandas esse Sanctorum Reliquias , alteri verò dicant honorandas , sed non honorent . Quis unquam excogitavit certitudinem summam , quam Methaphysicam appellant Scholastici , exoptari , ut veræ à supposititiis secernantur Reliquiæ , & publicæ exponantur venerationi ? Mihi suspectus est , qui nimis est in prædicta certitudine invenienda . Quod pendet ex nuda , & pura voluntate hominum fallibilium , gradum certitudinis summæ obtinere non potest , nisi constet voluntatem dirigi specialiter à Deo , nè erret , uti de Summo Antistite Romano Ecclesiam Catholicam sibi commissam ex Cathedra docentem , ac Patribus legitimè congregatis in Oecumenicis Synodis cum submissione ad visibile caput , à Spiritu Sancto manuduci , omnino sentiendum : in aliis verò factis personalibus , quæ Juris admixtionem non patiuntur , moralem certitudinem , & gradualem expetere debemus , non summam , & quam dicunt methaphysicam . Ut Fidei dogma amplectendum est Christum sub Eucharisticis speciebus



bus latentem, esse adorandum, ut autem adoretur, non exigitur, ut per illam præfatam summam certitudinem, nobis innotescat particularem illam formulam, sive, ut vocant hostiam, esse ritè consecratam: accedit quidem verbum ad elementum, & sit Sacramentum; At verba Ministri Sacrificantis conversiva Panis in Christi Corpus, secretò proferuntur, & adstantium aures non pertingunt: communis tamen usus Credentium est, ut illicò ac elevatur à Sacerdote venerabile Sacramentum, adoretur absque ulla cunctatione, non requiringdo, an protulerit omnia, & singula verba, an aliquis audierit. Et quamvis elata voce verba proferantur, adhuc latet, an Minister contrariam custodierit intentionem. In ultimo agone certantibus, defertur Dominicum Corpus: Quotannis recolitur memoria instituti Beneficii per solemnes Processiones cum spiritali lætitia Populi Christiani, & nusquam factum est, ut requirerent Credentes, ut certò scirent, an Ministri debitam expresserint formam: an rectam servaverint intentionem. Oh summam Sciorum, vel potius perditorum hominum dementiam. Oh detestandam perfidiam, quæ sub prætextu debitæ certitudinis, debitam Christo, & Sanctis ejus subtrahit venerationem. Quando omnium Redemptorem in Sacramento latentem adorabimus? Vestrum commune responsum novi; quando, scilicet, erimus omninò certi, quod verè adsit sub speciebus: at cum hæc certitudo nunquam in vobis sit, nunquam ergo adorabitis Christum, nunquam properabitis, ut reficiamini cœlesti pane, cum possibile sit, ut defectu formæ, vel intentionis, illa ineffabilis conversio subsecuta non fuerit. Referat Sacerdos juxta instituta Divina omnia peregrisse, adhuc  
non

non estis omninò certi, an seriò loquatur, vel potius decipiat: ergo nec Christus in vobis erit, nec vos cum Christo: soli Ministri participes esse poterunt Sacramenti, & adorare, cum certi sint de sua intentione, & prolatione verborum: cæteri verò dimittantur jejuni, ut deficiant in via. Et rursùm cum illi, qui Sacerdos Dei nominatur, remaneat occulta intentio Antistitis ordinantis, longè fieri ab Altari per vos necesse est. En Sacramentum, pro salute omnium institutum, à nemine percipietur, & Christus, qui voluit nobiscum esse usque ad consummationem sæculi sub visibilibus speciebus Eucharisticis, à nemine adorabitur. Qui ambulat simpliciter, ambulat confidenter. Qui credit, Christum realiter adesse in Altaris Sacramento, adhæret Divinis promissis de custodia Ecclesiæ: suavem Dei recolit Providentiam, quæ ita regit volubiles, ac defectibiles voluntates nostras, ut quamvis possint Ministri Domini deficere, vel per subtractionem debitæ formæ, vel per appositionem contrariæ intentionis, hæc tamen communiter non eveniant. Acutè, ac piè explicuit hoc Eminētissimus, ac doctissimus Pallavicinus in Historia Concilii Tridentini. Si verò aliquando aliquis contingat defectus, non illi reprehendi sunt, qui adorant Sacramentum, quod ut tale communiter existimatur, sed ille culpandus Minister, qui occasionem materialiter idololatrandi præstitit: Deo exosa est perfidia Ministri, accepta devotio Populi: punietur primus ob gravissimum scelus: absque mercede non erit alter ob innocentiam suam, quæ non evacuatur per aliorum malitiam. Scrutari autem, sciscitari, & interrogare non tenetur homo, antequam adoret Christum in Sacramento super forma, aut intentione Ministri: sat est,

*Pallavic. in  
Hist. Conc.  
Trid. tom. 2.  
lib. 9. cap. 6.*

est, ut sit certus certitudine Fidei de præsentia reali Christi in pane ritè consecrato, ut prudenter judicet venerandum in occurrentibus circumstantiis publicæ elevationis, per Ministrum deportationis ad infirmos, ac Religiosæ reservationis in Templis, & similibus. Labet hic Scholasticorum Salmanticensium doctrinam reponere: *Dicendum*, inquit, *Cultum esse actum Religionis, quæ fertur in objectum, ut prudenter apparet dignum veneratione: apparet autem, quoties nulla ratio se offert ad prudenter dubitandum de opposito: unde meritò adoramus Cultu absoluto hostiam, quam videmus Populo adorandam proponi, sicuti exercemus actum misericordiæ circa illum, qui censetur pauper. Fides autem non fertur ad objectum, nisi ut verè revelatum à Deo, ut supra ostendimus, unde quia Deus non revelavit hanc hostiam in particulari continere Corpus Christi, propterea id non credimus Fide Theologica, licet eandem hostiam adoremus absolute, sed Fidem referimus ad hostiam ritè consecratam, sive ad hoc, quod Corpus Christi continetur sub speciebus panis ritè consecrati: cum autem dicitur Cultum esse protestationem Fidei, sensus non est, quod Fide Theologica credamus idipsum, quod colimus, sed quod Cultus ortum ducat ex Fide, qua credimus aliquid esse sanctum, & veneratione dignum, licet illud, quod hic, & nunc in particulari occurrit, sanctum non sit, si sanctum apparet. Et ita accidit in exemplo relato, nam ex Fide Theologica, qua Christum credimus esse in hostia ritè consecrata, ortum ducit, quod hic, & nunc veneremur hanc hostiam, quæ revera consecrata non est, sed prudenter apparet consecrata. Hæc doctissimi Magistri, sapienter de more admonentes, illam summiæ certitudinem à nuperis dubitantibus excogitatam, in Cultu particulari non requiri.*

Sed

*Salmanticen.  
To. 7. Trac. 17.  
Disp. 2. dub. 4.  
§. 1. n. 94.*

Sed revertamur, unde digressi sumus, & ex similitudine absolutæ adorationis, quam reddimus hostiæ huic particulari, concludamus de Religioso Cultu Reliquiarum. Itaque per Fidem edocti Catholici de reali præsentia Christi in hostia consecrata, transeunt absolutè ad venerationem hujus peculiaris hostiæ: ita depositum ejusdem Fidei custodientes, quo instruuntur Sanctorum exuvias esse Religioso Cultu honorandas, ducuntur, ut honorent Cineres Sancti Joannis de Nepomuceno, Sanctæ Agnetis Politianæ, quamvis non habeant summam certitudinem, quod ossa, quæ venerantur, sint Joannis, vel Agnetis. Certitudo, quæ nulli, vel minimo errori materiali subesse possit, non versatur circa singulares Reliquias, sed circa easdem universim sumptas. Certum namque est certitudine Fidei, nos posse venerari Sanctorum Reliquias, at non eandem certitudine novimus hanc, quam colimus Reliquiam esse Martyris, vel alterius hominis. Possumus tamen absolutè honorare, sicuti absolutè adoramus hostiam. Confingant Adversarii, qui accidere queunt, ex hominum nequitia, errores, non retardabimur à Cultu: neque enim est prudens ratio dubitandi, quod sit, ex eo, quod possit esse defectus. Nunquam adorabimus Christum in Sacrificio incruento, quia poterit esse, quod consecrata non fuerit hostia? Nunquam digno honore prosequemur Reliquias Sanctorum, cum evenire possit, ut Sanctorum non sint? Nunquam misericordiæ actus erga miseros exercere debemus, quia possibile est, ut alterius inopiam, vel miseriam non sublevemus, sed magis superbiam provocemus? Referunt Augustinum subdubitaliter de Reliquiis Martyrum, quæ à pseudomonachis circumferebantur: rationale dubitandi

tandi motivum in Sancto Doctore extitisse dice-  
 mus . Aliquando deceptos fuisse homines in Cultu  
 Reliquiarum, putantes Sanctum venerari, & im-  
 pium honorarunt, ultra concedere non ambigimus,  
 & si Severi Sulpitii unum non sat esset relatum  
 exemplum, alterum ex Cap. *Audivimus de Reliq. &  
 venerat. Sanctior.* adducere possemus: attamen inane  
 est argumentum ab uno, vel altero facto, univer-  
 saliter inferre de omnibus. Non prudens recen-  
 sendus esset, qui deceptus ab uno judicaret omnes  
 homines decipere proximum. Urgent cautè pro-  
 cedendum in materia Cultus Reliquiarum, cum  
 Christianæ Religioni detractum sit sæpius, ut docet  
 Innocentius Tertius. Verum doctissimus Pontifex  
 asserit fuisse detractum ex eo quod quidam Sancto-  
 rum Reliquias exponerent venales, non quia Fide-  
 les has honorarent. Cautè quidem procedendum  
 ab Episcopis antequam firmatas litteras concedant,  
 nè variis figmentis, aut falsis documentis decipiatur  
 Populus, ut innuit quartum Lateranense Concilium.  
 Sed Prælati, & Populi non confundantur officia:  
 quæ Lateranensis, & Tridentina Synodus præcepe-  
 runt, exactè servantur ab Episcopis, alii verò Deum  
 honorantes in Sanctis suis, cum inspexerint Reli-  
 quias autoritate eorum, ad quos spectat, recogni-  
 tas, & publicæ venerationi expositas, possunt ve-  
 nerari: si aliquis fortè sequatur error, non minuit  
 meritum, nec Sancti indignantur in illum, qui cor-  
 de puro accessit ad eorum reputatas memorias, alio-  
 rum fraude deceptus. Ea nunc temporum condi-  
 tio est, ut nonnulli omnia fere sub dubio exponant,  
 & coram mulierculis, & indoctis hominibus disse-  
 rant, vel de Sanctorum Reliquiis, vel Martyrum  
 acta proponunt, ut vitiata, dubia, incerta, corri-

*De Reliq. ly  
 venerat. San-  
 ctior. Cap. cum  
 ex eo.*

*Cap. cum ex  
 eo.*

Tom. I.

Q

gen-

genda . Quid quæſo hi ſermones , quid liberculi cum his diſceptionibus vernacula lingua operantur in Populo ? Devotio , & ſimplicitas læditur , retardantur homines ab invocatione Sanctorum , & quæ ad imitationem referuntur exempla , parvipenduntur .

Extra campum jam calamus ferebatur : qui deſiderat contra Modernos dubitantes erudiri , videat plures , qui ſanæ doctriinæ jugiter adhærentes , abundè ſcripſerunt undè originem trahant ſimiles homines in omnibus dubitantes , & nunquam ad notitiam veritatis pervenientes . Revertamur itaque ad ſententiam , quæ Auguſtino tribuitur : *Multa Corpora Sanctorum veneramur in terris , quorum Anima cruciantur in Inferno* . Sibi conſultum putant Adverſarii , nè Sanctos honorent , cum potius inferre æquiſſimum eſſet , tempore Auguſtini Fideles coluiſſe Cineres , quos Sanctorum exiſtimabant , licet tales non eſſent , & non longè fuiſſe Auguſtinum à tali Cultu oſtenditur , quia non dicit venerantur , ſed veneramur . Quò in loco tamen Auguſtinus protulerit illam ſententiam , fateor me ignorare , pluries quæſivi , & non inveni . Accidit hiſce diebus , ut perlegerem Opera doctiſſimi Proſperi Fagnani in ſecundum librum Decretal. de Teſtib. Cap. *venerabili* , & intelligerem non infimæ notæ homines hæuiſſe , immò negaſſe illum dictum , quod ſub venerando nomine refertur , eſſe Auguſtini : *Non obſtat ultimum* , inquit Fagnanus , *tum quia dictum illud , licet paſſim tribuatur Auguſtino , tamen hoc negant Covar. , & alii : ac præterea eſto illius Author fuerit Auguſtinus , tamen ſecundum Covar. ubi ſupra dum dixit : Multa Corpora Sanctorum veneramur in terris , quorum Anima cruciantur in Inferno :* hoc

*hoc tantum intellexit, videlicet, nos venerari plura Corpora, quæ putamus esse Sanctorum ab Ecclesia canonizatorum, & tamen non sunt illorum, sed potius damnatorum hominum, & fortasse Infidelium, latronum, sicariorum, & hujusmodi. Judicium ergo Ecclesiæ in hoc non fallitur, quia definit aliquem esse Sanctum, puta Divum Hieronymum, sed non definit tale Corpus esse Divi Hieronymi, & fieri potest, ut Anima, quæ illud Corpus informabat, fuerit alterius, & crucietur in Inferno, licet nec circa approbationem Reliquiarum error sit præsumendus, ut ibi per eum, maxime in Ecclesia Romana ad hoc Cap. 1. infra de Reliq., & venerat. Sanct., & notat per Joannem Andream in Cap. à nobis, il secondo num. 4. de sent. Excommunic. Hæc Fagnanus. Permissa itaque auctoritate Augustini, non inde sequitur summum certitudinis gradum prærequiri antequam accedamus ad venerationem Reliquiarum, cum & illo caruisse dicat, & tamen à Cultu non cessasse profitetur.*

Redibit iterum asserta autoritas in Tractatu Dogmatico de Canonizatione Sanctorum, ibique expendam, an debeat Augustino adscribi, vel non: nunc satis sit ostendisse solam certitudinem moralem sufficere, ut Sanctorum Reliquias debito honore prosequamur, errorem Communem non esse præsumendum, qui si aliquando sequatur, non ideo remissiores esse debent Fideles in veneratione Sanctorum.

## CAPUT VIII.

*Jacobi Piccinini audacia reprimitur.*

**S**TATUERAM amplius non inmorari referendo, quæ moderni hæretici clamitant in Cineres Sanctorum. Satis me dixisse arbitrabar ad demonstrandum Cultum, satis ad convincendum de falsitate negantes. Accidit autem, dum hæc scriberem, ut audacissimi hominis Jacobi Piccinini Opus perlegerem, & in Apologetico pro Novatoribus §. 12. nullius Religionis hominem viderim insurgere adversus Ecclesiam Romanam, quæ commendat Sacrarum Reliquiarum Cultum. Posthabito quocumque signo, non solum Christianæ modestiæ, sed humanitatis, quæ inter efferas gentes solet reperiri: totus est in dictariis, totus in calumniis. Quod virus simplicium corda penetraret, nostra vernacula lingua conscripsit, seu blasphemavit.

Itaque breviter, perstrictè, atque summatim, quæ præsentis instituti nostri proposito adversari videntur, proponam ad confutandum, remittendo Lectorem ad magnificum Volumen Eminentissimi Cardinalis Gotti, si optet uberius, plenius, ac planius totam Jacobi Piccinini audacem inscitiam devictam.

Recensito ergo articulo ait: *Rebellis vocari meritò potest ille Filius, qui dum ostendit Reliquias Patris, Testamentum abscondit, ejus præcepta contemnit; similiter operatur Ecclesia Romana: Petri, & Pauli Sacra Scripta pessumdat, & interim de eorum Reliquiis gloriatur. Nec arduum est causam perscrutari; Absque lingua sunt Reliquiæ, nullum adest*



*adeſt periculum , ut contra Pontificem clamitent ; Sanctorum Apoſtolorum Petri , & Pauli Capita , Romanas novitates non reprobant , uti eorum Scripta faciunt .*

Nollem manſuetudinem oblivifci , ſed quis valeat juſtam indignationem continere , audiendo , quæ Piccininus abſque ullo pudore , protulit ? Contumax , & rebellis appelletur Filius , qui parvipendit , immò contemnit Præcepta Parentis . At Romanam Eccleſiam nihil æſtimare Scripta Apoſtolorum Petri , & Pauli dicit , ſed non probat Piccininus . Nunquam abſcondit Eccleſia , quæ pro ejus utilitate ſcripſerunt Apoſtoli , nunquam expunxit è cathalogo divinarum Scripturarum percelebrem Epiſtolam Pauli ad Hebræos , uti auſi fuere Centuriatores , Lutherus , Kemnitius , & alii , quos defendendos ſuſcepit Piccininus . Nunquam ſubdubitavit de ſecunda Petri ; Illibatè cuſtodivit ſemper Eccleſia has ſacratiffimas Epiſtolas , veluti ditiffimum Patrimonium , ac venerabile Teſtamentum Parentum ſuorum , nihil contrarium addendo , nec minimum jota ſubtrahendo .

Novemdecim Sacræ Scripturæ loca depravaſſe , partim mutilaſſe Lutherum , compertum eſt apud Eruditos . Et ut ad rem noſtram propius accedamus : ubi in Paulinis Epiſtolis legitur : ad Romanos 3. *Arbitramur hominem juſtificari per Fidem* : addidit , ſolum , ut operum neceſſitatem excluderet . Ad Galatas 4. *Factum ex Muliere* : adulteravit dicendo , *natum ex Muliere* : cum non pauca injuria puriſſimæ Dei Genitricis . Ad Ephesios 6. legitur : *Accipite armaturam Dei , ut poſſitis reſiſtere in die malo , & in omnibus perfecti ſtate* ; abſtulit rō , *perfecti* , ut nihil unquam perfecti in homine ſtatueret , ſed omnia

omnia peccatum esse blasphemaret, & ad Thesſalonic. 4. id quod habetur, *ut abſtineatis vos à fornicatione*: omiſit, ut liberius operibus carnis vacare poſſet. En qui depravarunt Scripta Apoſtolorum Petri, & Pauli. En qui abſcondunt Teſtamentum Parentum, vel ſi aliquando protulerint, mutilum, & cum adjectionibus contrariis. Catholica, autem, quæ Romana eſt Eccleſia, Cathedram habet veritatis, quam à Petro recepit, quamve per univerſum Orbem prædicari gaudebat Paulus, fideliter ſervavit depositum Sacrarum Scripturarum, & ſervatura eſt uſque ad conſumationem ſæculi. Quare Filiis ſuis pientiffima Mater, & Parentum integrum Teſtamentum revelat, & eorum Sacras Exuvias, quibus divinitus locupletata fuit, exhibet ad venerationem; in utriſque gloriatur, utraque poſſidens. Caveant qui utriſque detrahunt hæretici. Nequit Eccleſia Romana timere; A tramite veritatis non deviaſſe ſcimus Matrem noſtram, quamobrem pertimeſcere non debet ſcripta Apoſtolorum, quaſi condemnantia novitates ejus, cum ſemel Fidei doctrinam ab eiſdem Apoſtolis acceptam, non dimiſerit. Cauſa ergo à Piccinino ſuperius adducta una cum Authore vileſcat, ac pereat, & Joannem Chryſoſtomum Urbem hanc noſtram collaudantem, etiam ex eo quod Corpora Sanctorum Petri, & Pauli poſſideat, audiamus: *Ob id illam beatam prædico, quod erga illos Paulus dum viveret adeo fuit benevolus, adeo illos amavit, & coram diſſervuit, & poſtremò vitam apud illos finivit. Cujus Sanctum Corpus ipſi poſſident: & propterea Civitas illa hinc facta eſt inſignis magis, quam ab aliis rebus omnibus: & tanquam Corpus magnum, ac validum duos habet oculos fulgentes: Sanctorum, videlicet, horum Corpora. Non ita*

Joan. Chryſoſtom. in Epist.  
ad Romanos  
ſerm. 32.

*ita Cælum splendet, quando radios Sol dimittit, quemadmodum Romanorum Urbs duos istos fulgores ubique terrarum emittens. Horum Sanctorum Corporum fulgores sustinere nequivit hæreticus, & ad tenebras mendacii confugit.*

Sed videamus, an quæ in sequentibus articulis dixerit. Articulo octavo: *Vigilantium inter hæreticos non esse adnumerandum censeo, quia ab Augustino, & Theodoro in hæreticorum cathologo non refertur, immò ab ipso Hieronymo, ut Sanctus collaudatur: ejusdem sententiæ Vigilantium, & Hieronymum fuisse assero, quamvis unus alterius sensum non penetraret.*

Eruditissimum Opus Aurelii Augustini ad *Quodvultdeum* non legisse arbitror Piccininum, nam si ejus lectioni vacasset, alios intellexisset fuisse hæreticos, qui in illo opere non adnotantur. Ex Possidio cap. 5., ex Sancto Isidoro cap. 9. de Viris illustribus, ex Primasio Africano Episcopo, denique ex censura, quæ præfigitur operi ejusdem Augustini, nosse debuerat librum hæreseon, morte interveniente, imperfectum ab Augustino fuisse relictum. Sed nè fortè possit nobis reponere librum ad *Quodvultdeum* imperfectum appellari, non in numero hæreticorum imminuto, sed in altera parte, quam pronūit Augustinus, scilicet, *in posterioribus partibus, quid faciat hæreticum, disputabitur*, quæ disputationes ob mortem tanti Doctoris desiderantur, nè, inquam, hoc in sui excusationem adducat hæreticus consulamus Augustinum, qui non omnes retulisse hæreseos ingenuè fatetur: *Ecce, inquit, quam multas commemoravimus hæreses, nec tamen modum tuæ postulationis implevimus. Ex quo, enim, Christiana Religio (ut verbis tuis utar) hereditatis pro-*

*Dis. August.  
ad Quodvult-  
deum.*

*promissa nomen accepit, quæ hæreses ortæ sint, quomodo commemorare omnes potui, qui omnes nosse non potui? Quod ideo existimo, quia nullus eorum, quorum de hac re scripta legi, omnes posuit: quandoquidem inveni apud alium, quas apud alium non inveni, & rursus apud istum, quas ille non posuit. Ego autem propterea plures, quam ipsi posui, quia collegi ex omnibus, quas omnes apud singulos non inveni, additis etiam his, quas ipse recolens apud ullum illorum invenire non potui. Unde meritò credo, nec me posuisse omnes, quia nec omnes, qui de hac re scripserunt legere potui, nec hoc quemquam eorum video fecisse quos legi. . . . . Audiui scripsisse de hæresibus Sanctum Hieronymum, sed ipsum ejus opusculum, nec in nostra Bibliotheca invenire potuimus, nec unde possit accipi scimus: quod si tu scieris perveni, & ego per te ad aliud perveniam, & forsitan habebis melius aliquid, quam hoc nostrum: quamvis nec ipsum, quamvis hominem doctissimum omnes hæreses arbitrer indagare potuisse, & certè Abeloitas nostræ Religionis hæreticos, quantum existimo, ille nescivit, sic fortè, & alibi alios in obscurissimis locis reconditos, ejusque notitiam ipsa locorum suorum obscuritate fugientes.*

Immunem vindicet nunc Vigilantium ab hæresi Piccinius. Quia ab Augustino non fuit recensitus inter hæreticos, ideo non erit talis? Firmissima Augustini sententia est, nec Celsum omnes Philosophorum sectas, narrasse, Sanctum Epiphanium Cyprium, Philastrium Brixientem, nec doctissimum Hieronymum, omnes hæreses retulisse, plures effugisse, & ipsum Augustinum in data autoritate cognovimus. Nihil enim confert causæ Vigilantiæ, si Augustini notitiam evaserit. Abeloitæ hæretici erant, quamvis ignoraret Hieronymus, sciret Augusti-

gustinus . Vigilantius itaque hæreticus fuit, quamvis ignoraret Augustinus , sciret Hieronymus , qui nisi certior fuisset redditus per Riparium , & Desiderium Presbyteros Gallos , ignota , & eidem Hieronymo remansisset hæresis Vigilantiana . Vix nata hæc hæresis , fuit extincta , nec Sectatores habuit ; Galli enim puritatem Fidei diligentes , illico insurrexerunt mittentes in Palestinam , qui nuntiarent Hieronymo omnium hæreticorum hosti insensissimo : hic acceptis litteris , unius noctis spatio , hæresim , & Authorem repressit : adfuit , & providentia Dei terribilis in consiliis super Filios hominum ; Immisit , enim , barbaras gentes Gothorum , Alanorum in Galliarum Regna , & de medio impium cum ejus impietate abstulit . Quid ergo mirum , si reticuerit hanc hæresim Augustinus ? Addere aliquid ex abundantia possumus , quod si Augustinus Vigilantii dogma scivisset , nec in suo subnotasset libro ad *Quodvultdeum* , Augustinus esset trahendus ad sensum Ecclesiæ Catholicæ , non Ecclesiæ ad sensum Augustini : major est , enim , autoritas Ecclesiæ Catholicæ , quam Augustini , Hieronymi , vel cujuscunque Doctoris in particulari : hoc dixerim , non ex necessitate : error , enim , ab Hispano homine in Gallias delatus , subitoque extinctus , qui dumtaxat post plura sæcula revixit in Copronymo , in Witcleph , Luthero-Calvinistis , à Sancto Doctore recenseri non poterat , qui usus fuit Cathalogo Tertulliani , Sancti Epiphanii , Sancti Philastrii ; & Sancti Hieronymi Opus in sua Bibliotheca invenire non potuisse profitetur . Sed si personam Vigilantii non subsignavit Augustinus , errorem confutasse superius demonstravimus Prima Parte Capite 3. Fortè ex Sanctis Patribus nullus est , qui

Tom.I.

R

tan-

tantum deferat Reliquiis Sanctorum, sicuti Augustinus. Caput octavum libri vigesimi secundi de Civitate Dei relegat Piccininus, & desinat irridere nobis, qui si quas patimur angustias, illicò recurrimus ad Memorias Martyrum, ibique addiscet novum hoc non esse in Ecclesia Dei: passim in Africa fieri suo tempore testatur Sanctus Doctor: *Erat, inquit, quidam Senex Florentius Hipponensis noster, homo religiosus, & pauper, qui Sartoris se arte pascibat, Casulam perdiderat, & unde sibi emeret non habebat: ad viginti Martyres, quorum memoria apud nos est celeberrima, clara voce, ut vestiretur, oravit . . . . . Ecce quomodo viginti Martyres te vestierunt. Et paulò post subdit: Itemque apud nos vir Tribunitius Eleusinus super memoriam Martyris, quæ in Suburbano ejus est, ægritudine exanimatum posuit Infantulum Filium suum, & post orationem, quam cum multis lacrymis ibi fudit, viventem levavit: quid faciam? Urget hujus Operis implendi promissio, ut non hic possim omninò commemorare quæ scio: & proculdubio plerique nostrorum, cum hæc legent, me tanta prætermisisse, quæ utique mecum sciunt, quos jam nunc, ut ignorent rogo, & cogitent quam prolixi laboris sit facere quod me hic non facere suscepti Operis necessitas cogit.* Hæc Augustinus antiquam ostendens consuetudinem orandi, & recurrendi ad Martyrum Memorias: quare, si Urbs Romana sub anno millesimo septingentesimotertio, dum insolitis vexaretur motibus Terræ, propteravit ad Sanctorum Apostolorum Petri, & Pauli Sepulchrum, & eorum Sacras Reliquias publicè exposuit venerationi; immeritò à Piccinino reprehenditur: nec repetat inquires: *Vellem, ut unus Jesuita mihi assereret, an antiqui*  
de-

*Div. August.  
lib. 22. de Ci-  
vitate Dei cap. 8.*

*Piccininus ar-  
tic. 12. §. 6.*

*deferrent infirmos ad Sepulchra Sancti Stephani, Jacobi.* Eleulinus etenim, de quo loquitur Augustinus, Filium detulit ad Memoriam Martyris Stephani: ex ejus oleo perunctus revixit Irenæi Collectarii Filius: ex floribus cæca Mulier protinus vidit: Lucillus Episcopus fistula liberatus: hæc omnia operatus est Deus, narrante Augustino, cum ad Memoriam Stephani veniebat magnæ multitudinis concursus, & occurfus. Hoc te, ò hæretice, edocere possunt Jesuitæ, & desinas admirari, si videris languidos efferri ad Sanctorum Sepulchra, ibique inspexeris collucentes lampades, flores Altaria ornantes: hæc omnia à mille, & biscentum elapsis annis in Dei Ecclesia fiebant, non contradicentibus, sed approbantibus sanctissimis, ac doctissimis Episcopis, qui & aliorum Sæculorum mores optimè noverant.

*August. loco citato.*

Jam ferè exciderat quod superius jactitabat Piccininus de titulo Sanctitatis Vigilantio attributo à Sancto Hieronymo: Fateor in Epistola ad Paulinum hæc habet Hieronymus: *Sanctum Vigilantium Presbyterum qua aviditate susceperim, melius est, ut ipsius verbis, quam meis discas litteris, qui cur tam citò à nobis profectus sit, & nos reliquerit, non possum dicere, ne ledere quempiam videar. Tamen quasi prætereuntem, & festinantem paululum retinui, & gustum ei nostræ amicitie dedi, ut per eum discas quid in nobis non desideres.*

*Hieronymus  
Epist. 13. ad  
Paulinum.*

Scio Henricum Gravium insignem Theologum Ordinis Prædicatorum subdubitaſſe, an Vigilantius, qui recensetur in hac Epistola ad Paulinum, sit idem adversus quem fortissimè pugnat Hieronymus, sed absit hæc dubitatio: si quis enim vult contentiosus esse, hoc nostra consuetudo non pati-

*Henricus Gra-  
vius in Epist.  
S. Hieronymi.*

tur. Sit idem Vigilantius, qui uno tempore con-  
clamatut ut Sanctus, in altero reprobatur ut hære-  
ticus; In Palestinam speciem pietatis præferens,  
in Galliis hæreticam pravitatem disseminans: brevi  
temporis intervallo, quo cum Hieronymo versatus  
est, nihil in eo apparuit unde damnetur, fortassis  
aliquid eluxit ut commendaretur. Sed cum sola  
perseverantia coronetur, & plures sint quorum lau-  
dantur initia, titulus ille Sanctitatis nihil profuit  
Vigilantio, qui non perseveravit. Quis Sanctum  
non appellasset Judam in initio Apostolatus? Quis  
non reprobasset Paulum, quando persequeretur  
Ecclesiam Dei? In principio Judas Sanctus, & Apo-  
stolus, in fine proditor, & apostata. In principio  
Saulus judaizans, & persecutor Christianorum, in  
fine Paulus, & Prædicator veritatis. In Palestina  
itaque Vigilantius, Sanctus fuit vocatus à Hierony-  
mo, in Galliis ut hæreticus ab eodem judicatus.  
Magnum quid est, si varientur nomina, cum va-  
rientur mores? Quamvis ut verum fateamur, hæ-  
sitavit semper Hieronymus de probitate, ac Fide  
Vigilantii, & in laudata Epistola ad Paulinum ali-  
quid subindicant illa verba: *Qui cur tam citò à no-  
bis profectus sit, & nos reliquerit, non possum dicere,  
nè ledere quempiam videar.* Sed clarius loquitur  
Epist. 75. *Alterius potius acquievi, quam meo judi-  
cio, & oculis aliud cernentibus, aliud Schedulæ cre-  
didi, quam videbam.* Sanctum, uti erat, judicavit  
Hieronymus Paulinum Nolanum Antistitem; San-  
ctum appellavit Vigilantium propter Epistolam  
commendatitiam Paulini. Sanctitas asserta à Hie-  
ronymo respiciebat merita mittentis, non missi  
aliud Schedulæ credidit, quam videbat; quid enim  
viderit declarat. *In hac Provincia, inquit, cum*  
*subi-*

*Hieronymus  
ut supra.*

*Idem Epist.*

*Idem adversus  
Vigilantium.*



*subitus tremotus, noctis medio omnes de somno exci-  
tasset : tu prudentissimus , & sapientissimus Mor-  
taliū , nudus orabas , & referebas nobis Adam , &  
Evam de Paradiso . Et illi quidem apertis oculis eru-  
buerunt , nudos se esse cernentes , & verenda texerunt  
arborum foliis : tu & tunica , & Fide nudus , subito-  
que timore perterritus , & aliquid habens nocturnæ  
crapulæ , Sanctorum oculis obscenam partem corporis  
ingerebas , ut tuam indicares prudentiam . Tales ha-  
bet adversarios Ecclesia : hi duces contra Martyrum  
Sanguinem dimicant . Ex his postremis verbis risu  
excipiendum est quod vult suadere Piccininus , San-  
ctum , scilicet Hieronymum ejusdem fuisse opinio-  
nis cum Vigilantio ; Christianæ pietatis officium di-  
cebat Hieronymus , Martyres , eorumque Reliquias  
venerari ; Vigilantius crimen idololatriæ clamabat .  
Qui Martyrum Basilicas ingrediebantur ad oran-  
dum commendabat Hieronymus , ut verè Christi-  
anos , ac Religiosos ; Vigilantius reprobabat ut sa-  
crilegos , & cinerarios . Unus venerabatur prodigia,  
quæ in Sepulchris Martyrum operabantur : alter  
argumentabatur contra virtutes , & signa , & dice-  
bat , lea prodesse incredulis , non credentibus . Si  
italia sentientes ejusdem judicas opinionis , de me-  
dio sublata est omnis contrarietas . Paulatim Ca-  
tholicos eadem sentire cum Calvinistis : Calvinistas  
cum Mahumethanis : hos cum Ethnicis declarabis ;  
hanc confusionem optares , ut omnem destrueres  
Religionem . At nos semper contestabimur . *Quæ*  
*participatio justitiæ cum iniquitate ? Aut quæ so-*  
*cietas lucis ad tenebras ? Quæ autem conventio*  
*Christi ad Belial ? Aut , quæ pars Fidei cum infi-*  
*deli ? Una est Catholica Ecclesia extra quam est*  
*omnis hæreticus , quia propriam sequitur electio-*  
*nem .**

*Secund. ad Co-*  
*rinth. 6. 14*  
*15.*

nem. Hieronymus docendo Cultum esse reddendum. Sanctorum Reliquiis, Ecclesiæ Catholicæ tenebat unitatem. Vigilantius detrahendo Cultui, erroris sui amplectabatur proprietatem. Penetravit sensum Vigilantii Hieronymus, & vidit illum longè recedere à veritate Catholicæ Fidei, ideoque Judæum, & Samaritanum judicavit. Nunquam adeo exarsit Sanctus Doctor, quam contra hæreticum hunc, & quamvis fateatur de semetipso: *Nequaquam me hæreticis pepercisse, & omni egisse studio, ut hostes Ecclesiæ, mei quoque hostes fierent.* Tamen Ripario scripsit: *Fateor tibi dolorem meum; sacrilegium tantum Vigilantii, patienter audire non possum: legi enim Siromasten Phinees, austeritatem Eliæ, zelum Simonis Cananei, Petri severitatem Ananiam, & Zaffiram trucidantis, Paulique constantiam, qui Elymam Magum, viis Domini resistentem, æterna cæcitate damnavit. Non est crudelitas pro Deo pietas, unde, & in Lege dicit: Si Frater tuus, & Amicus, & Uxor, quæ est in sinu tuo depravare te voluerit à veritate: sit manus tua super eos, & effunde sanguinem eorum, & auferes malum de medio Israël.* Judicet nunc Lector, an ejusdem fuerit opinionis Hieronymus cum Vigilantio? An unus alterius sensum non penetraverit?

Verum aliquid permittamus Piccinino, ut sciverit solus, quod alii nunquam scire potuerunt. Edoceat interim nos, quænam fuerit mens Vigilantii, ad quam pertingere non potuit acutissimus Hieronymus? Adaperiat nobis hanc parabolam, revelet Mysterium hoc magnum. Fortè Vigilantius indignas Cultu judicavit Sanctorum Reliquias? Et hanc blasphemiam aptissimè novit, & exhorruit Hieronymus, quare Catholicæ Fidei zelo justissimè suc-

Hieronym. ad.  
versus Pela-  
gium.

Idem qu. 53.

succensus, insurrexit, ut deprimeret nascentem hæresim. Crimen Idololatriæ dixit Vigilantius ingredi Martyrum Basilicas, & hoc delirium non ignoravit Sanctus Doctor, & ut liberaret ab insania hominem, validum adhibuit medicamen, inquit: *Sentio, sentio infelicissime Mortalium, quid doleas, quid timeas . . . . Do consilium, ingredi Basilicas Martyrum, & purgaberis.* Adhuc unum superesse poterit in quo convenirent ambo: ut dicerent solum Deum esse adorandum, sed ex hoc principio malè intellecto à Vigilantio, dissensionis caput oriebatur: inferebat Catholicè Hieronymus, Cultum supremum adorationis, quem latriæ vocamus, soli Deo esse reddendum: Sanctis vero religiosum honorem. Dedimus supra auctoritatem Sancti Doctoris, quam, & hic libet repetere: *Nos autem, non dico Martyrum Reliquias, sed nè Solem quidem, & Lunam, non Angelos, non Archangelos, non Cherubim, non Seraphim, & omne nomen quod nominatur, & in præsentì Sæculo, & in futuro, colimus, & adoramus, nè serviamus Creaturæ potius, quam Creatori; qui est benedictus in sæcula. Honoramus autem Reliquias Martyrum, ut ejus cujus sunt Martyres adoremus.* Honorem hunc proscribebat Vigilantius dicens apud eundem Hieronymum: *Magnum honorem præbent hujusmodi homines beatissimis Martyribus, quos putant de vilissimis cereolis illustrandos: quos Agnus, qui est in medio Throni cum omni fulgore Majestatis suæ illustrat.* Vide sacrum honorem, quem fatebatur Hieronymus, denegatum Martyrum Reliquiis à Vigilantio. An autem aliud esset latens, in quo ad invicem convenirent, & non se intelligerent, nè temerè aliquid dicamus, à Piccinino expectabimus declarandum; interim ad alia transeamus.

*Hieronymus  
Epist. 53.*

*Idem adversus  
Vigilantium.*

§. 33. Bellum indicit Sacris Peregrinationibus : *Currimus ab uno ad aliud Templum : ab Urbe Romæ ad Eadem Lauretanam , ab hac Jerosolymam petimus .* Paucis quidem , sed irrisoriis verbis reprehendit antiquissimum morem invisendi , ac venerandi loca sacra . Ægrè ferunt Novatores has Peregrinationes , & Claudius Taurinensis , Jona Aurelianensi narrante , cum Crucis adorationem negasset , pariter detestatus fuit iter susceptum devotionis : eadem impietatis vestigia calcarunt Witlephistæ , Lutherani , Calvinistæ , Peregrinationes votivas inanes conclamantes , in quibus operam , pecuniam tempus , stultè vulgus amittit .

Vos ergo soli sapientes , vosque soli prudentes , quibus datum est , peregrinos non esse super Terram , tempus non terere , & pecuniam reservare ? Sed ostendite ex quibus Sacræ Scripturæ textibus prohibeamur adire loca Sanctorum ? Non tantæ auctoritatis estis , ut verba vestra debeant absque probantibus textibus suscipi . Nos in simplicitate nostra iter assumentes ad Memorias Martyrum , aliorumque Sanctorum visitandas , exemplis Majorum provocamur , dicente Eusebio Cæsariensi : *Nos Christiani veræ pietatis milites , ut Dei Amicos honorantes , ad Monumenta ipsorum accedimus , vota que ipsis facimus tanquam viris Sanctis , quorum intercessione ad Deum non parum adjuvari profitemur .* Præsto etiam adest authoritas Divina , quæ Deum demonstrat aliqua elegisse loca , in quibus vellet specialiter honorari ; & ut ad ea confluerent Populi , & Nationes . Phasæ debebat immolare Israeliticus Populus , at non in omni loco , nec in qualibet Urbe apparere necesse erat coram Domino , sed Deus locum designavit : do textum : *Non poteris im-*  
*mo-*

*Eusebius de  
preparat. E-  
vangel. lib. 13.  
cap. 7.*

*Deuteron. 16.  
5. 6. 16.*

*molare Phasce in qualibet Urbium tuarum, quas Dominus Deus tuus daturus est tibi, sed in loco, quem elegerit Dominus Deus tuus, ut habitet nomen ejus ibi . . . . . tribus vicibus per annum apparebit omne masculinum in conspectu Domini Dei tui in loco, quem elegerit in Solemnitate Azymorum, & Solemnitate Hebdomadarum, & in Solemnitate Tabernaculorum.*

In libro primo Regum cap. 1. refertur Patrem Samuelis Elcana ascendisse statutis diebus de Civitate sua, ut Domino Deo Exercituum in Silo sacrificaret. Si dixerint inanem hanc Peregrinationem, à Sancta Muliere Anna Elcanæ uxore confundentur, quæ voti, & petitionis suæ fructum retulit à Domino: *Cum esset Anna amaro animo, oravit ad Dominum* 1. Regum 10.  
*flens largiter, & votum vovit, dicens: Domine Exer-* 11.  
*cituum, si respiciens videris afflictionem Famulæ tuæ,*  
*& recordatus mei fueris, nec oblitus ancillæ tuæ, de-*  
*derisq; servæ tuæ sexum virilem: dabo eum Domino*  
*omnibus diebus vitæ ejus, & novacula non ascendet*  
*super caput ejus.* Voti compos effecta Mulier, iterum Peregrinationem suam instituit, & assumpto Puero, quem ablactaverat, commodavit eum Domino: quamvis enim prius ascendisset Elcana, Anna noluit pergere, dum adhuc ab uberibus ejus penderet infantulus: *& adduxit eum secum postquam ablactaverat, in vitulis tribus, & tribus modis farinae,*  
*& amphora vini, & adduxit eum ad domum Domini in Silo.* Multiplex hic peregrinandi modus describitur, & ex præcepto Domini ad celebrandum Phasce, & ut in sanctiori loco Deus honoretur ad obtinendum beneficium, & pro accepto debitas ad reddendas grates. Quamvis primus modus adveniente plenitudine legis gratiæ, quia figurativus erat, cessarit, eique successerit oblatio munda Corporis, &

Eo loco 24.

Sanguinis Domini, alii tamen supersunt modi. Quovis enim tempore licitum redditur adire ea loca, in quibus magis abundè ostendit Deus divitias misericordiæ suæ, vota Fidelium suscipit, ac exaudit. Nec unquam legimus objurgatam piam illam Fœminam, quia ascenderit ad deprecandum Dominum, ut auferret à se opprobrium sterilitatis, vel Puerum adduxerit, quem pepererat. Quinimò Eunuchum Candacis Reginae, dum venisset in Hierusalem, ut adoraret, Fidei Mystéria didicisse novimus: Festinasse Paulum si possibile esset, ut diem Pentecostes celebraret Jerosolymis. Sed quid dicet Piccininus de Puero Jesu quotannis peregrinante in Hierusalem una cum Sanctis Parentibus: *Et ibant Parentes Jesu per omnes annos in Hierusalem in die solemni Paschæ, & cum factus esset annorum duodecim, ascendentibus illis Jerosolymam secundum consuetudinem diei Festi, consumatisque diebus, cum redirent, remansit Puer Jesu in Hierusalem, & non cognoverunt Parentes ejus.* Tantus occurfus erat Peregrinorum in Hierusalem, ut multi ex gentibus inter eos numerarentur, qui venerant, ut adorarent. Religiosum itaque, si reputatum fuit, peregrinari in Hierusalem antè adventum, cur post consummatum nostræ Redemptionis sacrosanctum Mystèrium, ut impium judicabitur? Sanguis Jesu non habebit vini sanctificandi celeberrimam illam Regionem, ut præ cæteris nequeat visitari? Utinam mihi daretur adorare ubi steterunt pedes Jesu, ubi natus, ubi crucifixus, ubi mortuus Dominus vitæ. Non alienum est, non superfluum, sed valdè congruum Catholice religioni ea invisere loca, in quibus opus nostræ salutis incepit, ut in Æde Lauretana; ubi impletum per mortem Christi; ac demum ubi fuit per

Mar-

*Abor. 8. 17.*

*Abor. 10. 16.*

*Lucæ 2. 41.  
42. 43.*

Martyrum Sanguinem testificatum. Adeò sole-  
 mne fuit Majoribus nostris has Sacras Peregrinationes  
 frequentare, ut possimus dicere cum Hieronymo :  
*Longum est nunc ab Ascensu Domini usque ad præsen-*  
*tem diem per singulas etates, qui Episcoporum, qui*  
*Martyrum, qui Eloquentium in Doctrina Ecclesiasti-*  
*ca virorum, venerint Jerosolymam, putantes se minus*  
*Religionis, minus habere scientiæ, nec summam, ut*  
*dicitur, manum accepisse virtutum, nisi in illis Chri-*  
*stum adorassent locis, de quibus primum Evangelium*  
*de patibulo coruscaverat.* Non stolidum vulgus re-  
 censet Hieronymus properasse Jerosolymam versum,  
 sed Episcopos, Martyres, ac Eloquentissimos in do-  
 ctrina Ecclesiastica, ut pium hunc usum à nobiliori  
 portione Gregis Christi incepisse intelligamus.  
 Erubescant Lutherus, Calvinus, Piccininus, qui  
 Sanctas Peregrinationes, ut fatui vulgi opiniones  
 reprobarunt, ut inanes contempserunt. Fatua ne  
 Helena Constantini Mater, fœmina incomparabilis  
 fide, & religione animi, ac munificentia singulari,  
 quæ divinis, ut ait Rufinus, admonita visionibus  
 Jerosolymam petiit? Fatua Paula Romana, quæ  
 teste Hieronymo cuncta loca Jerosolymis tanto ar-  
 dore, ac studio circuevit, ut nisi ad reliqua festina-  
 ret, à primis non posset abduci, prostrataque ante  
 Crucem, quasi pendentem Domium cerneret, ado-  
 rabat? Ingressa Sepulchrum resurrectionis oscula-  
 batur lapidem, quem ab ostio monumenti amoverat  
 Angelus; & ipsum corporis locum, in quo Domi-  
 nus jacuerat, quasi sitiens desiderantes aquas, fide-  
 li ore lambebat? Si fœmineam dixerint devotionem  
 Heterodoxi, dignam clamabimus, ut illam imiten-  
 tur viri. Ab hac devotione non abhorruit lauda-  
 tus Hieronymus. Hanc futuram in Regibus, &

*Hieronymus*  
*Epist. 19.*

*Rufinus, lib. 1.*  
*cap. 7.*

*Hieronymus*  
*Ep. 27.*

Augustinus  
Epiſt. 12.

Principibus hujus ſæculi, etiam ad Sanctorum Sepulchra, olim vaticinati ſunt Prophetæ, ut explicat Auguſtinus: *Videtiſ ipſa ſimalacra, vel confringi, vel incendi, vel includi, vel deſtrui, & contra eadem ſimalacra, pro quibus hujus ſæculi ipſæ poteſtates Chriſtianos occidebant, impetui ſuos, legesque vertiſſe, & imperii nobiliſſimi eminentiſſimum culmen ad Sepulchrum Piſcatoris Petri ſubmiſſo Diademate ſupplicare. Hæc omnia Scripturæ Divinæ, quæ in manus omnium jam venerunt ante longiſſima tempora, futura eſſe, teſtata ſunt. Idem repetit Joannes Chryſoſtomus homil. 66. Chriſtus tunc omnem terrarum Orbem traxit ad ſe adorandum, cum mortuus fuiſſet. Quid de Chriſto loquor, cum & Diſcipulos, poſtquam obierunt, tunc eſſulgere fecerit? Quid dico Diſcipulos? Nam, & eorum loca, & Sepulchra, & tempora, perenni memoria celebrari curavit. . . . . Itaque quo regias quidem aulæ videat, nullus unquam peregrinatus fuit: multi verò Reges plerumque hujus ſæculi gratia peregrinati ſunt. De ſemetipſo fatetur Sanctus Antiſtes magno deſiderio urgeri, viſitandi Carceres, & Catenas Apoſtoli Petri, præpediri tamen, paſtorali ſollicitudine: Si ab Eccleſiaſticis curis, inquit, eſſem remotus, & eſſet mihi corpus ſanum, ac validum, non recuſarem hanc ſuſcipere Peregrinationem, ut ſolum viderem Catenas, & Carcerem, quo fui vinctus. Intermiſiſſe aliquando aſſiduam ſtudioſorum occupationem Origenem, ut Romanam Eccleſiam inviſeret tempore Zephyrini Pontificis, teſtis eſt Euſebius: Ruſſinum Aquilejenſem, & Melaniam Jeruſolymis excepiſſe, qui veniebant eò voti cauſa, Epiſcopos, Monachos, & Virgines, & omnes qui adventabant ſuis foviffe expenſis, Palladius refert. Ad S. Hippoliti Templum,*

Jo. Chryſoſt.  
homil. 12. in  
Epiſt. ad E.  
pbeſ.

Euſeb. Hiſt.  
Eccleſ. lib. 6.  
cap. 12.



plum, quam magnus Peregrinantium accesserit numerus, mirè describit Aurelius Prudentius, qui floruit sub Theodosio seniore, sic enim hymno undecimo de Sancto Hippolito canit.

*Manè salutatam concurritur, omnis adorat,  
Pubes eunt, redeunt Solis ad usque obitum:  
Conglobat in cuneum latios simul, & peregrinos,  
Permixtùm Populos Religionis amor.  
Oscula perspicuo figunt impressa metallo,  
Balsama diffundunt, fletibus ora rigant.  
Jam cum se renovat decursis mensibus annus,  
Natalemque diem; passio festa refert:  
Quanta putas studiis certantibus agmina cogi,  
Quæve celebrando vota coire Deo.  
Urbs augusta suos vomit, effunditque Quirites,  
Una, & Patricios ambitione pari.  
Confundit plebeja Phalanx umbonibus equis  
Discrimen Procerum præcipitante Fide.  
Nec minùs Albanis acies se candida portis  
Explicat, & longis ducitur ordinibus.  
Exultant fremitus variarum hinc inde viarum  
Indigena, & Picens, Plebs, & Hetrusca venit.  
Concurrunt Samnitis atrox, Hæbitator, & alæ  
Campanus Capuæ, jamque Nolanus adest.  
Quisque sua lætus cum conjuge, dulcibus, & cum  
Pignoribus, rapidum carpere gessit iter.  
Vix capiunt patuli Populoram gaudia campi  
Hæret, & in magnis densa cohors spatiis.  
Angustum tantis illud specus esse Caterois,  
Haud dubium est, ampla fauce, licet pateat.  
Stat sed justa aliud, quod tanta frequentia Templū  
Tunc adeat cultu nobile regifico.*

Si

Si vellem Majorum nostrorum describere, ac omnes referre Peregrinationes, prolixitate, tædio afficerem legentes, nec ad finem pertingerem laboris, fortassis inutilis, quippe cum omnibus notum sit in quovis sæculo properasse ad loca celebriora, ubi Deus manifestabat Omnipotentiam suam. Ecclesiasticas consulere poterit Historias Piccininus, ubi morem antiquissimum, non inutilem, sed valdè commendabilem semper viguisse intelliget, & dumtaxat post exortam hæresim Wicleph, ac modernorum Novatorum, bellum incepisse contrà Sacras Peregrinationes: interim audiat Georgium Scholarium, virum inter Græcos sapientissimum: *Ibi oportet esse Ecclesia, ubi Christi signum resulget, ubi palàm Christi Fides prædicatur, ubi terræ Reges, & Principes, venientes ad sacra loca inspicienda, & Apostolorum Capita adoranda, una cum illis, & Præsidentem eorum Pontificem adorant, & ejus pedibus advolvuntur.*

*St. H. 17. de  
Primatu Pa-  
pæ.*

Cabilonensem Synodum sub anno 813. celebratam nobis opponere poterunt, quæ Peregrinationes devotionis ergo, reprobare videtur.

Attamen Patres Cabillonenses redarguunt illos, qui sub prætextu devotionis circuibant, committentes scelera, aut audacè per omnem viam iniquitatis incedebant, sub spe veniæ impetrandæ, ad loca sancta peregrinantes. Plurimum errabatur à nonnullis sive Clericis, sive laicis, divitibus, & pauperibus, qui putabant impunè peccare, sive peccasse, quia Sanctorum memoriam oraturi frequentabant. Patres ergo, girovagus delinquentibus modum imponere cupientes, aliqua statuerunt circà Peregrinantes. Juvat eosdem Patres audire cap. 44. 45. *Superius scripsimus Presbyteros*

*Tom. 2. apud  
Bail. Sam.  
Cone.*

*teros*

teros villicos esse non debere, & nunc eos in Tabernis bibere, cancellarios publicos esse, nundinas insolenter peragere, Romam sive Turonum absque licentia Episcopi sui adire, penitus decrevimus inhibendum. Nam & à quibusdam, qui Romam, Turonumve, & alia quædam loca sub prætextu Orationis inconsultè peragrant, plurimum erratur. Sunt Presbyteri, & Diaconi, & ceteri in Clero constituti, qui negligentèr viventes, in eo purgari se à peccatis putant, & ministerio suo fungi debere, si præfata loca attingunt. Sunt nihilominus laici, qui putant se impunè peccare, aut peccasse, quia hæc loca oraturi frequentant. Sunt quidam Potentium, qui acquirendi census gratia, sub prætextu Romani, seu Turonici itineris, multa acquirunt, multos pauperum opprimunt, & quod sola cupiditate faciunt, Orationum, sive sanctorum Locorum visitationis causa, se facere videri affectant. Sunt pauperes, qui vel ideo faciunt, ut majorem habeant materiam mendicandi: de quorum numero sunt illi, qui circumquaque vagantes illò se pergere mentiuntur, vel quia tantum sunt recordes, ut putent se sanctorum Locorum, sola visione, à peccatis purgari, non attendentes quod ait B. Hieronymus: non Jerosolymam vidisse, sed Jerosolymis benè vixisse laudandum est. Hæc Patres Cabilionenses nullimodè prohibentes sanctas Peregrinationes, sed solum illas, quæ sub specie sanctitatis, velamen erant plurium iniquitatum. Impensè laudant Patres eos, qui sincero devotionis, ac Fidei affectu iter assumunt, castigantes corpus, & in servitutem redigentes, ut præteritorum delictorum veniam, Sanctis intercedentibus, impetrent, pro collatis bonis gratias agant; subdunt etenim laudati Cabilionenses cit. cap. 45. *Qui verò peccata sua Sa-*

*cerdotibus, in quorum sunt Parochiis, confessi sunt, & ab his agenda penitentiae consilium acceperunt, si orationibus insistendo, eleemosynas largiendo, vitam emendando, mores componendo, Apostolorum limina, vel quorumlibet Sanctorum invisere desiderant, horum est devotio omnibus collaudanda. Sæpe contingit, ut ea, quæ bona sunt, ex Hominum nequitia vertantur in malum, & quod est institutum ad salutem, sit ad interitum: nec exemplis indigemus ad hoc demonstrandum; quicumque rationis compos intelligit. Sicque accidit in Peregrinationibus ad limina Sanctorum, quæ si non assumantur ea rectitudine, quæ à Majoribus nostris desideratur, non proficiant: Quare Sanctus Basilius dixit: Verum enimverò, neque nundinationes illæ, quæ ad Sepulchra Martyrum celebrari solitæ sunt, convenire Nobis putandæ sunt: Neque enim, ullam aliam ob causam, adesse decet Christianus ad Martyrum Conditoria, aut istis contigua loca invisere, quam orandi causa, & ut Sanctorum constantiae admoniti, in qua illi, nè pietatem amitterent, ad necem usque fortiter perseverarunt, ipsi quoque ad similis fortitudinis emulationem incitentur. Defectum itaque reprehendunt PP., qui concomitari Peregrinantes solet aliquandò, at loca invisere sacra orandi gratia, pietatis indicium est, & commendatur ab omnibus, qui intrâ Catholicæ Ecclesiæ sinum continentur.*

Sed adhuc silere nesciunt Etherodoxi, & dicunt, Deum esse ubique, nec locorum angustiis circumscripti, quare peculiariter adire loca, est terminis immensitatem, & Divinam Omnipotentiam colligere.

Sapientissimus Salomon, cui Deus contulit sapientiam multam nimis, quamvis sciret, Deum ubi-

*Basil. Regul.  
sus. disputat.  
respon. 40.*

ubique esse, fudit tamen preces in Templo, quod crexerat: *Et flexis genibus contra universam multitudinem Israel, & palmis in Cælum levatis ait: Domine Deus Israel, non est similis tui Deus in Cælo, & in Terra, qui custodis pactum, & misericordiam cum Servis tuis, qui ambulant coram te in toto corde suo....., & nunc Domine Deus Israel, firmetur sermo tuus, quem loquutus es Servo tuo David. Ergo nè credibile est, ut habitet Deus cum Homínibus super Terram? Si Cæli, & Cæli Cælorum non te capiunt, quando magis Domus ista, quam edificavi? Sed ad hoc tantum facta est, ut respicias orationem Servi, & obsecrationem ejus, Domine Deus meus, & audias preces, quas fundit Famulus tuus coram te, & aperias oculos tuos super Domum istam, diebus, ac noctibus, super locum, in quo pollicitus es, ut invocaretur nomen tuum. Perdiscant Novatores ex Salomone, Deum, qui Cælum, & Terram implet, & ubique est, secundum imperscrutabilem altitudinem consilii sui, aliquando elegisse, & de die in diem eligere nonnulla loca, ubi specialiter honoretur, & invocetur nomen suum, & exaudiat preces Servorum suorum, illuc in fide, & pietate accedentium. Quis umquam ex Fidelibus negavit, Deum ubique præsentem esse? Attamen, si voluerit potius hic, quam alibi extendere mirabilia potentiae suæ, quis poterit eum redarguere? Aut quare Homines, ut rei judicabuntur, si properaverint ad prodigia, & signa Domini inspicenda? Si opera manuum Hominum quis voluerit considerare, & longum assumpserit iter, silent Hæretici; Si autem singularia, quæ Deus aliquibus in locis operatur, curramus, ut videamus, & Deum admirabilem in Sanctis suis prædicemus, illicò insurgunt, quasi*

2. Para lipom.  
6. 13. 14. 17.  
18. 19. 20.

*Jonas Aurelianensis de cult. Imagin. lib. 3.*

velimus Deum limitibus circumscribere: *Licet Deus*, inquit *Jonas Aurelianensis*, *ubique præsens sit*, & *omnia loca manus ejus fundaverint*; Tamen *Beati Abraham fidem probaturus*, non in quocumque loco, sed in *Monte*, quo sibi placuit, *Filium offerri præcepit*, & *trium dierum spatio*, ad eundem locum *supradictum Virum ire voluit*. Eundem autem locum *postea ob id fuisse clarum*, atque *insignem traditur*, atque à multis *frequentatum*; unde, & nomine: in *Monte Dominus videbit*: est *insignitus*. *Beatus item Moyses*, qui *Populum Israel docuerat*, *Domini esse Terram*, & *plenitudinem ejus*, *Cælum*, & *Cælos Cælorum*: tamen *præcepit eis*, nè in omni loco, quem *vidissent*, idest, qui eis *placuisset*, *victimæ*, & *hostias offerrent*: sed locum, quem *Dominus eorum elegisset*, *ascendere eos jussit*, & *ibi immolare hostias*. Si locus *retinens arcam insensibili ligno compactam*, & à foris, *intusque deauratam*, *continentem Urnam Manna plenam*, & *Virgam unam*, *Tabulasque lapideas*, *meruit nobilitari*, *tantaque frequentia Populi honorari*: *cujus putandus est ille Religionis*, qui *completitur Corpus Apostoli*, *tanquam Cælestis Thesauri Arcam*? Quibus omnibus *docemur non improbandos*, nec *more tuo stultos*, *insipientesque appellandos eos*, qui *devotionis augmentandæ gratia*, *intercessionisque per suffragia quærendæ*, *Apostolorum adeunt limina*: quia credimus, quod per hæc, non solummodo eorum *mentibus adolescat Amor circa Divini Cultus servitatem*, sed etiam *laboris sui*, atque *itineris*, quæ *subire volunt intentione Divini Amoris mercede donentur*. Hæc *Jonas Aurelianensis* acutè explicans nullum præjudicium inferri *Divinæ Immenstatati*, si specialiter *Deus adoretur*, ubi *refulget per mirabiles sanationes Corporum*, *illuminationes Mentis*, per

per ferventiorē , quā impartitur devotionem : ubique , quidem Deus est , & nullo continetur , vel includitur loco qui condit omnia : verumtamen ad ista , quæ hominibus visibiliter nota sunt , quis potest ejus consilium perscrutari , quare in aliis locis hæc miracula fiant , quare in aliis non fiant ? Ea itaque adire loca , in quibus facta sunt , & fiunt miracula , est Domini laudare potentiam ; Ex ipsa visitatione , seu Peregrinatione , accenditur charitas in Deum , & in Sanctos ejus : ex charitate zelus imitationis , ex imitatione desiderium æternæ fruitionis , & conjunctionis . Et hæc , quidem , sint satis contra ea , quæ objectat Piccininus : quamvis enim plura proferat contra Cultum Sacrarum Reliquiarum , indignum tamen , Theologo existimo ea narrare , quæ aliena sunt ab instituto præsentis Controversiæ . Quis pacato animo potest sustinere audaciam hominis effutientis , quod omnes Reliquiæ Sanctorum , quas venerationi exponunt Jesuitæ , si ad pondus Sanctuarii adducerentur , invenirentur falsæ ? Putat satis consultum suæ causæ , adducendo quæ omnino ignorat , affirmando quod scit certò mendacium esse . Vidit in opere Pauli Segnerii incredulorum excusationes devictas , modum vindictæ excogitavit , calumniam composuit , quæ nulli homini placere potest , cum lividum animum dumtaxat demonstrat . Demum , si illæ Reliquiæ non sunt Sanctorum , quid contra Cultum Sanctorum peractum ? Satis superiori Capite ostensum est quid requiratur , ut cum fructu veneremur Sacras Reliquias . Extra campum fertur Piccininus , quando probat nonnullas Reliquias , Sanctorum non esse ; Si tales non sint , & ita judicaverint , quibus hæc Provincia demandata est , manus dabimus , nè ho-

norentur : solas enim Sanctorum Reliquias obsequio dignas affirmamus : nobis autem duriusculum apparet , iudicium Piccinini pondus esse Sanctuarii : æquitatem perspectam non habemus hominis istius , ut credere debeamus longè esse ab eo pondus , & pondus . Undè novit quod illæ Reliquiæ , quæ apud Jesuitas exponuntur ad Cultum , sint supposititiæ ? Qui calumniam struit fortasse clamat ita esse , quia ipse dicit ? Sed Calumniatoribus fidem adhibendam esse ignoramus . Si negaverit calumniam , quod suscepit probandi vera esse , quæ protulit , quod cum hucusque non fecerit , secundum leges , etiam apud barbaras Nationes receptas , condemnandus Piccininus , absolvendi sunt Jesuitæ . Si cum jura partium sunt obscura , reo potius favendum , quam Actori , quid faciendum quando Actoris jura nulla sunt ? Nullus erit in Orbe innocens , si sufficiat accusare ; nec repetat : nullus erit in Terra nocens , si sufficiat excusare . Innocentiam etenim non destruit accusatio , nocentiam non repellit excusatio , sed unam , vel alteram firmat probatio . Jam Patres Societatis firmum Innocentiæ robur manifestant , cum recognitas autoritate Prælatorum in Templis proferunt ad venerationem Reliquias ; Statuta Patrum Tridentinorum servantes , omnem culpæ suspicionem evacuant ; Sola ergo remanet accusatio hæretici Jacobi Piccinini , quæ omni , vel apparenti approbatione destituta , illum calumniatorem demonstrant . Sed , ut dixi , extra campum fertur impugnans Cultum Sacrarum Reliquiarum , ut saltem fugiens possit victor acclamari . Revocetur itaque ad pugnam , nec aliud fingat dissensionis caput . Quod Catholica profitetur Ecclesia publicè exponimus , & defensamus : Sanctorum , scilicet , Cineres  
sa-



sacro dignos esse honore. Cum non potuerit hanc veritatem, divinitus revelatam, evertere, redarguit, quod Cineres, qui in Ecclesiis degunt Jesuitarum, Sanctorum non sint. Quid hoc, quæso, ad diffidium nostrum? De Cineribus aliorum, qui Sancti non sunt, nec nuncupantur, quæstio non est. Noli fugere Miles, noli signa deferere. Peccant, inquis, Jesuitæ: nec Jesuitarum crimina ad nostram pertinent controversiam, sed Sanctorum merita, quid si Jesuitæ peccaverint? *Quid ergo*, inquit Tertullianus, *si Episcopus, si Diaconus, si Vidua, si Virgo, si Doctor, si etiam Martyr lapsus è regula fuerit, ideo hæreses veritatem videbuntur obtinere?* Ex Personis probamus Fidem, an ex Fide Personas? Si vera aliorum crimina non tollunt culpas, errores, hæresesque Piccinini, quanto magis conficta? Non quia recesserint Jesuitæ à veritate, hæreses obtinent firmitatem. Catholica Ecclesiæ Fides fortassis nutat, quia nonnulli è regula sint lapsi? Non ideo Ecclesia Catholica est columna, & fundamentum veritatis, quia adhæret Jesuitis, sed Jesuitæ probantur Fideles, & Catholici, quia adhærent Ecclesiæ, illamque ut Matrem, & Magistram venerantur. Sed nimium indulgi calamo revocans hominem ad certamen, qui cum non habeat arma ad præliandum contra Dominum, Servos vult percutere Domini. Avolent tamen, quantum volunt palæ, levis, vel potius nullius Fidei, quocumque afflatu tentationum, eo purior massa frumenti in horrea Domini congregabitur. Huc, illucque divertat, currat heterodoxus, modo improbet Cultum, quem dedimus Sanctorum Exuviis, modo asserat Cineres non esse Sanctorum, cum Augustino ad Dominum clamabimus: *Improbatio, quippe, hæreticorum, facit eminere, quid Eccle-*

*Tertull. de  
Præscr. cap. 3.*

*Aug. 7. Con-  
fess. cap. 19.*

*Eccle-*

*Ecclesia tua sentiat, & quid habeat sana Doctrina. Oportuit, enim, & haereses esse, ut probati manifesti fierent inter infirmos.*

## CAPUT IX.

*Sanctos nostras preces audire demonstratur.*

*Esaia 63. 16.*

*Primo Regum  
22. 16. 17. 18.  
19. 20.*

**A**D finem properantes Opusculi, illud discutere libet, an preces, quas fundunt Fideles ad Memorias Sanctorum, audiantur ab ipsis Sanctis. Heterodoxi supervacuum dicunt Sanctorum opem implorare, cum nesciant mortui, quid inter vivos peragatur: *Mortui nihil noverunt amplius*, ut dicitur Ecclesiast. nono. Et Esaïas clamat: *Abraham nescivit nos, & Israel ignoravit nos*. Hinc piissimo Regi Josiæ, pro magno beneficio promisit Deus, quod ante esset moriturus, nè videret mala, quæ ventura illi loco, & Populo minabatur: *Hæc dicit Dominus Deus Israel: Dicite viro, qui misit vos ad me: hæc dicit Dominus: Ecce ego adducam mala super locum istum, & super habitatores ejus omnia verba Legis, quæ legit Rex Juda; quia dereliquerunt me, & sacrificaverunt Diis alienis, irritantes me in cunctis operibus manum suarum: & succendetur indignatio mea in loco hoc, & non extinguetur*. Regi autem Juda, qui misit vos, ut consuleretis Dominum, sic dicetis: *hæc dicit Dominus Deus Israel: pro eo quod vidisti verba voluminis, & perterritum est cor tuum, & humiliatus es coram Domino, auditis sermonibus contra locum istum, & habitatores ejus, quod videlicet, fieret in stuporem, & in maledictum, & scidisti vestimenta tua, & flevisisti coram me, & ego audiui,*  
ait

*ait Dominus : idcirco colligam te ad Patres tuos , & colligeris ad Sepulchrum tuum in pace , ut non videant oculi tui omnia mala , quæ inducturus sum super locum istum .* Ex his , quæ Sacer indicat Textus , datur intelligi , mortuos , etiam Justos , ac Sanctos , quæ in Mundo accidunt , sive mala , sive bona , omnino ignorare , si flens coram Domino Josias obtinuit colligi ad Patres suos , nè videret , quæ Deus inducturus erat super Judam . Qualis enim misericordia fuisset auferre Sceptrum Regni per mortem Josiæ , ac talem ei statuere locum , ubi omnia , quæ comminatus fuerat Dominus , mala vidisset ? Si prænuntiatum malum adeò perterruit Josiam , ut largiter fleret , & scinderet vestimenta sua , quid non fecisset visum ? Et si sublatus ideò dicitur Josias , nè videret quæ in hoc visibili mundo fiunt , dicuntur , & accidunt , mortuorum cognitionem effugiunt , omnino latent , nec vident , nec intelligunt mortui .

Accedit ad hæc argumentum Augustini lib. de Cura pro Mortuis cap. 13. *Si rebus Viventium interessent Animæ Mortuorum , & ipsæ nos quando eas videmus , alloquerentur in somnis ; ut de aliis taceam me ipsum pia Mater nulla nocte desereret , quæ terra , marique secuta est , ut mecum viveret . Absit enim , ut facta sit vita feliciore crudelis usque adeo , ut quando aliquid angit cor meum , nec tristem Filium consoletur , quem dilexit unice , quem nunquam voluit mæstum videre .* Advertendum Sanctum Doctorem loqui de Animabus cum Christo regnantibus : loquitur enim de piissima Matre Monica , quæ ob meritum præstantissimæ vitæ , jam Deo fruebatur , & tamen in illo statu Beatitudinis , quid vellet , quid ex ea consideraret Augustinus , nescit : & Mater , quæ in vita adeò anxia fuit pro spiritali salute Filii , maiorem

Au-

Augustini blandè fuisset consolata , si scivisset , aut si Mortui Vivorum rebus , atque actibus cognoscendis , adjuvandisque intermiscentur . Consulendus Origenes lib. 11. in Epist. ad Romanos : Gregorius Nanzianzenus in funebri oratione Gorgoniæ Sororis , qui eandem cum Augustino amplecti videntur sententiam .

*Hieron. ad-  
versus Vigi-  
lant.*

Novus non est iste error hæreticorum modernorum , sed renovatus : Vigilantius siquidem , cum omnem Sacrarum Cultum Reliquiarum ejurasset , Catholicis irridendo , opponebat : Sanctorum Animas circumvolare Sepulchra Cinerum suorum , nè si aliquis precatore accessisset , absentes audire non possent : *Et post hæc* , inquit Hieronymus , *de baratro pectoris tui canosam spurcitiâ evomens , audes dicere . Ergo Cineres suos amant Anima Martyrum , & circumvolant eos , semperque præsentés sunt , nè fortè aliquis precatore adveniat , absentes audire non possint ?* Contempsit argumentum Vigilantii Hieronymus , ostendens in eam incidisse dementia Hæresiarcam , ut plus concederet Diabolo , quam Martyribus , ac Beatis , qui sequuntur Agnum quocumque ierit . Inclusæ dicebantur à Vigilantio Animæ , vel in sinu Abrahæ , vel in loco refrigerii , vel subter Aram Dei , nec posse suis Tumulis præsentés esse , ut postulantium Orationes audiant : inferebat acutè Hieronymus , plus posse Diabolum in igne , quam Sanctos in Regno , quippè cum adversarius noster celeritate nimia toto vagetur Orbe , & præsens sit ad ruinam plurimorum : *Tu Deo legem pones ? Tu Apostolis vincula injicies , ut usque ad diem Judicii teneantur , nè sint cum Domino Deo suo ? De quibus scriptum est : Sequuntur Agnum quocumque vadit : Si Agnus ubique , ergo & hi , qui cum Agno sunt ,*

*Idem eo loco .*

*sunt , ubique esse , credendi sunt . Et cum Diabolus , & Demones toto vagentur Orbe , & celeritate nimia ubique presentes sint : Martyres post effusionem sanguinis , arca operientur inclusi , & inde exire non poterunt . Ex hoc Sancti Doctoris testimonio , clarè patet non subdubitasse Patres , Sanctos , ad quos preces porrigimus , audire nos orantes , dum si qui oppositum sentirent , inter hæreticos adjudicabant , & meritò quidem ; nam si in hac mortali vita dedit nobis Deus , ut sensum aperiremus nostrum per litteras inter absentes , & innotescerent vota nostra , etiam illis , qui à nobis longè positi sunt , quanto magis in Regno Beatitudinis decuit Deum Sanctis donasse , ut nos intelligerent , & cognoscerent quid ab eis exposcimus . Decurtant felicitatem Sanctorum , qui volunt ea ignorare , quæ declarant plenitudinem gaudii supernæ Beatitudinis . Clamabat Regius vates : *Satiabor cum apparuerit gloria tua .* *Psalm. 10.* Hanc spiritalem satietatè denegat , qui naturalem inclinationem Beatorum , sciendi quid hic de ipsis cogitetur , aut quid eis à suis , vel alienis commendetur , impletam non recognoscit . Quid aliquando contulerit Deus Sanctis suis in hac vita , non est necesse , ut referamus : at nemo inficias ibit ex adversariis nostris , interdum Dei Amicos prophetico spiritu , quo ea , quæ procul sunt , viderent , fuisse donatos , cum & Caiphas pessimus homo prophetaverit . Si enim Divini muneris lux , etiam hic in tenebris lucet , ut abscondita revelentur , & quæ secreta sunt manifesta fiant , quantò magis hoc erit in gloria ? Audiant Apostolum clamantem : *Charitas nunquam excidit , sive Prophetiæ evacuabuntur , sive linguæ cessabunt , sive scientia destruetur , cum autem venerit quod perfectum est , evacuabitur quod ex parte* *Prima ad Corinth. 13.**

Tom. I.

V

est

*est: cum essem parvulus loquebar ut parvulus, sapiebam ut parvulus, cogitabam ut parvulus. Quando autem factus sum vir, evacuavi quæ erant parvuli. Videmus nunc in enigmate, tunc autem facie ad faciem. Nunc cognosco ex parte: tunc autem cognoscam, sicuti cognitus sum.* Apostolica admonitio docet nos, futuram in Cœlis cognitionem perfectam, & plenam, & quamvis prophetico spiritu donemur, adhuc inter Mundi hujus tenebras commorantes, solum ex parte cognoscimus, & ex parte prophetamus. Sumus veluti parvuli, mensuræ ætati comparati, ac plenitudini cognitionis Beatorum cum Christo regnantium. Videmus in enigmate, non facie ad faciem, & tamen ex tantillo luminis prophetici, varietate sacrorum velaminum circumdati, penetrarunt Sancti Dei secreta cordium, quæ longè sunt prænunciarunt, & viderunt: quid putas quando jam gaudent in Cœlestibus? Si parvuli hæc sciverunt, & cognoverunt; Adulti per gloriæ possessionem ignorabunt? Si de micis, quæ ceciderunt de Mensa Domini sui, mens eorum, quasi repleta fuit, nunc recumbens super Mensam ejusdem Domini jejuna erit, aut non satiabitur ab ubertate Domus Dei? Filii Sponsi quandiù cum illis Sponsus est jejunabunt, & lugebunt, & ab illis sublati, seu adhuc per beatificum lumen non donatus, saturari poterunt, & gaudere?

Nec putent me assumpsisse arguendi genus, mysticis familiare, aut per allegorias, & pias meditationes velim ostendere, quod Sancti cognoscant quando illos oramus, & deprecamur, ut intercedant pro nobis apud Patrem Misericordiæ. Allegoricum, ac Mysticum sensum aliquantulum deferamus, & recurramus ad litteralem Sacrarum Scrip-  
ptu-

pturarum. In eo enim sistimus, ut demonstremus munificentissimum Dominum plus luminis elargiri Servis suis conregnantibus in Cælis, quam militantibus, & peregrinantibus in Terris. Hoc satis innuunt Sacra Litteræ, hoc abundè indicat Apostoli colaudatus textus. Si ergo viator per propheticum lumen, quæ suaptè natura penetrare nequiret, intelligit: & Beatus, perfectiori, ac sanctiori lumine illustratus, eadem cognoscere poterit. Hoc non est confugere ad allegoricum sensum, vel ad pias meditationes, sed illud dicendi genus amplecti, quod à Scholasticis nostris argumentum à minori ad majus appellatur. Demonstravit Apostolus perfectionem ministerii Legis novæ ex quadam claritate, quæ apparuit in facie Moysis, & deducto argumento à minori ad majus, ita concludendi Leges, in non dissimili materia, nobis præscripsit: *Quod si ministratio mortis litteris deformata in lapidibus, fuit in gloria, ita ut non possent intendere Filii Israel in faciem Moysi propter gloriam vultus ejus, quæ evacuatur. Quomodo non magis ministratio spiritus erit in gloria?* Quod Paulus in uno asseruit, assumimus nos in altero, ut dicamus. Si Ministri Domini virtute luminis, quod evacuatur obscura prænoverunt, quanto magis per amplius, & perfectius lumen permanens, scrutari poterunt quæ longè sunt, & secreta videntur, & ut obscura prædicantur. Hoc argumentum tam efficax visum fuit Patribus nostris, ut Augustinus non dubitaverit affirmare Eli-seum cognoscere in Cælis multa recondita in cordibus nostris, quia in vita per propheticum lumen cognoverat, quæ Giezi Puer in corde celabat: ita enim lib. 22. de Civit. Dei cap. 29. argumentatur: *Si ergo in hac vita, ubi hominum mirabilium propheta,*

2. ad Corinth.  
3.

*tia, ita comparanda est illi vitæ, quasi parvuli ad juvenem: vidit Eliseus accipientem munera servum suum, ubi ipse non erat: ita nec cum venerit quod perfectum est, nec jam corpus corruptibile aggravabit Animam, sed incorruptibile nihil impediet, illi Sancti ad ea, quæ videnda sunt oculis corporeis, quibus Eliseus absens ad servum suum videndum non indiguit, indigebunt? Nam secundum Interpretes septuaginta, ista sunt ad Giezi verba Prophetæ. Nonne cor meum tecum ibat, & novi, quod conversus est vir de curru suo in obviam tibi, & accepisti pecuniam? Sicut autem ex hebræo interpretatus est Presbyter Hieronymus: nonne cor tuum, inquit, in præsentem erat quando reversus est homo de curru suo in occursum tui? Corde suo ergo se dixit hoc vidisse Prophetæ, adjuto, quidem, mirabiliter, nullo dubitante, divinitus. Sed quanto amplius tunc omnes munere isto abundabunt, cum Deus erit omnia in omnibus? Acute Sanctus Doctor ex adjutorio divino uni Eliseo collato ad videndum, quæ Giezi longè positus, in corde recogitabat, & dixit, infert hoc munere abundare omnes Beatos debere, cum Deus sit omnia in omnibus illis. Et sicut cor Elisei in præsentem erat Giezi Pueri dona postulanti, ita Sancti præsentem sunt, hoc est, audiunt opem ab ipsis efflagitantes. Nec objectent Augustinum in libro de Cura pro Mortuis cap. 16. ita difficilem visam fuisse quæstionem hanc, ut dixerit: *Res hæc altior est, quam ut à me possit attingi.* Hæc quidem protulit Augustinus, non dubius de substantia, sed de modo cognitionis. Credidit ipse Sanctos audire, & cognoscere preces nostras, at modum exprimere, arduum ei apparuit, an scilicet in Dei verbo intelligerent, vel per Angelica ministeria ubique diffusa, vel per quan-*



quandam præsentiam ubi eorum memoria sunt .  
 Hoc dixit excedere vires intelligentiæ suæ , & hu-  
 milis Doctor non erubuit scribere , se promptum ,  
 si posset , sciscitari à quodam Joanne Monacho , qui  
 tempore Theodosii senioris Prophetiæ dono eni-  
 tuit , & cuidam religiosissimæ Fœminæ , illum videre  
 cupienti in somnis apparuit : *Si illum*, inquit , *San-*  
*ctum Monachum ipse vidiſſem*, quia , *sicuti fertur*, *pa-*  
*tientiſſimè interrogabatur* , & *sapientiſſimè responde-*  
*bat* , *quæſſem ab eo quod ad istam pertinet quæſtio-*  
*nem . . . . .* & *de Martyribus ab illo pergerem quære-*  
*re . . . . .* *diſſereret mihi* , ut arbitror , *hæc omnia* ,  
*sicut vellem*, ipse Joannes : *ut aut eo docente diſcerem* ,  
 & *ea quæ audirem*, vera , & certa esse cognoscerem :  
 aut ego crederem , quæ nescirem , illo dicente , quæ  
 sciret . Cæterum quæſtio non erat , ut diximus , an  
 Sancti ea , quæ ab ipsis orando petimus scirent , sed  
 quomodo scirent : ait , enim citato capite : *Quamvis*  
*ista quæſtio vires intelligentiæ meæ vincat* , quemad-  
 modum opitulentur Martyres iis , quos per eos , cer-  
 tum est , adjuvari ? Utrum ipsi per seipsos adsint uno  
 tempore tam diversis locis , & tanta , & tanta inter  
 se longinquitate discretis , sive ubi sunt eorum memo-  
 riæ , sive præter eorum memorias ; ubicumque adesse  
 sentiuntur : an ipsis in loco suis meritis congruo , ab  
 omnium Mortalium conversatione remotis , & tamen  
 generaliter orantibus pro indigentia supplicantium ,  
 sicut nos oramus pro mortuis , quibus utique non præ-  
 sentamur , nec ubi sint , nec quid agant scimus : Deus  
 omnipotens , qui est ubique præsens , nec concretus no-  
 bis , nec remotus à nobis , exaudiens Martyrum præces  
 per Angelica ministeria usquequaque diffusa , præbeat  
 hominibus ista solatia , quibus in hujus vitæ miseria  
 judicat esse præbenda : & suorum merita Martyrum ,  
 ubi

*ubi vult, quando vult, quomodo vult, maximeque per eorum memorias, quoniam hoc novit expedire nobis ad edificandam Fidem Christi, pro cuius illi confessione sunt passi, mirabili, ac ineffabili potestate, ac bonitate commendat. Res hæc altior est, quam ut à me possit attingi, & abstrusior, quam ut à me valeat perscrutari: & idcirco quid horum duorum sit, an verò fortassis utrumque sit, ut aliquando ista fiant per ipsam præsentiam Martyrum, aliquando per Angelos suscipientes personam Martyrum, definire non audeo, mallem de scientibus ista perquirere. Neque enim nemo est qui hæc sciat, non qui sibi scire videatur, & nesciat. Dona enim Dei sunt his alia, & illis alia largientis secundum Apostolum, qui dicit: unicuique dari manifestationem spiritus ad utilitatem. Hæc Augustinus suam sapientiam manifestans cum pietate conjunctam, nec ab humilitate separatam: edocens simul ab omnibus credendum esse, Sanctos intelligere preces nostras, & quamvis lateat quomodo hoc fiat, non idcirco negandum hoc posse fieri. Si in heterodoxis eluceret humilitas Augustini, captivarent intellectum in obsequium Fidei, nec superbix spiritu elati, præsumpissent omnia scire, à nemine edoceri, Ecclesiæ Matris Doctrinam rejicere, & Cathedram erroris constituere, ex qua cum tot Animarum Christi Sanguine redemptarum perniciæ, prædicant apud Martyrum Memorias non esse orandum. Si dixerint non posse facile explicari, quomodo cognoscant Sancti petitiones nostras, adeant Augustinum, & addiscant humilem subjectionem salubriorem modum esse ad pertingendum culmen scientiæ Sanctorum, à qua sæpe excidimus per superbiam nostram. Doctissimus Augustinus, quamvis dixerit se nescire modum, non tamen ne-*  
ga-

gavit. Quomodo enim negari potest quod apertè indicant sacræ litteræ? Nonnè Apocalips. 5. habetur: *Quatuor animalia, & viginti quatuor Seniores ceciderunt coram Agno habentes singuli Citharas, & Phialas aureas plenas odoramentorum, quæ sunt Orationes Sanctorum, & cantabant canticum novum?* Noverunt, profectò, Seniores à Joanne relati, Orationes, si coram Agno pro salute Mundi occiso, repræsentandas custodiebant. Nec solitam blasphemiam vocem emittant clamantes, Apocalipsim Joannis irreformabilis autoritatis non esse; Etenim hoc delirium Lutheranorum, ut tale cognoscitur, & contemnitur ab ipsis Calvinistis. Marcionitæ, referente Tertulliano contra Marcionem lib. 4. Alogiani, & Theodotiani, teste Epiphanio hæresi quinquagesima quarta, acuerunt linguas suas contra Apocalipsim Joannis: Cæterum Catholica Ecclesia, uti à Spiritu Sancto dictatum librum, in quo quot verba sunt, tot sunt Sacramenta, suscepit. Antiquissimi Patres Apocalipsis Joannis mentionem faciunt; Justinus, qui eam commentariis illustravit: Irenæus lib. 5. Tertull. lib. 4. contra Marcionem: Cyprianus de exortatione Martyrii in pluribus Capitibus: Eusebius lib. 4. cap. 24. & 26., qui plures Patres refert, qui eam, ut divinitus scriptam acceperunt: Ambrosius in Psalm. 40. Augustinus Tract. 36. in Joannem: Hieronymus in Epist. ad Paulinum: Innocentius Primus ad Exuperium, & plures alii Ecclesiæ Doctores, quos apud Venerabilem Bellarminum notatos invenies lib. 1. de Verbo Dei cap. 19., ut meritò possimus dicere cum Severo Sulpitio lib. 2. Sacræ Historiæ: *Liber Sacræ Apocalipsis, aut impiè, aut stultè non recipitur*. Cum ergo firmum sit testimonium Apocalipsis, quod Beati in-

*Vide Prefat.  
ad Lectorem  
Catholic.*

intelligent preces nostras, non poterunt Adversarii, nisi aut impiè negare, aut stultè reprobare. Hæc unica Joannis autoritas, crediderim, satis esset ad veritatem demonstrandam, nisi ut supra monuimus cum Tertulliano, nobis sermo esset adversum hæresim Calvinianam, quæ: *Non recipit quasdam Scripturas, & si quas recipit, non recipit integras: adjectionibus, & detractionibus, ad dispositionem instituti sui intervertit*; quare, & alios Scripturæ textus oportet adducere, quò asserta veritas manifestior fiat. Angelos in Cœlis cognoscere postulationes nostras adèd apertè declarant Scripturæ, ut nequeant, & ipsi heterodoxi denegare. Sepeliebat mortuos Tobias in captivitate politus, jejunabat, & orabat: innotuerunt, tamen, hæc omnia Rafaeli Archangelo, ut habetur Tobia 12. *Manifesto ergo vobis veritatem, & non abscondam à vobis occultum sermonem. Quando orabas cum lacrymis, & sepeliebas mortuos, & derelinquebas prandium tuum, & mortuos abscondebas per diem in domo tua, & nocte sepeliebas eos, ego obtuli orationem tuam Domino.* Rursus Apocalipsis octavo: *Alius Angelus venit, & stetit ante Altare habens turibulum aureum, & data sunt ei incensa multa, ut daret de Orationibus Sanctorum omnium super Altare aureum, quod est ante Thronum Dei: & ascendit fumus incensarum de Orationibus Sanctorum de manu Angeli coram Deo.* Angelici, itaque, spiritus, non ignorant, quando apud Dominum eos Intercessores adhibemus. Ex hoc principio per Scripturas revelato, Sanctos intelligere preces nostras manifestè deducitur. Etenim per eandem Scripturam, Justos ad Angelorum Beatitudinem assumi admonemur: *Erunt sicuti Angeli Dei in Cælo*, inquit Redemptor noster Matth.

Matth. 22. *Neque enim*, ut habetur Lucæ 20. *ultra mori poterunt*. Equales enim Angelis sunt, & Filii sunt Dei, cum sint Filii Resurrectionis. Iterumque Apocalipsis 2. *Mensus est murum ejus centum quadragintaquatuor cubitorum mensura hominis, quæ est Angeli*. Si ergo eadem mensura ostenditur, æqualitas prædicatur, & similitudo affirmatur: oportet, ut fateamur, quod sicut Angeli à Deo per verbum ejus discunt petitiones nostras, & quid de his implendum sit, vel non: ita, & Animæ Sanctorum, faciem Dei contemplantes, in ejus veritate intelligent preces hominum, & quæ exaudiendæ sint, vel non, quia in illa æterna hereditate, ut loquitur Gregorius, omnes communi claritate Deum conspiciunt: quid est quod ibi nesciant, ubi scientiam omnia, sciunt? In illa faciali visione contemplantur speculum illud sine macula Verbum Dei, & Angeli, & homines, utrique in Dei Majestate rapiuntur, & gaudent. Non quod in illa Cœlitum Regione mansiones multæ non sint: alia enim claritas Solis, alia Lunæ, & Stella differt à Stella in claritate: sed cum omnes, ut diximus, communi charitate Deum conspiciant, etiam quæ ad suæ Beatitudinis complementum spectant, intuentur. Hæc mensura hominis, quæ est Angeli in Apocalipsi indicata: hæc similitudo est, quam Angelos inter, & homines, Christus in Cœlis prænuñciavit futuram.

Satis mirari non possum petulantiam Christiani Rodingi, qui contra Scholas Jesuitarum Deiparam Virginem sic loquentem inducit: *Desine me salutare, & salutando venerari: desine Sanctos è vita defunctos adorare . . . . tu ubi terrarum sis, quid agas, denique, an mortuus sis, neque scimus, neque curamus, tantum abest, ut te precantem exaudiamus.*

Tom.I.

X

Con-

 Lib. 4. Dia-  
log.

Conqueruntur heterodoxi, si aliquid in scriptis Catholicorum perlegerint, vel tantillum à mansuetudine recedens. Veruntamen quis poterit justam indignationis causam, similem in Virginem audiens blasphemiam, continere, & non potius illud usurpare: *Responde stulto juxta stultitiam suam, nè sibi sapiens esse videatur?* Bernardus, qui de Virgine protulit: *Ille taceat tuas laudes, qui te invocans senserit se esse deceptum*: quamvis mellifluus dicatur, puto quod intelligens, quæ absque ullo pudore à Rodingo proferuntur, felle amaritudinis calamum impleret. Adeonè Regina Mundi oblita suorum dicitur, ut nesciat quid agatur, non curat placatum reddere Jesum suum Dominum nostrum? Unde hoc novit Rodingus? Fortassis ex verbo Dei scripto, aut ex unanimi Sanctorum Patrum sensu, aut auriculam ejus Virgo purissima adaperuit? Omnium ætatum Patres, tam Græci, quam Latini, quorum scripta ad nos pervenerunt, Mariam venerantur, & colunt, postulando ejus Patrocinium, ut apud Deum misericordiam invenire possimus: unus Rodingus ore putido audet exclamare: *Noli me salutare, & salutando venerari!* Gabriel, ex supremis Spiritibus, à Deo missus ad Virginem, reverenter dicit: *Ave Maria Gratia plena Dominus tecum*. Nunc vilis homuncio diabolica plenus nequitia Angelicam Salutationem audet prohibere: *Soli Mariæ*, inquit Origenes, *hec salutatio servabatur*. Si enim scisset Maria, & ad alium quempiam similem factum esse sermonem (habebat, quippè Legis scientiam, & erat Sancta, & Prophetarum Vaticinia quotidiana meditatione cognoverat) nunquam, quasi peregrina, eam salutatio tenuisset. Cognovit Maria adhuc Puella Prophetarum Vaticinia, nunc super Choros Ange-

*Proverb. 26.*

*Luca 2.*

*Origen. hom. 6. in Lucam.*

gelorum exaltata tanquam Domina, & Regina, fingitur ignorare quid peragatur in terris, nec curare preces nostras, quasi in statu feliciore, deterioris conditionis evaserit, & quod Deus Angelis concessit, Matri denegaverit.

Quam spatiosus pateret aditus enarrandi laudes, Virgini Matri à Patribus nostris meritò attributas; Sed in peculiari Opusculo, si vita comes fuerit, de his loqui opportunum redibit tempus: nunc sub brevitate ex eisdem Patribus demonstremus, miseris opem ferre, & apud Thronum Clementiæ Divinæ, pro nobis intercedere, atque cognoscere quidquid à Deo, ipsa adjuvante, expectamus: *Ave Gratia plena*, ait Neocæsariensis Gregorius, Dominus tecum, tu enim verè es, ut aveas, gaudeasque, quod tecum Divina Gratia, uti novit habitaculum, elegit. Cum Ancilla Rex Gloriæ, cum speciosa speciosus forma præ Filiis hominum, cum impolluta qui sanctificat universa. Tecum, ac ex te Deus, homoque perfectus. *Ave Gratia plena*, Fons lucis, quæ illuminat omnes Credentes in ipsam. *Ave Gratia plena*, spiritalis Solis Oriens, & Flos vitæ immaculatus.

*Homil. x. de Annunciat. Virginis.*

Debito præconio Protectricem nostram in Cœlis regnantem Beatam Virginem, Sanctus Ephrem Syrus nobis commendavit, illam honorificis titulis exornando, atque hunc in modum invocando: O Sancta Dei Genitrix, sub alis Pietatis, ac Misericordiæ tuæ protege, & custodi nos; Misereere nobis, qui sordibus peccatorum conspurcati sumus, qui sceleribus, atque delictis quamplurimis Creatorem Deum nostrum, & Judicem universorum offendimus . . . . . non nobis est alia, quam in te fiducia. Ex ulnis siquidem maternis tibi dediti sumus, Domina nostra, tuique Clientes appellati, nè igitur à maligno Satana ad

*Serm. de Laudib. Mariæ.*

Proverb. 26.

Conqueruntur heterodoxi, si aliquid in scriptis Catholicorum perlegerint, vel tantillum à mansuetudine recedens. Veruntamen quis poterit justam indignationis causam, similem in Virginem audiens blasphemiam, continere, & non potius illud usurpare: *Responde stulto juxta stultitiam suam, nè sibi sapiens esse videatur?* Bernardus, qui de Virgine protulit: *Ille taceat tuas laudes, qui te invocans senserit se esse deceptum*: quamvis mellifluus dicatur, puto quod intelligens, quæ absque ullo pudore à Rodingo proferuntur, felle amaritudinis calamus impleret. Adeonè Regina Mundi oblita suorum dicitur, ut nesciat quid agatur, non curat placatum reddere Jesum suum Dominum nostrum? Unde hoc novit Rodingus? Fortassis ex verbo Dei scripto, aut ex unanimi Sanctorum Patrum sensu, aut auriculam ejus Virgo purissima adaperuit? Omnium ætatum Patres, tam Græci, quam Latini, quorum scripta ad nos pervenerunt, Mariam venerantur, & colunt, postulando ejus Patrocinium, ut apud Deum misericordiam invenire possimus: unus Rodingus ore putido audet exclamare: *Noli me salutare, & salutando venerari!* Gabriel, ex supremis Spiritibus, à Deo missus ad Virginem, reverenter dicit: *Ave Maria Gratia plena Dominus tecum*. Nunc vilis homuncio diabolica plenus nequitia Angelicam Salutationem audet prohibere: *Soli Mariæ*, inquit Origenes, *hec salutatio servabatur*. Si enim scisset Maria, & ad alium quempiam similem factum esse sermonem (habebat, quippè Legis scientiam, & erat Sancta, & Prophetarum Vaticinia quotidiana meditatione cognoverat) nunquam, quasi peregrina, eam salutatio terruisset. Cognovit Maria adhuc Puella Prophetarum Vaticinia, nunc super Choros Ange-

Luca 2.

Origen. hom.  
6. in Lucam.



gelorum exaltata tanquam Domina, & Regina, fingitur ignorare quid peragatur in terris, nec curare preces nostras, quali in statu feliciore, deterioris conditionis evaserit, & quod Deus Angelis concessit, Matri denegaverit.

Quam spatiosus pateret aditus enarrandi laudes, Virgini Matri à Patribus nostris meritò attributas; Sed in peculiari Opusculo, si vita comes fuerit, de his loqui opportunum redibit tempus: nunc sub brevitate ex eisdem Patribus demonstremus, miseris opem ferre, & apud Thronum Clementiæ Divinæ, pro nobis intercedere, atque cognoscere quidquid à Deo, ipsa adjuvante, expectamus: *Ave Gratia plena*, ait Neocæsariensis Gregorius, *Dominus tecum, tu enim verè es, ut aveas, gaudeasque, quod tecum Divina Gratia, uti novit habitaculum, elegit. Cum Ancilla Rex Gloriæ, cum speciosa speciosus forma præ Filiis hominum, cum impolluta qui sanctificat universa. Tecum, ac ex te Deus, homoque perfectus. Ave Gratia plena, Fons lucis, quæ illuminat omnes Credentes in ipsam. Ave Gratia plena, spiritualis Solis Oriens, & Flos vitæ immaculatus.*

*Homil. 1. de  
Annunciat.  
Virginis.*

Debito præconio Protectricem nostram in Cœlis regnantem Beatam Virginem, Sanctus Ephrem Syrus nobis commendavit, illam honorificis titulis exornando, atque hunc in modum invocando: *O Sancta Dei Genitrix, sub alis Pietatis, ac Misericordiæ tuæ protege, & custodi nos; Misereere nobis, qui sordibus peccatorum conspurcati sumus, qui sceleribus, atque delictis quamplurimis Creatorem Deum nostrum, & Judicem universorum offendimus . . . . . non nobis est alia, quam in te fiducia. Ex ulnis siquidem maternis tibi dediti sumus, Domina nostra, tuique Clientes appellati, nè igitur à maligno Satana ad*

*Serm. de Laudib. Mariæ.*

*Inferni portas abduci nos sinas. Tu enim noster es Portus, ò Virgo intemerata, ò pia Auxiliatrix. Sub tua tutela, & protectione toti sumus: quare ad te unicam confugimus, suppliciter clamantes, & deprecantes, nè dulcis Filius tuus Salvator noster, & Vita omnium dator, ob plurima, quæ commisimus scelera, è medio tollat nos, miserabilesque Animas nostras instar leonis diripiat, aut sicut ficum sterilem nos excidat. Obsecramus, ut ad Christum securi pervenire possimus, aulæque illas Beatorum subire, ubi non sunt lacrymæ, neque luctus, non vexatio, non molestia, non mors, non cruciatus, non locorum angustia, sed lætitia inexhausta, voluptas Justorum maxima, delicia infinita, gloria, & splendor. Omitto aliam, quam habuit ad Sanctam Dei Genitricem Orationem, in qua illius implorat auxilium in ultimo vitæ agone, deprecans, ut per ipsam truces pessimorum Dæmonum aspectus pellantur, atque hæres inaccessæ Gloriæ Dei instituatur: Quod, inquit, utinam per ipsam intercessionem tuam, atque Patrocinium, Domina mea Sanctissima Dei Mater, mihi, & omnibus humiliter ad te recurrentibus, & spem totam in te figentibus, post hoc exilium concedatur, gratia, miseratione, & benignitate Unigeniti tui Filii Domini Dei, & Salvatoris nostri Jesu Christi. Consulat hæreticus Tertullianum lib. de Carne Christi cap. 17. Irenæum lib. 3. cap. 33., & lib. 5. cap. 19. ibique releget excellentiam Virginis Deiparæ, pietatem illius erga humanum genus, & quomodo sit causa salutis nostræ. Adeat S. Epiphanium hæresi 79., ut addiscat idem crimen omninò esse, Virginem Deo æquare, sicuti Collydriani ausi fuerunt, ac illius dignitatem deprimere clamando, quod nihil intelligat de nobis, qui commoramus in Mundo, nihil*

nihil curet, non audiat, nec exaudiat preces miserorum ad illam confugientium, uti Rodingus, & qui illum sequuntur hæretici, blasphemant. Olim negasse nonnullos Dei Providentiam, perhibet Scriptura: *Nubes latibulum ejus, nec nostra considerat, & circa cardines Cæli perambulat.* Similes illis redduntur Novatores Virginem describentes Dei deliciis absorptam, nostra non respicientem: & tamen ex Bernardo novimus, Deiparæ à Deo demandatum, ut Charismatum dona per ipsam ad nos descenderent. *Totis, ergo, inquit, medullis cordium,*

*Job 22. 14.*

*totis præcordiorum affectibus, & votis omnibus Mariam veneremur, quia sic est voluntas ejus, qui totum nos habere voluit per Mariam. . . . nec dubius dixerim exaudietur, & ipsa pro reverentia sua. Exaudiet utique Matrem Filius, & exaudiet Filium Pater. Filioli hæc peccatorum scala, hæc mea maxima fiducia est, hæc tota ratio spei meæ.* Et in alio Sermone, Ecclesiam provolutam pedibus Mariæ repræsentat, tanquam ad Mediatrix, ut impetret lumen Gratiæ, & Gloriæ: *Jam te Mater Misericordie, per illum sincerissimum tuæ mentis affectum, tuis jacens provoluta pedibus Luna, Mediatrix sibi apud Solem Justitiæ constitutam, devotis supplicationibus, interpellat, ut in lumine tuo videat lumen, & Solis gratiam tuo mereatur obtentu, quam verè amavit præ omnibus, & ornavit.* Non erubuit Augustinus appellare Virginem, Matrem omnium Christianorum: *Maria, inquit, faciens voluntatem Dei, corporaliter tantummodo Mater est, spiritualiter autem, & Soror, & Mater. Ac per hoc una illa Fæmina, non solum spiritu, verum etiam corpore, & Mater est, & Virgo. Et Mater quidem spiritu, non Capitis nostri, quod est ipse Salvator, ex quo illa*

*Bernardus  
Serm. de Na-  
tivity. Virgin.*

*Idem Serm. de  
Assumpt.*

*August. lib. de  
Virginis. cap.  
6.*

*illa spiritualiter nata est, quia omnes, qui in eum crediderint, in quibus, & ipse est, rectè Filii Sponsi appellantur. Sed planè Mater membrorum ejus, quod nos sumus, quia cooperata est Charitate, ut Fideles in Ecclesia nascerentur, qui illius Capitis membra sunt: Corpore verd Mater ipsius Capitis. Quapropter idem Sanctus Doctor, non dubitavit ejus Patrocinium implorare inquires: Admitte preces nostras intra Sacrarium exauditionis, reporta, reporta nobis antidotum reconciliationis..... quia tu es spes unica Peccatorum, per te speramus veniam delictorum, & in te, Beatissima, nostrorum est expectatio premiorum.*

Si ergo ex Patribus nostris talia proferuntur de Virgine, quomodo componi poterunt, quæ à Christiano Rodingo, & Dallæo lib. 3. de religioso Cultus objecto cap. 17. 18. impudentissimè dicuntur? Si totum voluit Deus nos habere per Mariam, necesse est, ut intercedat pro nobis, ut habeamus. Si Mater est, oblivisci non poterit Filiorum. Si Ecclesia provoluta pedibus Mariæ dicitur, ut devotis supplicationibus apud Solem Justitiæ, Mediatrix sentiat effectum, cur deferendus Ecclesiæ sensus, ut amplectamur unius, vel alterius hominis deliramenta? Ego, dicebat Bernardus, *quod ab Ecclesia accepi, securus, & teneo, & trado.* Quod conantur ostendere Moderni Luthero Calviniani, nec ex Ecclesia est, nec ex Patribus Ecclesiæ, quis unquam audebit securè tenere, & tradere? Cæterum quæ hucusque scripsimus de Deipara Virgine, ex antiquissimis Patribus, & ex Ecclesia Matre desumptimus: hoc ergo certum, hoc amplectendum, hoc omnibus tradendum. Si vellent Calviniani unius hominis, qui sub clientela Virginis commoratur, con-

Bernard. E.  
pist. 144.

consilium accipere, illis suaderem, ut ad Deiparam confugerent, & sicuti ex Hieronymo Vigilantius Martyrum Basilicas ingrediendo, remedium contra spiritum blasphemiae sensisset: ita recurrendo ad Virginem, errores isti deponerent: *Nihil enim*, inquit Petrus Damiani, *tibi impossibile* ( scilicet Virgini ) *cui possibile est desperatos in spem Beatitudinis relevare*. *Quomodo enim illa Potestas tua Potentie poterit obviare, quae de Carne tua Carnis suscepit originem*. *Accedis enim ante illud aureum Reconciliationis humanae Altare, non solum rogans, sed imperans, Domina non Ancilla*. Vel ut ante jam scripserat Sanctus Germanus Patriarcha Constantinopolitanus, Oratione de Dormitione Deiparae: *Tu verò maternam vim apud Deum obtinens iis, qui supra modum peccant, supra modum veniam conficis, non enim fieri potest, ut non exaudiaris, quoniam tibi ad omnia, & per omnia, & in omnibus Deus, tanquam veræ, & immaculatæ Matri, obedit*. Dulcius Bernardus: *O quisquis te intelligis in hujus sæculi profluvio, magis inter procellas, & tempestates fluctuare, quam per terram ambulare, ne avertas oculos à fulgore hujus syderis, si non vis obrui procellis. Si insurgunt venti tentationum, si incarras scopulos tribulationum: respice Stellam, voca Mariam. Si jactaris superbie undis, si ambitionis, si detractionis, si emulationis: respice Stellam, voca Mariam. Si avaritia, aut iracundia, aut carnis illecebra naviculam concusserit mentis, respice ad Mariam. Si criminum immanitate turbatus, conscientiae scditate confusus, Judicii horrore perterritus, barathro incipias absorberi tristitiae, desperationis abisso, cogita Mariam. In periculis, in angustiis, in rebus dubiis: Mariam cogita, Mariam invoca. Non recedat à corde, & ut im-*

*Serm. 1. de  
Nativitate Virg.*

*Bernard. Homil. 11. supra  
Missus est.*

*impetres ejus Orationis suffragium, non deseras conversationis exemplum.*

Utinam ergo confugerent ad Virginem, & novissima sibi providerent: intelligerent planè quam validum sit ejus Patrocinium, quam prouidentissima Domina ad impetrandam veniam. Inter delicias Paradisi viderent illam non oblitam miseriarum habitantium in tenebris, & umbra mortis. In semetipsis experirentur audire, & exaudire preces, supplicationesque precantium: optimè scire ubi sumus, an in terra viventium, an morientium: non negligere nos, sed curare, ut reconciliationis gratiam obtineamus per Jesum Filium suum Redemptorem omnium. Profectò retractarent hæretici illas execrabiles voces: *Desine me salutare, & salutando venerari*; imò nunquam cessarent à laudibus, nunquam ab invocatione desisterent. Sed cum per Cœlestem hanc scalam, per quam homo, qui prostratus jacebat, ad superna fuit exaltatus, ascendere detrectent hæretici: quid mirum, si in errore permaneant, nunquam ad notitiam veritatis pervenientes? Scio Dallæum dixisse superius adductas auctoritates ex Damiano, & Germano nimium ex tollere merita Virginis, quippè indicant illam Deo imperare. Sed firmitatem solum ostendunt Patrocinii, efficaciam demonstrant Orationis, certam, ac singularem fiduciam Virginis, obtinendi à Filio quidquid pro nobis dignissima Mater postulaverit. Noverunt laudati Patres imperium, si strictè sumatur, exerceri erga subjectos, & inferiores, omnem Creaturam subditam debere esse suo Creatori, Regiam Virginem non indigere falso honore: attamen, ut nobis notum facerent quam promptus sit Deus Matris vota exaudire, imperii nomen adhibe-

buerunt . Nec alienam à Scripturis phrasim sum-  
 pserunt : etenim quando, Josue orante, Sol, & Luna  
 steterunt , Sacra Scriptura dicit : *Obediente Deo voci*  
*hominum* : fortassis vox illa obedire , denotat supe-  
 rioritatem Josue ad rerum omnium Conditorum  
 Deum ? Quis erit adedò insipiens ut affirmet ? Ne-  
 gare tamen non poterit opponens , quod obedire,  
 propriè est respicere Superiorem , ut Superiorem :  
 sed ut ostenderet Scriptura, quam dives sit Deus in  
 misericordia , vota servorum suorum exaudiendo ,  
 mirabilem illam Solis stationem , expressit per illa  
 verba : *Obediente Deo voci hominum* . Itaque : sicuti  
 obedire in facto Josue , non est indicativum subje-  
 ctionis Dei ad hominem , ita imperare , quod tri-  
 butur à Patribus Virgini , non est declarativum  
 superioritatis Deiparæ ad Deum , sed utrumque  
 explicat , quod cecinit Regius Psalter : *Voluntatem* *Psalm. 144. 19.*  
*timentium se faciet , & deprecationem eorum exau-*  
*diet* . Patres sic Virginem exaltantes inter Colly-  
 ridianos adnumerare , sola Dallæi petulantia po-  
 tuit . Collyridiani placentiam Mariæ tanquam Deæ  
 offerebant ; Recensiti Patres , quamvis catholicè  
 Mariam Domini Matrem recognoscerent , nunquam  
 Creaturam esse negaverunt , nunquam illi sacrifi-  
 candum esse affirmarunt . Dignis quidem præconiis  
 illam collaudarunt , honorantes infra Deum illo  
 Cultu , qui excellentissimæ Creaturæ debetur . Mul-  
 tum quidem posse apud Deum , per Gratiam ab eo-  
 dem Deo illi donatam , prædicarunt : cognoscere , &  
 exaudire preces nostras dixerunt , & pro nobis ora-  
 re . Proben nunc moderni Hæretici per Scripturas  
 prohiberi honorare Matrem Domini , illam invoca-  
 re ; Ostendant , Christianæ pietatis officia , quæ erga  
 Purissimam Virginem exercemus , mala esse , ideoque

vitanda; Per idem verbum Dei scriptum demonstrent Virginem in Cœlis regnantem, nihil omnino scire de nobis, nec curare. At cum certissime hoc nequeant prestare, acquiescant Patribus nostris. Et quamvis in sacris Litteris nihil expresse haberetur de invocatione Sanctorum, de eorum pro nobis intercessione apud Deum, adhuc detrahere non deberent prædictæ invocationi, quia juxta Augustini regulam: *Quod universa tenet Ecclesia, nec Conciliis institutum, sed semper retentum est, non nisi auctoritate Apostolica traditum, rectissime creditur.* Accedit quod dixit Tertullianus: *Id esse Dominicum, & verum, quod sit prius traditum: id autem extraneum, & falsum quod sit posterius immissum.* Ea sententia manebit adversus posteriores quasque hæreses, quibus nulla constantia de conscientia competit ad defendendam sibi veritatem. Posterioritatem doctrinæ suæ habent hæretici, securitatem ergo possident erroris. Lutherocalvinistæ quando incepterunt novimus, quando in Mundo apparuerunt, scimus. Viguit semper in Catholica, & Apostolica Ecclesia invocatio Virginis, & aliorum Sanctorum tanquam aliquid pium, utile, & religiosum. Deiparam audire, & exaudire voces, precesque supplicum, tanquam verum fuit semper custoditum. Qui ergo oppositum prædicant, cum novi sint, & Novatores justè appellentur: illos Tertulliani sententia perstringo: *Præbent se novos Apostolos esse: dicant Christum iterum descendisse, iterum ipsum docuisse, iterum crucifixum, iterum mortuum, iterum resuscitatum: Sic enim Apostolos solet facere, dare illis præterea virtutem, eadem signa adendi, quæ, & ipse. Volo igitur, & virtutes eorum proferre, nisi quod agnosco maximam virtutem eorum, quæ Apostolos in perver-*  
sum

*De Prescrip.*  
*cap. 31.*

*De Prescrip.*  
*cap. 30.*



*sum emulantur . Illi enim de mortuis vivos faciebant, isti de vivis mortuos faciunt .* Signa ergò Apostolatus cum non habeant , cessent Virginis merita adedè deprimere , ut quod Scriptura non renuit concedere Animabus Impiorum , hoc Sanctis , & quæ super Coeli Cives exaltata meritò ab Ecclesia dicitur, Angelorum denegent Reginæ . Torquebatur in gehennalibus flammis , qui induebatur, dum viveret, purpura , & bisso , & epulabatur quotidie splendide , & tamen de illo Scriptura testatur : *Mortuus est autem dives , & sepultus est in Inferno : Elevans autem oculos suos cum esset in tormentis , vidit Abraham à longè , & Lazarum in sinu ejus .* En quod damnati ad augmentum tormentorum suorum vident quos in vita contempserunt : quare ergo Beati ad Gloriæ incrementum non videbunt , qui inter Mundi ærumnas ad illos recurrunt , ut aliquod solamen recipiant ? Misericors, & Justus Dominus , quod uni dat ad pœnam , alteri concedit ad Gloriam . Levita Stephanus in terris positus vidit Cœlos apertos , & Filium Hominis stantem à dextris virtutis Dei : quid vetat , nè in Cœlis gaudens , videat peregrinantes in terris ? Omitto plures Sanctorum apparitiones , quæ à Majoribus nostris referuntur, quibus abundè probatur in Regno æternæ Beatitudinis , innotescere Justis , quando illos apud Deum Intercessores adhibemus . Nec audiendus Lutherus , qui in explicatione Evangelii de divite , & Lazaro inquit : *Nullius unquam Anima ab Orbe condito apparuit , neque enim Deus illud permittit .* Ad confundendam hanc vocem sufficit, quod scripsit Athanasius in Vita Sancti Antonii : *Alio tempore , ait , cum sederet in Monte , vidit , nescio quam Animam , latantibus in ejus occursum Angelis ,*

*ad Cælum pergere: & statim vox ad eum facta est, inquiens, istam esse Ammonis Monachi Animam, qui Nitriæ morabatur.* De Sancto Mamante dicit Basilii Magnus: *Memores estote Martyris, quot quot illo per somnia potiti estis, quot quot in hoc loco constituti, adiutorem ipsum ad precandum habuistis.* Perlegat Lutherus Eusebium Cæsariensem lib.6. cap. 4. Ecclesiasticæ Historiæ, ubi Basilidis Martyrium intelliget, ob mirabilem Potamienæ Virginis apparitionem, quæ Coronam capiti Basilidis imposuit, asseruitque se pro eo gratiam à Domino postulasse, postulatam obtinuisse. Adversus Julianum Apostatam clamat Nanzianzenus Gregorius: Sanctis honores institutos esse, à quibus Dæmones pelluntur, & morbi curantur, quorum sunt apparitiones, & prædictiones. Gregorius Nyssenus refert cap. 7. de Sancto Gregorio Taumathurgo: non prius ausum fuisse accedere ad Verbi Dei prædicationem, quam per quandam visionem fuisset sibi revelata veritas, & demum Deiparæ, ac Joannis Evangelistæ apparitione dignatum, Fidei formulam edidisse.

Libuit consulere Græcos Historicos, ac Latinos, & inopem me copia fecit, multitudo oppressit, ut me tædeat enarrare, vel ex plurimis pauca: Attamen Irenem Virginem, Sancti Spiridionis Filiam apparuisse, & sibi in vita commendatum depositum, Patri revelasse, testis est Socrates lib.1. cap.8. Pulcheriæ Augustæ admirandum Thyrsium, & cum eo quadraginta Martyres, militaribus vestimentis candidis indutos, semetipsos conspicuos fecisse, scribit Sozomenus lib. 7. cap. 28. Aphris maximo dolore percussis Cyprianum apparuisse, ac bono esse animo hujus rei gratia jussisse, se se brevi tempore ultorem futurum pollicendo, refert Procopius Cæsariensis

sariensis de bello Vandalico cap. 20. Qui plura desiderat ex authoribus Græcis perlegat Theodoretum Ecclesiast. Histor. lib. 5. cap. 6., & cap. 24. Theodorum Lectorem lib. 2. Evagrium lib. 2. cap. 3. de S. Euphemia. Georgium Presbyterum in Vita Theodori Archimandritæ. Leontium Cyprium in Vita Symonis Sali cap. 31. Eliam Cretensem oratione tertia. Constantium Thyrium oratione de Inventione Sanctæ Euphemiæ cap. 6. Leonem Imperatorem oratione Encomiastica in Joannem Chrysostomum; Joannem Zonaram tom. 3. annalium de Constantino Imperatore. Georgium Cedrenum in Theodosio. Michaellem Glicam part. 4. annalium. Nicephorum Callistum lib. 6. cap. 7., & libro 13. cap. 37. His omnibus accedat autoritas Patrum Nicænorum secundæ Synodi actione quarta: *Lectæ est Epistola Nili ad Heliodorum de Platone Martyre, qui apparens, ex Imagine agnoscebatur; Sancta Synodus dixit: Demonstratum est quomodo per præcongnitam Imaginem Martyris, ipsum aded Martyrem presentem cognovit, cum liberaretur.* Ex Latinis verò Authoribus consulendus est Severus Sulpitius Dialogo secundo cap. 14. Paulus Orosius lib. 7. cap. 36. Gregorius Turonensis Histor. Francor. lib. 2. cap. 6. Beda Histor. Anglican. lib. 2. cap. 6. Paulus Diaconus de Gestis Langobardorum lib. 4. cap. 5. Joannes Diaconus lib. 4. cap. 94. Vitæ Sancti Gregorii. Regino Prumiensis lib. 2. Annalium ad annum 862. Luitprandus Ticinensis lib. 2. cap. 14. Petrus Damiani Sermone de Translatione Sancti Hilarii Episcopi. Anselmus Cantuariensis in Elucidario. Rupertus Tuitiensis cap. 13. Vitæ Sancti Hereberti. Bernardus in Vita S. Malachiæ. Petrus Cluniacensis lib. 1. de Miraculis cap. 27. Sed præterire non pos-

possum S. Ambrosium , mirabilem visionem Virginis , ac Martyris Agnetis , eleganti calamo describentem : *Dum Parentes , inquit , Beatæ Agnetis assiduus pernoctationibus vigilarent ad tumultum ejus , vident in medio noctis silentio exercitum Virginum , quæ omnes aureo textis Cycladibus indutæ cum ingenti lumine præteribant , inter quas vident Beatissimam Agnetem simili veste fulgentem , & ad dexteram ejus Agnum nive candidiorem . Hæc itaque cum viderent Parentes ejus , & qui simul erant , stuporem mentis incurrunt , sed Beata Agnes rogat Sanctas Virgines parumper gradum figere , & stans , Parentibus suis dixit : Videte nè me quasi mortuam lugeatis , sed congaudete mihi , & congratulamini , quia cum his omnibus lucidas sedes accepi , & illi sum juncta in Cælis , quem in Terris tota animi intentione dilexi , & his dictis pertransiit . Hæc visio publicè ab omnibus , qui viderant quotidie vulgabatur , undè factum est , ut post aliquos annos ad Constantiam Constantini Filiam hoc factum ab his , qui viderant , narraretur . Erat , enim , ipsa Constantia Regina Virgo prudentissima , sed ita obfessa vulneribus , ut à capite , usque ad pedes nulla membrorum pars libera remansisset . Accepto autem consilio , spe recuperandæ salutis , venit ad tumultum Martyris nocte , & licet pagana , tamen credula animi intentione , preces fideliter fundebat . Quod cum faceret , repentina somni suavitate corripitur , & vidit per visum Beatissimam Agnetem talia sibi monita præferentem : *Constante age Constantia , & crede Dominum Jesum Christum Filium Dei esse Salvatorem tuum , per quem modo consequeris , omnium vulnorum , quæ in corpore tuo pateris , sanitatem . Ad hanc vocem Constantia evigilat sana , & sic sana , ut nec signum in ejus membris alicujus vulneris remaneret .**

Tanti

Tanti fecit Ecclesia hanc visionem, ut quotannis statuta die 28. Januarii ejus celebret memoriam. Sileat itaque qui ausus est dicere: *Nullius unquam Animam ab Orbe condito apparuisse, quia Deus non permittit.* Omnes Ecclesiae Patres, tam Græcos, quam Latinos fuisse deceptos, cogeremur asserere, quod aures Catholicorum horrent audire: Selectiores Historicos Sacros, nobis solum mendacia retulisse, quod nullus prudens, ac sapiens judicabit. Sed permittamus, ac fingamus parumper communem totius Orbis Catholici illusionem, quam impossibilem nobis demonstrant Sacra Pagina; Edoceat nos Lutherus, & qui illum sequuntur, unde ex verbo Dei scripto habeatur, quod nulla unquam Anima ab Orbe condito apparuerit. Si fortassis, quia diviti illi, qui torquebatur in igne inestinguibili non fuit concessum, ut mitteretur Lazarus ad annunciandum Fratribus, nè venirent in locum tormentorum: ineptè arguitur inferendo, quod uni non fuit concessum, omnibus fuisse denegatum. Quando una communis ratio urget, ut beneficium uni donatum, ad alios non transferatur, aptè arguimus à particulari ad universale. Sed quæ conventio una communis poterit esse inter reprobos, & Electos, inter Sanctos, qui gaudent in Cœlis, & damnatos, qui torquentur in igne, ut statuamus, Deum denegare cuicumque Beatorum Animæ, inter nos, & nobis aliquando apparere, quia uni ex reprobis non fuit concessum? Meminisse debuerant heterodoxi, quod idem Evangelista, qui dixit, divitem illum sepultum in Inferno, non fuisse exauditum ab Abraham, retulisse: *Et factus est, dum oraret, species vultus ejus altera, & vestitus ejus albus, & resurgens: & ecce duo viri loquebantur*

Lucæ 9. 29.  
30. 31.

*Matth. 27. 51.  
52. 53.*

*tur cum illo . Erant autem Moyses , & Elias , visi in  
Majestate , & dicebant excessum ejus , quem comple-  
tus erat in Jerusalem . Et alter Evangelista acer-  
bissimam Passionem Redemptoris nostri Jesu descri-  
bens ait : Et ecce Velum Templi scissum est in duas  
partes à summo usque deorsum , & terra mota est , &  
petra scissæ sunt , & monumenta aperta sunt : &  
multa corpora Sanctorum , qui dormierant , surrexe-  
runt , & exeuntes de monumentis post Resurrectionem  
ejus , venerunt in Sanctam Civitatem , & APPARUE-  
RUNT MULTIS . Vide ergo , Evangelistis narranti-  
bus , aliquando Sanctorum Animas apparuisse . Sed  
heù nimium deslebilem hæreticorum conditionem ,  
qui cum semel veritatis semitam deseruerint , infan-  
cias falsas , mendacia aperta complectuntur . Ut  
Sanctorum detraherent apparitionibus , prò nihilo  
duxerunt , universum Sanctorum Patrum cœtum re-  
jicere , Sacris Historiis illudere , & post tam aper-  
tos Evangelicos textus , clamare non erubuerunt :  
nullam ab Orbe condito usque modo Animam ap-  
paruisse , quia Deus non permittit . Quid ergo ex-  
cogitavit Petrus Tabernaculum construere Moy-  
si , & Eliæ ? Quid refert Scriptura Homines istos in  
Majestate visos , si spectra tantum erant ? Sancti  
itaque , qui dormierant , & resurgente Domino ,  
pariter surrexerunt , & venerunt in Sanctam Civi-  
tatem , & apparuerunt multis , nil , nisi phantasma  
fuisent , & tales suæ Resurrectionis testes Domi-  
num adhibuisse affirmabitis ? *Credendum , quippe est ,  
inquit Remigius , quoniam surrexerunt , ut testes  
essent Dominicæ Resurrectionis .* Absit excogitare ,  
ut prima Veritas voluerit decipere nos per spectra ,  
per illusiones , & falsas apparitiones .*

*Sed jam tempus est , ut revertamur ad per-  
scru-*

*Remigius in  
Catena aurea.*

scrutandum ea, quæ nobis reponerent hæretici ad ostendendum, si possent, nostras Sanctos non audire preces. Inculcant, quod scriptum est: *Mortui nihil noverunt amplius*. Verumtamen, si totus integer textus perlegatur, nihil est, quod veritati adverteretur. Suadet enim ibi Ecclesiastes, ut in hac vita instanter operemur bonum ad accipiendam operum retributionem, quia in statu separationis, Anima non operabitur ad meritum, quare viventes multa sciunt utiliter ad meritum: mortui verò nihil noverunt amplius ad meritum, licet multa Iusti cognoscant feliciter ad præmium. Genuinus Scripturæ sensus apparet, quia dicitur: *Viventes enim sciunt se esse morituros, mortui verò nihil noverunt amplius, nec habent ultra mercedem*. Et post pauca subdit: *Quodcumque facere potest manus tua instanter operare: quia nec opus, nec ratio, nec sapientia, nec scientia erunt apud Inferos, quod tu properas*. Itaque cum unusquisque nostrum properet ad domum æternitatis suæ: omnes enim sicut aquæ dilabimur, quæ non revertuntur: admonemur sub incerta, ac brevi vitæ nostræ periodo, bonum operari. Viventes scimus nos esse morituros, & hæc notitia, ni contemnatur, valde utilis est, nè illicita perpetremus: sed mortui nihil noverunt amplius, cum de cætero nulla confessio, nulla laus, nullum opus, nulla pœnitentia eis prodesse possit. Viventes, quamvis peccatis coinquinati, reconciliationis gratiam queunt obtinere, & recurrendo ad lamenta pœnitentiæ, iterum inter Filios adnumerari, & æternam Beatitudinem sperare, & sperando expectare. At mortui de hoc nihil noverunt amplius: aut enim Iusti sunt, & cum Deo regnant, & eorum opera, quæ in vita gesserunt, mercedem receperunt:

Tom. I.

Z

runt:

Ecclesiastes 9.

runt: at impii sunt, & torquentur in gehenna, & nec opus, nec sapientia quidquam valere poterunt à locis poenarum ad illos extrahendos: aut demum, si qui sint Electorum, igne adhuc purgandi, in statu sunt satispatiendi, non promerendi. Dum currimus in hac vita, inveniri potest in operibus nostris meritum, at cum terminum attigerimus, cessat meritum, nec mortui habent mercedem, sicut in opere, quod sub Sole geritur; Hanc veritatem voluit Scriptura nobis manifestam facere, nè desides in citissimo annorum curriculo ad benè operandum, inveniamur: futurum est enim tempus, quando tempus operandi non erit amplius. Clamavit, equidem, *Esaïas: Abraham nescivit nos, & Israel ignoravit nos: tu Domine Pater noster, & Redemptor noster.* Sed nec per laudatum textum aliquid imminuitur de illa cognitione, quam tribuimus Beatis, ut videant, & audiant nos orantes; Etenim Evangelicus Vates desiderabat adventum Domini ad redemptionem generis nostri: hoc opus, nec per Abraham, nec per Israel, aut per Moysen perfici poterat, unde ponit miserendi causam, inquit: Tu Domine Pater noster, & Redemptor noster. Abraham autem nescivit nos, quia eripere, & liberare nos non valet ab iniquitatibus nostris. Frasis consueta Scripturarum est, ut illud nesciri dicatur, quod reprobatur: hinc fatuis Virginibus fuit responsum: Nescio vos, idest improbo vos, reprobo vos, nescit faciendo, judicat arguendo, ut explicat Augustinus. Itaque Propheta clamat ad Dominum, quia copiosa apud Deum redemptio, non apud Abraham, aut Israel, qui licet nescirent, idest non approbarent, & rejicerent, secundum interpretationem Hieronymi, mala opera Judaici Populi: attamen

*Esaïas 63. 16.*



men emendare , & à jugo peccatorum , & diabolica servitute liberare , illius erat , qui demum missus fuit ad oves , quæ perierant ex Israel : hinc idem Propheta initio Capitis subsequens , aperit vota sua inquit : *Utinam dirumperes Cælos , & descenderes , à facie tua montes defluerent , sicut exustio ignis tabescerent , aquæ arderent igni , ut notum fieret nomen tuum inimicis tuis , à facie tua gentes turbarentur .* Si quibusdam magis arriserit , textum Esaïæ intelligendum esse , ut exponit Angelicus Doctor , quantum ad virtutem cognitionis humanæ , non quantum ad irradiationem Divini luminis , quia nec Abraham , nec Israel poterant naturali virtute cognoscere statum viventium , nisi desuper illis datum fuisset : si hæc , inquam , interpretatio magis placuerit , illam amplectatur : non enim aliquid Veritati contrarium redolet , nosque illam tanto Magistro dignam veneramus : fusius de ea loquemur inferius cum Augustino . Interim sciant heterodoxi maximum esse discrimen inter Patres nostros in sinu Abrahæ commorantes in Lymbo , & Beatos in Cœlesti Patria Deo fruantes . In Lymbo , quamvis non essent in tenebris Gratia , & Charitatis , adhuc tamen dicebantur in tenebris Gloria , quia nondum Christus obtulerat pretium Sanguinis , in Cruce moriendo , nondum mortem devicerat resurgendo , nondum captivam duxerat captivitatem , Cœlos ascendendo : quare , si Abraham nescivit , si Israel ignoravit , si mortui nihil noverunt amplius , non admirandum , dum adhuc longè positi erant à beatifica visione , expectantes beatam spem , & adventum Redemptoris , descensumque ejus ad Inferos . Inferendum itaque non est , Beatos admirabile lumen possidentes Gloria , non cognoscere , quibus in-

Esaïas 64. 1.  
2.

digemus, non audire preces, quas porrigimus, quia illis hoc non fuit concessum, quando in tenebris degebant. Sole recedente, & nocte appropinquante, non videmus: ergo nè, lucente Sole, & depulsis tenebris, nihil poterunt oculi inspicere? Statum tenebrarum cum lucis statu confundere, contendunt hæretici, non attendentes se à tenebris esse comprehensos. Si Patres nostri adhuc in nocte, in tenebris, & non in luce, non viderunt inopiam nostram, nescierunt nos: in lumine, in Gloria, in plenitudine Scientiæ Beatæ, ignorabunt nos? Cum adversarii nostri, ex relatis Scripturæ textibus, solum probent Sanctos nondum glorificatos, sed existentes in Lyngo, nos orantes non audire, rete ante oculos pennatorum ponunt, nihil inde concludentes; sermo enim noster est de Beatis, qui in Cœlis regnant. Obsecrent beneficium Josiæ Regi collatum, ut apponeretur ad Patres suos, nè videret mala, quæ inducturus erat Dominus super Populum Israel: beneficium dabimus, at quod inferre præsumunt adversarii, negabimus. Equidem eluxit misericordia Dei in translatione Josiæ, si enim superstes fuisset, vidisset, & doluisset. Ea in terris conditio nostra est, ut videntes mala, quæ nos, aut Amicos nostros circumdant, doleamus. Josias sublati, nec vidit, nec sustinuit mala, & conditione Status, & Naturæ: Naturæ, quia mortui naturaliter scire nequeunt quid inter vivos peragatur; Status, quia in Lyngo commorabatur, & non in Gloria. Mors hoc beneficium contulit Josiæ, nè ulla mala patiendo, aut compatiendo sustineret, quæ utique vivendo tolerasset. Beati verò, quamvis videant in Verbo mala, prò quibus eos oramus, ut liberemur, non inde tamen aliquid patiuntur, immò nec

nec compatiuntur. Compāti enim est cum alio pati;  
 Status autem æternæ felicitatis, est exclusivus cu-  
 juscumque mali, doloris, ac tristitiæ: absque ulla  
 perturbatione vident afflictiones, quando ad illos  
 recurrimus, & juxta beneplacitum Divinæ Volunta-  
 tis, ut sublevemur, exorant. Hoc totum, absque ulla  
 imminutione Cælestis gaudii, peragunt Sancti. Quo-  
 modo autem hoc fiat, quamvis non intelligamus,  
 sat est, ut credamus, credentes, aliquando videre  
 promereamur. Nec aliquid contra mentem Augu-  
 stini statuimus, licet enim plura dixerit in libro de  
 Cura pro Mortuis gerenda, quæ nostræ resolutioni  
 minus consona videri possint, si tamen attentè per-  
 legatur, quod scripsit Sanctus Doctor: pro veritate  
 stetit, non illam impugnasse manifestabitur.  
 Exemplum quidem adducit Sanctissimæ Matris Mo-  
 nicæ, quod probet mortuos vivorum actibus, & re-  
 bus cognoscendis, adjuvandisque non misceri, sed  
 per hoc, tantum indicare voluit limites Naturæ,  
 non Gratia. Certè Mortui secundum proprias,  
 quas possident vires, nos audire, & coadjuvare,  
 non possunt, interesse actibus humanis non valent,  
 nec Monica, quamvis fuerit religiosissima Fœmina,  
 & Augustini amantissima Mater, hoc per se potuisset  
 affirmamus; sed quod Naturæ non conceditur, de-  
 negabitur illicò Gratia? Non ea est indoles aquæ,  
 ut naturaliter vertatur in vinum, conversam tamen  
 fuisse virtutē Divinā, novimus ex Evangelio. Qua-  
 triduanus Lazarus, qui scotebat in sepulchro, ex se  
 resurgere non poterat: resurrexit à voce Domini  
 excitatus: *Alii sunt*, inquit Augustinus, *humana-*  
*rum limites rerum: alia Divinarum signa virtutum:*  
*alia sunt, quæ naturaliter, alia, quæ mirabiliter*  
*sunt: quamvis, & Naturæ Deus adsit, ut sit, &*  
*mira-*

Augustinus  
 de Cura pro  
 Mortuis cap.  
 16.

*miraculis natura non desit. Non igitur idèò putandum est, Vivorum rebus quoslibet interesse posse Defunctos : quoniam quibusdam sanandis, vel adjuvandis, Martyres adjunt : sed idèò potius intelligendum est, quod per Divinam Potentiam, Martyres Vivorum rebus intersunt : quoniam Defuncti per Naturam propriam, Vivorum rebus interesse non possunt. Quamquam ista questio vires intelligentiæ meæ vincat : quemadmodum opitulentur Martyres his, quos per eos certum est adjuvari. Hæc Augustinus, quibus declarat ea, quæ in superioribus Capitibus dixerat, intelligenda esse de Mortuis, inspecta eorum propria Natura, per quam nequeunt cognoscere, quæ in Mundo geruntur, cum extra Mundum positi fuerint. Sed quæ Deus mirabilis in Sanctis suis donavit eisdem, ut per gratiam, & gloriam possent, non contempsit, aut negavit Sanctus Doctor, qui nobis proposuit humanarum limites rerum, à Divini operis raritate, vel potius singularitate, discernere. Scio posse repetere heterodoxos, putasse Augustinum, quod Monica, jam vita feliciore gauderet, & beata esset, & tamen conclusit, quod non cognosceret indigentias, nec audiret preces Filii, adduxitque illud, quod scriptum est : *Pater meus, & Mater mea dereliquerunt me : Dominus autem assumpsit me*. Verumtamen, quamvis Augustinus rectè senserit de Matre sua, judicans, quod optimam partem haberet cum Angelis in Coelis ; adhuc non negavit illam in Verbo videre, quæ ad proprium pertinent statum, & complementum Beatitudinis, sed intulit duntaxat, quod si Mortui naturaliter præsentesset actibus Vivorum, & rebus, hoc potissimum appareret in Parentibus diligentibus Filios, hoc in Monica, quæ in vita feliciore, crudelis non esset :*

*Psalm. 26. 10.*

esset: *Me ipsum pia Mater, inquit, nulla nocte desereret, quæ terra, marique secuta est, ut mecum viveret.* Igitur Augustinus loquitur de quadam assistentia, quam nonnulli tribuebant omnibus Mortuorum Animabus, ut interessent actibus Vivorum, hancque meritò reprobatur, & dicit, quod neque Monica, quamvis beata, erat præsens Augustino, quem unice dilexit, & nunquam voluit nocturnum videre: consolata enim fuisset tristem Filium, si Mortui hoc per naturam haberent, ut nobis præsentem essent, & ex hac præsentia cognoscerent actus nostros. Hanc fuisse mentem Augustini manifestè datur intelligi, quia in sequenti Capite decimoquarto, quærit quæ, & quomodo, & per quos cognoscere possint Mortui, quæ apud Vivos geruntur, & triplicem assignat, seu statuit modum cognitionis; Primus est, quod Mortui audiant ab eis, qui hinc ad eos moriendo pergunt, non quidem omnia, sed quæ sinuntur indicare, qui sinuntur etiam ista monuisse, & quæ illos, quibus hæc indicant, oportet audire; Alter verò est, ut per Angelos, qui rebus, quæ aguntur hic præsto sunt, aliquid cognoscant, quod unumquemque illorum audire debere iudicat, cui cuncta subiecta sunt; Tertium verò modum ità describit Augustinus: *Possunt etiam spiritus Mortuorum aliqua, quæ hic aguntur, quæ necessarium est, eos nosse, & quæ necessarium non est, eos non nosse: non solum præterita, vel præsentia, verum etiam futura, Spiritu Dei revelante, cognoscere: sicut non omnes homines, sed Prophetæ, dum hic viverent, cognoscebant, nec ipsi omnia, sed quæ illis esse revelanda Dei providentia, indicarat. Mitti quoque ad Vivos aliquos ex Mortuis, sicut è contrario, Paulus ex Vivis in Paradisum raptus est, Divina Scriptura testatur.*

*August. eodem  
loco de Cura  
pro Mortuis.*

*statutur*. Ex hoc itaque triplici cognitionis modo indicato ab Augustino, patet illum in superioribus fuisse locutum de Mortuis secundum cognitionem propriæ naturæ, quæ non est talis, ut valeat cognoscere actus nostros. Non enim quæreret in subsequentibus Capitibus, quod in superioribus firmarat. Si in posterioribus asserit, Deo revelante, non solum posse, sed etiam scire Beatos, quæ necessarium est eos nosse, & quæ necessarium non est, eos non nosse: fatendum omnino est, aut contraria docuisse Augustinum, & quod in uno firmarat, destruisse in altero Capite: aut quod verum est, in antecedentibus fuisse locutum de Spiritibus Mortuorum secundum limites propriæ naturæ: in postremis verò secundum irradiationem Gratiae, & Gloriæ. Revelata facie Deum contemplantur Beati, & in speculo illo sine macula, vident, quæ abscondita remanerent oculis eorum, nisi datum fuisset in lumine lumen videre. Verum, ut cum eodem Augustino loquar: *Ista divinitus exhibentur longè aliter, quam se se habet usitatus ordo singulis Creaturarum generibus attributus*. Idèd ad explicandum difficile redditur, quam difficultatem præsensit Sanctus Doctor, idèd ab aliis quæstionem solvi cupiebat: asseruit tamen cognosci à Sanctis preces, & audiri, quando in necessitatibus, eorum auxilium exposcimus, ut patet exemplo Sancti Felicis Nolani, quod adducit in principio Capituli decimi sexti. Non me latet Augustinum explicari ab aliquibus de quadam præsentia reali, quam nonnulli tribuebant Spiritibus Sanctorum, quod quidem, si permittatur, nostra resolutio intacta relinquitur. Aliud enim est, quod Sancti in Verbo videant actus nostros, seu cognoscant, quod ab eis postulando petimus: aliud

*Div. August.  
eo loco cap. 16.*

aliud quod Sancti intersint, seu præsentes sint ubi eos oramus: primum non impugnatur ab Augustino, ut supra ostensum fuit: alterum sub dubio relinquitur, ut indicant verba supra relata: *Ista quasi*, inquit, *vires intelligentiæ meæ vincit, quemadmodum opitulentur Martyres his, quos per eos certum est adjuvari: Utrum ipsi per se ipsos adsint, uno tempore tam diversis locis, & tanta inter se longinquitate discretis: sive ubi sunt eorum memoria, sive propter suas memorias ubicumque adesse sentiuntur.* Accidit aliquando, ut ejusdem Sancti suffragium, plures exposcant in diversis Provinciis, ac Regnis: incertum est, an ille Sanctus sit præsens simul Romæ, Jerosolymis, Parisiis. Nihil enim de hac præsentia defini- vit Ecclesia: nihil expressè habetur in Sacris Litteris: nihil per verbum traditum annuntiatum fuit nobis à Patribus nostris. Hoc altè considerans, noluit aliquid temerè definire Augustinus, sed potius alios consulere rectiùs excogitavit: *Et de Martyribus ab illo* (Joanne scilicet Monacho) *pergerem querere: Utrum ipsi adsint in somnis, vel quocumque alio modo, videntibus eos, in qua figura voluerint: & maxime, quandò ab eis se torqueri Dæmones profitentur, & rogant eos, ut parcant sibi: an ista fiant Dei nutu per Angelicas potestates, in honorem, commendationemque Sanctorum: ad utilitatem hominum, illis in summa quiete positis, & ad alia longè meliora visa vacantibus seorsim à nobis, orantibus pro nobis.* Hoc, quod ut dubium reliquit Sanctus Doctor, ut certum non proponimus amplectendum heterodoxis. Dicant Sanctos Dei audire, & cognoscere preces, quas porrigimus, & lis finita est. Utinam finiat error per quem separantur à nobis, ab Unitate Ecclesiæ, à Catholica Fide, & postremò ab æternæ

*Idem August.  
eo capite.*

*Div. August.  
cap. 17.*

Beatitudinis Regno excludentur. Si autem hæsitaverint circa illam continuam præsentiam apud Sanctorum memorias, vel ubi funduntur preces, supplicationesque: nec nos certò aliquid statuere audemus, quamvis aliquando, non solum beneficiorum effectibus, verum etiam ipsis hominum aspectibus, Sanctos apparuisse sciamus, non incertis rumoribus, sed testibus certis. Qui plura nosse cupierit, illud ex Sacris Litteris firmiter retineat: *Altiora te nò quaeris, & fortiora te nò scrutatus fueris: sed quæ præcepit tibi Deus, illa cogitò semper, & in pluribus operibus ejus, nò fueris curiosus. Non enim,* inquit illuminatissimus Augustinus, *parvus est fructus, si aliqua obscura, & incerta, quæ comprehendere non valemus, clarum saltem, certumque sit nobis, non esse querenda, & quod unusquisque vult discere putans prodesse, si sciat: discat non obesse si nesciat.* Quæ superius ex Origene reponebant; nihil aliud suadent, quod Mortui nesciant absque irradiatione, quid inter Vivos peragatur, superfluum pariter judicamus, vel minimum dubitare de mente Gregorii Nanzianzeni, Satis demonstratum est ex verbis ipsius, direxisse preces ad Sanctos cum Christo regnantes, ut videntes quæ patimur mala, pro nobis Intercessores existerent. Et in Oratione, quæ citatur, recurrit ad Sanctam Gorgoniam, quam, & apud Deum posse dijudicat, & cognoscere pro quibus supplicabatur, existimat. Et quamvis adhibeat particulam *Si*: tamen non dubitantis animi indicium est, ut patet ex pluribus Scripturæ textibus, in quibus recensita particula, aliquando magis firmitatem animi, quam mobilitatem designat. Licet in ea sim sententia, Nanzianzenum apposuisse particulam ad provocandum, seu magis movendum affe-

*Ecclesiastici 3.*

*Augustin. de  
Cura pro Mor-  
tuis cap. 17.*



affectum juxta communem usum loquendi apud omnes; Sæpè audimus Filios alloquentes Patres, postulantes, ut quæ exoptant, concedant, si eos diligant. Non dubitant Filii de amore Parentum, sed causam impellentem, seu motivum concedendi, Filii proponunt Parentibus. Optimè noverat Gregorius, etiam in sensu adversariorum, Gorgoniam in Dei verbo cognoscere, quæ ad illam dirigebantur preces. Etenim Sanctos orandos negant heterodoxi, quia non audiunt, nec cognoscunt quæ ab ipsis orando exposcimus. Si ergo Nanzianzenus Gorgoniam oravit, illam audire, & cognoscere, Orantis indigentiam supposuit. Si dixerint Gregorium errasse: illicò insurgemus clamando: Cur ergo nobis errantis exempla profertis amplectenda? Nunquid hæc vestra Doctrina est, ut sequamur semitam errantium? A tramite Veritatis non deviantium, vestigia sectari proficuum arbitramur. Hoc nobis insinuat Scriptura: hoc docuerunt nos Patres nostri: hoc demonstravit Nanzianzenus, quem non errasse fatemur, recurrendo ad Gorgoniæ patrocinium. Ulterius aliquid addimus, quod si permetteremus hæreticis, Nanzianzenum subdubitalle, an Beati cognoscaut, & audiant nos orantes, adhuc in suis erroribus ab eodem Sanctissimo Theologo confutarentur, dum facto comprobavit utile, proficuum, ac Christianum Sanctos orare, ac Intercessores apud Deum adhibere, quamvis incerti, seu dubii simus, an intelligant quid ab eis orando petimus. Cesset ergo hæresis renovata clamare: Inutile est Sanctos orare, quia nesciunt, non audiunt, nec nostras intelligunt preces. Nanzianzenus, juxta pravam heterodoxorum interpretationem, in ea fuit opinione, ut ignorarent Beati, quod ab eis expo-

scimus, & tamen orare non destitit Gorgoniam, Cyprianum, Basilium. Itaque, siue audiant Sancti, & cognoscant in Verbo, ut nos profiteamur, siue non intelligant, ut vos impiè clamatis, adhuc ad eos confugiendum tanquam ad Protectores apud illum, qui eos coronavit, & constituit hæredes. Feliciter consumato agone, Mundi, Carnisque illecebras cum Dæmone superarunt, potentes sunt, ut intercedant pro illis, qui cum timore, & tremore salutem debent operari; Reliquerunt nobis formam certandi, nè desides simus, vel certare recusantes; vel modum præscriptum continententes: contentur autem, quoties novus intentatur: novus est, si à Patribus nostris non fuit indicatus, immò potius reprobatus. Reprobasse demonstravimus abundè, ut opinor; quod cum ita sit, dicam cum Vincentio Lyrinenſi: *Est nè aliquis tantæ audaciæ, qui præter id quod apud Ecclesiam annuntiatum est, annuntiet: vel tantæ levitatis, qui præter id quod ab Ecclesia accepit, accipiat.* Scio in sui erroris excusationem, heterodoxos Sacrarum Scripturarum testimonio proferre, ut incautos decipiant, & suadeant simplicibus, in abdicando Sacrarum Reliquiarum Cultu, aliisque hæresibus firmandis, ab Ecclesia, & Patrum sensu non recessisse. Veruntamen præmonuit nos Dominus iniquiens: *Attendite à falsis Prophetis, qui veniunt ad vos in vestimentis ovium, intrinsecus autem sunt lupi rapaces.* Vestitus ovium sunt eloquia, & oracula Prophetarum, quibus tanquam velleribus induuntur hæretici, ut dilacerent Gregem Christi, & Ecclesiasticum Dogma scindant, atque Patrum terminos transferant. Ut tentaret Dominum Diabolus, ovinam vestem assumpsit, & dixit: *Si Filius Dei es, mitte te deorsum: scriptum est enim: quia*

Vincent. Lyrinenſis. adverſ. hæreſ. cap. 14.

Matth. 7. 15.

Vide Lyrinenſis in Commonis.

Matth. 4.

quia Angelis suis mandavit de te, ut in manibus tolerant te, ne forte offendus ad lapidem pedem tuum. An Diabolo credendum est, quia Sanctarum Scripturarum auctoritatem illum adhibere contingit? Transfigurat se in Angelum lucis, semper tamen est Satanás. Transfigurant se in Apostolos Christi hæresiarchæ, adhuc tamen fugiendos esse tanquam pseudo-Apostolos, & Operarios subdolos, docet Paulus in secunda, quam ad Corinthios scripsit Epistola. Solemne semper fuit hæreticis Scripturæ verbis, suos adumbrare, seu conspergere errores. Hujus rei causam nobis aperuit Lyrinenfis in Commonitorio capite trigésimo quinto inquiring: *Sciunt factores suos nulli ferè esse placituros, si nudi, & simplices exhalentur; Atque idcirco eos Cælestis Eloquiù, velut quodam aromate aspergunt, ut ille, qui humanum faciliè despiceret errorem, Divina non faciliè contemnat Oracula. Itaque faciunt, quod hi solent, qui parvulis austera quædam temperaturi pocula, prius oras melle circumlinunt, ut incauta ætas, cum dulcedinem præsenferit, amaritudinem non reformidet. Quod etiam his cura est, qui mala gramina, & novos succos medicaminum vocabulis præcolorant, ut nemo ferè, ubi superscriptum legerit remedium, suspicetur venenum.* Hæc igitur vestis Scripturarum, non tollit ex Lyrinenli mores lupinos hæreticorum, immò magis cavendi sunt, quia sub Divinorum Eloquiorum umbraculis latitant; Magis liquidem pertimescendus est hostis occultus, quam manifestus. Utimur & nos Divinæ Legis testimoniis, sed juxta communem Patrum nostrorum interpretationem, juxta Catholicæ Ecclesiæ auctoritatem, per quam Scripturæ sensa finiuntur. Hæreticus verò interpretationem sibi uni reservat, reli-

Ad Corinib.  
2. 11. 13.

reliquos omnes clamitans miris modis allucinari. Protulit Arius id, quod scriptum est: *Pater major me est*, & Filium Dei interpretatus est esse Creaturam. Paulus Samosatensis, Nestorius, vesana expositione, diviserunt Christum, Eutiches confusionem intulit. Denique omnium hæreticorum opuscula perlegantur, & humanos errores veteris, ac novi Testamenti, sententiis coloratos inveniemus. Et ut ad rem nostram propius accedamus, Vigilantius, quem secuti sunt Novatores, nè contemneretur ab omnibus, hæresum venena, Sacrarum Scripturarum melle, temperare curavit. Attamen deprehensus fuit non tenere universitatem, antiquitatem, consensionem, nec Divinum Canonem secundum Universalis Ecclesiæ Traditiones, juxta Catholici Dogmatis regulas interpretari. Quapropter, quoadusque perseveraverint moderni heterodoxi contra Sacrarum Reliquiarum Cultum, adhibitis etiam Divinæ Legis testimoniis, sed absque universitate, antiquitate, & consensione, nec juxta Catholici Dogmatis regulas, causam perdidisse arbitramur, & Diabolum per eos locutum fuisse, minime dubitamus. Sancta sunt verba Scripturarum, sed ab hæreticis in propriam, & aliorum perniciem depravantur, sicut de Epistolis Paulinis commonuit nos Princeps Apostolorum Petrus: Sancta sunt, sed non sanctè tractantur ab his, qui non servant regulam, ab Unitate discesserunt, & Catholicæ Ecclesiæ consensionem rejiciunt. Denique intelligant hæretici ad ipsos non spectare Scripturas. Possessio Scripturarum penes illos est, apud quos Fidei depositum custoditur: sic contra illos pronuntiavit Tertullianus: *Scripturas obtinent, & hac sua audacta statim quosdam movent: in ipso vero congressu fir-*

*Tertullian. de  
Prescription.  
cap. 15.*

*firmos quidem fatigant , infirmos cupiunt , medios cum scrupulo dimittunt . Hunc igitur potissimum gradum obstruimus , non admittendos eos ad ullam de Scripturis disputationem . Sic hæc sunt vires eorum , uti nã eas habere possint : dispici debet cui competat possessio Scripturarum , nẽ is admittatur ad eas , cui nullo modo competit . Si ergo ad vos nullo modo pertinent Scripturæ , quoties illas proponitis , à Catholica Ecclesia , quarum est possessio , expectanda est interpretatio : Ubi enim , subdit idem Tertullianus , appuruerit esse veritatem Disciplinæ , & Fidei Christianæ , illic erit Veritas Scripturarum , & expositionum , & omnium Traditionum Christianarum . Evanuit à Lutheranis , & Calvinistis Veritas Disciplinæ : recesserunt à Fide Catholica : apud ipsos ergo non est Veritas Scripturarum , & expositionum , & omnium Traditionum Christianarum , immò ad nudum Traditionum nomen perhorrescunt , & hanc Fidei regulam , à Majoribus nostris nobis traditam , non recipiunt , solum Verbum Dei scriptum admittentes , hocque adulterantes , ut supra sub brevitate demonstravimus , & fusiori calamo , Vita duce , alibi declarabimus . Nunc superest , ut ea , quæ scripsi nus , infallibili Romanæ Ecclesiæ iudicio subijciamus . Absit à Filio , ut dimittat Legem Matris suæ , & quæ in hoc Opusculo pronunciaverit corrigenda , & ipse non corrigam . Melius est à Sapiente corripì , quam stultorum adulatione decipi . Pientissima Mater Ecclesia in spiritu lenitatis instruit Filios suos , quæ etiam novit benignè complecti ad ipsam revertentes ; Hanc instructionem non deferam , nẽ arguat me Dominus in furore , eo quod despexerim spiritum lenitatis Sponsæ suæ Matris meæ . Si approbaverit labores meos in Domi-*

pq

*Idem cap. 18.*

no gloriabor , pro me ipso nihil gloriabor : si autem oppositum judicaverit , acquiescam sapientissimo , & irreformabili illius Judicio . Errare quidem possum , at pertinacem esse recuso , nè decidam à spe hereditatis Filiorum . Nimum amabile est Catholica Ecclesiæ Filiationem possidere , hanc qui perdidit salvus esse non poterit . Neesse est ut aquis diluvii pereat , qui extra hanc Arcam commoratur . Cruciari in Arca , æternæ consolationis fructum non excludit : extra Arcam delectari , est certæ damnationis damna comparare . Ut ergo tam grande malum effugiam , lubenti animo , & corde puro , me , omniaque scripta mea , Sacrosanctæ Romanæ , ac Universalis Ecclesiæ censuræ , submitto , retractans si quid , vel minimum apparuerit sanctissimis ejus legibus , decretis , atque institutis contrarium : in qua enim , Deo largiente , datum fuit renasci , in eadem vivere , ac mori delectabor . Votum meum exaudiat ille , qui ut adoptionem Filiorum reciperemus , è sinu Patris in Terram descendens , Carnem nostram assumere dignatus est , Deipara , Sanctisque omnibus intercedentibus , quorum Religiosum Cultum prò viribus defensare curavi .

Interim , & vos commonere non desistam , ò heterodoxi , eadem , quæ in principio Operis , in fine servans viscera Charitatis , ut ad cor redeatis . Quid adhuc hæsitatis errantes , nunc Dominum blasphemantes , nunc Servis Domini invidentes , nunquam salutis vestræ consulentes ? Extra Ecclesiam Catholicam Romanam nulla est salus . In separatione itaque commorantes , certa est vestra perditio , & Christus nihil vobis proderit : *Quomodo* , clamat Cyprianus , *potest esse cum Christo , qui cum Sponsa Christi , ac in ejus Ecclesia non est ? Neesse est* ,  
re-

repetit Lyrinensis, omnibus deinceps Catholicis; qui sese Ecclesiæ Matris legitimos Filios probare student, ut Sanctæ, Sanctorum Patrum Fidei agglutinentur, immoriantur, profanas verò profanorum novitates detestentur, horrescant, insectentur, persequantur. Fidem neglexistis Patrum, eisque agglutinari renuistis: Duces vestri facti sunt Lutherus, Melanthonius, Calvinus, Zuinglius, Bucerus, Æcolampadius, omnes profani homines, Fidei Catholicæ desertores, & profanarum novitatum amatores, & inventores. Qui illos sequuntur, imitantur, & prædicant, Filios tenebrarum, & non lucis sese manifestant. Mutastis nomina ob Fidei variationem, quæ cum una sit, illicò ac variatur, nulla profectò sit. Jam inter vos alii sunt Lutherani, alii Calviniani, alii Puritani, alius alium destruit, unus alterum condemnat. Pulcherrimum illud nomen, quo Filii lucis gloriantur, ut Catholici nominentur, & sint, perdidistis. Variatio nominum, vestram redarguit inconstantiam, & ab Unitate vos discessisse contestatur: Hanc Ecclesiæ Unitatem, inquit Cyprianus, qui non tenet, tenere se Fidem credit? Qui Ecclesiæ renititur, & resistit, in Ecclesia se esse confidit? Quando Beatus Apostolus Paulus hoc doceat, & Sacramentum Unitatis ostendat, dicens: Unum Corpus, & unus spiritus, una spes vocationis vestræ, unus Dominus, una Fides, unum Baptisma, unus Deus. Qui Fidei Unitatem amplectitur, secum repetit: Christianus mihi nomen est, Catholicus cognomen: Testes vos adhibeo, nec ab aliis exquiram, an vobis jure competat tam præclarum nomen, tam saluberrimum cognomen? Si velitis vera narrare, ab his excidisse clamabitis. Miseri facti estis, oves errantes absque Pastore, alienum ex propria ele-

Lyrinen. in.  
Cõmonit. Cap.  
ultimum.

atione sequentes, qui Doctrinis variis, ac peregrinis, quali venenatis pabulis, Animas vestras perdit in Gehennam. Eja revertimini ad Pastorem Christum, qui iterum vocat vos; Properate ad sinum Matris Ecclesiæ, quæ vos expectat: proferet illa citò stolam primam, qua propter vestram incredulitatem fuistis denudati: instituet hæc convivium grande, convivium pinguium, quia Filius, qui mortuus fuerat revivixit, & qui perierat inventus est. Lætabimur, & nos in numero Fratrum, in Domo Dei, in Ecclesia Christi, ambulantium cum consensu. Alienorum Lutheri, Calvini, & similium dicentium, non recessisse à vobis Christum, nec vos à Christo, voces nè audiat. Quicumque segregatus est ab Ecclesia, non adhæret Christo: Non est Amicus Sponsi, qui non diligit Sponsam, seque ab ejus Unitate dividit. Præclarissimum Fidei Athletam Cyprianum auscultate: *Ecclesia una est, quæ in multitudinem latius incremento fecunditatis extenditur: quomodo Solis radii multi, sed lumen unum est: & rami arboris multi, sed robur unum tenaci radice fundatur. Et cum de Fonte uno rivi plurimi defluunt, numerositas, licet diffusa videatur exundantis copię largitate, Unitas tamen servatur in origine. Avelle radium Solis à Corpore, divisionem lucis unitas non capit. Ab Arbore frange ramum, fructum germinare non poterit. A Fonte præcide rivum, præcisus arescet: Sic & Ecclesia Domini, luce perfusa per Orbem totum, radios suos porrigit, unum tamen lumen est, quod ubique diffunditur, nec unitas Corporis separatur: ramos suos in universam terram copia uberitatis extendit præfluentes largiter rivos latius expandit, unum tamen caput est, & origo una, & una Mater fecunditatis successibus copiosa. Illius fetu nascimur, illius lacte nutri-*

Cyprianus de  
Unit. Eccles.



*vimur, spiritu ejus animamur. Adulterari non potest Christi Sponsa, incorrupta est, & pudica. Unam Domum novit, unius Cubiculi Sanctitatem casto pudore custodit. Hæc vos Deo servat, hæc Filios Regno, quos generavit, adsignat. Quisque ab Ecclesia segregatus adultera jungitur, à promissis Ecclesiæ separatur, nec perveniet ad Christi premia, qui reliquit Ecclesiam Christi. Alienus est, profanus est, hostis est. Habere non potest Deum Patrem, qui Ecclesiam non habet Matrem. Si potuit evadere, qui extra Arcam Noe fuit, & qui extra Ecclesiam foris fuerit, evadit. Heu heu quam terribilis est Cypriani sententia! Quantam nobis, qui intus sumus ingerit consolationem, tantam vobis, qui foris estis incutit terrorem. Habere non potest Deum Patrem, qui Ecclesiam non habet Matrem. Octo Animæ temporibus Noe salvæ factæ sunt, quæ intra Arcam morabantur. Quot quot extra inventæ sunt, inundantibus aquis diluvii perierunt. Intelligite similitudinem, & expavescite. Hoc unum discrimen agnosco in Arca, quæ ex sententia Patrum nostrorum, typum gestavit Ecclesiæ; quod Arcæ clausum fuit ostium post ingressum Noe, Ecclesiæ autem adhuc est apertum, ut vos intrare possitis. Deponite hæresum sarcinulas, renuntiate erroribus, dimittite Magistros prurientes auribus; Intrate in Ecclesiam veræ Fidei Magistratam: Christus vos invitat, Ecclesia vos recipere, semper est parata. Quandiù estis alieni, profani, hostes? Volumus vos Amicos, & Fratres. Properate rivuli ad Fontem, nè arescatis: rami ad Arborem, ut germinetis. Exurgite, illuminabit vos Christus, à quo Christiani. Intrate in Ecclesiam toto Orbe diffusam, à qua Catholici nominantur. Vagantes gressus ab*

erroribus revocate, iter rectum viæ Cœlestis agnoscite: solvite laqueos captivi: redite ad Arcam. Impleat Dominus desiderium meum, ut vos ad Ecclesiam Matrem in Unitate Fidei, in osculo pacis, in vinculis Charitatis videam revertentes. Supplex Agmina Beatorum deprecor, ut sint vobis in adjutorium, & intercedant apud Majestatem Domini, quò cognoscatis semitam Veritatis. Detrahitis quidem Sanctorum Cœtui, debitum eorum Reliquiis honorem proscribendo, rejicientes invocationem, Patrocinium contemnentes. Non levis hæc culpa est reputanda, cum Catholicæ Fidei ordinem invertat, & teste Lyrinenſi: *Magno nobis mutata Fidei; ac temerata Religionis piaculum pertimescendum est, à quo nos, non solum Constitutionis Ecclesiasticæ Disciplina, sed etiam censura Apostolicæ, deterret auctoritatis. Scitum enim cunctis est quàm graviter, quàm severè, quàm vehementer invehatur in quosdam Beatus Apostolus Paulus, qui mira levitate nimium citò translati fuerant ab eo, qui eos vocaverat in gratiam Christi in aliud Evangelium, quod non est aliud: qui coacervaverant sibi Magistros ad sua desideria, à Veritate quidem auditum avertentes, conversi verò ad fabulas, habentes damnationem, quod primam Fidem irritam fecissent. Adhuc tamen votis meis Sanctos non defuturos sperarem, cum sint Filii Patris, qui in Cœlis est, qui pluit super justos, & injustos, oriri facit Solem suum super bonos, & malos, illum imitari non recusabunt, ut impetrent quod non meremur accipere. Hic sit finis scribendi: depono Calamum, quem assumpsi in obsequium Sanctorum: hic sit vobis finis errandi: Deponite hæreses, ut una cum Sanctis regnare possitis in Cœlestibus,* præ-

Lyrinenſ. in.  
Commonit. ut  
supra.

præstante hoc Jesu Christo Redemptore nostro,  
qui est Deus benedictus in sæcula, quive, non  
tantum postulata tribuit, sed interdum etiam non  
sperata largitur.

*F I N I S.*



IN-



# INDEX

## Locorum Sacræ Scripturæ.

### EX LIBRO GENESIS.

48. 15. *Deus in cujus conspectu ambulaverunt Patres mei Abraham, & Isaac &c.* pag. 112.

### EX LIBRO EXODI.

13. 19. *Tulit quoque Moyses ossa Joseph.* pag. 18.  
32. 1. *Surge fac nobis Deos, qui nos pracedant.* pag. 62.  
ibid. 8. *Isti sunt Dii tui Israel, qui te eduxerunt de Terra Egypti.* pag. 62.

### EX LIBRO NUMERI.

21. 5. *Anima nostra jam nauscat super cibo isto levissimo.* pag. 62.

### EX LIBRO DEUTERONOMII.

16. 5. *Non poteris immolare Phœ in qualibet Urbium tuarum &c.* pag. 137.

### EX LIBRIS REGUM.

4. 13. 21. *Revixit homo, & stetit supra pedes suos.* pag. 27.  
3. 5. 4. *Et non est Satan, neque occurfus malus.* pag. 70.  
1. 1. 10. 11. *Cum esset Anna amaro animo, oravit ad Dominum &c.* pag. 137.  
24. *Et adduxit eum secum postquam ablattaverat in vitulis tribus &c.* pag. 137.  
2. 6. 21. 22. *Ante Dominum, qui elegit me potius, quam Patrem*

## INDEX LOCORUM

*rem suum . . . . . vilior fiam plusquam factus sum . pag. 15.*

1. 11. 9. *Non est huic alter similis, da mihi eum . pag. 16.*

## EX ISAIA.

11. 10. *Et erit sepulchrum ejus gloriosum . pag. 48.*  
 36. 6. *Confidis super baculum arundineum confractum &c. pag. 107.*  
 63. 16. *Abraham nescivit nos, & Israel ignoravit nos. pag. 178.*  
 64. 1. *Utinam dirumperes Caelos, & descenderes &c. pag. 179.*

## EX JEREMIA.

6. 16. *Hec dicit Dominus: stete super vias, & videte &c. pag. 5.*  
 17. 5. *Maledictus homo, qui confidit in homine &c. p. 107.*

## EX LIBRO JOB.

5. 1. *Voca ergo, si est qui tibi respondeat, & ad aliquem Sanctorum convertere . pag. 51.*  
 42. 9. *Suscepit Dominus faciem Job &c. pag. 107.*  
 19. 26. *Et in carne mea videbo Deum meum . pag. 16.*  
 22. 14. *Nubes latibulum ejus &c. pag. 165.*

## EX LIBRO PSALMORUM.

13. 5. *Illic trepidaverunt timore, ubi non erat timor. pag. 21.*  
 135. 4. *Qui facis mirabilia magna solus. pag. 25.*  
 92. 5. *Testimonia tua credibilia facta sunt nimis. pag. 30.*  
 33. 21. *Custodit Dominus omnia ossa eorum &c. pag. 44.*  
 95. 5. *Omnes Dii Gentium Daemonia. pag. 67.*  
 96. 7. *Confundantur omnes, qui adorant sculptilia . p. 77.*  
 25. 8. *Domine dilexi decorem Domus tue. pag. 103.*

*Al-*

## SACRÆ SCRIPTURÆ

120. 2. *Auxilium meum à Domino.* pag. 106.  
 145. 4. *Exhibet spiritus ejus, & revertetur in terram suam.* pag. 107.  
 144. 19. *Voluntatem timentium se faciet.* pag. 169.  
 26. 10. *Pater meus, & Mater mea dereliquerunt me.* p. 181.

## EX PROVERBIIS.

26. 5. *Responde stulto juxta stultitiam suam &c.* pag. 162.

## EX ECCLESIASTE.

3. 19. *Unus interitus est Hominis, & Jumentorum &c.* pag. 45.  
 9. 5. *Mortui verò nihil noverunt amplius.* pag. 177.  
 10. *Quodcumque facere potest manus tua, instanter operare.* ibid.

## EX LIBRO SAPIENTIÆ.

3. 2. *Visi sunt oculis insipientium mori.* pag. 14.

## EX LIBRO ECCLESIASTICI.

48. 15. *In visa sua fecis monstra &c.* pag. 27.

## EX NOVO TESTAMENTO.

### EX MATTHÆO.

11. 4. *Euntes renuntiate Joanni, quæ audistis &c.* p. 27.  
 4. 10. *Dominum Deum tuum adorabis &c.* pag. 41.  
 21. 13. *Domus mea Domus Orationis vocabitur.* pag. 57.  
 23. 29. *Vae vobis Scriba, & Pharisei hypocritæ, qui adificatis sepulchra Prophetarum.* pag. 63.  
 28. 20. *Ecce ego vobiscum sum usque ad consumationem sæculi.* pag. 71.  
 16. 26. *Quid enim prodest homini, si mundam universum lacretur? &c.* pag. 107.

## INDEX LOCORUM

22. 32. *Ego sum Deus Abraham, & Deus Isaac, & Deus Jacob; non est Deus mortuorum, sed viventium.*  
pag. 14.  
27. 51. *Ecce Velum Templi scissum est in duas partes &c.* pag. 176.

## EX MARCO.

16. 1. *Et cum transisset Sabbatum, Maria Magdalene, & Maria Jacobi, & Salome emerunt aromata &c.*  
pag. 17.  
16. 17. *Signa autem eos, qui crediderint, hæc sequentur &c.* pag. 25.

## EX LUCA.

2. 41. *Et ibant Parentes ejus per omnes annos in Jerusalem &c.* pag. 138.  
16. 22. *Mortuus est autem dives, & sepultus est in Inferno &c.* pag. 171.

## EX JOANNE.

15. 24. *Si opera non fecissem in eis &c.* pag. 26.  
1. 12. *Quosquos autem receperunt eum &c.* pag. 52.  
12. 3. *Maria ergo accepit libram unguenti nardi pisti- ci &c.* pag. 55.

## EX LIBRO ACTUUM APOSTOLORUM.

5. 14. *Magis autem augebatur credentium in Domino multitudo &c.* pag. 28.  
23. 3. *Percuties te Deus paries dealbate &c.* pag. 113.



EX EPISTOLIS S. PAULI.

EX EPIST. AD ROMANOS.

9. 20. *O homo tu quis es, qui respondeas Deo ?* &c. pag. 53.  
 3. 28. *Arbitramur enim justificari hominem per Fidem.*  
 pag. 125.

EX PRIMA AD CORINTHIOS.

6. 19. *An nescitis, quoniam membra vestra, templum sunt Spiritus Sancti* &c. pag. 13.  
 15. 51. *Omnes quidem resurgemus, sed non omnes immutabimur.* pag. 16.  
 13. 8. *Charitas nunquam excidit* &c. pag. 153.

EX SECUNDA AD CORINTHIOS.

6. 14. *Quæ enim participatio justitiæ cum iniquitate ?* &c.  
 pag. 133.  
 3. 8. *Quomodo non magis ministratio spiritus erit in gloria ?* pag. 155.

EX EPIST. AD EPHESIOS.

4. 5. *Unus Dominus, una Fides, unum Baptisma.* p. 61.  
 6. 13. *Accipite armaturam Dei* &c. pag. 125.

EX EPIST. AD PHILIPPENSES.

4. 1. *Gaudium meum, & Corona mea: sic state in Domino.* pag. 6.

EX SECUNDA AD THESSALONICENSES.

3. 4. *Confidimus autem de vobis in Domino* &c. pag. 107.

INDEX LOCORUM SACRÆ SCRIPTURÆ

EX EPIST. CANONICA S. JUDÆ APOSTOLI.

9. *Cum Michael Archangelus cum Diabolo disputans  
altercaretur &c. pag. 59.*

EX APOCALIPSI.

8. 4. *Et ascendit fumus incensorum de Orationibus San-  
ctorum &c. pag. 51.*



# INDEX

## RERUM NOTABILIVM.

### A

- A**busus Sacramentorum non minuit Sanctitatem illorum . pag. 110.
- Agnæ Virginis apparitio . 174.
- Altaria non eriguntur absque Reliquiis Sanctorum . 57.  
 & seq.
- S. Ambrosius eleganter describit Miracula Sanctorum Gervasii , & Praxii . 34. & seq.
- Mirè retundit objecta Arianorum . 35.
- Angelorum ministeria ubique diffusa . 157.
- Angeli offerunt Deo Orationes nostras . 160.
- Cognoscunt nostras postulationes . ibid.
- Anima & honor , & dignitas , quomodo redundet in Corpus . 12.  
 & seq.
- Anima Sanctorum expectant diem extremum ad glorificationem Corporis . ibid. & 16.
- Anima Iusti , Deo acceptior est post , quam ante consummationem . 28.
- Antiqui deserebant infirmos ad Sepulchra Sanctorum . 121.
- Apocalypsis Joannis , Divina Auctoritatis est . 159.
- Alogiani , & Marcionita hæretici illam rejecerunt . ibid.
- Plures Sanctorum apparitiones ex Patribus referuntur .  
173. & seq.
- Argumento à minori ad majus utitur Apostolus in 2. ad Corinth. 3. pag. 155.
- Hic modus arguendi fuit familiare Patribus . ibidem.
- Ariani negarunt , vera Miracula Deum per Martyres suscipisse . 35.
- Augustinus Romæ scripsit libros de moribus Ecclesiæ , & de moribus Manicheorum . 87.
- Liber de moribus Ecclesiæ non fuit primus satus Augustini . 89. Non

## INDEX

*Non temperavit sententiam contra sepulchrorum adoratores in alijs libris . 91. & seq.*

*Quinam dicantur ab Augustino sepulchrorum adoratores .*

*92.*

*Augustinus in libro de moribus Ecclesie non reprehendit Sacras Reliquias bonorantes . 94.*

*Nec illos qui deferebant cibos in usum Pauperum ad Sepulchra Martyrum . ibid.*

*In libro ad Quodvultdeum non recenset omnes hæreticos , & quare ? 128.*

*Nihil voluit temerè definire circa modum quo Beati cognoscunt Orationes . 185.*

## B

**S. B** *Aflius Sacrarum Reliquiarum Cultum commendat . 20.*  
*Beati . Vide Sancti .*

*Beatitudinis status exposcit , ut Sancti cognoscant , quando ad ipsos recurrimus . 153.*

*Bellarmini sapientia collaudatur . 76.*

*Bellarminus censet Augustinum temperasse sententiam , quam junior tenuit circa sepulchrorum adoratores . 88.*

*Benedictus XIII. assiduus in Consecratione Altarium . 72.*

*Bernardus quam devotus in Virginem . 165.*

*Bona temporalia , in ordinem ad Beatitudinem sunt petenda . 105.*

*Bracharense Concilium tertiam partem proventuum pro Ecclesia luminaribus assignat . 100.*

## C

**C** *Aligula sibi Sacerdotes insinuit . 105.*

*Calvinus ficititè mortuum præsumpsit suscitare , & verè mortuum fecit . 22.*

*Calviniste in Gallia Corpora Sanctorum igni tradiderunt . 19.*

*Certitudo duplex , metaphysica , & moralis . 116.*

*Pro Cultu Sacrarum Reliquiarum certitudo moralis sufficit . ibid. & seq.*

*Chri-*

## R E R U M

- Christiani Rodingi audacia reprimuntur . 161. & seq.*  
*Cena Charitatis, quæ esset apud Christianos antiquior . 89.*  
*Quare sublata fuerit per Laodicenam Synodum . 90.*  
*Deferebantur Cibi in usum Pauperum ad Sepulchra Martyrum . ibid.*  
*Tempore Augustini adhuc in Africa mos iste vigeat . 91.*  
*Collidriani quinam fuerint ? 164.*  
*Corporibus Sanctorum utitur Spiritus Sanctus tanquam organis, & vasis secundum Augustinum . 13.*  
*Corpora Sanctorum membra sunt Christi, & Templum Spiritus Sancti, quomodo dicantur ? ibid.*  
*Corpora Sanctorum, quamvis mortua, subsignata sunt in spem melioris Resurrectionis . 14.*  
*Hæc subsignatio sat est, ut distinguantur Cineres Sanctorum ab aliis . ibid.*  
*Corpus quamvis separatum ab Anima, est dignum obsequio ob Sanctitatem ejusdem Anima . 14. 15.*  
*Differunt inter se Cineres Pauli Apostoli, & Judæ proditoris, & quomodo ? ibidem.*  
*Corpora Sanctorum Martyrum Gervasii, & Protasii tempore S. Ambrosii inventa fuerunt . 10.*  
*Mirabiliter illuminatur Cæcus Sudario, quod Feretrum Sanctorum tetigerat . ibid.*  
*Corpori Moysi multum honoris delatum fuit . 60.*  
*Corpus Moysi quare sepultum per manus Domini ? 61.*  
*Cultus lætæ absolutus nulli præ Creatura redditur . 49.*  
*Cultus, qui soli Deo debetur, nunquam reddunt Catholicæ Creaturis . 101.*  
*Qualis Cultus sit reddendus Mariæ ? 10.*

## D

- D** *Allens Calvinista Ecclesiæ Doctores contemnit . 69.*  
*& seq.*  
*Dallæi argumenta nihil probant . 71.*  
*Sibi contradicit in lib. de usu Patrum . 83.*  
*Deus approbat Cultum, quem reddimus Sanctis . 41.*  
*Deus adorandus in omnibus, non tamen omnia sunt adoranda . 13.*  
Deus,

## INDEX

- Deus, esse ubique fit, in determinatis tamen locis exigit specialem Cultum.* 145.  
*Dei Amici aliquando per propheticum lumen vident, quæ procul sunt.* 153.  
*Dei immensitas non coarctatur, reddendo Cultum in loco determinato.* ibid.  
*Diem passionis Martyrum adnotari jubet Cyprianus.* 85.  
*Dii Gentium nunquam vera Miracula patraverunt.* 32.  
*Dii Gentium quales fuerint?* 67.  
*Disciplina Ecclesiæ aliquam potest subire variationem, & quare?* 71.  
*Dorothei Tivii Synopsis multis scatet erroribus.* 76.  
*Dubia quadam coram Plebe non proponenda aliquando.* 121.  
*& seq.*

## E

- E***cclēsia Romana Carbedram habet Veritatis.* 2.  
*Ejus Doctrina audienda.* ibid.  
*Multum commendatur à Tertulliano.* 9.  
*Ecclesiæ Romana Scripta Apostolorum Petri, & Pauli illibata custodis.* 126.  
*Ecclesiæ Unitas per Cyprianum descripta.* 194.  
*Eliseus per lumen propheticum vidit, quæ in corde Gienæ cogitabat.* 156.  
*Ex hoc lumine Eliseo donato, rectè intellexit Augustinus, Beatos cognoscere, quando illos deprecamur.* ibid.  
*Ad Elisei Sepulchrum Miracula suscitantur.* 27.  
*Eloquia Sacra salubria sunt intelligentibus, periculosa autem his, qui ad Cordis perversitatem detorquentur.* 7.  
*Eminentia Sanctitatis, & Virtutis desideratur ad reddendum Cultum Sacrum.* 54.  
*Epistolæ Canonica S. Judæ Apostoli textus, non favet hæreticis.* 65.  
*Quomodo explicetur à Patribus.* ibid.  
*Erasmus quid dixerit de Lutheranis?* 33.  
*Ethnici vera Miracula Magica Arti tribuebant.* 31.  
*Idem faciunt moderni hæretici.* ibid.  
*Ethni-*

## R E R U M

*Ethnici ad Sepulchra Parentum deferbant cibos, & vi-*  
*na.* 91.

*Credebant Animas Parentum requirere cibos.* *ibid.*

*Eucharistiæ Sacramentum est adorandum, quamvis non ha-*  
*beamus certitudinem metaphysicam, quod hostia in par-*  
*ticulari, sit ritè consecrata.* 118.

*Eucharistia, pignus amoris Christi erga nos.* 118.

*Eunuchus Candacis Reginae venit Ierosolimam adorare.*  
138.

## F

**F** *Acta purè personalia, quæ Juris admixtionem non pa-*  
*tiuntur, certitudinem gradualem possunt habere.* 116.

*Factum S. Martini relatum à Severo Sulpitio, non faves*  
*hereticis.* 121.

*Nec aliis indevotis hominibus.* *ibid.*

*Nec aliud ex Cap. Audivimus.* *ibi.*

*Fagnanus meritò rejicit quamdam Auctoritatem, quæ per-*  
*peram tribuitur Augustino.* 122. & seq.

*Fides omninò invariabilis.* 71.

*Fidei Catholicæ Veritati non derogat, si Episcopus, si Virgo,*  
*si Doctor lapsus fuerit è regula.* 149.

*Fiducia respicit primariò Deum, Sanctos verd, ut causas*  
*secundas.* 106.

*Quæ fiducia in homine reposita, per Scripturas reprobe-*  
*tur?* 107.

*Fraudes innumera finguntur ab hereticis contra Cultum*  
*Sacrarum Reliquiarum.* 120. & seq.

*Fraudes, quamvis plures sint, non est subtrahendus Cultus*  
*Sacris Reliquiis.* *ibid.*

## G

**G** *Alli primi insurgunt contra hæresim Vigilantianam.*  
129.

*Galli mittunt Sisinium ad Sanctum Hieronymum in Causa*  
*Vigilantii.* 46.

Tom. I.

Dd

Graci

## I N D E X

- Græci conveniunt cum Latinis in Cultu Sacrarum Reliquiarum . 74. & seq.*  
*Gradus certitudinis summa, in quibus requiratur . 116.*  
*Gratiam, & Gloriam à solo Domino expectamus . 105. & seq.*  
*Ad Sanctos tamen recurrimus, ut impetrent à Deo. ibid.*  
*S. Gregorius Nanzianzenus nostras Sanctos cognoscere preces, aservit . 186. & seq.*

## H

- H** *Æretici moderni eadem dicunt contra Sanctos Martyres, quæ antiqui Ariani . 36.*  
*Hæresicus sequitur propriam electionem . 133.*  
*Hæretici non habens securitatem Doctrina . 170.*  
*Hebræi prout ad Idololatriam . 61.*  
*Cur illis Deus occultaverit Corpus Moysis . ibid.*  
*Reprehenduntur ut hypocritæ à Christo . 63.*  
*Helena Constantini Mater accessit Golgotham, ut Lignum Crucis inveniret, & adoraret . 75.*  
*Henricus Gravins dubitas, an Vigilantius, qui recensetur à Hieronymo in Epistola ad Paulinum, sit idem, qui ab eodem Doctore furititer impugnatur . 131.*  
*S. Hieronymus vanum Vigilantii timorem expellit . 21.*  
*Plures Translationes Sacrarum Reliquiarum narrat ab Imperatoribus factas . ibid.*  
*Vigilantii argumentis abundè respondet . 31.*  
*Unius noctis spatio hæresim Vigilantii confutavit . 129.*  
*In Historiis Ethnicorum, si quid mirabile perlegatur, quomodo sit intelligendum . 26.*  
*Hostia adoratur absolute, referendo fidem ad hostiam ritè consecratam . 119.*

## I

- I** *Acobi Patriarchæ Corpus, religioso honore deferretur in Terram Chanaan . 18.*  
*Jacob invocat Abraham, & Isaac . 112.*  
*Jacobi Piccinini hæreses refelluntur . 124. & seq.*

Ca-



## R E R U M

- Calumnia Piccinini in Sacram Jesuitarum Familiam, rejicitur . 147. & seq.*  
*Jacobus Piccininus excusat Vigilantium . 127.*  
*Jeremias Constantinopolitanus Schismaticus, redarguit Calvinistas . 78.*  
*Imperium stricte sumptum, exercetur erga subditos . 168.*  
*S. Joannes Chrysostomus longe distat ab erroribus Calvinistarum . 19.*  
*S. Joannes Chrysostomus magno desiderio tenebatur visitandi locum ubi asservantur Corpora Apostolorum Petri, & Pauli . 140.*  
*Job orat pro Amicis, & exauditur . 107. & seq.*  
*Jonas Aurelianensis mire explicat, quomodo Deus eligat sibi specialem locum ad Cultum . 146.*  
*Julius & Martyris intercessione, aqua falsa mutantur in dulces . 29.*

## L

- L** *Abia Judæ, qua habuerunt contactum ad Christum, cur non adorentur ? 49.*  
*Lampades ardere possunt apud Martyrum Memorias absque timore Idololatriæ . 99. & seq.*  
*Hic mos in Palestina, tempore Hieronymi, foris non erat . ibid.*  
*Laodicena Synodus vetuit Agapen fieri in Ecclesiis . 90.*  
*Lariæ Cultus respectivus, cur non debeat rationali Creaturæ . 50.*  
*Levitas bareticorum monstratur . 188.*  
*Alii sunt limites humanarum rerum: alia Divinarum signa Virtutum . 181.*  
*Loca Sacra adire, in quibus Miracula fiunt, est Dei laudare Potentiam . 147.*  
*Ludi Gentilium, alii Sacri, alii Funebres . 93.*  
*Luminarium apparatus apud Martyrum Sepulchra, cedit in bonorem Dei . 101.*  
*Iste major apparatus non exaltat servos supra Dominum . ibid.*

## I N D E X

*Luminis Prophetici efficacia declaratur . 155.*

*Non est tamen tanta, quanta est luminis Gloria . ibid.*

*Lutherus carpit omnes Ecclesie Patres . 37.*

*Lutherus frustra tentavit liberare Demoniacam . 33.*

*Lutherus novemdecim Scripturae loca aperte adulteravit .*

*125.*

## M

**M**aria, Domini Mater invocanda . 162.

*Maria habuit Scientiam Legis, & Prophetarum Vaticinia cognovit . 162.*

*Cognoscit preces nostras . 161. & seq.*

*Quo sensu dixerint SS. Petrus Damiani, & Germanus, quod Maria imperet Deo ? 168. & seq.*

*Melania cum Rufino excipiebant eos, qui Voti causa Jerusalem veniebant . 140.*

*Miracula Deus operatur in confirmationem Fidei . 25.*

*Miracula nunquam adhibentur ad comprobendam falsitatem . 26.*

*Miracula Antichristi filitiae erunt . ibid.*

*Miraculosa non fuit illuminatio Caeci, quae refertur facta à Vespasiano . ibidem .*

*Miraculum S. Julitiae Martyris ex Sancto Basilio refertur . 29.*

*Missa Sacrificium est expiativum peccatorum, rememorativum Passionis Christi, & gratiarum actionis . 102.*

*Monica Augustini Mater ab Ambrosio didicit gratiora munera offerre Sanctis Martyribus . 92.*

*Monica non erat semper praesens Augustino, quando &c. 151.*

*Quomodo intelligatur, quod scriptum est: Mortui nihil noverunt amplius . 177.*

*Mortui non sunt naturaliter praesentes aëlibus Vivorum . 182.*

*Mortui quomodo cognoscant quae apud Vivos geruntur . 181.*

*Triplex modus assignatur ab Augustino . ibid.*

*Mortuorum Cultus Sacri, quale sit . 54.*

*Multa utiliter scimus, & multa utiliter ignoramus . 186.*

*Nan-*

## N

- N** Anzianzenus non bene exponitur ab hæreticis . 186.  
 Nescire , quomodo aliquando in Sacris Scripturis intelligatur . 178.  
 Nestorius divisit Christum . 190.  
 Nicæna Synodus secunda œcumenica est . 24.  
 Statuit pœnam his , qui ausi fuerint consecrare Templum absque Sacris Reliquiis . ibid.  
 Nomina Dulia , & Hiperdulia , licet non inveniantur in Scripturis , rectè adhibentur à Theologis . 42.  
 Nomina nova Patres adinvenierunt ad confutandas novas hæreses . 43. & seq.  
 Nomen mutarunt novi hæretici , quia Fidem mutarunt . 193.  
 Nundinationes ad Martyrum Sepulchra celebrari vetas S. Basilius . 144.

## O

- O** Bedire , quid stricte importet . 168.  
 Occultare Martyrum Corpora , frequens fuit primis temporibus , & quare . 73.  
 Operari bonum debemus in hac vita , & quare . 177.  
 Opusculum Pauli Segnerii contra incredulos , displicet modernis hæreticis . 147.  
 Orare , & odorare differunt inter se . 48.  
 Plura sunt , quæ adorantur , & non rogantur . ibidem .  
 Orabant antiquitus utriusque sexus Fideles in Cameteriis Martyrum . 99.  
 Hunc modum orandi , quare prohibuerint Illiberitani Patres . ibid.  
 Oratio aliter porrigitur Deo , aliter Sanctis . 52.  
 Origenes intermisit studiorum occupationem , ut videret Ecclesiam Romanam . 140.  
 Ornatus Templorum commendatur à Sacris Litteris . 15. & seq.

Or-

# INDEX

*Ornatus Templi S. Felicis Nolani describitur à S. Paulino . 99. & seq.*  
*Offa Joseph secum tulit Moyfes . 18.*

## P

**P**atres Chalcedonenses recurrunt ad Sanctum Flavianum . [51.](#)  
 Patres Aurelianenses statunt Rogationes ante Ascensum Domini . [52.](#)  
 Patres trium seculorum Christianorum non sunt contrarii nobis . [69.](#) & seq.  
 Patres, tempore persecutionis, multa omiserunt prudenter, quæ tempore Pacis à nobis sanctè sunt . *ibid.*  
 Patres, aliqua Fidei nostræ Dogmata reticuerunt Ethnicis, & quare . [86.](#)  
 Patres in Lymbo, quamvis non essent in tenebris Gratia, & Charitatis, erant tamen in tenebris Gloria . [129.](#)  
 Absque speciali lumine non poterant cognoscere quid in Mundo ageretur . *ibid.*  
 Particula Si non est semper indicium animi dubitantis . [186.](#)  
 Paula Romana loca Dominica Passionis, & duodecim Prophetarum Sepulchra visitavit . [127.](#)  
 Peregrinandi multiplex modus describitur . [137.](#)  
 Peregrinationes ad Loca Sacra, tam in veteri, quam in nova Lege commendantur . [137.](#) & seq.  
 Peregrinatio Elcana, & Anna ad Templum . *ibid.*  
 Peregrinantibus ad Loca Sancta, Christus Dominus exemplum præbuit . [138.](#)  
 Peregrinatio ad Hierusalem, collaudatur à Hieronymo, & Rufino . [139.](#)  
 Aliorum Patrum sententia de Sacris Peregrinationibus, referuntur . [140.](#)  
 Peregrinantium numerus ad S. Hippoliti Templum recensetur ex Prudentio . [141.](#)  
 Peregrinatio, ut proficiat, quomodo assumenda . [144.](#)  
 Multa bona sequuntur ex Sacris Peregrinationibus . [147.](#)  
 Phæse non immolabatur in qualibet Urbe . [136.](#) & seq.

Pro-

## R E R U M

*Propheta*, quare tam ardentem desideraverint adventum  
*Redemptoris*. [178.](#)  
*Pseudo-Monachi* circuibant tempore *Augustini* cum falsis  
*Reliquiis*. [115.](#)

## Q

**Q**uadragesima *Martyrum Reliquia* tempore *Pulcheria*  
*Augusta* inventa. [77.](#)  
*Quaestio*, an *Sancti* cognoscant preces nostras, difficilis *visa*  
*fuit Augustino*. [157.](#)  
*Non fuit tamen dubius Augustinus de substantia, sed de*  
*modo cognitionis*. *ibid.*  
*Quaestiones multa non profunt*. [120.](#)

## R

**R**eliquiarum Cultum approbat *Ruffinus Aquilejensis*.  
[23.](#)  
*Reliquia Martyris Babila* mutum reddunt *Apollinem*.  
*Daphnaum*. [77.](#)  
*Reliquia S. Simeonis*, loco muri, & muniminis fuerunt Ci-  
*uitati Antiocbena*. [78.](#)  
*Reliquia S. Euphemie* projiciuntur in *Mare sub Coprony-*  
*mo*, & mirabiliter ad suum locum revertuntur. [79.](#)  
*Reliquias Sanctorum non orant Catholicis*. [105.](#)  
*Reliquiarum Sanctarum mercimonium detestabile*. [109.](#)  
 & seq.  
*Quando reddatur licitum offerre pretium pro Sacris Re-*  
*liquiis*. [110.](#)  
*Respublica qualibet bene ordinata, decernit pramia pro bo-*  
*nis, penas vero pro malis hominibus*. [12.](#)  
*Reverentia servanda est Patribus nostris*. [86.](#)  
*Rex Josias ad Sepulchrum colligitur; ne videret mala, qua*  
*inducturus erat Dominus*. [151.](#)  
*Ex hoc facto non inferitur, Sanctos non audire preces no-*  
*stras*. [180.](#)  
*Roma collaudatur à Joanne Chrysostomo propter Corpora*  
*SS. Pe-*

# INDEX

*SS. Petri, & Pauli, quæ possides. 19.*  
*Romanarum Mulierum pietas in alendis pauperibus, sepe-*  
*liendisque Martyrum Cadaveribus. 73.*

## S

**S**acerdotes solius Dei sunt, non Sanctorum. 104. & seq.  
 Sacerdotes varios, juxta pluralitatem Deorum, quos  
 colebant, Ethnici habuere. *ibid.*  
 Sacramenta, sanctè sunt administranda. 110.  
 Sacram Scripturam, quomodo recipiant hæretici. 2.  
 Sacrarum Scripturarum Canon ab Ecclesia Catholica reci-  
 piendus. 9.  
 Iste Canon non recipitur integer à Luthero-calvinistis. 2.  
 Sacrarum Scripturarum Canonem, adjectionibus, & detra-  
 ctionibus ad dispositionem Instituti sui commaculant  
 Novatores. *ibid.*  
 Sacrarum Scripturarum intelligentiam, Catholica Ecclesia  
 possidet. 7.  
 Sacrarum Scripturarum testimonium, Satanas aliquando as-  
 sumit. 189.  
 Transfigurat se in Angelum lucis. *ibid.*  
 Sicut Diabolo non est credendum, sic nec hæreticis. *ibid.*  
 Sacrarum Scripturarum, quare testimonium assumunt hæ-  
 retici. *ibid.*  
 Sacrarum Scripturarum possessio penes illos non est. 190.  
 Sacrarum Scripturarum Veritas, est ubi invenitur Veritas  
 Fidei, & Disciplinæ. *ibid.*  
 Sacre Scripturæ textus Lutherus adulteravit. 125.  
 Sacrificium soli Deo redditur. 57. & seq.  
 Sacrificium nonnulli putabant ebrietatem esse, quos jureme-  
 ritò redarguit S. Ambrosius. 90.  
 Sacrificia non erant Martyribus oblata, quæ deferebantur  
 à Fidelibus ad Martyrum Sepulchra. 91.  
 Nunquam in Sacrificio dicitur, offero tibi Sacrificium  
 Petre, vel Paule, vel Cypriane. 95.  
 Salmanticenses Carmelita. 119.  
 Samuel ducitur à Parentibus ad Domum Domini in Silo.  
 127. S. Sa-

# R E R U M

*S. Samuelis ossa à Palestina in Traciam solemniter transferuntur ab Arcadio Imperatore . 22.*

*Sanctis porrigimus Orationes , non ut per eos Deus , nostras petitiones cognoscat , sed ut eorum precibus , & meritis Orationes nostræ fortiantur effectum . 52.*

*Sancti orant in Cælis pro nobis . 51. & seq.*

*Cognoscunt petitiones nostras . 187. & seq.*

*Audiunt nos orantes . 154. & seq.*

*Sancti non cognoscunt quid agatur in Terris ex vi cognitionis humanæ , sed ex irradiatione luminis Divini . 179.*

*Sanctos non ut Dominos , sed ut Servos Domini veneramus . 41.*

*Scribere Christianiùs qui dicuntur . 40.*

*Scripta Patrum trium seculorum indicant licitum Cultum Sanctarum Reliquiarum . 84.*

*Sententia Cypriani terribilis contra modernos hæreticos . 194.*

*Signa honoris Sacri , non ad placitum secularium hominum instituenda . 100.*

*Signa Cultus aliquando communia Deo , & Sanctis . 102.*

*Signa communia determinationem accipiunt ex persona cui redduntur . ibid.*

*Smirnenfis Ecclesia quanti aestimavit ossa Polycarpi . 19.*

*Spei Theologicae objectum , ex Sancto Thoma proponitur . 105. & seq.*

*Spes non fertur primariò in Sanctos . 106.*

*Sponsa Christi , est Catholica Ecclesia . 191.*

*Sponsæ Judicio debet stare Filius , qui vult dici Catholicus . ibid.*

*Status Beatitudinis est exclusivus cujuscumque mali . 181.*

*Supersticio detestabilis fuit quorundam , ut super Tumulos Defunctorum Cibos , & Vina conferrent , quasi egressæ de Corporibus Animæ , Cibos requirerent . 91.*

*Synodus Cabillonensis non reprobat Sacras Peregrinationes . 142. & seq.*

# INDEX

## T

- T**emplum Dei per hæreticos violatur . [14.](#)  
 Templum Salomonis adificatum fuit in copia multa  
 auri , & argenti . [51.](#)  
 Plura Talenta auri præparavit David pro structura ejus-  
 dem Templi . *ibid.*  
 Machabei primum , quod excogitarunt , concessa Pace ,  
 fuit mundare Sancta , & renovare , & ornare faciem  
 Templi . *ibid.*  
 Dominus approbavit factum David , Salomonis , & Ma-  
 chabeorum . [56.](#)  
 Tempia expoliando Novatores , non dotarunt Virgines , aut  
 alia majoris momenti Opera fecerunt . *ibid.*  
 Tempia multa destructa per modernos hæreticos . *ibid.*  
 Templorum multiplicitas valde utilis . [57.](#)  
 In Templis nostris , quid peragatur ostenditur . *ibid.*  
 In Templis nostris , si devotio non splendeat , ut abusus  
 reprehenditur . *ibid.*  
 Non deficiunt Sacerdotes zelantes decorem Domus Dei .  
*ibidem.*  
 Per adificationem Templorum reparatur honor Dei , qui  
 fuit sublati ab hæreticis per destructionem . *ibid.*  
 Tempia soli Deo eriguntur ex Augustino . [103.](#) & seq.  
 Tempia , quamvis sub titulo alicujus Sancti sint , solius Dei  
 tamen esse dicuntur . *ibid.*  
 Tertulliani consilium amplectendum est in confutatione hæ-  
 reticorum nostrorum temporum . [2.](#)  
 Tertullianus revocat hæreticos ad Autoritatem Ecclesiæ Ro-  
 mane . [9.](#)  
 Quid dixerit , & quid docuerit , statuit esse credendum .  
*ibid.*  
 Tertulliani sententia perstringuntur hæretici moderni . [170.](#)  
 Quales Testes sua Resurrectionis Christus adhibuerit .  
[176.](#)  
 Testes Dominica Resurrectionis spectra non erant . *ibid.*  
 Thomas Valdensis Theologus præstantissimus . [48.](#)

Tobia



## R E R U M

*Tobia opera bona, innotuerunt Angelo Rafaceli. 169.*  
*Traditiones Divina immerito rejiciuntur ab hæreticis no-*  
*strorum temporum. 7.*  
*Tridentina Synodi decretis standum est in approbatione*  
*Reliquiarum. 121.*

## V

**V** *Estis Deipara à Palestina Constantinopolim transfer-*  
*tur. 79.*  
*Vestis ovium quæ sit. 188.*  
*Vigilantius fuit hæreticus, quamvis ignoraret Augusti-*  
*nus. 129.*  
*Vigilantius, quare non fuerit relatus inter hæreticos ab Au-*  
*gustino in libro ad Quodvultdenum. ibid.*  
*Vigilantius propter litteras commendatitias Paulini huma-*  
*niter recipitur à Hieronymo. 121. & seq.*  
*Vigilantius quare Sanctus appellatur à Hieronymo in Epist.*  
*ad Paulinum. 122.*  
*Vigilantius nudus orabat. 133.*  
*Vigilantius nunquam fuit ejusdem sententia cum Hierony-*  
*mo. 135.*  
*Vigilantius hæresim melle Scripturarum temperavit. 190.*  
*Vincentius Lyrinensis quam graviter redarguat Fidem de-*  
*serentes. 196.*  
*Virgo Deipara. Vide Maria.*  
*Viventes licet peccatis coinquinati, possunt reconciliationis*  
*gratiam obtinere. 177.*  
*Umbra Petri sanabat Ægros. 28.*  
*Umbraclum Divinorum Eloquiorum non excusat hæreticos.*  
*189.*  
*Unitas Fidei necessaria est ad salutem. 193.*  
*Hec Unitas mirè explicatur à Cypriano. ibid.*  
*Urbs Venetiarum, erga Martyrum, & aliorum Sanctorum*  
*Reliquias devota. 110.*  
*Wenceslaus à S. Elia Carmelita Excalceatus Protestantibus*  
*viam salutis aeternæ demonstrat. 8.*  
*Wisleph bellum indixit Reliquiis Sanctorum. 47.*

E c 2

Ejus

## INDEX RERUM

*Ejus errores referuntur . ibidem .*  
*Wicleph fuit **Prodromus** Lutheri , & Calvini . ibidem .*  
*Concludendi Leges ignoravit . 48 .*  
*Dixit esse idem orare , & adorare . ibid .*  
*Ut hypocrisim damnavit ornare Sepulchra Sanctorum .*  
*47 .*  
*Ex Oratione Dominica , in qua nulla fit mentio Sancto-  
rum , malè infert nullum Cultum Sanctis exhibendum  
esse . ibidem .*

## Z

***Z**elus haeticorum describitur . 55 .*  
*Zelus **Jude** proditoris , qualis fuerit . ibidem .*

## FINIS

## ERRATA.

## CORRIGE.

Pag. 9. lin. 15.	<i>Videamus</i>	<i>Videamus</i>
27. 1.	ejecisse	ejecisse
28. 3.	nanque	namque
30. 18.	flstula	fistula
33. 2.	fidem	fide
35. 6.	odere	odisse
	31. fibriam	fibriam
36. 19.	fuit	fuerit
	26. insultius	insultus
37. 33.	illis	illo
38. 4.	abundas	abundans
48. 24.	habetes	hebetes
	24. & dijudicemus	ut dijudicemus
50. 26.	dignam	digna
51. 9.	Origines	Origenes
53. 15.	sermonem	sermone
	31. at non	an non
55. 13.	Isariotas	Isariotes
57. 10.	committant	committant
62. 31.	Mysem	Moysem
69. 19.	publica	publica
79. 26.	Bixantium	Byzantium
92. 3.	reecenitris	recenitris
104. 23.	nostras	nostræ
116. 27.	docentem	docente
127. 31.	hæreseos	hæreses
145. 25.	extendere	ostendere
184. 12.	destruiffe	destruxisse
195. 14.	tantam	tantum

## IN INDICE

litt. B. *in ordinem*  
 litt. E. *qui ad cordis*

*in ordine*  
*si ad cordis*

Hæc sunt, quæ, prætermisissis virgulis, colis, aliisque similibus, in quibus frequentius lapsus esse solet, emendanda signavimus: cætera pro tua benignitate emenda.

87

